

სერბი მაკალათია



თუშეთი



„ნაკადული“  
თბილისი, 1983



26.8(21)  
91(867-922)  
გ 181

პროფესორმა სერგი მაკალათიამ შეოცე ხაუკუნის ოცდაათიან წლებში შეკრიბა, აღწერა და შემდეგ შეკითხვებს სატოვანი ენით მოუთხროთ თუშ-ფშავ-სევეზურეთის, ხევის, შაი-ულეთის, რაჭის, შესხეთ-ჯავახეთის, ხაშვერულის ისტორიულ-ეთნოგრაფიული ყოფა.

სერგი მაკალათიას წიგნები დღეს ბიბლიოგრაფიული იმედიანობა და ასაღვასრდა შეკითხვებისთვის სელმთუწვ-დომელა. ასაღვასრდობის კი ბანტერეხებს ძველიცა და ახალიც. ახალს თეთის კმნის, ხოლო ძველი ახ ხასირკვე-ლა, რომელზედაც ახალი შენდება. ძველი ყოფა, ძველი აღათა, ძველი წეხი შეიძლება დღეს მაუღებელი იფის, მაგრამ მათი ცოდნა აუცილებელია. აუცილებელია, კაცოდეთ, ვინ იყვნენ წეხი მამა-პაპანი, როგორ ცხოვრობდნენ ისინი, რა უჭარდათ, რა უღსინდათ, რაზე ოცნებობდნენ, შევასსიოთ თუ არა ფრთება მათ ოცნებას.

ვარდა შემეცნებათა დარებულუბა, სერგი მაკალათის წიგნებს სხვა დარებუბაცა აქვთ. ისინი შეკითხვებს ხიამოვ-სებას შეკრიბან და შრომის ხიეყარულს უნერგავენ.

„თუშეთი“ ერთ-ერთი წიგნია სერგი მაკალათიას მდიდარი შეცხიერული შემეყიდრობიდან.

8288817

სსკგ-2000  
შეოცე უფროა  
1983  
70603-43

რელაქტორი თბლტ უთურგაიბმ

მეორე გამოცემა

M 128-83  
11-603 (08) 83

ქ. მბრძსინს სახ. საბ.  
სსრ სახელმწიფო  
ბისაუბალიკურე  
ბიბლიოტეკა

რედაქტორის სპეციალური

მოხელთა, კერძოდ, თუშთა წარსული ცხოვრება დღესაც ზოგჯერ ეგზოტიკურ ბურუსში წარმოგვიდგება: ფიჭვნარითა და არყის ხეებით დაფარული ფერდობები, თოვლით მოჩითული ალპური საძოვრები, ზედ შეფენილი ცხვრის ფარებით და ხალამურიანი ბედნიერი მწყემსებით; მრქვეფარე ნაკადულები, წყაროები, უფრო ქვევით აღბორცებული სევდები; ჯანდებში მაკარგული ბილიკები და ხადაც შორს, ცის ტატობზე, მოქანავე კომპები, რომელთა გვერდით ათიოდ სახლთა შეჯგუფებული ფრანველთ გუნდით; სოფლის თავს ქვის ყორის ხავსიანი ხალოცავი ირშებებსა და ჯიხვების რქებით. მლოცავიც აქვეა ღომფერ ვაგებს, რომელთა მუხლი ცხენზე შეკდომისხასაც კი არ იღუნებს, თავება დაუნრიათ და ჩოქი მოუყრათ ხატის წინაშე. ირშის დაბარჯული რქები ცისკენაა აწვდილი ყვდრებად; ჯახვის შავი, მხხვილი, დაგრესილი რქები მიწას ჩახცქვიან ხვეწნად მლოცავისა... თავს ზევით დამბადებელი ღმერთთა მხოლოდ, დაბლა მზრდელთა მიწაა მხოლოდ, ვინაც ღირსი არიან ჩოქით ხვეწნა-ვედრებისა...

ღმერთო, უშველე ქუდოსან-მანდილოსანსა: დიაცხა, კაცხა, ყმაწვილსა! შენ უშველე ხმაღამეხა (მეომარს), ჯოხამეხა (მეცხვარეს), გუთნის მიმყოლსა, შენ გაუმარჯვე მტერზედა და ბარაქა მიეცის."

თუ ასეღოს მივალთ მლოცავთან, დაგვხუდებთან მოხელეება, ამ მოებთივით ამაყნი და წყარობებით ღაღნი.

ეს ლოცვა და ხურვილი, მაგრამ ხინამეილე? ხინამეილეში მოელი ცხოვრება ხირცხვილითა და ხიყვილით ჳიდილია — ან ერთი, ან მეორე! მტერი მოადგა ციხეს, ერთი ახ მომხდურს ებრძვის (ახი გადაჭარბება არ გასლავი, ისტორიულად დადასტურებული ფაქტებია), ციხე სადაცაა დევცემა, კაცები დაიხოცვიან, დიაც-ყმაწვილს მტერი გარეკავს. ერთი ვალს მოიხდის — ციხის კარს დაეცემა დაკრალ-დაკუნული, მეორეს ტყვეობაში ეღის ხირცხვილი, აბურად აგდება: მტრის ენებისა და ნების განუსჯელი მორჩილება...

ქალება ცოცხლად დარჩენილ ერთადერთ შამაკაცს მიხცვიდნენ: — დაგვხოცე, მტრის ხელად ნუ ნაკვერს!

ციხეში შემოუარდნალი მტერი კლავს ამ ბოლო მეომარსაც, რომელიც



ხმლებით აკუწული ან ტყვიებით დაცხრილული დახოცალი ქალები, უფრო  
 დათ ვეცმა. ასეთი ამბავი ორჯერ გახმაურდა თუშეთიდან: პირიქით ხო-  
 ფელში - პელოში ზურაბმა დახოცა ცოლ-შვილი, მერმე მტერს გაუსტა  
 ხმადახმაღ, თორმეტი მოკლა და თავადაც აკუწეს ბოლოს (ეს ამბავი  
 დაედო საფუძვლად ვაგას „ბაკრს“), 1837 წელს კი სოფელ დიკლოში სთი-  
 ხამ დახოცა და, დედა და ცოლი მათი კატეგორიული მოთხოვნით. სთი-  
 ხააც ზედ დააკლეს საკუთარი ხელით დახოცოილ ქალებს.

სხვაც ბევრი იყო კარს მომდგარი ჰირა: მეცხვარეს ნადირიც ემტე-  
 რება და თუშეთს ხადაკლად გადმოსულა დუშმანაც; უგზოობამ და ზგა-  
 ვებმაც ბევრი შეიწირა; ავაჯობანაც ხელს ვერვინ უბრუნებს და სხვ. და სხვ.  
 დაღ ჯაფას ეწვეა თუში მშვიდობიან ცხოვრებამაც. სტუმარსაც დას-  
 ვედრა უნდა, სოფელ-მეზობელსაც, ხატსაც - თავისი სამსახურა.

თუშთა საქმიანობა ძირითადად მეცხოველეობა და მიწათმოქმედება.  
 შრომა ღამის პირველყოფილ სახეს ატარებს: ხან კაცით ხნავს, ხელით  
 თამავს და ხელათა მკობს; მეცხვარეს მთელი თავის საგზალი ხმარად ზურ-  
 ვით მიაქვს და დღედაღამ ხიცხვსა თუ ავადრში გარეთ უხდება ყოფნა...

ეს წიგნი - ხ. მაკალათიას „თუშეთი“ - სწორედ ამანვე მოგვი-  
 თხრობს ხადაღ და ვახაგებდა, მაგრამ მეცნიერული ხიმკაცრით. დაკვარ-  
 ვებულა მკითხველა ხაკმოღ სრულ წარმოადგენას მიიღებს თუშეთის ღა-  
 მას ზურებაზე, მის ხიმჯიდრეზე, თუშების ხახიათზე, მათს ცხოვრებაზე ძვე-  
 ლად და სოციალისტური გარდაქმნებას პირველ ეტაპზე.

ხ. მაკალათიას მიერ 1931 წლის ზაფხულში მოპოვებული მახი-  
 ლა ხავერადლებთა როგორც ისტორიულ-ეთნოგრაფიული, ისე ღინჯის-  
 ტური თვალახარისით. ამ დროახათვის თუშების ნაწილი (ჩაღმის ხეობის  
 მცხოვრებნი) ჯერ კადევ არ ჩამოსახლებულა ბარად. მათ კარჯად შემო-  
 უნახავთ. თუშთა ძველი ყოფისათვის დამახახათებელი ჩვევები; ნაწილი  
 თუშებისა (პირიქითისა და გომეწრის მცხოვრებნი) მომთაბარე ცხოვრების  
 ეწვეა და გარკვეულად ჩაბმულა ახალ - სოციალისტურ ცხოვრებაში; თუ  
 ზოგან მანის ინდუიადულურა ხარკებლობა ჯერ კადევ ძალაშია, ზოგან  
 უკვე ყლიბდება ხასოფელ-ხამეურნეო არტკლები (ზემო აღუანხა და ქვე-  
 მო აღუანხა 1931 წელს ჩამოყალიბებულა 4 არტკლა, ის. გვ. 65 და შემ-  
 დგ) და, შესაბამისად ახალი ყოფისა, თუშების ცხოვრებაც ძირულ გარ-  
 დაქმნას განიცდის. ამ გარდამავალ პერიოდში ძველი და ახალი მკაფიოდ  
 არის წარმოჩენილი თუშთა ცხოვრებაში.

ხ. მაკალათია, უშუალო მოწმე ამ ცვლილებებისა, დეტალურად  
 აგვიწერს ამ დროის თუშეთში მიმდინარე სოციალურ ძვრებს.

აქ უთუოდ უნდა აღინიშნოს ისიც, რომ აქტორი არ არის მოყლენათა  
 პასიური მკვრეტელი. აგი თეთონაც აქტიურად ებმება ახლისათვის ბრძო-  
 ლაში: მიუთითებს თუშთა ცხოვრების შემადგერსებულ ფაქტორებზე და მო-  
 ითხოვს მათ დაუყოვნებლად გამოსწორებას (უგზოობა, მოსახლეობის ცუ-  
 დი ხამედაცინო მომსახურება, ცრუმორწმუნეთობის წინააღმდეგ ბრძო-

ლის აუცილებლობა, მეცხოველეობაში შეცნაურული ჩარევის აუცილებლობა და სხვ.).

ს. მაკალათიას „თუშეთის“ გამოხვლის შემდეგ თუშეთის ეთნოგრაფიას, ისტორიას, არქეოლოგიას, გეოგრაფიასა და ადგილობრივ მეტყველებას მრავალი მკვლევარი სწავლობდა: ვ. ბოჭორიძე, ვ. ზარდალიშვილი, ვ. ელანიძე, ვ. ლავანიძე, ა. შახველაშვილი, მ. ხუციშვილი, ვ. ჯაჩიაძე, მ. მაკალათია, ვ. გასიაშვილი, ლ. ბედიანიძე, ც. ბეზარაშვილი, ე. შოროდინი, ე. ხოსელია, ნ. ჯიქია, ნ. დოლობერიძე, ც. ყარაუღაშვილი, რ. დოლობერიძე, პ. ხუბუტია, თ. ორიაური, ვ. ცოცანიძე, თ. უფურგალიძე და სხვ.

ამათგან განსაკუთრებით აღსანიშნავია ვ. ბოჭორიძის მიერ 1935 წლის ზოგადი წიგნით ჩატარებული მუშაობა. ვ. ბოჭორიძე თუშეთის სწავლობას აკადემიურ ჯაფახიშვილის მიერ შედგენილი პროგრამით, რომელიც მოიცავს ყველა იმ საკითხს, რომლებიც განხილულია ს. მაკალათიას „თუშეთში“. ამჟამად ეს მახალები ქვეყნდება.

ეს ჩამოთვლილი ავტორების გამოკვლევებში ს. მაკალათიას დებულებები, ბუნებრივია, უფრო შეივსო მახალებით და დაზუსტდა, ზოგიც გასწორდა, მაგრამ არსებითი ის არის, რომ ს. მაკალათიას მიერ კეთილხინდისიერად და საქმის ცოდნით შეტარებულ ნაშრომს არ დაუკარგავს თავისი ღირებულება და რჩება ერთ-ერთი საყურადღებო ნაშრომად ქართველმცოდნეობაში.

ავტორის ტექსტში სწორება სდგისა და ხელტერატურით ქართულის დეკანდელ ნორმათა შესაბამისად; უფრო აქტიური იყო ჩარევა, როცა საქმე ეხებოდა შიქსმელთა ტექსტში თუშური კილოს ფორმების სწორ დაწერალობას და თუშთა ეოფის ამხასველი ტერმინების ზუსტად გამოცხადებას; განსაკუთრებით ყურადღებას ვაქცევდით გეოგრაფიული სახელებისა და ეთნონიმების სწორად წარმოდგენასა და თავის ადგილზე ხმარებას, სპეციალურად შევეხებოდით ზოგიერთ მათგანს.

1) გასწორდა წიგნში ნახშირი შიქროტოპონიში მთათუშეთი. მის ნაცვლად ყველგან წარმოდგენილია თუშეთი, რადგან თუშები თავისა უძველესი საცხოვრისი აღსანიშნავად მხოლოდ თუშეთს ხმარობენ. ეს მხარე თუშეთად (და არა მთათუშეთად) იხსენიება ადრეულ გამოკვლევებშიც (ვახუშტი ბატონიშვილი, ი. გიულდენშტედტი).

ტოპონიმი მთათუშეთა შეიქმნა გვიან არათუშთაიდან იმასთან დაკავშირებით, რომ თუშები ბარშიც (კახეთში) სახლობდნენ და თუშეთშიც მაგრამ ეს ვერ ამართლებს ამ ახალ სახელს, რადგან თუშებისათვის თუშეთი და კახეთი იხვეწი დარჩა გეოგრაფიულად განსხვავებულ სახელებად, როგორც იყო თუშების ბარად ჩამოსახლებაშიც. ნიშნულია ის ფაქტიც, რომ თუშეთიდან აღყნში მიმავალი თუშები დღემდე ასე ამბობენ: კახეთა წაჯალ — კახეთში მივდივართ.

2) კომპოსიტა ქიხტ-ჩანჩა ყველგან შეიცვალა ჩანჩ-ინგუშები; ცალკე წასმარი ქიხტა კი უცვლელად დავტოვეთ, ასეთი შედგომა გან-



ბირობა შემდეგმა გვრემოებამ: თუმურ პოეზიაში, თქმულეებსა და ცხელ-  
 ცემებში ჩაჩანთა და ინგუშთა აღხანიშნავად ისმარება ქისტები, <sup>საქართველოში</sup>  
 სონამება ჩაჩანა და ინგუში არ ასმარება. ცალკე ნახმარა ქისტთ, მა-  
 მახადამე, ნაშინეს ჩრდილო ნახურ ტომთა წარმომადგენელს - როგორც  
 ჩაჩანს, ისე ინგუშს (შედარებით გვიან პანკისის ხეობის ნახური მოხალე-  
 თობის წარმომადგენელსაც. ესენი აქ ჩამოსახლდნენ შამილის დროს. პანკი-  
 სის ხეობა კახეთშია).

ისტორიულად ეთნონიმ ქისტს, შესაბამისად, ვეოგრაფიულ ხა-  
 ხელს - ქისტეთს, შესაძლოა, უფრო კონკრეტული მნიშვნელობა  
 პქონდა (ამიხათვის იხილეთ, მაგალითად, ვახუშტი ბატონიშვილი, აღწერა  
 ხაშუფოსა ხაქართველოსა, გვ. 67 და სხვ.), მაგრამ ამ შემთხვევაში ჩვენ  
 ამოუდივართ იმ მოქმელთა გაცემიდან, რომელთაგანაც მოიკვებულა  
 ხ. შაკალაიას „თუშეთში“ წარმოადგენილი ისტორიულ-ეთნოგრა-  
 ფიული ხასიათის მახლა.

წიგნის მეორე გამოცემის დიდად შეუწყვეს ხელი ხაქ. სსრ მეცნიერე-  
 ბთა აკადემიის სიმონ ჯანაშიას ხასელობის ხაქართველოს ხასელმწიფო  
 მუზეუმის თანამშრომლებმა. რელიგიის ისტორიაზე და ათეიზმის განყო-  
 ფილების გამგემ მირიან ხუციშვილმა, რომელმაც მოიკმნა ხ. შაკალაიას  
 ექსპედიციის ძველი ფოტოკარები და დაუმატა ხაჭირო ილუსტრაციები  
 ხაკუთარი ფონდიდან, და ეთნოგრაფიის განყოფილებას გამგემ გოგი ჯა-  
 ლაბაიკმ, რომელმაც ხაჭირო ნივთები შეარჩია ფერადი ხლიალების დახა-  
 მზადებლად. ყოველივე ამიხათვის გამომცემლობა მათ დიდ მადლობას მო-  
 ახსენებს.

ფილოლოგიურ მეცნიერებათა დოქტორი,  
 პროფესორი

თეოდო უთურბაძემ

## წონასიტყვაობა

თუშეთის ლაშაზი ქვაბნარი მოქცეულია კავკასიონის ჩრდილოეთის მხარეზე, ხადაც მოშხუის ორტოტა შმაგი ალაზანი. მისი წოწოლა და დახრამული მაღალი მთები შემოხილია წიწვიანი ტყით და ალპიური მდელოებით. თუშეთის ბუნების ხიმშვენიერეს ჯერ არ შეხებია მხატვრის პალიტრა, მგონის ჩანგი და კალამი, რომ მის ბუნების მთელი ესთეტიურობა ადამიანმა მძაფრად განიცადოს.

თუშეთი არც დიდ შარაგზაზეა გაწოლილი, რომ მოგზაურთა ლეგიონი ამ ბუნების წიაღში ხეენებას მიეცეს და მის ხიმშვენიერით დატკბეს.

ალპიური იალაღებით მდიდარი თუშეთი მეცხეარეობის მთავარ ბაზას წარმოადგენს და ეს მხარეც ჩვენში ცნობილია თავისი თუშური ყველით. ამ მხრივ თუშეთს მნიშვნელოვანი ადგილი უჭირავს საქართველოს ეკონომიკაში და ამიტომ საჭიროა ამ კუთხეს საბჭოთა საზოგადოება სათანადოდ იცნობდეს, რომ შესაძლებელი იყოს ადგილზე გეგმიანი მშენებლობის წარმოება.

ამ მიზნით საქართველოს გეოგრაფიული საზოგადოების მთახელურმა განყოფილებამ 1931 წ. ზაფხულში მოაწყო და თუშეთში გაგზავნა ექსპედიცია, რომელმაც ადგილზე ორი თვე დაყო და თავისი სამუშაო გეგმაც შეახრულა. მასალა დამუშავდა ამ წიგნის სახით და მკითხველ საზოგადოებას საშუალება ეძლევა ზოგადად გაეცნოს თუშების ყოფა-ცხოვრებას.

დასასრულ, ამ მუშაობაში ხელის შეწყობისა და ცნობების მოწოდებისათვის საზოგადოების სახელით მადლობას მოვასხენებ თუშეთის მცხოვრებლებს: მაკატო ბილოძეს, საბედო და თინა ხისვაურებს, სონა ნაკუდაძეს, სოფო



და თინა იჭირა უღებს (სოფ. თმალო), ლაზარე მახინჯს  
 ძე იმედაძეს (შენაქო), თისო პელადიშვილს და  
 ხიდო მაქოს ასულ მოზაიძეს (დიკლო), ვით ელა-  
 ნიძეს (ჩილო), სიმონ ბასხაჯაურს (დართლო), ლა-  
 ზარე მათეს ძე ელიზბარიძეს (ჯვარბოსელი), სა-  
 ბა დვთისოს ძე ითიურიძეს, ლეო იოსების ძე  
 ყიზილაშვილს და დავით ციხკარაშვილს (ზემო-  
 აღვანი).

მახალეების მოწოდებისათვის აგრეთვე მადლობას მოვასხენებ  
 ტექნიკოს მოსე აზიკურს, შენაქოს მახწავლეებულს ელე-  
 ნე მაყაშვილს და სამხ. აკადემიის სტუდენტს ილია ხვი-  
 მონის ძე მაქელაშვილს (მაქელაძეს).

თუშეთის შესწავლის საქმეში უნდა აღინიშნოს გეოგრ. საზ.  
 მთახვლური განყ. თავმჯდომარის, აწ განხვეწებულ ამხ. შოთა  
 მაქელაძის განსაკუთრებული დეწლი, რომელსაც დიდი ამა-  
 გი მიუძღვის თუშეთის ექსპედიციის მოწყობაში და ამ შრომის და-  
 ბეჭდვის საქმეში.

ხმრბო მაკალაშოა  
 1934 წელი



## გეოგრაფიული მდებარეობა

თუშები მომთაბარე ხალხია და მათი მოსახლეობაც მოძრავია. ზაფხულში თუშები მთაში ბინადრობენ, ზამთარში კი ბარში ჩამოდებიან და ცხოვრობენ კახეთში ალონის ანუ ალვანის ველზე, სადაც გაშენებულია მათი ორი დიდი სოფელი — ქვემო და ზემო ალვანი. ამიტომ, თავისი გეოგრაფიული მდებარეობით, თუშთა საცხოვრისი ორად არის გაწყვეტილი: თუშეთი და ალვანი. მაგრამ თუშური მოსახლეობის ისტორიულ-გეოგრაფიულ ტერიტორიად დღესაც ითვლება თუშეთი, სადაც მათი ძველი სოფლებია გაშენებული.

თუშეთი მდებარეობს კავკასიონის მთავარი ქედის გადაღმა, მის ჩრდილოეთის კალთაზე: ჩრდილოეთის განედის  $42^{\circ}32'$ — $42^{\circ}22'$  და აღმოსავლეთის გრძედის  $63^{\circ}17'$ — $63^{\circ}2'$  შუა; მას უჭირავს დაახლოებით 796 კვად. კილომეტრი სიბრტყე და თავისი ფორმით წარმოადგენს უსწორო ზუთკუთხედ ქვაბნარს, რომლის სამხრეთ-აღმოსავლეთის ღერძის სიგრძე 40 კილომეტრამდეა, ვანი კი — 25 კილომეტრი.

აღმოსავლეთით თუშეთს დაღესტანი საზღვრავს, დასავლეთით — ფშავ-ხევსურეთი, ჩრდილოეთით — ჩაჩნეთ-ინგუშეთი და სამხრეთით — კახეთი. თუშეთი შემოზღუდულია წყალგამყოფი მაღალი ქედებით, რომელთა სიმაღლე 3000—4500 მეტრამდე აღწევს. მათ შორის თავისი ბუმბერაზობით შესანიშნავია ჩრდილოეთის ქედი, სადაც აღმართულია მაღალი მწვერვალები: თებულოს მთა (4507 მ), ქერიგო (3272 მ), ქაჩუ (3493 მ) და კვავლო (3988 მ). ეს მწვერვალები ქმნიან თუშეთის ალპს, რომელიც მას ჩაჩნეთ-ინგუშეთისაგან ყოფს. შიგ თუშეთი ხევებითაა დაღარული. მათ შორის არის პირიქითა ქედი, რომელიც ამუგოსა და ორივე ალაზნის სათა-



ვიდან სამხრეთ-აღმოსავლეთის მიმართულებით მიემართება და მთის  
 შეთს ორად ყოფს: ჩრდილოეთის მხარეზე პირიქითა ხეობა და სამ-  
 ხრეთით ვომეწრის ხეობა. ამ პირიქითის ქედზე არსებობს სამი სა-  
 ცალფეხო გადასავალი ბილიკი: ლაროენის 3296 მ (ლაროე-  
 ნის ხევიდან — ალაზნის სათავეში), ნაყაჩოსი 2941 მ (ფარსმი-  
 დან — წაროში) და ჩილოსი 2.416 მ (ჩილოდან — ომალოში)<sup>1</sup>.

ამ მთავორიანი ქვეყნის მთელი ზედაპირი ხევხუეებიტაა დახრა-  
 მული, სადაც მოშხუიან მაღალი მწვერვალებიდან ჩამონაქური ნა-  
 კადები და იწურებიან თუშეთის ორ მდინარეში: ვომეწრისა და  
 პირიქითის ალაზანში. ვომეწრის ალაზანი ბორბალოს მთიდან  
 (3.522 მ) გამოდის და ვომეწრის ალაზნის სახელით სწრაფად მიმ-  
 დინარეობს აღმოსავლეთის მიმართულებით. ვომეწრის ალაზანს  
 სოფ. გოვრულთასთან უერთდება ორწყალი, სოფ. ხახაბოსთან —  
 ალატოვან — წოკვის შენაერთი ნაკიდურის წყალი.

პირიქითი ალაზანი ამაგოს (3965 მ) მთიდან გამოდის. ნასოფლარ  
 ჰელოსთან მას უერთდება ლაროენის წყალი და ვომეწრის ალაზნის  
 პარალელურად მიექანება ჩრდილო-აღმოსავლეთის მიმართულებით.  
 გზაზე მას უერთდება თუშეთის ალბიდან ჩამონადენი წყლები: ჰაშა-  
 კის წყალი, კაყის წყალი, დანოს წყალი, კვავლოს წყალი და სხვა.

ორივე ალაზანი იყრება სოფ. ცოკალთოსა და შენაქოს მახლობ-  
 ლად. შეერთებული ალაზანი უკვე სცილდება თუშეთის საზღვარს  
 და დაღესტანში იჭრება. აქ ალაზანს ანდის ყოიუსს უწოდებენ და,  
 ავარიის ყოიუსსთან შეერთების შემდეგ, ის მდინარე სულაქის სა-  
 ხელით კასპიის ზღვაში ჩადის.

მთელი თუშეთი ამ ორი ალაზნის აუზშია მოქცეული და სამ  
 ხეობად იყოფა: პირიქით, ვომეწარი და ჩაღმა. გეოგრაფი ვ ა ხ უ შ-  
 ტი თუშეთს ასე აგვიწერს: „ხოლო თუშეთი არს ლოპოტი-  
 ხა, თორღისა და პანკისის აღმოსავლით, კავკასის მთის ჩრდილოთ  
 კერძოთა შინა, და არს ორ ქვეად და მდებარეობს ჩრდილო-დასავ-  
 ლეთის შუადად აღმოსავლეთს-სამხრეთს შორის, და უდის შორის  
 მდინარე თვისი, და მიერთვის სონა მდინარეს, რომელი განვლის  
 ჩაჩანს და მიერთვის ბორაღანს თერგის მდინარეს... ხოლო კავკასის

<sup>1</sup> Филипов, Тушинская котловина или Тушетия, Военный обзор  
 Тифлиск. Губ. и Закатальского округа, СПб. 1872 г., стр. 15—18.



დიკლოს ყინვარები

იქით არს წოვა, წოვას ქვეით გომეწარი და მას ქვეით ჩაღმა და... მზღერის ორსავ თუშეთს: აღმოსავლით კავკასი პავარსა, ჩაჩანსა და ამას შორისი; სამჯრით—კავკასი, ამასა და დიდოეთს შორისი; დასავლით—შთა კავკასი, ამასა და კახეთს შორისი; ჩრდილოთ კავკასი, ამასა და ღლიღვ-ქისტს შორის<sup>1</sup>.

თუშეთი მოქცეულია კავკასიონის ჩრდილოეთის მხარეზე. მისი სიმაღლე ზღვის დონიდან 2800—4500 მეტრამდე აღწევს. პავა აქ ცივია და ეკუთვნის ალპიური პავის ზოლს. თუშეთში მთელი წლის განმავლობაში ცივი აწინდებია (წლის საშუალო ტემპერატურა 5°-ია). ზამთარი სუსხიანია და თოვლიან-ყინვებიანი. იანვრის ტემპერატურა —12°-დან —18°-მდე აღწევს და მდინარე ალაზანიც იყინება. გაზაფხული გვიან ღგება, შემოდგომა—ადრე, ხშირად სექტემბერში თოვლი მოდის. ზაფხული გრილია (ივლისის ტემპერატურა 10°-დან 14°-მდეა), მოკლე და ნესტიანი. ატმოსფეროს დანალე-

<sup>1</sup> ვახუშტი, საქართველოს გეოგრაფია, ტფილისი, 1941 წ., გვ. 104.

ქის წლიური რაოდენობა აღწევს 1000 მილიმეტრს და უმთა  
თოვლის სახით მოდის.

მცენარეულობით მდიდარია თუშეთის ბუნება, რომელიც  
ლამაზ პეიზაჟებს. მთები შემოსილია სუბალპური ტყით, რომელიც  
ფიჭვნარი სქარბობს (*Pinus hamata* Stev), განსაკუთრებით  
ქით ალაზნის ხეობაში. ფიჭვს გარდა აქაურ ტყეში იზრდება:

(*Tilia caucasica* Rupr), შებუსვილა არყი (*Betula pubescens*  
ჭნავე (*Sorbus Boissieri* C. K. Sch.), ბოკვი (*Acer Tren  
Medw.*), მურყანი (*Alnus Tourn*), ვერხვი (*Populus tremula*)<sup>1</sup> და

ტყის ზემო სარტყელი შემოსილია სუბალპის მაღალი ბაღ  
იგი მდიდარია სათიბით და იძლევა კარგი ღირსების თევსა. მ  
პეების ზოლის ზემოთ გადაჭიმულია ალპური მდელო, რომელიც  
წარმოადგენს ფართო და ნოყიერ იალაღებს, სადაც ზაფხულ  
რიოდში თუშების ცხვრები იკვებებიან.

აქაურ ტყე-კლდეებში ბუდობენ ფ რ ი ნ ვ ე ლ ე ბ ი:  
შურთხი, არწივი, ბაყვი, ქორი, მიმინო, ყვავი, ყორანი, სო  
ვი), ჩხიკვი, ტყის ქათამი, გუგუტა, ოფოფა, შაშვი, ჭლართვი  
და შაშვია), ბულბული, მწყერი, ქერა ჩიტო (მოწითალო ფე  
ტოროლა, იელელა (ტანი ლეგა და ყელი თეთრი), დალდა, მ  
ხის კოდალა.

ნ ა დ ი რ ი: ჯიხვი, თხა, ვაცი, ირემი, დათვი, მგელი, ა  
მაჩვი, მელა, კვერნა (ტყის კატა), კურდღელი.

ქ ვ ე წ ა რ მ ა ვ ა ლ ნ ი: ყვარტი (ბაყაყია), შხამიანი გველ  
ტყორი (ხვლიკი), თაგვი, დეოფალა (ციყვის მსგავსია), ლი  
ნა (ლოკოკინა).

თ ე ვ ზ თ ა გ ა ნ აქ ო რ ი ე ვ ა ლ ა ზ ა ნ შ ი კ ა ლ მ ა ხ ი ბ უ დ ო ბ ს; მ  
დით და ჩანგლით (ანკესით) იჭერენ.

გ ე ო ლ ო გ ი უ რ ა დ თუშეთი ნაკლებად არის შესწავლი  
მისი ბუნებრივი სიმდიდრეც ჯერ გამოკვლეული არ არის.

<sup>1</sup> Г. Радде, Хевсурия и хевсуры, Тифлис, 1981. № 33. 268  
ა. ა. გროსპეიმი, დ. ი. სოსნოვსკი, ნ. ი. ტროიცი, საქართველოს მ  
ლობა, ტფილისი, 1928 წ., გვ. 115—116.


<sup>2</sup> Н. А. Буш, По горам и ущельям Хевсурии и Тушетии, СПб.  
Н. Диник, Путешествие по Пшавии и Тушетии (Зап. Кав. отд.  
кн. XV, Тиф., 1893 г., გვ. 113—132).

ამ რაიონს ახასიათებს პალეოზოოური ჯიშის ფიქალქების სიმრავლე<sup>1</sup>. მათ თუშები სააღმშენებლო მასალად ხმარობენ და აქაური შენობები მხოლოდ ამ ფიქალითაა დახურული. მინერალური წყლებითაც ღარიბია ეს კუთხე. დაბალი ღირსების მქავე წყლებია: ხისოში, ჩილოში და ფარსმასთან.

ვახუშტი თუშეთს ასე ახასიათებს: „არს ქვეყანა ესე ყოველითავე, ვითარცა აღესწერეთ ოსეთი, სიმაგრით, მოსავლით, პირუტყვით, ნაყოფიერებით და კელოვნებით. არამედ კახეთის თუშნი რჩაზვენ ცხოვართა სიმრავლესა, ვინათგან აქუთ ზაფხულს თესთა მათაა შინა საძოვარი და ზამთარს ჩამოვლენ გაღმა-მკარსა შინა, და ამით უმეტეს მორჩილებენ კახთა. ხოლო ფარსმანი უფროს მწირ არს, გარნა ამათ მიერ იგინიცა გამოიზღებიან კახეთით, რამეთუ მათ მოჰყავთ და ვაჭრობენ... და არიან ბრძოლასა შემმართებელნი, მკნენი, ძლიერნი მკედარნი წარმატებულნი და უსაქციელნი, ბრიყუნნი... სარწმუნოებითა და ენითა არიან ქართულთა... ხოლო რომელნი არიან მგარეთა ქისტთა და ღლიღვთა, უწყიან ენანი უფროს მათნი. ჯანა ფარსმანის კევისანი სარწმუნოებით და ენით შერეულნი არიან, ვითარცა ქისტნი“ (იხ. გეოგრაფია, გვ. 105).

ადმინისტრაციულად თუშეთის დღევანდელი მოსახლეობა სამ თემად იყოფა: პირიქითი, გომეწარი და ჩაღმა. პირიქითის თემი მოქცეულია პირიქით ალაზნის ხეობაში, გომეწარისა — გომეწარის ალაზნისაში, სოფ. ხისომდე. ჩაღმის თემი კი მოქცეულია ამ ორივე ალაზნის შეერთების აუზში. თუშეთის ადმინისტრაციულ ცენტრად სოფ. ომალო ითვლება. აქ მოთავსებულია თემსაბჭო, რომელიც მოსახლეობასთან ერთად ქვემო ალვანიდან ზაფხულობით აქ ამოდის და შემოდგომაზე ისევ ალვანში ბრუნდება. თუშეთის თემებს შორის ჩაღმის ხეობის მოსახლეობა (ომალო, შენაქო, დიკლო და ჩილო) მომთაბარეობას არ ეწევა და ზამთარ-ზაფხულ აქვე ცხოვრობს: გომეწარის თემის დიდი უმრავლესობა საზამთროდ ქვემო ალვანში ჩადის და იქ ბინადრობს. პირიქითი ხეობის თუშები კი ზამთ-

<sup>1</sup> О. Гаврилов и С. Симонович, Геологическое наблюдение в области речных долин Иори и Алазани (Мат. для Геол. Кавказа, серия II, кн. IX, Тиф., 1895 г., გვ. 15—22); პროფ. ალ. ჯავახიშვილი, საქართველოს გეოგრაფია, ტ. I, გეომორფოლოგია, ტფილისი, 1926 წ., გვ. 116.



ალაზნისთავის ფერდობები

რობით, ზემო ალვანში ცხოვრობენ. იქვე წოვა თუშები მოსახლეობენ. წოვები საზაფხულოდ თუშეთში (წოვათაში) უკვე არ გადადიან და ტბათანაში ბანაკდებიან.

1930/31 წლის სასოფლო-სამეურნეო აღწერით თუშეთში ირიცხება ორივე სქესის მცხოვრები:

- 1. თუშეთში — 2.388 სული
  - 2. ქვემო ალვანში — 1.465 სული
  - 3. ზემო ალვანში — 3.415 „
- სულ 7.268

უგზობის გამო თუშეთი ძნელი მისავალი ქვეყანაა. არსებობს რამდენიმე საცალფეხო მთის ბილიცი, მაგრამ ყველა ბილიცი გადადის კავკასიონის ქედებზე და ზამთრის პერიოდში გაუვალია.

თუშეთიდან სამხრეთისაკენ გადის რამდენიმე ბილიცი, რომლითაც ის უერთდება კახეთს და მთელ საქართველოს. მათ შორის მთავარია: დიდგვერდისა, კეპნისა და ალაზნისათვის გზები.



დიდგვერდის გზა გადის სოფ. ომალოდან (2106 მ) — ბოკორმა (2320 მ) — გოგრულთა (2160 მ) — ვესტომით კავკასიონზე გადადის დიდგვერდისა (3515 მ) და საკინის (ყანის) ლელის (3186 მ) გადასასვლელზე და ლეჩურ-ფშაველის გზით კახეთში ჩადის.

კეპნის გზა სოფ. ხისოდან (1890 მ) გადადის ზეთავის გადასასვლელზე (3101 მ) და ლეჩურ-ფშაველით კახეთში მიდის!

ალაზნის თავეის გზა ჯვარბოსელ—ალისგორით (2144 მ) და ალაზნის სათავეთ (2357 მ) გადადის საყორნის გადასასვლელზე (2475 მ) და წიფლოვანის ხევით ეშვება ტბათანაში და აქედან ბირკიან—ალვანის გზატკეცილით კახეთში გადის.

ამავე მიმართულებით არსებობს სხვა ბილიკებიც: ანდარაზისა, ყადორისა და მელთკულის გზა, მაგრამ მათ შორის შედარებით ყველაზე წესიერი დიდგვერდ-ნაქერალის გზაა.

დღეს თუშეთში გზატკეცილების სამმართველოს გაქყავს ახალი, მოკლე გზა თუშში ტექნიკოსის მოსე აზიკურის ინიციატივით და ხელმძღვანელობით. ეს გზა გაქყავთ სოფ. ხისოდან და აბანოს ლელეთი კავკასიონის ქედზე ბულანჩოს წვერისა და შავეკლდის შუა „საცხვრე კორჯზე“ გადადის და „თუშეთის აბანოში“ ჩადის. აქედან გზა გაივლის „თორღვას აბანოზე“ და ლეჩურ-ფშაველით კახეთში ჩავა. ეს ყველაზე მოკლე გზაა. ამ გზით 3—4 დღის სავალი 120-კილომეტრიანი გზა შემცირდება ერთი დღის გზად, რომლის მანძილი დაახლოებით იქნება 31 კილომეტრი. თუშეთის ამ გზის გაყვანა დაიწყო 1929 წლის ზაფხულიდან. გზა გაქყავთ ვიწრო, მაგრამ შემდეგისთვის განზრახულია მისი გაფართოება და საურმედ გადაკეთება. ამ გზას თუშეთისათვის პოლიტიკურ-ეკონომიური მნიშვნელობა ეძლევა და ამიტომ საჭიროა გზის დროზე დამთავრება.

დასავლეთით თუშეთიდან გზა გადის ხევსურეთში პირიქით ალაზნის ხეობით, აწუნტის გადასავალზე (3570 მ). ფშავეში გზა მიდის ალაზნის სათავეთ (2357 მ), საყორნისა და ბორბალოს გადასა-

<sup>1</sup> ჩვენი ექსპედიცია ამ კეპნის გზით გაემგზავრა; ეს გზა მოკლე გზად ითვლება, მაგრამ შეტად ძნელი გასასვლელია. დაბრუნდა ექსპედიცია ალაზნა-ტბათანის გზით. ეს გზა მშვენიერადაა აღწერილი ივ. ბუქურაულის მგზავრის შენიშვნებში „ტბათანიდან წოვათამდენ“, ტურ. „შოამბე“, № VIII და № IX.

ვალზე (3135 მ), რომელიც წოკვის თავზე (2677 მ) გადადის და  
ნა ფშავეში ჩაღის.

აღმოსავლეთით თუშეთიდან ლეკეთში გზა გადადის სოფ. დიკ-  
ლოდან (2153 მ) და ჭერო (1852 მ) — ხუშეთით (2046 მ) დაღეს-  
ტანში ჩაღის.

ჩრდილოეთით, ჩაჩნეთ-ინგუშეთის მიმართულებით, რამდენიმე  
ბილაყი არსებობს: პირიქით ალაზნის სათავიდან თებულოს გადასა-  
ვალზე (3342 მ), კონთიოდან (1995 მ) ქერიგოს გადასავალზე  
(3272 მ) და გირეე-ფარსმიდან (2155 მ) ქაქუს გადასავალზე  
(3551 მ).

### ისტორიული მიმოხილვა

თუშეთის ისტორია ჯერ გამოუკვლეველია და ბურუსითაა მო-  
ცული. არსებული მცირედი ისტორიული მასალაც სათანადოდ შეს-  
წავლილი არ არის და ამიტომ ძნელია მისი ისტორიული წარსულის  
მთლიანი სურათის აღდგენა. მაგრამ ჩვენ აქ შევეცდებით, ამ ნა-  
წყვეტი ცნობების შეკოწიწებით, ზოგადად მაინც გავეცნოთ თუ-  
შეთის საზოგადოებრივი ცხოვრების განვითარების პროცესებს.

პრეისტორიული ხანის ნაშთები თუშეთში მცირედ არის აღმო-  
ჩენილი და ისიც შემთხვევითი ხასიათისაა. არქეოლოგიური კვლე-  
ვა-ძიება აქ არავის უწარმოებია და ამიტომ ჩვენ არ ვიცით, თუშე-  
თის წიაღში რა მნიშვნელობის ნაშთებია ჩაფლული. მაგრამ თუ-  
შეთში უკვე აღმოჩენილი პრეისტორიული ხანის ერთეული ნივთე-  
ბი<sup>1</sup> აშკარად მოწმობენ, რომ ისტორიის წინა ხანაში ადამიანს თუ-  
შეთის აწინდელ ტერიტორიაზე უცხოვრია და თავისი კულტურული  
შემოქმედების ნიმუშებიც კაცობრიობისათვის უანდერძებია. თუ-  
შეთში აღმოჩენილ ნივთებს შორის საყურადღებოა: ბრინჯაოს ორი  
ირმის ქანდაკება, რომლებიც თავისი სტილით, ფორმით და ნაკეთო-  
ბის ტექნიკით მიეკუთვნება კავკასიის ბრინჯაოს ხანას და დათარი-  
ლებულია დაახლოებით XII—IX საუკ. ქრ. წინ. ძნელია ამ ფრაგ-

<sup>1</sup> აღმოჩენილი ნივთები დაცულია საქ. მუზეუმის არქეოლოგიურ განუ (იხ.  
Коллекции Кавказского музея, Тиф. 1902, გვ. 40—41, №№ 976—982).





მენტული ქანდაკების დანიშნულების გარკვევა, რომელსაც ქვემოთ  
 ნაწილი აკლია. ყოველ შემთხვევაში, ირმის ეს ორივე ქანდაკება  
 სამკაული არ უნდა იყოს. მისი დანიშნულება უფრო რიტუალურია,  
 რომელსაც იმდროინდელი გაუთვითცნობიერებელი ადამიანი ალბათ  
 თაყვანს სცემდა.

ჩ 188.868  
 3



ირმის ქანდაკება

შემდეგ საყურადღებოა აქ აღმოჩენილი უფრო გვიანდელი დრო-  
 ის ბრინჯაოს ბალთა, რომელიც დაფანჯრულია და ზედ გამოსახუ-  
 ლია წაჩოქილი ცხენები. თავისი სტილით და ნაკეთობით ბალთა  
 მიეკუთვნება სკვითურ-სარმატულ ხელოვნებას და დათარიღებულია

2. ს. შაკალათია

17  
 ქ. შარტისის საბ. საბ.  
 ზ. ჩ. სახელმწიფო  
 რესპუბლიკური  
 ბიბლიოთეკა



V-I საუკ. ამგვარი ბალთები ჩნდება ჩრდილო-კავკასიის ფარგლებში, განსაკუთრებით დაღესტანში.

ამავე ხანას უნდა მიეკუთვნოს თუშეთში აღმოჩენილი მამაკაცის ბრინჯაოს ქანდაკება, რომელსაც ხელში მოკლე კომბალი უკავია. ქანდაკება საყურადღებოა და უნდა იყოს ღვთაების კერძი.

ერთი სიტყვით, ამ მცირეოდენი არქეოლოგიური აღმოჩენიდან ირკვევა, რომ თუშეთის ტერიტორიაზე ადამიანს პრეისტორიული ხანიდან უცხოვრია და კულტურულადაც უმოღვაწია. ეს კუთხე თავისი გეოგრაფიული მდებარეობით ჩრდილო კავკასიას ეკვრის და აქ აღმოჩენილი არქეოლოგიური ნაშთებიც კულტურის ამ წრის ნიშნების მატარებელია.

ისტორიულ ხანაში თუშეთი პირველად იხსენიება გეოგრაფ პტოლემეის თხზულებაში; იგი ცხოვრობდა მეორე საუკუნეში ქრისტეს შემდეგ. თავის გეოგრაფიის სახელმძღვანელოში მას კავკასიის ტომებს შორის მოხსენიებული ჰყავს თუშებიც: „კავკასიისა და კერაუნის მთებს შორის არიან ტუსკები („ტუსკოი“ — თუშები) და დიდური (დიდოელები)“<sup>1</sup>.

ამასთანავე, პტოლემეისი თუშეთს, დიდოსთან და ჩრდილოეთის სხვა ტომებთან ერთად, მიაკუთვნებს აზიის სარმატებს და არა მარტო დროინდელ ალბანია-იბერიას, რომლის გეოგრაფიული აღწერაც მასვე მოეპოვება. ამ შემთხვევაში პტოლემეისი ემყარებოდა თუშეთის მხოლოდ გეოგრაფიულ მოხაზულობას თუ აგრეთვე მისი მოსახლეობის პოლიტიკურ და ისტორიულ-ეთნოგრაფიულ დაჯგუფებას, ამაზე ცნობების უქონლობის გამო, რაიმე გარკვეული მოსაზრების გამოთქმა ძნელია.

ყოველ შემთხვევაში, ამ პერიოდში თუშეთის მოსახლეობის ეთნიკური შემადგენლობა ჩვენთვის გაურკვეველია. მხოლოდ ვახუშტის თავის გეოგრაფიაში აქვს ნათქვამი: „ხოლო თუშნი და დიდონი უკეთუ არიან წილნი ლეკოსისა, არამედ შემდგომად მეფეთა ქართველთა დაპყრობილი... და მოხარკენი მათნი“ (გეოგრ. გვ. 103). მაგრამ ვახუშტის ამ მოსაზრების უკომენტაროდ გაზიარება ძნელია, მით

<sup>1</sup> Клавдий Птоломей, Географическое руководство. Положение Азиатской Сарматии, кн. V, гл. VIII (В. В. Латышев, Известия древних писателей о Скифии и Кавказе, т. I, вып. I, СПб., 1893 г., гл. 239).

უმეტეს, რომ ავტორს ეს ცნობა არა აქვს უტყუარი ისტორიული ფაქტებით შემოწმებული<sup>1</sup>.

ქართულ მატრიანეში თუშეთი პირველად იხსენიება წმ. ნინოს მიერ ქართლის მოქცევაში, როდესაც შირიან მეფემ (323 წ.) მთიულების გასაქრისტიანებლად გაგზავნა წმ. ნინო ერისთავის თანხლებით და „დადგეს ქალეთსა და უქადაგეს ერწო—თიანელთა, ხოლო მათ შეიწყნარეს და ნათელილეს. ხოლო ფხოველთა (ფშაველთა) დაუტოვეს ქვეყანა მათი და გარდავიდეს თუშეთს და სხვანიცა მთიულელნი უმრავლესნი არა მოიქცეს. არამედ დაუშძიმა მათ მეფემან ხარკი ოდეს არა ინებეს ნათლისღება“-ო<sup>2</sup>.

მემატიანის ეს მოკლე ცნობა საყურადღებოა, საიდანაც ირკვევა, რომ რელიგიური თუ პოლიტიკური ხასიათის შევიწროებმა აიძულებდა ქართველ მთიელებს და ამ შემთხვევაში ფხოველებს (ფშაველებს) გადახვეწილიყვნენ მეზობელ თუშეთში, სადაც ისინი მყუდრო თავშესაფარს პოულობდნენ. გახიზვნის ეს პროცესი საუკუნეების მანძილზე გრძელდებოდა, იგი ხელს უწყობდა ქართველი ტომების ჩრდილო კავკასიაში შექრას და იქ გაძლიერებას, განსაკუთრებით ბატონყმობის ხანაში, როდესაც მემატიანეებისაგან გაქცეული ყმები და მესისხლეობისაგან დევნილი გლეხობა კავკასიონის მიუვალ ზევეებში იხიზნებოდა. ამით დაინტერესებული უნდა ყოფილიყო საქართველოს იმდროინდელი ხელისუფლებაც, რომლის სახელმწიფოებრივი პოლიტიკა მოითხოვდა ჩრდილოეთის საზღვრების შემოშტკიცებას.

IV—VII საუკუნეებში ჩრდილოეთში ბატონობდნენ ხაზარები<sup>3</sup>, რომლებიც შიშის ზარსა სცემდნენ მეზობელ სახელმწიფოებს. ხა-

<sup>1</sup> თვით სახელწოდება „თუშ“ ან „თოშ“-ის განმარტებაც ძნელია. თუშები თავიანთ თავს თუშებს უწოდებენ. უველა ქართველ ტომშიც ეს სახელია გავრცელებული. ლეკები თუშებს „მოსეკ“-ებს ეძახიან, ქისტები კი—„ბაცუოი“-ს. თუშების თქმით, სახელი თუში მათ ლეკებმა უწოდეს და წარმომდგარია სიტყვა „დუშო“-იდან, ნიშნავს დეშმანსო. შესაძლებელია, ამ სახელს კავშირი ჰქონდეს ქისტურ წარმართულ ლეოაბა „თუშოლ“-თან, რომელიც ნაყოფიერების ლეოაბად ითვლებოდა და მას ჩაჩნეთ-ინგუშეთის თემები თავყანს სცემდნენ (Б. К. Далгат, Первобытная религия чеченцев, Владикавказ, 1893 г. გვ. 61).

<sup>2</sup> ქართლის ცხოვრება, მარიამ დედოფლისეული ვარიანტი, ტფილისი, 1906 წ., გვ. 107.

<sup>3</sup> Проф. Ю. Готье. Хозарская держава и ее культура, Железный век в Восточной Европе, Москва, 1930 г., გვ. 70.

ზარები იბერიის სამეფოსაც უტევდნენ და საგულისხმოა, რომ ქართული მატიანის პირველი გვერდიც ამ „ხაზართა გამოსვლით“ იწყება.

იბერიის მეფეები ცდილობდნენ, ხაზართა წინააღმდეგ დაეოაზნათ ჩრდილო კავკასიაში მობინადრე ტომები: ოსები, ძურძუკნი (ჩაჩან-ინგუშები) და ლეკები და ამით ერთგვარი საფარი შეექმნათ. ეს ტომებიც, თავდაცვის მიზნით, არა ნაკლებ იყვნენ დაინტერესებული იბერიასთან ასეთი კავშირით, რომლის განსამტკიცებლად იბერიის და შემდეგ ქართლის მეფეები ძურძუკთა ასულებსაც ირთავდნენ, გადმოჰყავდათ მათი მოლაშქრენი და ასახლებდნენ სამეფოს ჩრდილო საზღვარზე. ამას ქართველი მემატიანის არაერთი ცნობაც ადასტურებს: „საურმაგ (ქართლის მეფე) შეკრიბა ღურძუკეთიცა და წარმოემართა ქართველთა ზედა და გერვინ წინაღუდგა მას და დაიპყრა ქართლი და მოსრნა განდგომილნი თვისნი. და განამრავლნა ღურძუკნი, რომელნიცა ტყვევნასა მას ხაზართასა ყოველნივე მშვიდობით დარჩომილიყუნეს, სიმაგრისაგან ქუეყანისა და გერდარა იტევდა ღურძუკეთი. მაშინ ამან საურმაგ წარმოიყვანნა... და დასხნა მთიულეთს, დიდოეთით-გან ვიდრე ეგრისამდე და ესენი დაიპყრნა მისანდობელად თვისად“-ო. (ქართლის ცხოვრება, ზ. კიკინაძის გამოცემა, გვ. 41).

ჩრდილოეთის და, განსაკუთრებით, ძურძუკთა ტომების საქართველოში გადმოსახლების ეს პროცესი XIX საუკუნემდე გრძელდებოდა, როდესაც მათი მონათესავე ქისტები პანკისის ხეობაში გადმოსახლდნენ და აქ 1860-იანი წლებიდან გაშენდა მათი სოფლები: პანკისი, დუისი, ომალო და ჯოყოლო<sup>1</sup>.

ამ ძურძუკთა ტომს ეკუთვნის თუშეთში გადმოსახლებული წოვი

<sup>1</sup> ჯოყოლა იყო ქისტების მამაცი წინამძღოლი და რუსების მტერი. ჯოყოლას ბელადობით ქისტები ეცემოდნენ თუშებს და ცხენარ-საქონელს სტაცებდნენ. 1851 წ. ჯოყოლა თუშთ მოურავის ივ. ცისკარიშვილის შუამდგომლობით ურიგდებოდა რუსის ხელისუფლებას და მის ქვეშევრდომობასაც იღებს. ჯოყოლა სახლდება პანკისის ხეობაში და იგი ხელს უწყობს ქისტების აქ გადმოსახლებას. ამის აღსანიშნავად ამ სოფელსაც ჯოყოლო ეწოდა. შემდეგ ჯოყოლა ჩაჩანში დაიჭირეს და მას შამილის შვილის ვაზი მამას ბრძანებით, როგორც მოღალატეს, თავი მოჰკვეთეს.



თუშები, რომლებიც თავიანთი ენით ენათესავეებიან ძურძუკთა ტომს ღლიღეს (ღალღა) და ღღესაც ამ ღლიღეურ ენაზე მეტყველებენ<sup>1</sup>.

ეახუშტის ცნობით: „ხოლო რომელნი არიან (თუშნი. ს. მ.) მკარეთა ქისტთა და ღლიღეთა, უწყიან ენანი უფროს მათნი, გარნა ფარსმანის კევისანი სარწმუნოებით და ენით შერეულნი არიან, ვითარც ქისტნი“ (იხ. გეოგრაფია, გვ. 105). თუ როდის გადმოსახლდნენ წოვები თუშეთში, ამის დადგენა ძნელია. მხოლოდ წოვათაში ნასოფლარ წაროს აკლდამებიდან ამოღებული ნივთების შედარებით შესწავლიდან ირკვევა, რომ საშუალო საუკუნეებში, დაახლოებით VIII—IX საუკუნეებიდან სოფ. წარო დასახლებული ყოფილა<sup>2</sup>.

და ეს გარემოება ერთგვარ შესაძლებლობას იძლევა ამავე საუკუნით განვსაზღვროთ წოვების ღლიღეთიდან თუშეთში გადმოსახლების დროც. თუ რა პოლიტიკურ-ეკონომიურ ნიადაგზე ხდებოდა წოვა თუშების ეს გადმოსახლება, უტყუარი ცნობების უქონლობის გამო, გარკვეული მოსაზრების გამოთქმა ძნელია. ზოგიერთ მკვლევართა აზრით, ძურძუკთა ტომების შინა განხეთქილება და თემობრივმა შუღლმა აიძულა წოვები, ღლიღეთიდან გომეწრის ხეობაში გახიზნულიყვნენ<sup>3</sup>.

<sup>1</sup> A. Schiefner. Versuch über die Thush-sprache oder die Khistische Mundart in Thuschelien (Зап. имп. Акад. Наук, сер. VI, т. IX, 1856); Проф. Н. Яковлев, Языки и народы Кавказа, Тифлис, 1931 г., გვ. 20—21.

<sup>2</sup> სოფ. წაროში არქეოლოგიურ გამოკვლევას 1912 წელს აწარმოებდა ნ. მოლჩანოვი. წარო წოვების ნასოფლარია, ღღეს იგი ნანგრევს წარმოადგენს. აქ დაცულია რამდენიმე შიწის ზემო ნაგები აკლდამები. ზოგიერთში მიცვალებულის დასავეწებელი ჭვის ტახტებიც არის გამოჩენილი. მოლჩანოვის აღწერით, აკლდამები გაძარცვული ყოფილა, ნივთები მიცვალებულის ნეშტში არეული, ამიტომ კულტურული ფენების გარკვევა და დადგენა შეუძლებელი გამხდარა. აკლდამებში ნაპოვნია ბრინჯაოს და რკინის სამკაულები. საყურადღებოა ორნამენტაანი სარკვები და ბრინჯაოს საყურე. კოლექცია დაცულია საქართველოს მუზეუმში (№№ 92—12/1—57).

თუ ჩვენ წაროში აღმოჩენილ ამ ნივთებს შევადარებთ ჩრდილო კავკასიაში, სახელდობრ, დერგავსისა და კომენტის არქეოლოგიურ აღმოჩენებს (იხ. Уварова, Материалы по археол. Кавказа, т. VIII, გვ. 105, 292), რომელიც დათარიღებულია VIII—IX საუკუნეებით, მათ შორის საგულისხმო მსგავსება არსებობს.

<sup>3</sup> Р. Эрнстов, О Тушино-Пшаво-Хевсурском округе (Зап. Кавк. Отд. ИРГ о-ва, Тиф., 1855 г., გვ. 80—81); И. Цицкаров, Картина Тушетия, газ. Кавказ, 1846 г., № 50.



საჩხვევებში

ჩვენის აზრით, ამ გადმოსახლების სტიმული უფრო პოლიტიკურ-ეკონომიური ხასიათისა უნდა ყოფილიყო. ძუბრუკეთი (ჩანხეთ-ინგუშეთი) მწირი და მკიდროდ დასახლებული ქვეყანა იყო. მომრავლებული და ეკონომიურად შევიწროებული მოსახლეობა საარსებო წყაროს მეზობელ კუთხეებში ეძებდა.

ამასთანავე, ლილივი ცნობილი იყო გულად და მეომარ ტომად<sup>1</sup>; ამიტომ იბერიის იმდროინდელი ხელისუფლებისათვის, რომელიც მოლაშქრეებად ასეთ ტომებს ეძებდა, ხელსაყრელი იყო ამ ლილივების მომხმის, წოვების, თუშეთში, გომეწრის ალაზნის სათავეში, დასახლება და ამ ხეობის გამაგრება.

ადმინისტრაციულად თუშეთი, „ქართლის ცხოვრების“ ცნობით, წუქეთის საერისთავოში შედიოდა; მის შესახებ ნათქვამია: „...შემდგომ მოვიდა არჩილ (668—718) კახეთად და ყოველთა ტაძრულ-

<sup>1</sup> Ч. Ахрлев, Ингуши (Сбор. сведений о кавк. горцах, вып. VIII, Тиф., 1875 г.).



თა მისთა მიუბოძა კახეთი და აზნაურ ყუნა იგინი და დაკდა...  
 ქეთს... და პოენა წუქეთს მთავარნი, რომელთა მიუბოძა ვახტანგ  
 მეფეს (V საუკ.) წუქეთი და იყო მამინ რომელი ერისთავობდა  
 თუმთა და ხუნძთა ზედა და ყოველთა წარმართთა მის მთისათა  
 სახელით აბუხურო (აბუხვასრო) და არა ინება მისგან წაღებად  
 წუქეთი“ (ქარ. ცხოვრ. გვ. 209—210).

მემატიანის ეს მოკლე ცნობა საყურადღებოა, აქედან ირკვევა,  
 რომ თუშეთი ხუნძახთან<sup>1</sup> ერთად შეადგენდა წუქეთის<sup>2</sup> საერის-  
 თაოს; რომლის ერისთავად დასახლებულია აბუხვასრო. ამასთანავე  
 ნათქვამია, რომ ეს ჩრდილოეთის ტომები, მათ შორის საგულიანთა  
 თუშებიც, წარმართნი ყოფილან. მაგრამ ქრისტიანული მოძღვრება,  
 რომელიც საქართველოდან ვრცელდებოდა, მთაშიაც მალე შეჭრი-  
 ლა. ჩრდილოეთის ტომების შემოსამტკიცებლად მათ გაქრისტიანე-  
 ბას უაღრესი პოლიტიკური მნიშვნელობა ეძლეოდა და კახეთ-ქერე-  
 თის ხელისუფლებაც ამ საქმეს გულმოდგინედ შესდგომია.

ამას მოწმობენ ძველ ძურძუკეთში, დღევანდელ ჩანეთ-ინგუ-  
 შეთში, დღემდე დაცული ძველი ქართული ტაძრების ნანგრევები  
 და თხაბა-ერდის 830 წლით დათარიღებული ქართული ტაძრები<sup>3</sup>.  
 ხუნძახშიც დაცულია ძველი ქართული ტაძარი „დათუნია“ და სხვა.

ერთი სიტყვით, ამ დათარიღებული ძეგლის მიხედვით ირკვევა,  
 რომ IX საუკუნეში ჩრდილოეთის ტომების გაქრისტიანება მომხდა-  
 რი ფაქტი ყოფილა. მთელი ამ კულტურულ-რელიგიური მოძრაობის  
 გამტარებელი ტერიტორიულად უნდა ყოფილიყო თუშეთი, საი-  
 დანაც ძურძუკეთის ბილიცები გადიოდა. ამიტომ თუშეთის გაქრის-

<sup>1</sup> ძველი ხუნძახი შეიკავდა დაღესტნის დასავლეთ ნაწილს, რომელშიც შე-  
 დროდა დღევანდელი ავარ-ანდო-დიდოელების ტერიტორია.

<sup>2</sup> წუქეთი კაცისა და ელისენის მიდამოში იყო, დღევანდელ საინგილოში (ყო-  
 ფილი ზაქათალის ოლქის, წუხურის უბანში). წუქეთში იქნა ჩრდილო მთიელების  
 ერისთავი, რომელიც ემორჩილებოდა კახთა მეფეებს (ვახუშტი, გეოგრაფია,  
 გვ. 195).

<sup>3</sup> В. Миллер, Археологич. наблюдения в области Чеченцев (Мат.  
 по археологии Кавказа, вып. 1, Москва, 1888 г., გვ. 8—24); Г. К. Марти-  
 росян, Нагорная Ингушетия (Изв. ингуш. научно-исслед. института крае-  
 ведения, Владик., 1928, გვ. 46—48).



ტიანებაც ამავე ხანებში უნდა მომხდარიყო. თუშეთის სამწყსო თავდაპირველად ხარჭაშოს საეპისკოპოსოში შედიოდა: „თიანეთის წყლის სათავესა და საშიშის თვალივის იქით, თეთრის არაგვის მკვრეტად არის ხარჭაშოს ეკლესია გუნბათიანი, კეთილშენი, ზის ეპისკოპოზი, მწყემსი ერწო-თიანეთისა, ფშავე-კევესურისა და თუშეთისა“ (ვახუშტი, გეოგრ. გვ. 91).

1014 წელს, მას შემდეგ, რაც ბაგრატ მეფის მიერ დევნილმა კახეთის ქორიკოზმა კვირიკე III კახეთი დაიპყრო და მოახდინა საერისთავოების ახალი განწყობა, თუშეთი მოხსენიებულია პანკისის საერისთავოში. მისი მოცულობა ასეა განსაზღვრული: „მისცა ჰერეთის საზღვრის ზეთი კავკასამდე და კახეთის მთამდე თუშეთითურთ“<sup>1</sup>. პანკისის ერისთავად ამ დროს იხსენიება სტეფანოს, რომელიც ემზრობოდა კვირიკეს და ებრძოდა ბაგრატ IV. ბაგრატმა სტეფანოსს სძლია და შეიპყრო იგი.

XII—XIII საუკუნეებში, საქართველოს გაძლიერებისა და ფეოდალური მონარქიის ხანაში, თუშეთზე ქართველი მემკვიდრე დუმს. ეტყობა, თუშებს მონაწილეობა არ მიუღიათ თამარის დროს მომხდარ მთიელების ამბოხებაში, მაშინ, როდესაც მისი მეზობელი ფხოველებისა და დიდოელების დასამორჩილებლად საგანგებო ჯარიც კი იყო მთაში გაგზავნილი. თუშეთი არც შემდეგ საუკუნეებში იხსენიება, ვიდრე XV საუკუნემდე. ეს გარემოება იმით უნდა აიხსნებოდეს, რომ ისტორიის ამ მანძილზე ჩრდილოეთის მხარემ დაკარგა თავისი პირვანდელი პოლიტიკური მნიშვნელობა, როდესაც საქართველოს სამეფოს ჩრდილოეთის ტომების მხრივ საფრთხე უკვე აღარ მოელოდა და თუშეთის პოლიტიკური როლიც პასიურია.

XV საუკუნეში, ფეოდალური საქართველოს დაქვეითებისა და სამამეფოდ გაყოფის ხანაში, კახეთის მეფემ გიორგი I (1471—1492) საერისთავოები გააუქმა და მოურაობა დააწესა: „გიორგიმ დაიპყრა სრულიად კახეთი, მაშინ მოსპო ერისთავნი ჰერ-კახთა შინა და დასხნა მოურავნი დიდთა და მცირეთა ადგილთა, ვითარც არიან დღემდე: მოურავი ქიზიყისა, ელისენის, წუჭეთისა, დიდოეთისა, პანკისისა და სხვა... და განაყო თხს სადროშოდ და მისცა დროშანი

<sup>1</sup> ვახუშტი, საქართველოს ცხოვრება, ტფილისი, 1913 წ., გვ. 151.





ეპისკოპოსთა, რათა არა განიმკვიდრონ მთავართა... ამით არა მორჩილებდენ თუ შნი და ფშავ-ბეგსურნი, არამედ დიდოეთი ერთგულებისათვის დავითისა ერთგულობდენ ამით და მსახურებდენ“-ო (ვახუშტი, საქარ. ცხოვრება, გვ. 158). ამგვარად, მემატიანეს ცნობით, გიორგი დავითის ძეს პანკისის საერისთავო, რომელშიაც თუშეთი შედიოდა, მოუსპია და იქ მოურაობა დაუწესებია. ამ ცვლილებებს, ეტყობა, თუშეთში უკმაყოფილება გამოუწვევია და გიორგი მეფისაგან ისინი გამდგარან.

მაგრამ ეს განდგომა დიდხანს არ გაგრძელებულა და კახეთის მეფეს ლევან II (1520—1574) თუშეთი ისევ შემოუმტკიცებია: „ამას წინათა კახთა მეფეთა არლარა მორჩილებდენ ფშავ-ბეგსურნი და თუშნი და ამან ლევან დაიპყრა არა ძალითა, არამედ აღუთქვა რათა ცხოვარი მათნი უვნოდ მძოვარიყუნენ კახეთს და მისცა შეწირულობა ლაშას ჭუარსა თიანეთს შინა და მიერითგან მისცემენ ლაშქარსა და ბეგარასა“ (ვახუშტი, საქარ. ცხოვრ. გვ. 163). მემატიანის ეს მოკლე ცნობა ჩვენთვის საყურადღებოა; აქ გარკვევითაა ნათქვამი, თუ რა პოლიტიკურ-ეკონომიურ ნიადაგზე მომხდარა განდგომილი თუშების შემორიგება.

მეცხვარე თუშებისათვის უადრესი საარსებო მნიშვნელობა ჰქონდა ზამთრის საძოვრებს, როგორიც იყო კახეთში ალონის (ალვანის) ველი, და ამიტომ თუშები იძულებული იყვნენ, კახეთის ხელისუფლებასთან კეთილგანწყობილებაში ყოფილიყვნენ. თავის მხრივ, კახთა მეფეებიც ცდილობდნენ, მოლაშქრეთა და ბეგარის მიღების მიზნით, გულადი თუშების შემომტკიცებას. საყურადღებოა, რომ თუშებს ეს ისტორიული ფაქტი დღესაც ახსოვთ; მათგან ხშირად გაიგონებთ, ალვანის ველი თუშებს ლევან მეფემ უბოძაო.

შემდეგ, XVII—XVIII საუკუნეებში, როდესაც დაღესტნისა და ჩრდილოეთის სხვა ტომებიც ქართლ-კახეთის წინააღმდეგ ამოძრავდნენ და დაიწყო შათი გამანადგურებელი თარეში, თუშეთს, როგორც მოსაზღვრე პროვინციას, განსაკუთრებული პოლიტიკურ-სტრატეგიული მნიშვნელობა მიეცა და თუშეთიც ამ პერიოდში აქტიურ პოლიტიკურ როლს თამაშობდა. მაგრამ სანამ ჩვენ ამის განხილვას შევუდგებოდეთ, საჭიროა ზოგადად მაინც შევეხოთ თუშეთის საზოგადოებრივ-პოლიტიკური ცხოვრების ფორმაციას.

უნდა აღინიშნოს, რომ ამ მხრივ თუშეთის საზოგადოებრივი ყო-

ღის ისტორია თემურ წყობილებას არ ვასცილებია და სანუკუნეების მანძილზე თუშეთი თემურ ცხოვრებას ეწეოდა. მისი დამოკიდებულება კახეთის სამეფოსთან ნომინალური იყო და განისაზღვრებოდა ომიანობის დროს მოლაშქრეთა დანაშაულებით. ვახუშტის თქმით: „არამედ იგინი (თუშნი. ს. მ.) არა ჰყმობდნენ კახთა მეპატრონეთა, ხოლო ესენი მორჩილნი, მოლაშქრენი და მებარკენი არიან. და არიან ბრძოლასა შემმართებულნი, მკნენი, ძლიერნი, მკედარნი წარმატებულნი და უსაქციელნი...“ (იხ. გეოგრაფ. გვ. 105). ამაზე თუშები დღესაც ასე მღერაინ:

თუშთ არ იციან, ვინ არის მონა, ბატონი.  
თვითონ არიან თავისა ბრძანებელი და ბატონი.

ადმინისტრაციულად თუშეთი, როგორც უკვე აღვნიშნეთ, ჯერ შედიოდა წუქეთის საერისთავოში, შემდეგ პანკისის სამოურაოში, მაგრამ ამ ერისთავ-მოურავებს ხელს არ ჰქონდათ თუშების შინაურ წყობილებაში. თუშეთს თემური ადათებით ხევისბერები განაგებდნენ.

1 თუშეთი იყოფა სამ თემად: გომეწრისა, ჩაღმისა და პირიქითისა. თითოეული თემის სათავეში იდგა თემის მიერ არჩეული ხევისბერი, რომელიც თავის საქმიანობაში თემური ადათებით ხელმძღვანელობდა და ომის დროს ხელში სათემო დროშით ლაშქარს უძღვოდა. მაგრამ თუშეთის საზოგადოებრივი წყობილების უზენაესი ორგანო სათემო ყრილობა იყო, სადაც სამივე თემის წარმომადგენლები იკრიბებოდნენ. ყრილობა აწესრიგებდა საგარეო საქმეებს და წყვეტდა ლაშქრობისა და ზავის საქმეს. თუშეთის სათემო ყრილობა იმართებოდა სოფ. ჩილოს მახლობლად მდებარე ხევში — „ღელეში“, სადაც სამივე თემის ხევისბერები და გვარის უხუცესები ღამის თევით დგებოდნენ და სათემო საქმეებს არჩევდნენ. მაგრამ ამ თემურ ყრილობებს ფაქტიურად განაგებდნენ შეძლებულ გვართა მეუფროსენი, რომელთა წრიდან ირჩევდნენ ხევისბერებს და დეკანოზებს და ესენიც ხალხისა და თემის სახელით ამ შეძლებული ჯგუფის ინტერესებს იცავდნენ.

თუშური ყრილობის საზოგადოებრივი საგანი თავდაცვის საკითხები იყო, რადგან გაბატონებულ ჯგუფს მტრობა და შფოთი ჰქონდა ინგუშ-ჩაჩან-ლეკებთან და ის მუდამ მზად უნდა ყოფილიყო თავდა-



ცვისათვის. ამ მხრივ განსაკუთრებით საშიშნი ლეკები იყვნენ. ნი სარგებლობდნენ კახეთის პოლიტიკური მოუძღვრებით და თავისუფლად დათარეშობდნენ ქართლ-კახეთში XVI—XVIII საუკუნეების მანძილზე: ლეკების ეს თარეში გამოწვეული იყო კავკასიაში პოლიტიკური სიტუაციის გართულებით სპარსეთსა, ოსმალეთსა და რუსეთს შორის, რომლებიც ცდილობდნენ კავკასიის ხელში ჩაგდებას. ამ მიზნით მათ, პირველ ყოვლისა, ნიშანში ამოიღეს ქართლ-კახეთი, კავკასიაში შედარებით ძლიერი და პოლიტიკურად მნიშვნელოვანი კუთხე. ამიტომ ამ სამ მოქიშპე სახელმწიფოთა დიპლომატიის ხლართები ქართლ-კახეთში იკვანძებოდა.

ქართლ-კახეთის დაპყრობის მიზნით სპარსეთი და ოსმალეთი მორიგეობით ამხედრებდნენ ლეკებს და სათარეშოდ უშვებდნენ.

ამ უცხო ძალის მიერ წაქეზებული და შეიარაღებული ლეკები ქართლ-კახეთსაც ანადგურებდნენ. ლეკების ეს თარეში შაჰ-აბასის შემოსევის (1616 წ.) შემდეგ უფრო გაძლიერდა. ქართლ-კახეთის აოხრების შემდეგ, შაჰ-აბასმა გაღმა მხარის ელისენ-წუქეთის და შაყიხის მცხოვრებნი სპარსეთში გადაასახლა. ამ დაცარიელებულ ადგილებზე ლეკები გადმოსახლდნენ და ახლა მათ უმთავრეს ცენტრად ქარი (ძველი ფიფინეთი) შეიქნა. სათარეშოდ ასული ლეკებისაგან დიდ შევიწროვებას ჩვენი მთიელებიც განიცდიდნენ, განსაკუთრებით მათი მოსახლვრე თუშეთი, რომელიც XIX საუკუნის მიწურულამდე ებრძოდა ლეკებს. თუშეთის ამ პერიოდის ისტორიაც ამოიწურება ლეკებთან ბრძოლის ეპიზოდებით, რომელიც იწყება ბახტრიონის აღებით.

1658 წელს სპარსეთის შაჰმა კახეთის მმართველად დანიშნა სელიმ-ხანი, რომელმაც პოლიტიკური მოსაზრებით ბახტრიონში და ალავერდში თათრები დაასახლა. სელიმ-ხანი აგრეთვე ხელს უწყობდა ლეკების თარეშს: „მან სელიმ-ხან მოიყვანა ელნი და დასხნა შიგნით და გარეთ კახეთს და დაიპყრეს ამათ ბახტრიონი, ალავერდი და გარყენეს წმინდანი ეკლესიანი. რამეთუ იყო ჰირი დიდი მათგან კახეთსა შინა და ქურდთა ლეკთაგან“ (ვახუშტი, საქარ. ცხოვრება, გვ. 189).

სელიმ-ხანის პოლიტიკა საფრთხეს უშხადებდა თუშების მეცხვარეობას, რომლის ზამთრის საძოვრები — ალონის ველი, ნაბოძები ლევან მეფის მიერ, მოქცეული იყო ამ ბახტრიონ-ალონის ფარგლ-



ბში. ამიტომ, როდესაც ერწო-თიანეთ-არაგვისა და ქსნის ველებმა სელიმ-ხანის წინააღმდეგ გაილაშქრეს, თუშებმა მოიწვიეს ფშავ-ხევსურები და ბახტრიონის ალბაში გამირულად იბრძოდნენ. ეს ბრძოლა გალექსილია ვაჟა-ფშაველას „ბახტრიონში“.

ჩვენ აქ მოვიყვანთ ამ ლექსის ერთ ნაწყვეტს, სადაც გადმოცემულია ის სიღუბეცირე, რომელსაც კახეთის იმდროინდელი მოსახლეობა თათრებისაგან განიცდიდა. ამის შესახებ აი, როგორ მოსთქვამს თუშების მიერ ფშავ-ხევსურეთში გაგზავნილი მეცხვარე:

საქმე გაჭირდა, დედილამ,  
 ურჯულო თათრებისგანა:  
 დათარეშობენ... კახეთი  
 მისცეს ქარსა და ნიაცსა.  
 აწიოკებენ ქალ-რძალსა,  
 ნამუსსა ჰხდიან ძალადა.  
 ჰკრეფავენ ურჯულოები  
 სილამაზესა დალადა.  
 არა ზოგავენ, დედილამ,  
 ვინც-კი მოუათ თვალადა.  
 მთელი კახეთი ქცეულა  
 ჩიქილა-მოხდილ ქალადა.  
 არა სჩანს ხელის შამქცევი,  
 მტრის ამომყრელი ჯავრისა,  
 კაცი არ ჩნდება შამყრელი  
 და წინ გამძლოლი ჯარისა.  
 იქ, ჩვენთანამდიც, მოდიან  
 ცხვარსა ფარობით გვტაცებენ.  
 არვინ გადურჩით რჯულ-ძალსა,  
 ყველას ბეგარას აღებენ.  
 ვისაც ჰკვლენ გზა-გზის პირაზე,  
 თავებს მარგილზე აგებენ.  
 შადიან სხვისა სახლშია,  
 კარს უკრძალავად აღებენ.  
 დაჯავრდნენ თუშნი, რო ნახეს  
 ქვეყანა ნაოხარია,

პირი ქნეს, იმათ წინ უძღვის  
ზეზედი საოცარია.  
სუყველამ ტანზე აისხა  
აბჯარი საომარია,  
მე გამომგზავნეს საჩქაროდ  
ფშავს და ხევსურეთს გზირადა  
და დამაბარეს ხვეწნითა  
სიტყვა სათქმელი პირადა:  
„ჩვენაც ხომ თქვენი ძმანი ვართ  
სისხლით, ხორციით და რჯულითა,  
მტერმა დაგვჩაგრა, გვიშველეთ,  
გაუტეხელნო გულითა.  
უბაროდ, განა არ იცით,  
მთანიც რო ვერა გვარობენ.  
გვიშველეთ, ფშაველ-ხევსურნო,  
ბარზე თათრები ხარობენ.

თათრებისაგან შევიწროვებული თუშები დელავდნენ. მათ საბრ-  
ძოლველად ქალებიც კი მოუწოდებდნენ:

„ისმინეთ, თუშთა შვილებო, რას გამცნევთ თუშთა ქალები:  
რად გბურავთ ქუდი, აიხსენთ თავსა ნამუსი კაცისა,  
აჰა და თავსა დაიდვით მანდილი დედაკაცისა.  
ურჯულო ოსმალთ დიაცნი, ბახტრიონს მომავლებია,  
დაუტაცნია, დიაცთა ვერ დაუხსნიათ თავები.  
რასა უყურებთ, ვაყებო, რას დგებართ დაღონებულნი,  
მეფე სახლიდგან გაგვიგდეს, ვაკვა დატყვევებული“.  
ვაყვაცთა შორის უცეხად კაცი მრისხანე სახისა,  
მოხუცი ბაკურ წამოდგა, ხელი წაავლო მახვილსა.  
„ეს რაი გვესმის, ვაყვაცნო, აღზდექით, თუშთა შვილებო,  
მტერი კარს გვადგა მძლავარი, აღზდექით, თუშთა შვილებო,  
ჩვენს მეფეს სდევნის მტერია, აღზდექით, თუშთა შვილებო.  
შორით ძმის სიკვდილს უყურებთ, ესე რა თუშთა ჭერია“.  
აგერ ბაკურის კარზედა შეკრბა თუშების ჯარია,  
ბაკურიც მალე გამოჩნდა, ხალხი გაიძრა წელშია,

გაიძრა, რაზმად გაეწყო, თოფი აიღეს ხელშია.  
 მოვიდა ბაქურ, შეფერხდა, ჯარს გადაავლო თვალია,  
 ასწონა თავით ფეხამდის, ასწონა თუშის შვილები,  
 უცებ შესძახა: „ვარჯიხართ, ნამდვილ ხართ მამათ შვილები,  
 შექმნადაც არას გვეყოფის მტერი რაზმ-გაწყობილები,  
 წავიდეთ, ნულარ უყურებთ, მტერი ვაქციოთ მძოვრადა,  
 ვინც მტრის წინ წარბი შეხაროს, დედა შეერთოს ცოლადა!“

1659 წელს თუშ-ფშავ-ხევსურეთის ლაშქარი შეუერთდა ზაალ ერისთავის მხედრობას, აიღეს ბახტრიონის ციხე და დამარცხებულნი სელიმ-ხანი გაქცა: „ზაალ ერისთავმან შემოიფიცა საყმონი თვისნი და ფშავ-ხევსურ-თუშნი და ერისთავი ქსნისა შალვა. შეკრიბნა ეს ყოველნი, წარუძღვანა ძე თვისი და მიუხდეს პირველად ბახტრიონს, მოსრნეს და მოსწყვიტეს თათარნი, მგრამ ალავერდს და შემდგომად ყველასა კახეთსა შინა მოსწყვიტნეს, რამეთუ არცა ღა-თუ დაუტევეს აყუანთა შინა მწოვარნი და განათავისუფლეს კახეთი“ (ვახუშტი, საქარ. ცხოვრ., გვ. 189—190). ხალხური გადმოცემით, ბახტრიონის ასაღებად პანკისით წამოსული თუშების ერთ რაზმს შეუნიშნავეს, რომ ბაწარის წყლის ბოგირზე თათრის მდევრებს ნაცარი დაეყარათ, რომ ცხენების ნაფეხურებით შეეტყოთ თუშების რაზმის მოძრაობის მიმართულება, მაგრამ თუშებს ცხენები უკუღმა დაუჭედიათ, ხიდზე გადასულან და ბახტრიონისაკენ მიმავალი გზის მახლობლად, ტყეში დამალულან. მდევრებმა მეციხოვნე ჯარს თურმე აცნობეს თუშების კვალის მიმართულება. თათრის ჯარი ციხის გალაენიდან გამოსულა და ამ კვალს დასდევნებია. ტყეში დამალული თუშის რაზმი კი უბრძოლველად შესულა ციხის გალავანში, მაგრამ თვით ციხე დაკეტილი და შიგნიდან გამაგრებული დახვედრია. გმირ ზეზვას მეთაურობით თუშებს ბახტრიონის ციხე მალე გაუტეხიათ და თათრები ალვანის ველით გაქეუულან. მაგრამ თათრებს აქ დახვედრია ნაქერალით ამოსული თუშ-ფშავ-ხევსურების ლაშქარი და თათრებიც გაუწყვეტიათ. ამ ადგილსაც „გაწყვეტილა“ დარქმევია. ფშავ-ხევსურებს ნადავლი აუღიათ, თუშებს კი ალვანი რგებიანო. ეს ამბავიც ასე გაუღექსავეთ:

ბახტრიონს სხედან თათრები, სიტყვას ამბობენ ძნელსაო:  
 „ახმეტას ჩავეკრით ვენახსა, შიგ დაეასახლებთ ელსაო.

შეიტყვეს თუშის შვილებმა, მალა შეირტყმენ ხმლებსაო,  
ჭერ შუალამე არ ქმნილა, ნაქერალს გროვდებიანო.  
შველაო შველაიძეო, პანკისს გასტეხე წყალიო,  
უკულმ დავსქედოთ ცხენები, დავამალვინოთ კვალიო,  
საგათენებლოდ დავეცნეთ, ბახტრივანს გალავანზედა.  
„გარეთ გამოდი, სულთანო, თუშნი ვისხედან კარზედა,  
თუ ნებით შენ არ გამოხველ, გამოგიყვანენ ძალზედა“.  
მეტი ვარ საღირაშვილი<sup>1</sup>, ნუ მიმზეროთ ტალავარზედა,  
გაღვაღალ, გადავფრინდები, ბახტრივანს გალავანზედა,  
შვიდი არ მოვკლა ხმალდახმალ, გამცვალეთ თათრის ქალზედა.  
გოხგაელმებული ფრანგული კაბას რა კარგად სჭირისაო,  
სისხლისა ნაგუბარზედა ფეხი რა ძრიელ სცურავსო,  
ელთვეს და ჩალთვეს თათრები, წითელ ჩადიოდ წყალიო.  
აღვანში ციხეს აგებენ ხოჯა თათრისა ძელისაო,  
ლიბოდ უგდებდენ მალასა, ნაწვრეთის ფრანგულისაო,  
დააგდებინეს აღვანი თუშთ არის საკუთარიო,  
ჭერ ღმერთი, მერე ბატონი, სხვა არავინ გყავს მცილაფი,  
ვინც აღვანს უარესობდეს, ცოლმა შემოხსნას ხმალია.

საყურადღებოა, რომ თუშები ფშავ-ხევსურებთან ერთად თეი-  
მურაზ I და მოსკოვის მეფის ალექსი მიხეილის ძეს შორის დიპ-  
ლომატიურ ურთიერთობაშიც მონაწილეობას იღებდნენ და 1657  
წელს მოსკოვში თავიანთ წარმომადგენლებს, ხევისბერებსაც კი  
გზავნიან და ალექსი მიხეილის ძეს ქვეშევრდომობასა და მფარვე-  
ლობას სთხოვენ. ჩვენ აქ მოვიყვანთ ამ 1657 წლის დიპლომატი-  
ური წერილის ტექსტს:

„აქ დიდო და ყოვლის მპყრობელო ბატონო, დიდო მეფევ და  
ყოველთ ქრისტიანეთ ხელმწიფევ, ალექსი მიხაილის შვილო! ყოე-

<sup>1</sup> როდესაც თუშებმა ბახტრიონის ციხეს აღვა შემოარტყვეს, საგონებელში  
ჩავარდნილან, თუ როგორ აეღოთ ეს მაგარი ციხე. მაშინ მეტი საღირაშვილს  
პალოები დაუთლია, ციხის ყედლებში ჩაურტყვია და ამით პირველად თვითონვე  
გადასულა ციხის ყედელზე. ბახტრიონის აღებაში თუშებს ზეზვა ბელადობდა  
თურმე და გმირობით თავი უსახელია (ი. ხახანაშვილი, ბახტრიონის იღება,  
ივერია, 1888 წ., № 220; ურბნელი, ზეზვა და ბახტრიონის ციხე, ივერია,  
1888 წ., № 226).



ლისა მპყრობელი! შენის ბრძანებითა ჩვენს დედოფალსა და ბატონის შვილსა კაცი ებოძა, და ჩვენი ქვეყნის კაცი დაებარებინა, რომე ჩვენც ამ დიდის ხელმწიფის ხელთა ვართო, და თქვენც ამისი ყმანი შეიქენითო და თქვენც ამას დაუკარით თავიო, აწე... ხელმწიფევ, ჩვენი ხელმწიფევ თქვენა... არის და ჩვენც თუშეთის და ხევსურეთის და ფშავის ქვეყანათა, სამთავ ქრისტიანთ ქვეყანასა პირობა გვიქნია და ზურგი მოგვიბამს ერთმანეთისათვი და ელჩები გამოგვიგზავნია. ხვეის ბერი სოზამე მაქსიმიჩი, და გრიგოლ სილორიჩ, და პავლე ივანიჩ და შენი ყმანი შეექნილვართ და თავი დაგვიკრავს, როგორც თქვენი ბრძანება იქნება, ჩვენ იმისი მქნელნი ვართ: ჩვენა ერთი ღმერთი ვიცით და მეორე ხელმწიფე თეიმურაზ. ჩვენ მაგარს ალავს ვართ და არას კაცს შევებოვებთ. ამდენი ხანი არის საქართველოს ყაენი ებრძვის და ჩვენც არც შემოგვიშვია ყაენის კაცი, და სადაც მოგვიხელდება, მოგვიკლავს და მისი სარდარი გაგვიქცევია და ლაშქარი გაგვიწყვეტია: აწე დიდო ხელმწიფევ, ჩვენი ხელმწიფე ყაენმა წაახდინა, და ზურგი აღარსაით გვექონდა, და მღვთისაგან ველოდებოდით, რომე ერთი შენი ბრძანება და კაცი მოგვესვლიყო: აწე მოგვივიდა შენი ბრძანებაცა და ჩვენის დედოფალის კაციცა, და თქვენი ბრძანება გაგვითავებია, და შენ შემოგხვეწნივართ, და შენთვის თავი დაგვიკრავს. გვიმსახურე და გვალაშქრე, ამ დღეშითო შენი ყმანი შეექნილვართ“.

ასეთივე ხასიათის წერილი გაუგზავნეს თუშ-ფშავ-ხევსურებმა მოსკოვის მეფეს ალექსი მიხეილის ძეს 1658 წელსაც:

„დიდო და ყოვლის-მპყრობელო ხელმწიფევ, ყოველი ქრისტიანეთ რჯულისა დამამტკიცებელო, სრულებ საქრისტიანოს საქეთ-მპყრობელო და ყოველთ ურჯულოთ გამაქარგებელო, დიდის მოსკოვის ტახტზე მჯდომელო და სრულ საქრისტიანოს ზურგო და სიქადულო, დიდებულო ხელმწიფევ, ღვთივ გვირგვინოსანო, მეფეთ მეფევ, დიდო მეფევ, ბატონო ალექსი მიხაილის შვილო: თქვენმა მონდობილმა ქვეყანამა თუშეთმა, ხევსურმა და ფშავმა სრულ ერთობილთა თავი დაგვიკრავს და თქვენს ნადგომს მიწას ვმთხვევნივართ: აგრევე ამას წინათაც, დიდო ხელმწიფევ, ჩვენი ელჩები გაახელით და სრულად ერთობილთა თავი დაგვიკარით და ასრე მოგახსენეთ, რომ ჩვენ ერთი ღმერთი ვიცით და მეორე საქართველოს ხელმწიფე. მეფე თეიმურაზ, და ჩვენ სხეას ურჯულოს კაცის





ხელ-ქვეით არა ვყოფილვართ, თუ არ ქრისტიანის ხელმწიფის ყმა-  
ნი ვყოფილვართ და გვიმსახურებია და ახლა, ჩვენს ხელმწიფეს  
ურჯულთმ უყენმა დასძლივა და რადგან ჩვენი ხელმწიფე თქვენ  
ხელთ ქვეშ არის, დიდო ხელმწიფე, ჩვენც თქვენს ხელთ ქვეშ  
შევიქნებით და არც უსიკვდილოდ ურჯულოს კაცის ყმობა არ შე-  
გვიძლიან, თუ არ ქრისტიანის ხელმწიფის. და ახლა, მაღალო ხელ-  
მწიფევე, ჩვენი ელჩები რომ გამობრუნებულ იყო, და ჩვენი ბატო-  
ნის რძლის კაცი ივანე მაქსიმეს შვილი და თერგზე რომ მოსულ  
იყუნეს, ჩვენი ხელმწიფე წინ შემოაპყროდა, და ერთი ჩვენი ელჩი  
იქ დაეჭირა და ორი კიდევ გამოუშო და ერთი თავისი კაცი ივანე  
მაქსიმეს შვილი და ასრე ებრძანა ჩვენს ხელმწიფესა ჩვენთვის,  
რომე ერთი ღმერთი იცოდეთო, და მეორე, ეს დიდ ხელმწიფეო.  
როგორც ამისმა ბრძანებამ დაგარიგოსთ, ისრე ქენითო, და სხვას  
კაცისათვის არამც თავი მოგიდრეკიათო, და ან სხვა კაცი თქვენს  
ქვეყანაში შემოგიშვიათო. მოვიდა ჩვენი ელჩებიც და ჩვენის ხელ-  
მწიფის გამოგზავნილი კაციცა, და ჩვენთვის მრავალი წყალობა  
გებრძანებინა და მაგათი ბედნიერი ხელი დაუღებია, ასრე გებძანა:  
ჩემი ყმანი შეიქნებითო და მემსახურეთო და ვისაც გამტერო, უმტე-  
რეთო, თუ რამ დაგჭირდეს, შემატყობინეთო და ლაშქარს მოგაშვე-  
ლებო, და თუ ჩემი ლაშქარი გამოუძახო, ან ლეკზედა ან სხვაგნით,  
თქვენ მზას იყვენითო, რა ხან ჩემი ბძანება მოგივიდეს, შეიყარენით  
და ჩემს ლაშქარში გაერივენითო და მილაშქრეთო და სხვა მრავალი  
წყალობა გებრძანა ჩვენთვისა: ღმერთმან ბედნიერის ხელმწიფის  
ჭირის სანაცვლონი გვამყოფოს, და მაგათი დღე ერთი ათასად იქ-  
ნას: ჩვენ არა ღირს ვიყვენით, რომ ბედნიარს ხელმწიფეს ჩვენთვის  
წყალობა ექნა: ეხლა კიდევ ელჩები ვაახელით დიდს ხელმწიფესა  
რვა კაცი: ნაუმ ივანეს შვილი, პეტრო ნაუმის შვილი, ალექსანდრე  
აბრამის შვილი, მიხაილ გრიგოლის შვილი, გრიგოლ მიხაილის შვი-  
ლი, ივანე ივანეს შვილი, სვიმონ ზაქარაის შვილი, კუზმა სვიმონის  
შვილი გამოგვიგზავნია და შევიტყევით, რომ ჩვენი ხელმწიფე  
თქვენთან წამოსულა და როგორაც თქვენი ბრძანება გამოვა, ისრე  
გიქთ, და ისრე გემსახურებით<sup>41</sup>.

<sup>1</sup> М. Броссе, Переписка грузинских царей с Российскими государями от 1639 по 1770 г., СПб, 1861 г., гл. 74—75, 229.



რასაკვირველია, თუშ-ფშავ-ხევსურების ეს დიპლომატიური მოწერა მოსკოვის მეფესთან ნაკარნახევი იყო კახეთის მეფის თეიმურაზ I მიერ, რომელიც ისტორიული უკუღმართობის ორომტრი-ალში იყო ჩავარდნილი. შაჰ-აბასისაგან დევნილი თეიმურაზი ცდილობდა, მოსკოვის მეფის დახმარებით, კახეთიდან სპარსელები განედევნა და თავისი ტახტი აღედგინა. ამისათვის მას უნდოდა თუშ-ფშავ-ხევსურეთი, სადაც ის ხშირად თავს აფარებდა, დიპლომატიური ენით ამეტყველებინა.

მაგრამ სპარსელებისა და ლეკებისაგან არც თუშებს ჰქონდათ მოსვენება. ლეკები იტაცებდნენ თუშების სარჩო-საბადებელს, საქონელს და ტყვეებად ადამიანებიც მიჰყავდათ, რომელთა დასახსნელად დიდ გამოსასყიდს მოითხოვდნენ. თუშური ხალხური პოეზია სავსეა ამ ლეკური ტყვეობის გოდებით. ამის შესახებ ქართულ მატრიანეშიც მოიპოვება მოკლე ცნობები: „ჩამოვიდა კახეთში დიდი ჯარი ლეკის, მიუხდენ თუშეთს, ბევრი ავნეს. ჩამოვიდა ამბავი, მოახსენდა ბატონს, მაშინვე წაბრძანდა კახი ბატონი კახეთს, მიემგვლა თუშეთს“<sup>1</sup>.

რასაკვირველია, არც თუშები ისხდნენ გულხელდაკრეფილი და ლეკებს სამაგიეროსაც უხდიდნენ. დავით III (იმამ-ყული-ხანი — 1703—1722) დროს, მემატიახის ცნობით, დროებით მშვიდობიანობა ჩამოვარდნილა კახეთსა და ლეკებს შორის, მაგრამ ეს ხავი თუშებს თურმე დაურღვევიათ: „ხოლო კახთა და ლეკთა ხავთა შორის წარვოდენ თუშნი, მოსრნეს რაოდენიცა კპოვეს ლეკნი და მწყემსნი და წარმოიღეს არვე დიდძალი, ეწივნენ ჭარელნიცა, არამედ მოსრნეს თუშთავე და აოტნეს ივინიცა და მოვიდნენ მშვიდობით. ამისათვის მოგზავნეს ჭარელთა: „არის მშვიდობა ჩვენ შორის, რად ჰყვეს თუშთა ესე“. განრისხდა იმამ-ყული-ხანი და ბრძანა მიცემა მონაღლებსა. ხოლო თუშთა არა ინებეს. კვალად წავიდა მოურავი მათი და არც მას უსმინეს. ამხედრდა თვით იმამ-ყული-ხანი და მივიდა და უბრძანა ცემა თოფთა, არამედ მათ რა იხილეს იმამ-ყული-ხანი, შეაქციეს ზურგი და დასდგნენ უსაჭურვლონი, და მსროლელთაცა არღარა თუ იკადრეს მიხედვად. ამისათვის შეიწყალა მეფემან და

<sup>1</sup> საქართველოს ცხოვრება, პაპუნა ორბელიანისა (ცხ. ზ. კიკინაძე, საქარ. ცხოვრება, 1913 წ., გვ. 54).



არღარა მოსრნა, გარნა წარუხვნა ნატყვენავი და მისცა ლეკთა ვათურთ“ (ვახუშტი, საქ. ცხოვ. გვ. 206).

ქართლ-კახეთის სამეფოს უკანასკნელი საუკუნის მიწურულში ლეკების თარეშმა საშიში და მწვავე ხასიათი მიიღო და თუშეთის პოლიტიკური მნიშვნელობა, როგორც დაღესტნის მოსაზღვრე პროვინციისა, გაორკეცდა. თეიმურაზ II (1744—1760) და ერეკლე II (1744—1798) განსაკუთრებული პატივით ეპყრობოდნენ თუშ-ფშავ-ხევსურებს და მათგან ჰქმნიდნენ საიმედო და თავდადებულ რაზმებს, რომლებსაც, პირველ ყოვლისა, ევალებოდათ ლეკებისაგან კახეთის ჩრდილოეთი საზღვრის დაცვა და როდესაც ლეკების თარეშის ასალაგმავად ერეკლე II მორიგი ლაშქრობა განაჩინა, მან ამ ხეგრისაგან თუშ-ფშავ-ხევსურნი გაათავისუფლა<sup>1</sup>, რადგანაც ესენი ლეკების საზღვრების სადარაჯოზე მუდამ შეიარაღებულნი იდგნენ.

ამას გარდა, თეიმურაზ II და ერეკლე II ხშირად იხიზნებოდნენ თუშ-ფშავ-ხევსურეთში, ცხოვრობდნენ იქ და მათში ერთგვარი პატივი და სიყვარული ჰქონდათ მოპოვებულნი, ამიტომ მეფის სასახლის ამალაში თუშ-ფშავ-ხევსურნიც ერივნენ. ერეკლე II-ზე თუშებში დღესაცაა შემორჩენილი მოგონებები. სხვათა შორის, ასეთი გაღმოცემაც არსებობს: ერთი თუში თურმე მდგარა ერეკლეს სასახლის სადარაჯოზე; მას ლამის წყვილიადში სასახლეში შემავალი ერეკლე ვერ უცვნიდა და დაუძახნია, ეი, ვინა ხარ? მეფეს ხმა არ გაუცია. თუში მივიარდნილა და გაურტყამს. ამაზე გაბრაზებულ მეფეს დაუყვირია, რას სჩადიხარ, შე ბრიყვო, მეფეს რათა სცემ? თუში შემკრთალა და მის წინ მუხლი მოუყრია. ერეკლეს ის წამოუყენებია, მხარზე ხელი გადაუსევამს და უთქვამს: ყოჩაღ, თუშო, რომ ასე ერთგულად ყარაულობ ჩემს სასახლესო.

თუშების ასეთი ერთგულების სტიმული პოლიტიკურ-ეკონომიური ხასიათისა იყო. ერეკლეში ისინი ხედავდნენ ლეკებისაგან მფარველ ძალას. ამასთანავე, თუშების ცხერის ზამთრის სამოვარათა ბატონ-პატრონი მეფე იყო. ამიტომ თუშებს მეფესთან საფერაო საქმე ჰქონდათ და მას ერთგულად იცავდნენ. ერეკლე II თუშებში ეძებდა ერთგულ და საიმედო ძალას, რომელიც არ იყო მოშხამული

<sup>1</sup> Бутков, Материалы для истории Кавказа, Т. I, СПб, 1869 г., 83-288.

მონურ-ბატონყმური და მოღალატური სულისკვეთებით, რაც ახასიათებდა იმ დროის ბარის საქართველოს ბატონყმურ საზოგადოებას. ამასთანავე, თუშების ცხვარი მეფის ხაზინას საგრძნობ შემოსავალს აძლევდა. ამ მხრივ რომ ხელისუფლების დაინტერესება დიდი ყოფილა, ამას მოწმობს თუშებისადმი მიცემული 1757 წლის სიგელი<sup>1</sup>, რომელსაც ხელს აწერენ მეფეთა მეფე თეიმურაზ და მეფე ერეკლე.

ამ 1757 წლის სიგელით ეს მეფეები საიმეკვიდრეოდ და მუდმივ მფლობელობაში აძლევენ თუშებს „ალონს“ ან ალვანის მიწდორს: „... არც ჩვენ და არც შვილმან ჩვენმან იქ (ალვანში) სოფელი არც დაასახლონ და არც ავაშენოთ ჩვენ და არც ალონის ადგილი და მიწა გავცეთ... თქვენთვის და შვილთა თქვენთათვის ამ რიგად გვიბოძებია... არ მოგვეშალოსთ ჩვენგან და არც სხვათა ჩვენთა შემდეგთა მეფეთა და მეპატრონეთაგან... თქვენ როგორც ძველთაგან ან საბაღაზე და საფოთლე გერთმეოდესთ და საკომლო, ისე გამოგერთმეოდესთ. ამ რიგად ეს წყალობა გვიქნია, საცა ალონის ადგილში სოფელი არ ყოფილიყოს და დღეს არც ჩვენ და არც შვილმან ჩვენმან იქ სოფელი არც დაასახლოს და არც ავაშენოთ ჩვენ და არც ალონის ადგილი და მიწა გავცეთ. თქვენთვის და შვილთა თქვენთათვის იმ რიგად გვიბოძებია ჩვენად ერთგულობისათვის და სამსახურისათვის სამკვიდროდ. ასე გიბოძეთ რაგვარადაც ამ სიგელში დაგვიწერია. არ მოგვეშალოსთ ჩვენგან, და არც სხვათა ჩვენთანა შემდგომთა მეფეთა და მეპატრონეთაგან“.

ამგვარად, ირკვევა, რომ ალონის ველზე, რომელიც თუშებს ჯერ კიდევ ლევან II დაუთმო ზამთრის საძოვრად, სოფლები შენდებოდა და ამით ვიწროვდებოდა საძოვრის ფართობი. ეს კი საფრთხეს უმზადებდა თუშეთის მეცხვარეობის განვითარებას და ამიტომ მისი

<sup>1</sup> ამ სიგელის ტექსტის ნაწყვეტები მოყვანილია დ. აღბანელის წერილში „თუშების ორი გუჯარი“ (იხ. კვალი, 1897 წ., № 50, 51, 52), სადაც ავტორი შენიშნავს, რომ ამ გუჯარების პირები მან იპოვა ტფილისის საგუბერნიო მმართველობის არქივში 1808 წლის საქმეებში. ამ გუჯარების დედნები კი, მისივე განცხადებით, გაუტანიათ თუშებს: ფოცხვერს (ცისკარიშვილი), თათოს და ივანეს. ჩვენ გვინდოდა აღნიშნული გუჯარების პირების გადათვლიერება და ტექსტის აქ მოყვანა, მაგრამ მათი მოძებნა საქართველოს ცენტრარქივში, საწიუხაროდ, ჯერჯერობით შეუძლებელი აღმოჩნდა.

სრული დასაყუთრებისათვის საჭირო იყო მეფის ბრძანება და სიგელი, რომელიც 1757 წელს თუშებს უკვე ებოძათ. საპაგანო თუშებს მეფის ხაზინაში შექმნდათ საბალახო და საკომლო გადასახადი და თავის ხმლითაც მეფეებს ერთგვარად ემსახურებოდნენ. მაგრამ 1757 წლის სიგელმა თუშებსა და მეზობლებს შორის (ბაბტრიონელები, ფშაველები და ლალისყურელები) შუღლი დაბადა. ეს სოფლები ალვანის მინდორზე ხენა-თესვას ეწეოდნენ და 1757 წლის სიგელით თუშებმა მათ ეს აუკრძალეს. ამას მოჰყვა ორივე მოწინააღმდეგე მხარის ერთმანეთზე მტრული გადაკიდება, მიბტომა, საქონლის მოტაცება, ქურდობა და სხვა. ხელისუფლება იძულებული გახდა საქმეში ჩარეულიყო და 1781 წელს ერეკლემ ბრძანება გასცა თუშთა მოურავის სახელზე, რომელსაც საქმის მოსაგვარებლად აძლევს სათანადო დარიგება-განმარტებებს.

როგორც უკვე აღვნიშნეთ, თუშები ფშავ-ხევსურებთან ერთად შეადგენდნენ მეფის ძლიერ და საიმედო რაზმებს, რომლებიც მონაწილეობას იღებდნენ ერეკლეს სხვადასხვა ბრძოლაში. სამწუხაროდ, ქართველ მემკვიდრეს ამის შესახებ ჩვენთვის ცნობები არ შემოუყარავს, მაგრამ ზეპირსიტყვაობაში ის დღემდეა დაცული. ამ შემთხვევაში ქართველი მემკვიდრე დუმს. იგი ვაჟკაცობას უქმებს მაღალ და გაბატონებულ წოდებას და მდაბიო ხალხის გმირობაზე სრულიად დუმს.

ამ მხრივ საყურადღებოა ასპინძის ომი (1770 წ.), სადაც ხევსურებთან ერთად თუშებიც იბრძოდნენ. თუშებში გმირობის სახელი მოუხვეჭიათ კოხიო ბობლიაშვილს, ნაკუდა ქუიძეშვილს, დილოიძეს და სხვა. ამაზეა ნათქვამი ეს ლექსი:

თვალიც უჭირავს ქვეყანას, კოხიო გაირჩებაო,  
დიდის ბატონის ჯარშიდა წინ ვერვინ დაუდგებაო,  
ბატონის თვალი წყალობდა, ბატონს არ მოუყვდებაო.  
ნაკუდა ქუიძესშვილი რა კანჯარივით ხტებაო,  
შვიდი აკაფა ხმალდახმალ, რიგი ხანჯალზედ დგებაო !.

<sup>1</sup> რ. ერისთავი, ასპინძის ომი, ტფილისი, 1870 წ., გვ. 15—16; მისივე ქართული სახალხო პოეზია (ტრებელი, 1880 წ., გვ. 27).

ასპინძიდან გამარჯვებულ ჯარს წალკის სერზე შეუსვენია. ერეკლეს აქ უხშია დილოიძე და უთქვამს: „ჩემო თუშო, ~~განდობი~~ ბისათვის აი ეს ხეობა შენთვის მიჩუქნია“. დილოიძეს წალკის ბოძებაზე უარი უთქვამს და მის ნაცვლად ერეკლესათვის ხევსურის ხმალი უთხოვია. მეფეს ხევსურისათვის ხმლის წონა ოქრო მიუცია და ის დილოიძისათვის უფუშქაშნია<sup>1</sup>. 1785 წელს კახეთში გაილაშქრა აგარიის ცნობილმა ომარ-ხანმა, რომელმაც 11.000-იანი ჯარით გადმოლახა ალაზანი და უშიშრად დაიწყო კახეთში თარეში. ერეკლე იძულებული იყო, ომარ-ხანისათვის 10.000 მანეთი ჯამაგირი ეძლია.

ამ ომარ-ხანის რისხვა თუშებსაც არ ასცდენია. მისი ჯარი ნუცალის წინამძღოლობით თუშეთს შესევია და ხარკიც დაუდვია. მაგრამ ნუცალი ამასაც არ დაჭერებულა და თუშეთის შემოსამტყიცებლად მისი გამაჰმადიანება განუზრახავს. ნუცალისათვის თუშებს მიუგზავნიათ საპატიო მოხუცი ანთა დევდრისი და მოფიჭრებისათვის დრო უთხოვიათ. ამავე დროს თუშებს მხედრები უფრენიათ ლევან ბატონიშვილთან და დახმარება უთხოვიათ. მეფის ჯარიც გადმოსულა ღამით და გირევის ღელეზე დაბანაკებულა. ნუცალს თურმე სინათლე შეუნიშნავს, მაგრამ ანთას დაურწმუნებია, ეს მეცხვარეთა ბანაკიდანააო. ნუცალი მაინც შიშობდა და, რომ დარწმუნებულიყო მის გულწრფელობაში, ცხენის ხორცის შეჭმა უბრძანებია. ანთამ ეს ბრძანება შეასრულა. ამ დროს ნუცალის ბანაკს თავს ესხმის მეფის ჯარი და ანადგურებს. ეს ამბავი ხალხს ასე გაუღეჟსია:

ქაჩუსა თავსა გადმოდის დიდი ნუცალის ჯარია,  
ჩამოდგა გირევის ვაკეს, როგორც ნაგუბარ წყალია.  
წოვათის დევდრის ანთაი ნუცალს მიუა კარზედა,  
წინ დაუდგ ოქროს ტაბაკი, ზედ კვიცის ხორცი აწყვია,

<sup>1</sup> ზემო აღკანში მაცნობენ, რომ დილოიძის ეს ხმალი ვაზო აბაშიძის სახლში ინახებოდა. მე ხმალი ვაგსინჯე, ხმალი მოხრილია, მას ერთ გვერდზე ახატია პირდაღებულ ღომი, მეორეზე კი — ჯვრანი სფერო. ვაზო აბაშიძის თქმით, ამ ხმლის გასასინჯად ხევსურები დღესაც მოდიან, რომ ისინი თურმე ეძებენ დილოიძის ამ ხმალს და დიდ საფასურსაც იძლევიან. ხევსურები ხმალს რომ სინჯავენ, მის სინამდვილეში ეჭვობენ, ხმალი თავისი ფორმით და ნაკეთობით არ ჰგავს ხევსურულ ფრანგულას.

დანა ზედ უქვეს ჯავარი, გიშრისა ტარი ავია,  
სქამს და ვერა ძლებოდის, ღვთისგან მოელოდ შეელასა.  
შეიტყო ითაბანულმა, ლურჯას დააკრა ნალები,  
საგათენებლოდ ჩავალის გრემის ბატონის კარზედა:  
„ლევანო, ჩვენო ხელმწიფევ, ჩვენა გვიბოძე ყმანია“.  
ლევანმა ჯარი შეყარა ათასი მეომარია,  
აანთო მამხალაები, ღამით გაიხნო გზანია,  
გარდადის ნაყავეჩოსა, ღმერთო დასწერე ჯვარია.  
ითაბანულის ლურჯაი ნაყავეჩს გღია მკვდარია.  
გვერდთ უზის თავის პატრონი, დასტირის როგორც ქალია.  
ვინ გახვალთ გირევის წყალსა, ვინ გაიმეტებთ თავსაო,  
წინ გავიდ გირევის წყალსა ვაჟი ლურჯ პერანგიანი,  
იქნებოდ საგინაშვილი, ვისაც ანდერაზ ჰქვიანო,  
ჩავიდა, ჩამოერივა სალთხუცის ნარქაფითაო,  
ნუცალს ჩაუჭრა კარავი ნაკუდაურის ხმლითაო.  
ცოლი ნუცალის ტიროდა: „ნეტარ ნუცალ რა იქნა?“  
ნუცალი ანდერაზმ მოკლა, ყორნებს ჩაქონდა მწყალითა“.  
ლევთა სტირიან ქალები, აღარ მოგვივლენ ქმარები,  
ცხენებთ რა უყოთ ტიალთა, დაწყვიტეს ლაგამთ ტარები,  
ზოგთა სთქვეს: „ბაშტეს შევყაროთ, მაგრა დევგულოთ კარები“,  
ზოგთა სთქვეს: „მთაზედ გაუშოთ, თავზე წაყაროთ ლაგამები“,  
ზოგთა სთქვეს: „უკულმ შევკაზმოთ, ზედ თავათ შევსხდეთ ქალები,  
გავიდეთ თუშისკენ, იქავ შევიერთოთ ქმარები“.

საქართველოს რუსეთთან შეერთებისა და თვითმპყრობელობის ჩვენში დამყარების პირველ პერიოდში, იმპერიალისტური რუსეთი შეუდგა კავკასიის დაპყრობის საქმეს, რომელშიაც აქტიურ მონაწილეობას იღებდა ქართველი თავადების დიდი ნაწილი. ამან გააღრმავა კავკასიაში მობინადრე ტომების საქართველოსადმი მტრული განწყობილება, განსაკუთრებით ლეკებ-ჩაჩან-ინგუშებში, რომლებიც გააფთვრებით ებრძოდნენ თვითმპყრობელურ რუსეთს და კავკასიის ისტორიაში გმირობის სახელი მოიხვეჭეს. ამან უფრო გაართულა თუშეთის მდგომარეობა, მით უმეტეს, რომ თუშეთის პოზიცია ამ შემთხვევაში ლეკ-ჩაჩან-ინგუშებისათვის გარკვეული იყო, მათ მოწინააღმდეგე ბანაკში იყო მოქცეული.



ამიტომაც ლეკების თავდასხმას ჩაჩან-ინგუშთა შემოსევა და თუშეთის აკლება დაემატა. ახლა თუშეთს ამ ფრონტზედაც უნდა ბოდა თავდაცვითი ბრძოლის წარმოება.

ამ მხრივ საყურადღებოა ქისტის ბელადის მურთაზის შემოსევა და ფარსმის ციხის გარემოცვა. ხალხური გადმოცემით, ჩაჩან-ინგუშთა ნაიბს — მურთაზს დიდი ლაშქარი წამოუხსამს, რომლის აღრიცხვა მას გასჭირვებია. ანგარიშისათვის, მურთაზის ბრძანებით, მოლაშქრეებს თითო ქვა აუღიათ და ერთ ადგილზე დაუყრიათ, რომლისგან მთელი გორა დამდგარა.

მურთაზი ხარბაზნით გამოსულა და მისდგომია ფარსმის ციხეს. ციხეში თუშები გამაგრებულან და ვერაფერი დაუკლია. მაშინ მურთაზს ციხის სანგლით აფეთქება უბრძანებია. თუშებს ეს დროზე გაუგიათ და ერთ თუშის ქალს, კახოს თინას თავისი მანდილი ერბოში ამოუვლია, სანგალში გადაუგდია და ის აუფეთქებია. ამ თინას გმირობაზე ასეთი ლექსია გამოთქმული:

ფარსმის ბროლისა ციხეო, შიშით გაქანებს ქაირო,  
 შიგ სხედან თუშის შვილები, თოფთ პირებს ასდის ალიო.  
 თინაო, ღმერთმა გაცხოხოს, სული ხომ ლაღად არიო,  
 თმას შემაიხვი მანდილი, წელს შემაირტყვი ხმალიო.  
 გვერეოდი ლაშქარში, ჩაღად დაყარე მკვდარიო,  
 უკან გამოგყვა მეკობარ — ფარსმან ნარჩევნი ყმანია,  
 გაჰკვირვებოდა დაღესტნლებს თინას ნომარიო,  
 ან მკლავი როგორ უძლებდა ან სამლარიანი ხმალიო.  
 იქით გაიქცა მურთაზი, გადაიარა მთანიო,  
 ქაჩუის ღელეს ჩასტირის, როგორც თმანი ქალიო.  
 წინ ცოლი შემოეგება თურეშაულთი ქალიო,  
 — მურთაზ, რად გამოქცეულხარ, რად შეგვირცხვინე გვარიო?  
 — თუშთ გამიწყვიტეს ლაშქარი, მოველი სირცხვილიანი.  
 — სირცხვილიანის მოსვლასა სიკვდილ სჯობს ნამუსიანი.

ჩქარა თავიანთი დროშებით ხევსურებიც გამოჩენილან და ხევსურეთის კოპალეს მიჭებებია ფარსმის წმ. გიორგი. ამტყდარა ქექა ქუხილიც:



ცა ქებდეს, ქუხდეს, ელავდეს, წმ. გიორგი იქნება.  
ხოგიროს წვერზე დაბრძანდა გიორგი დობილიანი,  
მთის ძირში შემოეგება კოპალე ბოვრაცყანი.

მტერს შიშის ხარი დასცემია და ძლეული მურთაზი გაქცეულა.  
ბრძოლის ეს ეპიზოდი ასეა გალექსილი:

ქაჩუსა ძირსა შემოვიდ მურთაზ დიდითა ჯარითა,  
ფარსმისა თავსა გადმოდგა დიფიან-ხარბაზნიანი,  
ფარსმის ვაქეში ჩამოდგა აღმიან-დროშიანია.  
ფარსმას ვერ გასტებ, მურთაზო, ქეგზაი ნაქსოვიანი,  
რკინის ვერ დაღლეწ კარებსა, კოპალე დიჩინიანი.  
ფარსმაში კობტა ციხეებს შენ ვერ დაუღებ კარებსა,  
შიგნით ვერ გამორეკავდი ლამაზ-ლამაზსა ქალებსა.  
შივა ზის ალოს აღუდა, ქორი აფეთებს თვალებსა,  
უკანვე დაგაბრუნებსა, მტირალს გაგზავნის შინათა,  
ხირიმებს არც კი გაკადრებს, მაერებით შეგვიჯერებსა,  
ტყვი-წამალი ბეერი აქვს, ასი ოსმალოს ტოლია.  
უკან გამოგყვა მეკოპარ-ფარსმან ნარჩევი ყმანია,  
შემოგაბრუნებს პირ-აღმა, გატირეს, როგორც ქალია.  
მთას გადატირის მურთაზი, ფარსმაში დამარცხებული,  
ჯარ თუშებს გავაწყვეტინე, დაღესტანს შემრცხვენდებო.  
გზათ დედა მოეგებების, მურთაზ, რა უყავ ჯარიო?  
ჯარ თუშებს გავაწყვეტინე, შინ მოხველ სირცხვილიანი.

მურთაზისათვის თუშებს წაურთმევიათ ხარბაზანი, რომელიც  
დღეს ინახება სოფ. ჭეშოში და აქვს ასეთი არაბული წარწერა: „ამა-  
ლი აჰმად“ (აჰმადის საქმე ან ნაკეთები). უკან გაბრუნებისას დამარ-  
ცხებულ მურთაზს, ლაშქრის დანაკლისის გამოსარკვევად, უბრძანე-  
ბია სააღრიცხვოდ დაყრილი ქვის სათითაოდ აკრება. ქვის ერთი  
მესამედი ქაჩუს გადასავალზე დღესაცაა დარჩენილი და მას მურ-  
თაზის გობს (ქვას) ეძახიან.

არც საისტორიო წყაროებიდან და არც ხალხური გადმოცემები-  
დან არა ჩანს, რომ თუშებს მონაწილეობა მიეღოთ მთიულების ამ-  
ბოხებაში და აგრეთვე აღექსანდრე ბატონიშვილის შეთქმულებაში  
რუსეთის წინააღმდეგ. მართალია, აღექსანდრე სპარსეთიდან თუ-



შეხვედრის მოუწოდებდა ოუსეთის წინააღმდეგ საბრძოლველად და  
 ასეთ ბარათსაც კი უგზავნიდა: „ქ. ჩვენ მაგიერად ერთობლურ თუშთ  
 ასე ეუწყოსთ, მემრე ჩვენი ამბავი ესრეთ ოუწყეთ. ჩვენს მოწყალეს  
 ხელმწიფეს, როდესაც ვიახლეთ და ჩვენი საჩივარი მოვახსენეთ,  
 ხელმწიფეს მაშინვე თვისის ურიცხვის მოწყალებით მთელს ერან-  
 ში ბრძანებები გასცა და საქართველოში წამობრძანების თადარიგ-  
 ში შევიდა. სხვა რიგათაც მრავალი წყალობები მოიღო ჩვენზედა  
 და ჩვენთან მყოფს თავადებზედა თეთრით ხალათებით, ცხენებით,  
 იარაღებით თუ სხვა წყალობებით. ასეთი წყალობები მოიღო ჩვენ-  
 ზედ და ასეთი პატივი მოგვცა, რომ არა ერანის ხელმწიფეს ჩვენთა  
 მამაპაპაზედ ამისთანა წყალობა არ მოუღია და არც ამისთანა პატი-  
 ვი მიუღიათ და არც სხვას დროს სხვას ხელმწიფისაგან თავადებს  
 ამისთანა წყალობა არ მიუღიათ, როგორითაც ჩვენთან მყოფთ წყა-  
 ლობები მიიღეს. ყოველის ადგილებიდან ორმოცის დღის ნავროზს  
 წინათ ჭარები მოიყვანეს და ჭარების სანი ნახა ხელმწიფემ და თა-  
 ვის უფროს აბაზ-მირზას დიდროვანი ჭარები უბოძა და ჩვენც თან-  
 გვაახლა და მარტის ოცდარვას თერანიდან გამოვედით და მანდეთ-  
 კენ წამოვედით, ჩვიდმეტს დღეს უკან თითონ ხელმწიფეც დიდრო-  
 ვანის თავისის ზღვისებრის ჭარებით მანდეთკენ წამობრძანდებოდა.  
 ჩვენ ამას გწერთ, რომ რადგანაც ხელმწიფემ ურიცხვი მოწყალება  
 მოიღო და ჩვენის ოჯახის ამამგდებლების მანდელამ გაყრა (იგული-  
 სხმება რუსებში) ინება, თქვენ არამც და არამც ასეთი საქმე ჰქნათ,  
 რომ დიდებულის ხელმწიფის რისხვა თქვენს თავზედა მოაწიოთ  
 და საქართველოს წახდენის მიზეზი შეიქნათ და ან თქვენი ცოლი და  
 შვილი დაატყვევოთ. ათას სამასი წელიწადი არის, რომ ჩვენი ოჯახი  
 საქართველოს მეფენი ყოფილან და ერანის ხელმწიფის ყმანი.  
 თქვენს მამათა და პაპათ ყოველთვის ჩვენის ოჯახისათვის და ჩვენ-  
 ნის მამაპაპათ წინ სისხლი დაუღვრიათ თქვენს მამაპაპას. თქვენ ასე-  
 თი საქმე არა ქნათ, რომ თქვენი ოჯახიც დაღუპოთ და თქვენი ნამ-  
 სახტრობაც და სისხლის დაღვრაც ჩატაროთ. ესენი ლეკები ხომ არ  
 არიან. ხუთი ათასი კაცი არარი ათი ათასი და ოცი ათასი ყანდაარი  
 და ყანდარ ზევით მთელი ერანი მანდ მოდის. ლმერთმა ხომ იცის,  
 რომ ან უნდა მანდ ამოწყდნენ და ან მანდელან რუსები გარეკონ.  
 თქვენ ახლაც ყველანი ჩვენთან წამოდით და წინ მოგვეგებენით ორ-  
 პირად. მოდის ჭარები, ერთ ჭარში ყენი ბრძანდება და მეორეს

ქარში შაჰხადა. ერთი ყარაბაღის გზაზედ მოვა და ერთი გოგონა ჩვენც იმ დროს ან ყვენთან ვიქნებით და ან შაჰხადასთან, რომელიც გზა გეახლოვებოდესთ და ამჯობინოთ, იმ გზაზედ წამოდით და წინ მოგვეგებებით. ხემწიფის ფარვანიც მოგივათ ხათრიჯამობისა და დრო ეს არის. წამოდით, ხემწიფის წყალობაც დიდი დაგემართებათ, რა როგორადაც რომ თქვენი შამაპაპანი ერთგულნი ყოფილან, უმეტესად ერთგულად თქვენ აღმოჩნდებით. თუ ამ ჩვენს რჩევას დაიჭერებთ და მოხვალთ, ხომ კარგია, თუ არადა თქვენ იცით. ღმერთმან ხომ იცის, რაც ამ წიგნში მოგვიწერია, სწორე და ქეშმარიტია. ყოველივე თითო ამის პირი ქართლსა და კახეთში ყველასათვის მიგვიწერია და ჩვენი ვალი აგვიბღია. და ახლა თქვენ იცით. მარტის 30 (6) ქრ~ქს „უცხ“ (492 — 1804 წ. აზის ბეჭედი. ალექსანდრე).

მეფის ძე თეიმურაზ სიყვარულით მოგივითხათ. თუ ჩვენსა ანბავს იკითხავთ, ჩვენც ამათს უმაღლესობას ბიძა ჩვენსა ვახლავართ და ხემწიფისაგან ასეთი მოწყალება მოადგა ბიძა ჩვენსა, რომ არას ჩვენს შამაპაპას ხემწიფის ასეთი წყალობა არ მისდგომიათ. ახლა თუ ჩემს რჩევას დაიჭერებთ, ახლავ ამათს უმაღლესობას იახელით, ღმერთმან ხომ იცის, ხელმწიფისაგანაც და შამის ჩვენისაგანაც დიდი წყალობა დაგემართებათ და თუ ამ ჩვენს რჩევასა არ დაიჭერებთ და არ მოხვალთ, საუკუნოთ თქვენს ოჯახს დააქცევთ და ახლა თქვენ იცით“. (აზის ბეჭედი. ქ. მეფის ძე თეიმურაზ.)

ეტყობა თუშებს არ ჰქონიათ ალექსანდრეს გამარჯვების იმედი და ამ ავანტურისაგან თავი შეუკავებიათ.

სამაგიეროდ, თუშები აქტიურ მონაწილეობას იღებდნენ დაღესტნის დაპყრობისა და შამილის დატყვევების საქმეში. შამილს ღრმად ეკალი გაუვლია თუშეთის ისტორიულ წარსულზე, რაც აღბეჭდილია თუშურ ხალხურ საგმირო ლექსებსა და მოგონებებში. აქ დღესაც არიან შამილის მომსწრე მოხუცები, რომლებსაც მისი ტყვეობაც ეუფეშიათ. ამიტომ შამილის ხსოვნა და მისი გმირული მოღვაწეობა ხალხში ჭერ არ გამქრალა და მის სახელს თუშები მუდამ ქებით იხსენიებენ.

თავისი პოლიტიკური მოღვაწეობის პირველ ხანებში შამილი თუშეთთან მეგობრული დამოკიდებულების დამყარებას ცდილობდა და ამ მიზნით თუშებთან კაბუქის მთაზე დიპლომატიურ მოლაპარაკებასაც თურმე აწარმოებდა. მაგრამ მათ შორის შეთანხმება არ



მომხდარა. მაშინ შამილს თუშეთის დასარბევად გაუგზავნია ჩაიქილ მუხამა, რომელიც თავისი ლაშქრით ხისოს ლაყას მთაზე დაბრუნდა. აქედან ხათილ მუხამას რაზმის ერთი ნაწილი სოფ. ხისოსკენ გაუგზავნია, მეორე კი ქუმელაურთაში. ამ ორ სოფელს მიშველებია პირიჭითისა და გომეწრის თემის სოფლები, მტერზე იერიში მიუტანიათ და დამარცხებული ხათილ მუხამა დიდის ხარალით უკანვე გაბრუნებულა.

ამ გამარჯვებისათვის მეფის მთავრობას თუშები სამი წლით გადასახადისაგან გაუთავისუფლებია და ამაზეა ეს ლექსიც გამოთქმული:

ერთხელ თურმე იმამ შამილის მუჭარა სთხოვეს პირათა:  
 შენ მგონია დაიკვეხნე, თუშეთს წავალ საომრათა,  
 თუ მოხვალ, კი გიმასპინძლებთ თუშები ვაჟაკურადა,  
 თუ გახსომს ფარსმის თაობა, ან თუ იცნობდი მურთაზსა,  
 შენცა ეგრე გიმასპინძლებთ, ისრე ვაგვზავნით მტირალსა.  
 ლაყას რომ დავეჯახებით მაღლა ხისოსა მთაზედა,  
 სამოცი ლეკი მოგიკალთ, ხმალნი გიღეწენთ თავზედა,  
 ჩვენის თოფების ნაბეჭდით სისხლი აწვიმეთ გზაზედა,  
 ჩვენმა მთავრობამ შეიტყო, წიგნი დასწერა წამზედა,  
 ფოშტის ფული გვაპატია სამ წელიწადი კვამლზედა.

მაგრამ თუშების ამ გამარჯვებას ჩქარა მოჰყოლია ლეკების უფრო დიდი ჯარის თავდასხმა და აღდამის მიერ 1838 წელს სოფ. დიკლოსა და შენაქოს აკლება. აღდამი 10000 ჯარით პირველად დაღესტნის მოსაზღვრე სოფ. დიკლოს შესეგია და ეს სოფელი გაუნადგურებია. აქ მოვიყვანთ ამ ბრძოლის გალექსილ მატთანეს:

ყური მომიგდეთ, მსმენელნო, ლექსად გეტყვით ყველაფერსა,  
 უწინ ჩვენ მამაპაპანი სისხლით რწყავდეს მთის კალთებსა,  
 მტერსა მტრულად უხვდებოდეს, ხმლით იცავდენ ჩვენს  
 საზღვრებსა,  
 დაღესტნის იმამს უთვლიდეს: „მოდიო, გელოდებით ჩვენცა,  
 თუ მოხვალთ, კი გიმასპინძლებთ, სისხლსა გასმევთ თქვენვე  
 თქვენსა,  
 თქვენ მოსოქელებს გვეძახით, ქართველები — ჩვენ თუშებსა“.

ეგ რომ გაიგო შამილმა, თავსა თვისა გაიქნევსა:

„ეს როგორი ამბავია, ეუბნება ნაიბებსა,

„რატომ წმინდათ არ გაქვმენტავთ მეგ მაჰმადალსა თუშებსა“.

შამილსა ჰყავს ერთი ლეკი, ცოტას ეტყვის, ბევრს ითქმევსა:

„ჩვენ თუშებს როგორ გავედმეტთ, გმირთა ლომსებრ მეომრებსა,

მათში ერთხელ ჭარათ გახლდით მოგვაფარეს სულ გობებსა,

ტყვიას ხო არ გვაკმარებდეს, ელვა იდგა მათი ხმლისა.

თან დიაცნი დაჰკიოდნენ, ხელთ იხვევდნენ მანდილებსა:

— დახოცეთ, ნულარ გაუშვებთ ჭაჭანებსა მაგათ ძისა!

ბულათ ხანმა ბავაზელმა ყველა პირათ მოახსენა:

„თუშებს ვერვინ ვერ დაიჭერს, ვერცა სხვა და ვერცა ჩენა.

ერთხელ რომ ჭარათ გამგზავნე, ჭარიც მომე ყველა მხრისა,

ნარჩევ-ნარჩევი ბიჭები ამ შენ ნაქებ დადესტნისა.

თუშურ მთებს რომ გადავდექით, მიწა გვექცეოდა ძირსა,

ერთ ალაგას დავბანაკდით, ჭარი სჭამდა ტკბილათ პურსა,

ზაქარ, ეგა ჰავარელი, ფიქრთ ვართული რათმე ზისა,

უთხარ: „ზაქარ, რათა ფიქრობ, რაზე იყურები ძირსა?“

ამოიოხრა და მითხრა ნიშანია ფინთი მხრისა.

გაიხედა, დაინახა, ვინმე იჭდა კლდისა ძირსა,

მითხრა: „ნეტავ ის ვინ არი, თუ მზირია ჩენი გზისა“.

უთხარ: „მწყემსი ვინმე არი, დაღალული ჩრდილში ზისა“.

თურმე ჩენი მზვერავია, ოთხი კაციც გვერდს უსხედსა.

ხუთმა სროლა აგვიტეხეს, ტყვია მოდის სეტყვასვითა,

ხუთმა თერთმეტი მოგვიცლა, იარაღი ვყარეთ ძირსა,

თურმე თუშებში წესია შერიგებას ნიშნავს ესა.

ახლა შორით დაგვიძახეს: „ჩვენ ხომ კიდევ ომი გვინდა.

იარაღი ხელთ აიღეთ, ახლა პირი ვცადოთ ხმლისა“.

„იარაღს თავი ვანებეთ, ბილიცი ვნახეთ ტყისა.

ჭერ ტყეზე ვისირბილევით, მემრე გზებზე მაღალ მთისა“.

ჰაჭი მურიმ ხუნზახელმა ყველა უთხრა იმამს პირსა:

„მე იმათში ვერ გადავალ, არც ბილიცი ვიცი მთისა,

აღდამს ჰკითხეთ დიდოელსა, იმან იცის იმათ მხრისა,

ის არი მათში ნავალი, რა წესი აქვთ თუშის შვილთა“.

აღდამს უთხრეს: „აბა გვითხარ, რა წესი აქვთ თუშთა შვილთა?“

აღდამ უთხრა: „მე ვყოფილვარ, დღენი იყვნეს ახალ წლისა,

პური, ალუდი, არაყი მეტად მიმღებნი სტუმრისა.  
ცალი მხრივ ვაყვაცნი ისხდნენ, ლუდსა სვამდნენ ჯიხვის რქითა,  
საღლეგრძელოსაყ მოსთქმიდნენ მტრის მებრძოლი ვაყვაცისას.  
ცალი მხრით დიაცნი ისხდნენ, ღმერთსა სთხოვდნენ მანდილ  
**ხლითა:**

„ღმერთო, უშველე თუშებსა, დაღესტნის იმამი ძირსა!“  
ლუდისა მწდენი ქალები წვრილს ხმითა მღეროდნენ,  
და სიმღერაში მოსთქმიდნენ: „მტრის გამქცევსა არა ვსტერთა,  
ჩვენ ყმა იგეთაი მოგვწონს, ვინც მტერს თავს აჭრიდეს

**ხმლითა,**

მტრის შარჯვენებს მოიტანს ლალი მოყმე კალთებითა,  
მოაკრავს ციხის კედელზე, მუდამა ვხედოთ თვალითა“.  
მიდგა და მოდგა იმამი, გუნებაში დაფიქრდისა:  
„მოდი, იქ ჯარი გავგზავნო, როს დღენია ახალ წლისა.“  
აღდამს უთხრა: „შენც წახვალ, ჯარიც მოგვით დაღესტნისა,  
აღდამ უთხრა: „მე კი წავალ, თუ დაებრუნდი ძვირფას ღირსა“.  
აღდამი ჯარს გამოუძღვა, ჯარიც მოსდევს დაღესტნისა,  
პირველად დიკლოს დაეცნეს, ორლობა ჩვენ საზღვრისა.  
სიტყვობდეს დიკლოელები: „რისხვა დაგვეყარა ცისა,  
დაღესტნის ჯარი დაგვეცა, აწ ჩვენ მანსპინძლობა გვინდა.  
თუშეთზე ნუ ვათარაშებთ, სირცხვილია ჩვენთვის ესა,  
აქვე ჩვენ გაუმასპინძლდეთ, ვაჟამოთ სისხლის პურია,  
თითომ თორმეტი მოუკლათ, მაშინ შენდობა გვეთქმისა“.  
დიკლოში დიდი ომია და გრიალი თოფებისა,  
თოფი ქებს, ტყენი უხმობენ, დამღერაინ ბუჩქნი ტყისა.  
გიოი მოზაიძეი ბეჭურაძეს ეძახდისა:  
„ბერო, ბერო, როგორა ხარ, ხმაი მომდის შენ თოფისა!“  
ბერომ წყრომით დაუძახა: „გაჯავრებულ ვარ მე დღესა,  
გუშინ თერთმეტი მოვკალი, შვიდის მეტი ვერა დღესა“.  
ახლა გიომ დაუძახა: „მაშ სახელი შენ დაგრჩესა“.  
მე თორმეტისა მეტი ვერა და თოფიცა ახლა გამწყდა,  
თოფი ვანზე გადააგდო, ხმალზე გაიკრავდა ხელსა,  
ხმალდახმალ გამოუარდა, ორსავე თავი მოაჭრისა,  
ახლა შორით თოფი დაჰკრეს, ლომი გიოც დეეცისა.

მისცვიდნენ და ხანჯლით სჭრიან: „შენგნით ბევრის დედა  
სტირსა“.

ომობდა ოსორაული, ვაჟი არ ზოგავს თავსაო,  
ჭერ ხო თოფითაც ეომა, მემრ ხელი გაჰკრა ხმალსაო,  
ხმალდახმალ გამოუვარდა, უწყალოდ სჭრიდა თავსაო.  
ერთსა ლექსა ხელი სტაცა: „მოდ, ძმობილო, შენ აქაო“.  
შინათყენ მიაბბენინებს, როგორც რომ ლომი ცხვარსაო.  
შინ შეიყვანა ციხეში, მიუსვა სათოფარსაო:  
„ლეკო, ესროლე ლეკებსა, თორო მოგაჰკრი თავსაო“.  
ლეკი ესროდა ლეკებსა, ცრემლები თვალთა სდისაო,  
„ოლონდ ნუ მოძკლამ, თისოჯან, კიდევაც ვესვრი სხვასაო.  
თისომა ხმალი შემოჰკრა, თავი მოშორდა ტანსაო,  
შენ ცოცხალს ვინდა გაგიშობს, შენ ურჯულოსა ძალსაო“.  
ნეტავი მოყმე ვინ ომობს, კოშკების მოდის ძგერაო,  
იქნება ძაგანაშვილი, აბჯრისი მოდის ქდერანი.  
თოფს ესვრის, თანაც დაჰკივის: „ლეკებ, დაიცათ თქვენაო,  
თუშეთზე ვერ ითარეშებთ, აქვე გეყოფით ჩვენაო,  
მასპინძლობდასაც გაგიწევთ, სისხლის პურს გაჰმევეთ თქვენაო“.  
უჯახიშვილიც ომობდა, მოყმე ლალ თეჟიანიო,  
ქურაზიშვილიც ომობდა, მათზე სულ ბრაზიანიო.  
უზომოთ ლეკთა ხოცვიდეს, ეზონ აქვ სისხლიანიო.  
სიტყვობდა ვარდიძის შვილი: დაჰკათ ვინც ხართ გულოვანი,  
უწინ ჩვენ მამაპაპანი ყოფილან სახელოვანი.  
აუ ჩვენც მათ გავედარნეთ, ნუ მოვკვდებით სირცხვილიანი!  
ზემო უბანში ომია, თოფების მოდის გრიალი,  
ხოჯარივით მკედარი ჰყარეს, ლეკები გულშხამიანი,  
ერთმანეთს ეუბნებიან: „ვაჟკაცობის ეს დრო არი;  
რაც სოფელში ჯარი გვიდგა, დღეს მეთვრამეტე დღე არი,  
თუ ოცამდე ვიცოცხლევი, მერე სიკვდილი რა არი“.  
ბზულ მოტყუვდა, მიენდო ლექსა ვერცხლითა ძმობილსა,  
ადგა და მათთან მივიდა ძმობილისა იმედითა.  
ყველანი ფეხზე აუდგეს ჩვენებური მოგვივიდა,  
იარალი ჩამოართვეს, ჩვენთან შიში შენ არ გინდა,  
გარშემო შემოეხვივნეს, ვისაც რომ მის ჯაფრი სჭირდა,  
ჰკითხვენ: „რამდენ მოგვიკალი“, ასე ეტყვის: ვინ გასთვლისა,

კოშკს გარშემო ბევრი ჰყრია თქვენისთანა ძაღლივითა.  
მათ ქიყიყი გააბევრეს, აბულ იცის, რაც მათ უნდა,  
უთხრა: „თქვენი ნება არის, მე მოვტყუედი სირეგვინითა,  
იარალი ჩაგაბარეთ, ხელში დაგჩიით ქალივითა“.  
მალვით თოკი მოიტანეს, გააზვიეს ქამანდითა;  
ხელფეხი მაგრა შეუკრეს, დააწვინეს ხარივითა,  
უწყალოთ ყელი გამოსჭრეს, გაიბერტყა ვეფხვივითა.  
აღდამ უთხრა: „ეგ აკმარეთ, ნუღარ დასჭრით ხანჯლებითა,  
ეგებ ბეროც მოვიყვანოთ ამისთანა თათბირითა“.  
აღდამი ბეროს ეძახის: „ბერო, შენა ხარ ჭკვიანი,  
კაცო, მოდი და შევრიგდეთ, ნუ ხარ სულ ხმალისხლიანი,  
ნუც გვხოცავთ, ნურც იხოცებით, კმარა ამდენი ზიანი“.  
ბერომან ხმალი უელა: „არ მინდა შენი თქმანიო,  
ამის წინაც არა მსურდეს ჩემი ძმების მომკლავნიო,  
აწაც ისივე ბერო ვარ, რაც გინდოდეს ის ქენიო,  
სოფელი შენ აგვიოხრე, ეს საქმე სულ შენ ქენიო  
ახალ წლის დღეს შემოგვლახე, გაგვიმწარე სასმელიო,  
უკაცობას დაგვიხედი, აქ არ გვევანდენ მოძმენიო,  
თექვსმეტი გეომებოდეთ, ვართ ორნიდა დამარჩალნიო.  
ჩვენ თქვენ ხელად არ გამოვალთ, ხეთის ფიცი გვაქ ნათქვამიო,  
ჩვენი ქართული ეს არის, რაც გინდა, ისა ქენიო“.  
აღდამმა თავი დაღუნა, გულში იფიქრა ბევრიო,  
დიდი შეშა ააგროვა, თორმეტ საეენზე ბევრიო,  
ციხეს გარშემო მიჰყარა, ცეცხლი შოადვა ცხელიო,  
ციხის სათოფრებს ცეცხლი სცემს, მალლა ავარდა ბოლიო,  
ველარ ომობენ გვირები, შიგადან მეომრებიო,  
ბერომ ხმაღს უთხრა: „ტილო, დღეს მოგვესწარაფა დღენიო,  
ცეცხლისა აღით თვალ გვეწვის, ვერ გაკრევიენე მტერიო“.  
კარში გამოდგა ბეროი, თვალის სინათლით ბნელიო,  
ჭარმა ერთბაშ თოფ ისროლა, აღდამმა სთქვა: „აწ ვმღერიო,  
გმირი ბერო რა მოკვალით, მთლად ჩვენ დაგვჩა სოფელიო,  
სავაჟეთი დავხოცენით, გამორეკეთ ქალ-რძლებიო“.  
ღვთისოი ბეჭურიძეი მობრუნდა სათოფურთანა,  
სათოფურებთან ცეცხლი სცემს, ველარ ომობდა ლეკთანა,  
მობრუნდა გულბრაზიანი: „ბერო, მეც მოვალ შენთანა“.  
დაი მუხლთა მოეხვია: „ძმავ, მომკალით თქვენთანა“.





ვერ ვივლი საბუსრმანოში, ძმებო, თქვენს დამბოცებთანა“.

— დაო, მანეცა იქითა, შე რაზე მოგვლავ ჩემთანა,  
 შენ რომ მოგვლა, დაო ჩემო, როგორ წავიდუ ლმერთსთანა“.

ახლა ცოლმაც დაიკივლა: „მენაც მომკალით თქვენთანა!  
 თოფ-ხმალსა ხელი უტიაცეს: „ორნივ დაგვხოცე ერთადა“.

იელა თისოს ხანჯალმა, დაი დეეცა ძმასთანა,  
 თვალცრემლიანი დაპყურებს, ცოლ მიეფარა ბნელათა.  
 ნინო, შენ სად გაიქეც, აჰ ახლოს მოდი ჩემთანა,  
 ლეიძლი დაი რომ მოვკალი, შენ ვინ გატარებს ლეკთანა.  
 იელა თისოს ხანჯალმა, ცოლიც მიაგდო დასთანა,  
 ახლა ლეკმა თოფი დაპკრა თისოს მარჯვენა ბექთანა.  
 სამნივ ერთად დაიხოცნეს და მტერს მაინც არ დანებდენ.  
 დიკლოჩი ქალნი ატირდეს, მოსთქვამდეს ცრემლთა ფრქვევითა;  
 ავაძმე, ძმანო, დალიღნო დიდისა ხნისა ბრძოლითა,  
 დღე და ღამ დაუძინარხო კოშკს სათოფრებთან ცქერითა,  
 პირშამურულნი წამლისგან, თოფის უწყვეტი სროლითა,  
 პურუქმელებო, შშივრებო, წყურვილით პირგამომშრალნია.  
 თუშნო, რად არ გვიშველეთა, ღლენი შავეკმენეს შავადა,  
 ძმები გვერდით დაგვიხოცეს, ტბები გვიბრუნეს სისხლისა.  
 მივეყვართ საბუსურმანოში, აწ ტყვე ვართ დაღესტანისა,  
 უკან დიდი ჯარი მოგვდევს, წინ ალდამი მიგვიძღვისა,  
 მობრუნდებ ხმალსა გვიღერს, თქვენივ დიდი ჯავრი მჭირსა,  
 დაჭრილი მყავს უთვალავი, შვიდოცი ხომ მანდ დამრჩა,  
 რით გადვიდე დაღესტანში, ან იმამს რა მოვახსენო.  
 ბაგეზში ქალი ატირდა, ამბავი რომ უთბრეს ქმრისა,  
 შენი ქმარი დიკლოს მოკლეს, თუშმა თავი მოაჭრისა.  
 ქალმან სთქვა ასტამფირილა: „ნეტავ ვინ იყო ისა,  
 ჩემ ხალითას რომ შაბედა, ვისა ჰქონდა გული ქვისა,  
 ან ხმალმან როგორ გაუჭრა ჩემ ხალითას თავი კლდისა.  
 აკი გითხარ, ხალითო, დადექ, ნუ წახვალ იქაო,  
 შენ ბაირადი რა უყავ, ნეტარ ვის დარჩა ისაო,  
 რატომ არ გამომიგზავნეს, ნაჭერია ჩემი ქმრისა.  
 ნეტავ თუშნი რა ხალხია, რომ ამდენი დედა სტირსა,  
 ბევრი გულად ყმისა ცოლი დაღესტანსა ცრემლით სწვიმსა“.

თისო ბელადიშვილი, 71 წლისა. სოფ. დიკლო. 1931 წ.



დრკლოდან აღდამი სოფ. შენაქოში გადასულა, მაგრამ აქ დასახლებული არაა თუშ-ფშავ-ხევსურეთის შეერთებული ჯარი და დამარცხებულია. აღდამი უკანვე გაქცეულა<sup>1</sup>. ლეკებისაგან თავმოებურებული თუშები მაინც იძულებული გამხდარან, შამილისათვის კომლზე ათი შაური ხარკი ეძლიათ.

შამილთან უკანასკნელ ბრძოლებში თავისი გმირობით თუშებში ცნობილია შეთე ვულუხაიძე, რომელიც მონაწილეობას იღებდა 1852 წელს დიდოელების დამსჯელი რუსის ჯარის ექსპედიციაში. შეთესთან თურმე მისი სამი ვაჟიც იბრძოდა. უფროსი ვაჟი სასიკვდილოდ დაჭრილა. შეთე დაჭრილთან მისულა და უთქვამს, ვაჟაკი შეილი მყოლიხარო. დაჭრილი ჩქარა გარდაცვლილა. შეთე მისულა ცხედართან და ზურგზე ხანჯლის წვერით 75 ნიშანი დაუსვაჲს. შემდეგ ცხედარი 75 ნაწილად აუკუწია და ნათესავებისათვის გაუგზავნია ნიშნად იმისა, რომ თითოეულ მათგანს ლეკებზე შური ეძია და შტრის მოკვეთილი მარჯვენა მისთვის მიეტანა. ერთი თვის შემდეგ მას მართლაც მიუღია 75 ლეკის მარჯვენა. თვითონაც 15 დაუმატებია და ამგვარად შეილის სისხლი აუღია 90 ლეკის დახოცვით<sup>2</sup>.

იმპერიალისტური რუსეთისა და დაღესტან-ჩაჩნეთის ბრძოლის ეს ეპოპეა 1859 წელს გუნიზის ალებით და შამილის დატყვევებით დამთავრდა. ამასთან, ბოლო მოედო თუშ-ლეკების ერთმანეთის დალაშქვრას და ორივენი მონარქიის უხეში ბატონობის ქვეშ მოექცნენ. ამ დროიდან იწყება თუშეთის საზოგადოებრივ ცხოვრებაში დიდი გარდატეხა.

რუსეთის თვითმპყრობელური რეჟიმის დამყარებასთან ერთად თუშებშიც იჭრება სავაჭრო კაპიტალი, რომელსაც აქ იზიდავდა

<sup>1</sup> И. Цискаров, Дикло и Шенако, газ. «Кавказ», 1846 г., № 27.  
<sup>2</sup> რ. ერისთავს თავის წერილში „Мои заметки“ (Кавказ, 1855 г., № 33) აქვს აღწერილი აღდამში ნათლისმკემლის ხატობაში ამ შეთესთან შეხვედრის შემთხვევა. შეთე თურმე ყურს უჯდებდა შეფანდურე ბრმა თუშის სიმღერას. შეფანდურეს სოცებით უხსენებია თუშეთის ყველა გმირი, მაგრამ შეთეზე არაფერი გამოუთქვამს. შეთეს ეს სწყენია და უთქვამს, მეც ცოტა რამ ვაქაცობა ჩამიდგენია და ჩემზე კი არაფერი სთქვიო. შეფანდურეს უპასუხნია, თუშებს წესად არ აქვთ გმირის სიცოცხლეში შტებვა, რომ არაფერ იფიქროს, შეფანდურე მოსყიდულია, ეს კი გმირისთვის სიბრძნეა.

თემური ცხვარი და მატყლის დიდი მარაგი. დატრიალდა ჩარჩული კაპიტალი და თუშებშიც ჩქარა დაადგნენ კაპიტალისტურ გზას. აქ თანდათანობით წარმოიშვნენ მსხვილი მეცხვარეები, რომლებიც თავიანთ ფარას ათასობით თვლიდნენ. ამ მსხვილ მესაკუთრეთა ხელში მოექცა საკმაო კაპიტალი და ცხვარ-მატყლის დიდი მარაგიც, რასაც მოჰყვა თემური თუშეთის საზოგადოებრიობის დაშლა. ახალი სოციალური გადაჯგუფება და კლასობრივი ურთიერთობის დამყარება.

ამგვარად, XIX საუკუნეში თუშეთის თემობრიობა იშლება, გაბატონდა მონარქიის უხეში ძალა და საზოგადოებრივი ცხოვრების სათავეში მოექცა მსხვილ მესაკუთრეთა მცირე ჯგუფი. ოქტომბრის რევოლუციამ თუშეთის მშრომელი მოსახლეობა გაათავისუფლა გაბატონებული კლასებისაგან და განახლებული თუშეთი დღეს ჩაბმულია სოციალისტურ მშენებლობაში.

## ეკონომიური მდგომარეობა

თუშეთი ეკონომიურად მნიშვნელოვანი კუთხეა. მისი ეკონომიკის მთავარი ბაზა მეცხვარეობაა და საქართველოს ეკონომიკაში თუშეთი მეცხვარეობის ერთ საუკეთესო რაიონად ითვლება. მაგრამ, ამასთანავე, თუშები ნაწილობრივ მიწათმოქმედებასაც მისდევენ. სანამ ჩვენ თუშეთის მიწათმოქმედების განხილვაზე გადავიდოდეთ, საჭიროა გავარკვიოთ, როგორი იყო წინათ თუშეთში მიწათმფლობელობის ფორმები.

რუსეთის თვითმპყრობელური რეჟიმის დამყარებამდე თუშეთი ცხოვრობდა თემური წყობილებით და „სათუშოს“ მიწებიც თემს ეკუთვნოდა. თემი მშრომელ მოსახლეობას მიწებს თანაბრად უნაწილებდა. მიწის კერძო საკუთრება აქ არ იყო. მიწათსარგებლობის მხრივ ტბათანა-ალაზნისათვის და ნაქერალ-დიდგვერდის იალაღები და ალვანის ველი თუშეთის ყველა თემის საერთო საკუთრებას შეადგენდა. რაც შეეხება თუშეთის ადგილებს, სადაც თუშების სოფლებია გაშენებული, მიწა დაყოფილი იყო თუშეთის ოთხი

თემის — ვომეწრის, ჩაღმის, პირიქითისა და წოვათის თემებს შორის.

თითოეული ამ თემთაგანი ფლობდა განსაზღვრულ ფარგლებში მოქცეულ მიწის ფართობს, მაგრამ თუ საჭიროება მოითხოვდა, სათემო ყრილობის დადგენილებით ეს საზღვრებიც იცვლებოდა. თემში კი მიწებს პერიოდულად ანაწილებდა თემში შემავალ საგვარეულო ოჯახებს შორის. მიწები განსაზღვრულ ვადამდე მათ დროებით სარგებლობაში რჩებოდა. მიწების ასეთი განაწილება საგვარეულოს ოჯახებს შორის კენჭის ყრით წარმოებდა. ამისათვის ოჯახებში ჩამთარიგებდნენ ბოკლე ჩხორებს და თითოეული მათგანი ამ ჩხორზე თავის საოჯახო ნიშანს აკლდედა. შემდეგ ამ დაქვდიულ ჩხორებს ქულში ჩაჭყობდნენ, გვარის უფროსი ასახელებდა მიწის ნაკვეთს და ამავე დროს ერთი ვინმე თვალდახუჭვით ქვდიდან იღებდა ჩხირს და ვისი ნიშნიანა ჩხირიც ამოვიდოდა, ნაკვეთიც მას ეოგებოდა. სათემო მიწების ასეთი განაწილება სათემო ყრილობის დადგენილებით ყოველ ათ თუ ოც წელიწადში ერთხელ მაინც ხდებოდა.

მხოლოდ რუსეთთან შეერთების შემდეგ, როდესაც თუშეთშიაც იჭრება სავაჭრო კაპიტალი და არღვევს ძველ თემურ წყობილებას, მიწათმფლობელობის ეს სისტემაც თანდათანობით იშლება. ისპობა მიწების პერიოდული დაყოფა. საგვარეულო მიწები შესყიდვით თუ მიტაცებით მიიხაყუთრეს ძლიერმა და შეძლებულმა ოჯახებმა. ამავე დროს, მოსახლეობის უმრავლესობას მიწის მცირედი ნაკვეთები შერჩა, ზოგი კი სრულიად უმამულოდ დარჩა. თუშეთის მშრომელ გლეხობაში ეს დიდ უკმყოფილებას იწვევდა და 1880 წელს, როდესაც მიწების გამოიჯნა დაიწყო, თუშებმა მიწაზე კერძო საკუთარების გაუქმება და მიწათმფლობელობის ძველი თემური სისტემის აღდგენა მოითხოვეს.

ამ მიზნით თუშებმა აირჩიეს კომისია, რომელიც უნდა შედგომოდა მიწების კომლობრივ განაწილების საქმეს. მაგრამ ამის წინააღმდეგ გაილაშქრა მოსახლეობის მსხვილმესაკუთრე და შეძლებულმა ნაწილმა და კომისიამაც ვერ შეძლო განზრახული რეფორმის გატარება. მხოლოდ ზოგიერთმა სოფელმა, სახელდობრ, ჯვარბოსელმა და ომალომ, დიდი ბრძოლის შემდეგ, მოახერხა ამ რეფორმის ნაწილობრივი გატარება და მიწებიც მეკომურთა შორის გა-

ანაწილეს<sup>1</sup>. მაგრამ მიწათმფლობელობის ძველი სისტემის აღდგენა და განახლება კაპიტალისტურ ხანაში შეუძლებელი იყო და ისიც ჩქარა გაქრა. მის ნაცვლად მტკიცდება კერძო, ინდივიდუალური საკუთრების სისტემა. შეძლებულმა ოჯახებმა — „წინააკაცებმა“ — ძალით თუ შესყიდვით, საუკეთესო მიწები მიითვისეს და ზოგიერთ სოფელს მამულებს ედავებოდნენ. მშრომელი მოსახლეობის უმრავლესობას კი, ეგრეთწოდებულ „უკანაკაცებს“, შერჩათ მცირედი, ისიც უვარგისი ნაკვეთები და იძულებული გახდნენ შეძლებული წინაკაცების მიწაზე ემუშავათ დღიურად და ღალად სამი კოდი ჭირნახული მიეღოთ. შეძლებული თუშები უკანაკაცებს ზოგჯერ სამუშაო იარაღსა და საქონელსაც ათხოვებდნენ იმ პირობით, რომ შეუძლო გლეხებს ამის ანგარიშში მათი მიწები დაემუშავებინათ.

ოქტომბრის რევოლუციამ მიწათმფლობელობის ეს კაპიტალისტური ფორმა თუშეთშიაც მოსპო და მიწის ყიდვა-გაყიდვა აბლა აქაც აღკვეთილია, მაგრამ მიწის ინდივიდუალური სარგებლობა თუშეთში ჯერ კიდევ ძალაშია.


მხოლოდ 1931 წლიდან დაიწყო თუშეთში მეურნეობის კოლექტივიზაცია და წვრილი მესაკუთრე მშრომელი გლეხობა დღეს უკვე კოლმეურნეობებში ერთიანდება.

თუშეთის მიწათმოქმედების გასაცნობად ყველაზე ტიბიურია ჩაღმის თემის სამი სოფელი: ომალო, შენაქო და დიკლო. ეს სამი სოფელი ბარში არ ჩადის და ალვანში მიწათმოქმედებას არ ეწევა. ამიტომ თუშეთის მიწის მეურნეობის შესასწავლად ამ სოფლებს განსაკუთრებული მნიშვნელობა ეძლევა.

საყანედ ვარგისი მიწა თუშეთში, რომლის ფართობის უდიდესი ნაწილი ტყითა და კლდე-ლორღითაა დაფარული, ერთობ მცირეა. სახნავ-სათესი ნაკვეთები მთის ფერდობის დაკეხულ ადგილებზეა მოქცეული და წვრილ ნაკვეთებადაა დაქუცმაცებული. ამ ნაკვეთებს, თავიანთ ადგილმდებარეობის მიხედვით, თითოეულ სოფელში საკუთარი სახელებიც აქვთ, როგორც, მაგალითად, სოფ. ომალოში: წიხო, კარატი, ბუცი, ჩრდილი, კვირები, ბინდურის ყანები, წელგზა, ჩალის გორი, ბექიო, წასნეს ძირი, არლაჯე და სხვა.

<sup>1</sup> В. М. Мачабели, Экономический быт государственных крестьян Тифлет. уез. Тифлис, губ. (Мат. экономич. быта государ. крестьян, т. V, Тиф., 1887 г., стр. 372, 386, 388—389, 394—395).

მიწის ეს ნაკვეთები ასეა დაჯგუფებული: სასოფლო, საზიარო, წილის მიწა, ბოსლის კარის მიწა, ბარის მიწა, მთის მიწა და სახატო მიწა. მიწა აქაც დღიურებით იზომება და თუშეთის მიწის დღიური უდრის ერთ მესამედს ბარისას. საყანე მიწებში ყველაზე დიდი ფართობი უკავია ბოსლის კარისას, სადაც სოფლის საზამთრო ბოსელია გაშენებული. ამ ბოსლებს თუშეთის სოფლის მეურნეობაში განსაკუთრებული მნიშვნელობა ეძლევა.




თუშური სახნველი

ეს სოფლები, რომლებიც საზამთროდ ალვანში არ ჩადიან, შემოდგომიდანვე ამ ბოსელში გადადიან საცხოვრებლად და გაზაფხულამდე აქ რჩებიან. აქვეა მოთავსებული მათი მსხვილფეხა საქონელიც. განსაკუთრებით დიდია სოფ. ომალოს და შენაქოს ბოსლები, რომლებიც იქვე მახლობელ მთის დავაყებაზეა გაშენებული. ამ ბოსლებში გლეხობას საშუალება ეძლევა ზამთრის განმავლობაში საქონლის სკორე (ნეხვი) ჭინებით იქვე მდებარე ყანებში გაზიდოს და ნიადაგი გაანოყიეროს. მით უმეტეს, აქაური მიწა

ფიციბია და, თუ ის სისტემატურად არ ნოციერდება, ჭირნახელად არ იძლევა; ამიტომ თუშეთის მიწათმოქმედებაში მიწის განოციერებასაც დიდი მნიშვნელობა აქვს. გაუნოციერებელ მიწას აქ ყოველ მესამე წელიწადს დასვენება სჭირდება.

ამასთან, ბოსლის კარის ყანები დაბლობზეა, ჰავაც შედარებით ნაკლებ სუსხიანია და ძლიერი ქარიც არ ხვდება.

შუა გაზაფხულში, დაახლოებით აპრილის შუა რიცხვებიდან, თუშეთის გლეხობა მინდვრის სამუშაოზე გადის. ამასთანავე შე-



კ ა ვ ი

უღებებიან თესლის გარჩევას „სათრობაც“-საგან (სარეველა). თესლს არჩევენ რიკით ან ცხავით. მიწას ხნავენ ხის „სახნუელით“. რომელშიც ერთი უღელი ხარია შებმულად რბილი და ვაკე მიწა მარტო ამ სახენელით იხვენება. თუ ნიადაგი მაგარი და ბალახიანია, მაშინ სახენელს წინ მიუძღვის ხის კავი, რომელიც თავისი საკვეთელით მიწას ჭრის. ამ კავს სახენელი მისდევს და გასერილ ნიადაგს ყურჩიანი ქუსლით აბრუნებს.

მოხნულ მიწაზე თესავენ, დაახლოებით აპრილის შუა რიცხვებში, დიკას (იგივე „იფქლი“), შემდეგ მაისში ითესება „ჭერ-შეელი“ (ორპირა ჭერი) და ჭერი (ეჭვსპირა ჭერი). ითესება აგრეთვე „შრუა“ — შვრია, რომელსაც საქონელს აქმევენ და არაყსაც ხდიან. ქუმელი, სელი და ოსპი. აგვისტოში თუშეთში ითესება სელი (ჭვავი), რომელიც მეთორმეტე თვეში პურდება.



ბენა

ამ პურეულში ყველაზე დოვლათიანი სვილი და ექვსპირა ქერია. ამ ორი პურეულის ნათესებს ყველაზე დიდი ფართობიც უკავია. ქერი და სვილი შეგუებულია აქაურ ალბიურ ჰავას და კარგად ზარობს 2.000 მეტრის სიმაღლეზედაც. საზოგადოდ, თუშეთში ქერისა და კულტურულ მცენარეთა უკანასკნელ ზაზად ითვლება ქონთიო (2350 მ), დართლო (1827 მ) და ვეძათ ხევი (2000 მ)<sup>1</sup>. გაზაფხულზე მიწის სამუშაოდ ალვანში ჩასული თუშებიც ამოდიან ქ და თავიანთ მიწის ნაკვეთებს ამუშავენ. ვისაც სამუშაო იარაღი და მუშა საქონელი არა ჰყავს, მიწას საზიაროდ სხვას აძლევს.

ბოსლის კარის ყანის მოხვნა-დაფარცხვის მორჩებიან თუ არა, თუშები ბოსლიდან გადიან, რომ საქონელმა ნათესი არ გააფუჭოს. მეთვალყურედ მევლეს ტოვებენ და საქონელ-ბარგით გადადიან თავიანთ სოფლებში, სადაც მთელი ზაფხული რჩებიან. თუშები მომ-

<sup>1</sup> ნ. კეცხოველი, მასალები კულტურულ მცენარეთა ზონალობის შესახებ წავლად კავკასიონზე, ტფილ., 1928 წ., გვ. 37—40.





ყანის სამკალად მიმავალი თუშის ქალი

თაბარჯ ხალხია და მოსახლეობის უმრავლესობას უხდება მიწათ-  
ნოქმედების წარმოება მთაში და ბარშიც. ალვანში თუშები შემოდ-  
გომის ხორბლეულს და სიმინდს თესენ. მიწის დამუშავება აქ მიმ-  
დინარეობს ბარული წესებით და გაუმჯობესებული რკინის იარა-  
ღით.

პურგულის შემოსვლა თუშეთში ამინდზეა დამოკიდებული. ცივ  
ზაფხულში ნათესი გვიან მწიფდება, თბილში კი სექტემბრის პირ-  
ველ რიცხვებში ყანის მკას იწყებენ. ხშირია შემთხვევა, რომ აგ-  
ვისტოში აქ თოვლიც მოსულა და მთელი ქირნახული გაუნადგუ-  
რებია. ამიტომ მკა თუშეთში საშური საქმეა. მამაკაცები და დედა-  
კაცები ერთად მკიან, მაგრამ მკაში უპირატესობა ეძლევათ ქალებს,  
რომლებიც კარგ მომკელებად ითვლებიან:

„ჯორი სჯობს საქონელშიცა — კარს მოვა აკიდებული;  
ხარი სჯობს უღელდებული, ბრტყელ მამულს გაკიდებული;  
შიგ მოსავლადა — ქერ-იფქლი, თავ-თავი დაკიდებული;  
იმის სამკელად ქალი სჯობს, საქმრედ მოჯარებული;



იმის ძნის შესაკრავადა ვაჟი სჯობს მხარშეკრებილი;  
 გარე ნაპირსა ციხე სჯობს, ტყვიაწამლითა მრავალი;  
 იმის სროლადა ვაჟი სჯობს, გუნება გაჯავრებული“.

ასე ლექსობენ და მღერიან მკაში თუშის ქალები. მკაიან ნამგ-  
 ლით, რომელსაც თუშები „ცელს“ უწოდებენ. თუ ყანა დაბალია,  
 მაშინ ჭირნახულს ხელით გლეჯენ. ერთი ნამგლის მოსმა ერთი  
 „მჯილია“. ძნა შედგება სამი-ოთხი მჯილისაგან. ძნებს ერთად აქუ-  
 ჩებენ და „სერკეს“ აყენებენ. სერკეს ზურგით, ვირებით და მარბი-  
 ლებით ბოსლებში ეზიდებიან და აქ კალოზე ზვინებად აყენებენ.  
 სოფელიც ბოსელში ჩამოდის, ბინავდება და პურეულის „ლეწვას“  
 შეუდგება<sup>1</sup>. ჭერს კალოზე ლეწავენ ხარებით. სეილს კი ფიცარზე  
 ბერტყავენ და მარცვლებს ისე აყრევენებენ. გალეწილ პურს „რი-  
 კით“ ანიავებენ და ცხრილით გაცხრილავენ. „ნაკუდს“ (ნაბოლარს)  
 გადაარჩევენ და საარაყედ ინახავენ, გალეწილ მარცვლეულს ჰყრი-  
 ან ვოდორში, კოდში და კიდობანში. ჭირნახულის ვოდორი სკო-  
 რით ილესება და ნაპირიც მაგრად გადაეკვრის. ჭირნახულის გაცემა  
 კალოდან შეუძლებელია, ხოლო როცა ქურჭელში მოექცევა, გიორ-  
 გობამდე არ გაიციემა. საზამთროდ ჭირნახულის დაფქვას მაშინვე  
 შეუდგებიან, რადგან თოვლში ძნელია ტვირთის წისქვილში გადა-  
 ზიდვა და ძლიერი ყინვებისაგან წისქვილის წყლებიც იყინება.  
 აქაური წისქვილი ჩვეულებრივი ტიპისაა. ჭირნახულის დაფქვაში  
 კერძო მეპატრონეები მინდს არ იღებენ, არამედ მის ანგარიშში  
 მოითხოვენ შრომას, რომელიც გამოანგარიშებულია ქამობით. ქამი  
 უდრის დღე და ღამის 24 საათს. ქამი იანგარიშება დილიდან-  
 დილამდე. კარგად გამართული წისქვილი ერთ ქამში დაფქვავს 11  
 კოდს. წინათ ერთი ქამით წისქვილის სარგებლობისათვის ერთი  
 დღის მუშაობა იყო გადაწყვეტილი. დღეს კი ორ ქამში ერთი დღის  
 მუშაობაა დაწესებული. ქამის ანგარიშში დამფქველმა მეპატრო-  
 ნეს უნდა უშველოს მკაში, შეშის მოჭრაში თუ სხვა სამუშაოში.  
 ქამის განადღება ფულითაც შეიძლება მუშა ხელის ქირის კვალო-  
 ბაზე. ქამში აძლევენ აგრეთვე ყველსა და მატყლს.

მოსავლის დოვლათიანობა თუშეთის დღევანდელ პირობებში,

<sup>1</sup> იტყვიან „ლეწვას, ლეწვას“ ან „ღღეწვენ და ლეწვენ“.



იქ, სადაც მიწა პრიმიტიული იარაღებით და ფორმებით მუშავდებოდა და ადგილიც უოწყავია, უმთავრესად დამოკიდებულია ამინდზე და ნიადაგის განოყიერებაზე. ამიტომ ჭირნახულის მოსავლიანობაც ცვალებადია. დათესილ მარცვლეულში ერთი კოდი შვრია მოსავლიან წელში იძლევა 3 კოდს, დიკა — 3 კოდს და ქერი — 5 კოდს. ჭირნახულის საწყაოდ აქ იხმარება კოდი, რომელიც სამ ფუტს იწონის. ამაზე მცირე საწყაო კაბიწი ან ლიტრაა. ერთ კოდში თუშები ათ ლიტრას ანგარიშობენ, გომეწრის თეშში კი რვა კაბიწს. მაგრამ კოდით არწყული სხვადასხვა მარცვლეული განსხვავებულ წონას იძლევა: კოდი პური იწონის სამ ფუტს, ქერი ორნახევარს, სვილა — სამ ფუტს და შვრია — ორ ფუტს. ოჯახში საშუალოდ სულზე იხარჯება სამი ლიტრა პურეული.

ჭირნახულის აღებისა და დაბინავების შემდეგ თუშეთის სოფლები იცლება. მოსახლეობის უმრავლესობა საზამთროდ ალვანში ჩადის, ნაწილი კი ბოსელში ბინავდება. ბარში მიმავალ თუშებს მთიდან ჭირნახული ალვანში არ მიაქვთ. თუშეთში მოწეულ სარჩოს ზაფხულისათვის ინახავენ აქვე, თავიანთ სახლებში, რომელსაც დარაჯობს ზამთრის ყარაულად დარჩენილი მეკომური. ალვანში მათ უდგიათ იქ მოყვანილი პურის ძნები და სიმინდი, რომლითაც ზამთრის განმავლობაში იკვებებიან.

ერთი სიტყვით, თუშები მთაში და ბარში მიწათმოქმედებენ და პურეულის ნაკლებობასაც შედარებით ნაკლებად განიცდიან, მით უმეტეს, ალვანში, სადაც მოსავალი კარგია და რომელსაც აკრავს პურით დოვლათიანი კახეთის სოფლები. თუშეთის მკვიდრ მოსახლეობას კი, რომელიც მომთაბარეობას არ ეწევა, თავისი ჭირნახული წლის ბოლმდე არ ჰყოფნის. ზოგიერთი სოფლების გამოკლებით. მაგრამ თუშეთსაც პურით კახეთი ამარაგებს.

თუშეთის სოფლებში ჭირნახულით დოვლათიანია სოფ. შენაქო და დიკლო. ამ ორ სოფელს თავისი პური ჰყოფნის, განსაკუთრებით, დიკლოს, სადაც ყანების ფართობი საკმაოდ დიდია.

თუშეთში მებაღეობას და მებოსტნეობას არ მისდევენ, რადგან ადგილი და ჰავა ხელს არ უწყობს. ხილი და ბოსტნეული ცივი ამინდების გამო ვერ შწიფდება და ჭკნება. მოჰყავთ მცირეოდენი კარტოფილი. ითესება ცერცვი და ქუმელი. მომთაბარე თუშებს კი ალვანში კარგი ბაღები და ბოსტნები აქვთ გამართული.



ამგვარად, თუშეთში მიწათმოქმედების სისტემა და ტექნიკა მორჩენილია, მიწა მუშავდება პრიმიტიული აჩაჩა-სახენელით. ამასთან, ყანის ფართობის გადიდება შეფარდებული არ არის მოსახლეობის ზრდასთან. ამ მხრივ ის შეზღუდულია, რადგანაც მესაქონლეობის რაიონად ითვლება და მას სამართლიანად ეკრძალება საყანე ფართობის გადიდების მიზნით ტყის გაჩეხა და სათიბ-საძოვრების მოხვნა-დამუშავება. თუშეთში არ არსებობს რაიმე აგრო-ტექნიკური ხასიათის უჯრედი, რომელიც გლეხობაში შეიტანდა აგრომცოდნეობას, ხელს შეუწყობდა თესლეულის შერჩევა-გაღანაცვლებას, მებაღეობისა და მებოსტნეობის კულტურების გავრცელებას და სხვ. ამასთანავე, თავისი ბუნებრივი პირობებით თუშეთში მიწათმოქმედებითი მეურნეობა ზრდისა და განვითარების პერსპექტივებსაც მოკლებულია.

თუშეთის ეკონომიკის მთავარი ბაზა მესაქონლეობაა, სახელდობრ, მეცხვარეობა, და ეს კუთხეც, სამართლიანად, მეცხვარეობის საუკეთესო რაიონად ითვლება. ამ მხრივ თუშეთს ჩვენს მეურნეობაში მნიშვნელოვანი ადგილი უკავია. თუშების მონობარეობა მეცხვარეობასთან არის დაკავშირებული და მათი სამეურნეო საქმიანობაც მეცხვარეობით განისაზღვრება. მეცხვარეობას აქ თავისი ისტორია აქვს, მაგრამ, სამწუხაროდ მისი განვითარების გზა პრიმიტიულ ფორმას ჯერ კიდევ არ გაცვილებია და სავალალო მდგომარეობაშია, მიუხედავად იმისა, რომ მეურნეობის ამ დარგის დაწინაურებას ხელს უწყობს თუშეთის ჰავა და მისი ფართე ალპური იალაღები. წინათ თუშეთის მეცხვარეობაში პირველი ადგილი წოვათას ეკავა, მეორე კი პირიქითის ხეობას, სახელდობრ, ფარსმის საზოგადოებას, სადაც მეცხვარეები თავიანთ ფარას ათასობით ითვლიდნენ. 1880 წელს ყოფილ თიანეთის მაზრაში თუშების ცხვარი შეადგენდა 59% (172.408 სულს) და თუშეთის თითოეულ კომლზე მოდიოდა 175 სული ცხვარი. აქედან წოვათას ეკუთვნოდა 72.420 სული და თითო კომლზე მოდიოდა საშუალოდ 232 სული ცხვარი. მაგრამ ცხვარი ყველას არ ჰყავდა. მთელი ეს ცხვარი ერთი მუჭა შეძლებულ მეცხვარეთა ხელში იყო, რომლებსაც ჰყავდათ 5—10 ათასი სული ცხვარი. მოსახლეობის მცირე ნაწილს ჰყავ-



და 500 ცხვარი, უმრავლესობას კი ცხვარი სულ არ გააჩნდა მდიდარი და შეძლებული მეცხვარე ცხვარში არ მუშაობდა. მისი ქონების ზრდა და მოგების ტრიალი დაფუძნებული იყო ღარიბ და შეუძლო მწყემსებისა და მეცხვარეების ექსპლოატაციასზე. შეძლებულ მეცხვარეს ფარაში ჰყავდა დაქირავებული მწყემსები, მოჯამაგირეები და სარქლები, რომლებსაც მცირე ჯამაგირს აძლევდა და უსაზღვროდ ამუშავებდა. ზოგჯერ ფულადი ჯამაგირის ნაცვლად მეცხვარე მწყემსს მიუჩენდა 40 ცხვარს სანახევროდ და მას ამის ანგარიშში ოთხი წელიწადი უნდა ემუშავა. ვადის შესრულებისას ამ ორმოც ცხვარს თავის ნამრავლ-მონაგებით შუაზე გაყოფდნენ და ნახევარს ცხვრის პატრონი წაიღებდა. მაგრამ ის ამით არ კმაყოფილდებოდა, მწყემსს შარს მოსდებდა და ცხვარში ნებით თუ უნებლიეთ მომხდარ ზარალს მასვე უანგარიშებდა და ამ ზარალსაც გამოუბრიდა. თუ სესხიც ემართა, სარგებელს სარგებელზე გამოუანგარიშებდა და მწყემსს ხელცარიელს ისტუმრებდა.

ცხვარი იძლეოდა მატყლისა და ყველის დიდ მარაგს. თუშეთი დღესაც ცნობილია თავისი „თუშური“ ყველით. მეცხვარეობიდან თუშებს გამორჩენა და მოგებაც დიდი ჰქონდათ, მაგრამ მოგების ეს ტრიალი მოკლებული იყო საწარმოო ხასიათს. თუშური მეცხვარეობა პრიმიტიულ ფორმაში იყო მოქცეული და ჩარჩულ ხასიათს ატარებდა. ამით აიხსნება თუშური მეცხვარეობის კულტურულ-ტექნიკური ჩამორჩენაც. იმპერიალისტური ომის დაწყებამდე თუშეთში ცხვარი ასიათასობით ითვლებოდა, მაგრამ თავიანთ შემოსავალს თუშეთის მდიდარი მეცხვარეები წარმოებაში არ აბარებდნენ, რათა ცხვრის მოშენების ტექნიკა და მცოდნეობა გაეუმჯობესებინათ და ხელი შეეწყოთ მეურნეობის ამ დარგის დაწინაურებისათვის. იმპერიალისტურმა ომმა თუშეთის ეს ცხვარი გაანადგურა. მეცხვარეობის მიერ ბანკებში შეტანილი ჩარჩული კაპიტალიც გაჭრა და ეს დიდი სიმდიდრე ასე უსარგებლოდ განიავდა.

ამგვარად, მეცხვარეობის ეს ძველი კაპიტალისტური სისტემა ცხოვრების სინამდვილემ დაამარცხა, დღეს კი თუშეთის მეცხვარეობა კოლექტიურ ფორმებში ვითარდება.

1 В. М. Мачабели, «Материалы для изучения экономического быта...», 23- 460—461.

თუშური ცხვარი მომთაბარეა. ზამთრობით იქაური ცხვარი შირაქშია, რომელიც ალვანიდან 150 კილომეტრითაა დაშორებული. შირაქი იყოფა ბარად და მთად ან დიდ შირაქად, რომელიც მდებარეობს მდინარე იორისა და ალაზნის ნაპირას. პირველი ოქტომბრიდან თუშების ცხვარი შირაქში შედის. ცხვარი აქ ჯერ მალღობზე ძოვს. ზამთარში კი დაბლობზე ჩამოჰყავთ. ქვეშთ ზამთრის ბინებია აგებული, სადაც მეცხვარეები თავიანთი ბარგით დგებიან,



ურთი



ღანისპირი



ნათლირი



გამოკაფური



ნაგოთლირი



ჭკღე



ბოძური



მთკრილი

ცხვის სერი

ცხვის ფარისათვის ბაკებია გამართული და თითოეულ ცხვარზე ზამთრის განმავლობაში 50 კაპიკს იხდიან. ცხვარი ოქტომბერში მაცდება და 24 თებერვლიდან 7 მარტამდე დოლის თავია. თუშური ცხვარი წელიწადში, ჩვეულებრივ, ერთ ბატკანს იგებს, ორს იშვიათაღ. საყოლედ გამზადებულ ცხვარს ათავსებენ ბაკში, რომელიც უფრო მყუდროა და თბილი. დოლის დროს გამოცდილი მეცხვარე ბებიაობასაც ეწევა: იგი სხვადასხვა მანიპულაციებით ცდილობს, ცხვარს მშობიარობა შეუშლუბუქოს. ბატკანი წოვს ორ თვეს. მას მეცხვარე თავის სერს (ნიშანს) ადებს, რომლის მიხედვით მეცხვარეები თავიანთ ცხვრებს არჩევენ. სერს ჩვეულებრივ ყურზე



უკეთებენ და ამ მიზნით ყურის ნაპირს ამა თუ იმ ფორმით ამო-  
ჭრიან. ყველაზე გავრცელებული სერია: ფრთე — კუთხურად  
ამოჭრილი, ბოძური — ყურის წვერი სამკუთხოვნად ამოჭრილი,  
წითელი-ქვდელი-ქვდელი, მოჭრილი, დანისპი-  
რი — ყურის წვერი ჩაჭრილი, გამოკაფული — ყურის წვე-  
რი მრგვლად ამოჭრილი, და წამოთლილი. ცხვრის გადარ-  
ჩევისას ამ ნიშანზე ასე იტყვიან: მარჯვენა ფრთე და მარცხენა ბო-  
ძური, მარჯვენა ქვდე და მარცხენა მოჭრილი ან ორივე დანისპირა  
და სხვა.

15 აპრილიდან თუშების ცხვარი შირაქიდან დაიძვრის და პირ-  
ველ მაისს შირაქის ველი იცვლება. ამავე დროს იწყება ცხვრის  
პარსვა. ცხვარს შირაქშიც კრევენ, მაგრამ უფრო მომეტებულად  
ალვანში იპარსება, სადაც მატყლსაც იქვე ინახავენ და აქედანვე  
შეუდგებიან მთაში ასვლის სამზადისს. ალვანიდან წოვა თუშები  
ცხვრის ფარას ტბათანა-ალაზნის თავისაკენ ერეკებიან, ქვემო ალ-  
ვანის თუშებში კი ნაქერალ-დიდგვერდის იალაღებით გადადიან თუ-  
შეთის საძოვრებზე. იალაღებზე გამართულია ბინები, რომლის მახ-  
ლობლად ცხვარი დგება. 25 მაისიდან მეცხვარეები აქ ცხვრის წვე-  
ლის სამზადისს შეუდგებიან. ამისათვის დედაცხვრებს ბატკნებს  
აშორებენ და ფარასაც გადააჯგუფებენ: ყოჩები, თოხლები, მეწვე-  
ლი, შიშაქი და დვარდნილი (სნეული). ყოჩი დაუკოდავია და სამი  
გვარი: ხამი ყოჩი, მოვლილი ყოჩი, მეორედ მოვლილი ყოჩი. ყო-  
ჩებს კოდავენ ივლისის თბილ ამინდებში. ოცდაათ დედალ ცხვარზე  
ერთ ყოჩს ტოვებენ, დანარჩენი კი დაიკოდება. დაკოდილ ყოჩს ქე-  
დილა ეწოდება. ყოჩი ვარგობს 5—6 წლამდე. როცა დედალი  
ცხვარი „განერბდება“ (დამაკდება), ყოჩებს აშორებენ, რადგან დე-  
დალი სწუხდება და ყოჩიც „ლუბდება“ (ილახება). თოხლი წლი-  
საა, ერთხელ გაპარსული, რომელსაც ჭერ ბატკანი არ ჰყოლია.

მეწველ ცხვარს ცალკე აძოვებენ ბინის მახლობლად და მოსაწე-  
ველად ყოველ სადამოს ბინაში მოერეკებიან. აქაური ცხვარი ორ  
თვემდე იწველის და თითოეული დღეში ნახევარ ლიტრ რძეს იძ-  
ლევა. მეცხვარის ბინა სიბი ქვისაგან არის ნაგები, დაბალი, ბნელი  
და ნესტიანია. შიგ გამართულია გრძელი და განიერი ლასტის ტახ-  
ტი, რომელზეც არყის ტოტებია დაგებული. ბინაში ინახავენ ხელ-  
საწყო იარაღებს, ბარგს, სურსათს და სხვა. ბინაში ცხოვრობენ მე-



ცხვის წელა

ცხვარეები და სარქალი, რომლებიც ცხვარს წველიან და ყველს აკეთებენ. შწყემსები კი ცხვარს მინდვრად უდგანან და ბინაში სურსათისა და მარილის მისაღებად მოდიან. მარილი ცხვარსა და ყველს ბევრი უნდა. მარილს ცხვარს კვირაში ერთხელ აჭმევენ, რომ ის გამაგრდეს და მადაზე იყოს. მარილს მეცხვარეები ხელით ნაყავენ სიპ ქვებზე და შემდეგ ფარას აჭა-იქ დაუყრიან და ცხვარიც მას ლოკავს. მარილი თუშეთში ძნელი საშოვარია. მას ცხენებით ბარიდან ეზიდებიან. ცხვარსა და მეცხვარის ბინას ძაღლები სდარაჯობენ. ცხვარში რამდენიმე გაწვრონილი ცხვის ძაღლია. მათი





სახელებია: ძაბე, ტუბალა, ჯაბო, ალიხან, ოსმალა, დათვია, ბორძა, ალმასა, ტოტია, ბოთვერა, სალადა, მურია, ალია, ბროლია, ყომაიძე, ნა, ბასარა და სხვა. ამ ძაღლებს მეცხვარეები მთაში ქუმლიანი შრატით კვებავენ. კარგი ძაღლი აქ რამდენიმე ცხვრად ფასობს.

ცხვარს წველიან დილით. მეწველ ცხვრებს შერეკავენ ბაჭში, რომელიც წნელის ღობითაა შემოხლულული და მეცხვარეები ხელში ხის კასრებით მოწველას შეუდგებიან. ცხვარს უკანიდან სწველიან ცურზე ხელის მოჭერით. რძით სავსე კასრებს კოდში ასხამენ. კოდზე გამართულია ცირცვლის ქერქისაგან დამზადებული საწური, რომელშიც ბალახი „ჭინკრის დედაა“ ჩაგებული და რძეც მასში იწურება. რძე რომ არ შეცივდეს, კოდი ტყავ-ნაბდებშია შეხვეული. რძიანი კასრი 23 გირვანქას იწონის (კასრი 7 გირვანქაა, რძე კი 16 გირვანქა). ერთ კოდში 16 კასრი რძე ჩადის. რძის შესადეღებლად კოდში უშვებენ ხსნარს — „შაბოშს“, რომელსაც ბატენის დვრიტისაგან ამზადებენ. ერთ კოდზე საკმარისია ორი ღვინის ჭიქა კარგი შაბოში. ხსნარის კოდში ჩასხმისას მეცხვარე იტყვის: „ჩვენი ყველი ტალიკაა, მონამგლეთა (მეზობელთა) წყალივითა“. შემდეგ კოდში რძეს „კამპიანი“ (კამიანი) ჯოხით მოურევინ და ზედ ნაბადს დაახურავენ. დააცდიან ერთ საათს და შედეღებულ რძეს ჯოხით ისევ მოურევენ და დახურავენ. როცა „დეღამოწი“ ძირს დაილექება და გამაგრდება, მას კოდშივე ხანჯლით დასკრიან, ჯამებით იღებენ და ტილოს პარკში უშვებენ. ამ დელამოწიან პარკს სარქალი ფიცარზე დადებს, ხელით ზედ აწვება და ზელავს, სანამ მრგვალ ფორმას არ მიიღებს. შრატისაგან გაწურულ ყველის პარკს პირს მაგრად მოუგრებენ, ყველს ქვეშ ამოუღებენ და ზედ ნაბადს გადაახურავენ. შემდეგ სარქალი ისევ კოდთან მივა, იღებს ახალ პარკს, დელამოწით ავსებს და იმავე მანიპულაციებს ასრულებს. ასევე ვრძელდება, სანამ დელამოწისაგან კოდი არ დაიცლება. გაწურულს და ცოტად შემაგრებულ ყველს სარქალი მარილს მოაყრის და ცხვრის გულაში ჩადებს. ამ გულას გაბერავენ და პირს მაგრად მოუტრავენ. ახალი ყველი გულაში „წაკას“-ს (შრატს) უშვებს და, მარილი რომ ყველს თანაბრად გაუჭედეს, გულას დღეში სამჯერ აბრუნებენ ოთხ დღემდე. შემდეგ ყველიან გულდებს ბინაში გამართულ ლასტზე აწყობენ, მაგრამ ყოველ მესამე დღეს სარქალმა ეს გულდები უნდა აბრუნოს. თუ ცხვარი



რამდენიმე მეპატრონისაა, მაშინ სარქალი გუდას ხის პატარა ფიტას შეაბამს და ზედ მეპატრონის ნიშანს დაისვამს. როცა გუდაში ყველს თავისი გამონაჟონი წაქა არ ჰყოფნის, მაშინ, ყველი რომ არ გაშრეს, შრატს ჩაუმატებენ. ცხვრის რძეს თუშები ნაღებს არ ზდიან და ამ მოუხდელი რძისაგან „თუშურ“ ყველს ამზადებენ. ეს თუშური ყველი მთელს კავკასიაშია ცნობილი, როგორც საუკეთესო ხარისხის ყველი, რომლის ცხიმოვნება შვეიცარულზე მაღლა დგას. თუშურ ყველში ცხიში 35,88% შეადგენს<sup>1</sup>.


კოდში დარჩენილ შრატს სარქალი სპილენძის ქვაბში გადაასხამს, ძირში დაღეჭილ დელამოწის ნამცეცებს კასრში გადაიღებენ. ამ დელამოწიან კასრში რძესაც ჩაუმატებენ, რომელიც მუადება და ამ „მუადე“-ს მეცხვარეები კოვზით ხვრეტავენ. მერე ქვაბს ცეცხლზე შედგამენ და წაწოდულდება თუ არა, შრატი „კალტს“ მოიგდებს. ქვაბს მაშინვე გადმოდგამენ, „კოჩხოთი“ (ხის დიდი კოვზი) ცხელ-ცხელ კალტს ამოიღებენ, ტილოს პარკში ჩაუშვებენ და გასაწურავად ბისის წინ გამართულ ყავარზე ჩამოკიდებენ.

ქვაბში ნარჩენ კალტს და ნადულ შრატს კასრში გადაიღებენ და ამ „ცხელ სახვრეტას“ კოვზით მიირთმევენ. როცა კალტი პარკში გაიწურება, ამოიღებენ, მარილში გაზელავენ და გუნდებად გააქეთებენ. კალტის გუნდებას მზეზე აშრობენ, რომელიც თუშის ჩვეულებრივი საჭმელია.

ერთი სიტყვით, ცხვრის წველა და ყველის დამზადების მთელი ეს პროცესები პრიმიტიული წესებით სრულდება. გაუმჭობესებული ტექნიკური იარაღები და ხერხები აჭაუროს სარქლისათვის ჭერ კიდევ უცნობია და ის დღესაც განაგრძობს ძველი მამაპაპური წესებით დაბალი ხარისხის და მცირე რაოდენობის რძის პროდუქტების დამზადებას. სარქალი ყველის დამზადებაში თავის გასამრჯელოს იღებს. დღეში მას ოთხი გირვანქა ყველი ეძლევა. მეცხვარეებს წინათ დაჭირავებული მწყემსებიც ჰყავდათ. მწყემსის ჭამაგირის რაოდენობა შეთანხმებაზე იყო დამოკიდებული.

ჩვეულებრივ, კარგ მწყემსს თვეში სამი თოხლი ეძლეოდა. სმაჰამა და ჭალამანი მეცხვარისა იყო, ტანისამოსი — მწყემსისა. ზოგ-

<sup>1</sup> პროფ. პ. მელიქიშვილი, ჩვენებური ყველი, ტფილ. უნივერსიტეტის მოამბე, ტ. 11, 1922—1923 წ., გვ. 134—138, ცხრილი 1.



სოფელი შენაქო

ჭერ მწყემსს პირობაში თეკა და ნაბადი ეძლეოდა. დღეს აქაური მეცხვარეები დაქირავებულ შრომას გაურბიან და თავიანთ ცხვარს თვითონვე მწყემსავენ. ამ მიზნით კერძო მეცხვარეები აწყობენ „ცხვრის შეყრას“ და თითოეული მათგანი ცხვარში მწყემსად მორიგეობით გადის. ოც ცხვარზე ერთი დღის მწყემსობაა დაწესებული. ყველაზე შეძლებულ მეცხვარეს დღეს აქ 400 სულამდე ცხვარი ჰყავს. ეს კერძო ამხანაგობა ყველს წევრთა მეწველი ცხვრის კვალობაზე იყოფს. ცხვარზე ერგება ერთი გირვანქა ყველი და, რამდენიც მეწველი ცხვარია, მეპატრონეს ეძლევა იმდენი გირვანქა ყველი. ვისაც საკუთარი ბინა არა აქვს, ის სხვის ბინაში დგება და პატრონს ზაფხულის განმავლობაში ერთ ყველს აძლევს.

ცხვარში ყველაზე მძიმე პირობებში მწყემსი ცხოვრობს. მწყემსი დღეს აქ ყოველგვარ კულტურულ მოთხოვნილებებსაა მოკლე-



შენაქოს ბოსლები

ბული. იგი ზურგზე გუდა-ნაბადითა და ხელში კომბლით დაცოცავს მოლიბულ კლდეებზე, იკვებება ქუმელით და კალტით. ავდარში თავშესაფარი არ მოეპოვება, მაგრამ მწყემსს უყვარს თავისი საქმე და ის ცხვარს ძნელად მოშორდება.

— მთას თოვლი მოხკიდებია, მწყემსო, ახყარე ცხვარიო,  
 ადექ და ბარად ჩამოდი, ბიჭო, შეირთე ცოლიო,  
 არა მოგწყინდა მთას ყოფნა, არა მოგინდა ბარია,  
 ან ლამაზ ქალთან ძილ-წოლა, ან მასთან საუბარია?  
 — არცა მომწყინდა მთაშია, არცა მომინდა ბარია,  
 არც ლამაზ ქალთან ძილ-წოლა, არც მასთან საუბარია,  
 თვალწითელ შიშაქ მირჩვენავ, იმის ქოჩორის ბერტყაო.

მწყემსი მთაში განმარტოებულია. მთელი კვირაობით დადუმებულია და, საუბრის ეინი რომ მოიკლას, ზოგჯერ ასე დაიდი-ლინებს:

მეცხვარემ ცხვარი შეშალა, შემოეფინა ჩრდილსაო,  
 შიგ ურევია ბატკანი, ჟივილი მოდის ცხვრისაო,  
 წინ თვითონ გამოუძღვება, ხმა მოდის სიმღერისაო,  
 გაჰხედავს მწვანე მინდორსა ბალახით შემკობილსაო.  
 რა მშვენიერი რამა ხარ, დილავე გაზაფხულისაო,  
 ამოშვებულა სხივები ამომავალი მზისაო.  
 ამწვანებულა ველები, იალალები მთისაო,  
 შემოფენილა მთებზედა თეთრი ფარები ცხვრისაო.  
 მემცხვარე ცხვარში დაედივარ, მთაზე ვაძოვებ ცხვარსაო,  
 თან დამღვეს ჩემი მყეფარი, ვეძახი მურიასაო.  
 მურიასი მაქვს იმედი, ერთგულად მიჰერს მხარსაო,  
 ნაბრძოლი, ნასისხლარია, მისღვეს ნადირის კვალსაო,  
 პარიჭა, ჩემო მურიავ, ერთგულო პატრონისაო!  
 წელზე მარტყია ფრანგული, პირი აქვს ფოლადისაო,  
 მხარზედ მკილია ყირიმო, არ მეშინიან მტრისაო,  
 სადილად ჩავალ წყაროზე, წყლითი გავეზელავ ხალსაო,  
 ქალი და კალტი წინ მიდგა, კოჩხოთი ვზრეტავ წყალსაო,  
 გემრიელად შევექცევი, ვატარებ დროებსაო.  
 ახლა გამოვალ გორაზე, ჩემ ცხვარს დავავლებ თვალსაო,  
 ცხვარი დაყრილა გორაზე ამ შუალამის ხანზეო,  
 გავიხედ-გამოვიხედავ ვალმა, გამოლმა მთებზეო.  
 მთას ნისლი შემოჰხვევია შიგა-შიგ თოვლიანსაო,  
 შიგა ჩქამობენ შურთხები მაღალის ჩენი მთისაო,  
 ვალმა-გამოლმა ხეები ბანს აძლევეს ერთმანეთსაო,  
 წიფლოვანა და ბორბალო — სათავე ალაზნისაო.  
 მაღლა მთის ცივი წყარონი ჩქეფით ჩამოდის ძირსაო,  
 ჩადიან, ემატებიან მდინარე ალაზნისაო,  
 იმ წყაროებით შეზღვება მდინარე კახეთისაო.

მწყემსის ერთადერთი მეგობარი ძაღლია, რომელიც იცავს და  
 ეხმარება მას ცხვრის მწყემსებაში, ნადირისა და ქურდების თავ-  
 დასხმისაგან. მწყემსის სიცოცხლეს მთაში მუდამ განსაცდელშია.  
 მას ხშირად თავს ესხმიან ქურდ-ავაზაკები და სიცოცხლეს ასალ-  
 მებენ. თუშეთში იშვიათია ოჯახი, სადაც ცხვარში დაკარგულ



შვილზე მგლოვიარე დედა მწარედ არ გმინავდეს. თუ შენთვის ხური ლექსებიც მწუხარების ამ სევდითაა გაჟღენთილი.

ცხვარი თუშეთის იალაღებზე რჩება პირველ სექტემბრამდე. ამ დროიდან მეცხვარეები ბინებიდან იყრებიან. ეზიდებიან ცხენებით შინისაკენ გუდებით ყველს და ბარგს. ალვანში ცხვარი 15 სექტემბერს ჩადის. ცხვარს აქ დააყენებენ და შეუღებებიან ცხვრის პარსვას. **ცხვარი წელიწადში ორჯერ იპარსება. გაზაფხულზე აქაური ცხვარი ორ გირვანქა მატყლს იძლევა, შემოდგომაზე კი — სამ გირვანქას. უკეთესად ითვლება შემოდგომის მატყლი, რომელიც უფრო სუფთა და რბილია<sup>1</sup>. თუშური ცხვარი, საზოგადოდ, თეთრმატყლიანია, მაგრამ ასეთი ფერისაც გვხვდება; წითელი, შავი, ლეგა, შავ-ჭრელა, წითელ-ჭრელა, ლეგა-ჭრელა და სხვა.)**

ცხვრის გადათვლა აქ წყვილობით იცაიან. კენტში ხუთია გავრცელებული. ერთი თვლის, მეორე კი დათვლილს ოცობით ჯობზე აქდევს და ასე თვლიან: ერთი ოცი, ორი ოცი, სამი ოცი და ასე, სანამ ასობით არ შეაჯამებენ.

პირველი ოქტომბრიდან ალვანიდან ცხვარს შირაქში მიერეკებიან. შირაქისაკენ არსებობს სამი გზა: უკანა მხრის გზა, წინა მხრის გზა და ჭიაურის გზა.

ცხვარი საზოგადოდ სათუთი მოსავლელია. მას სხვადსხვა სატკივარი უჩნდება. სატკივრიდან თუშურ ცხვარში გავრცელებულია: **სიხაშლე**, როდესაც ცხვარს ჯიგარი უწყლულდება. ასეთი ცხვარი, მეცხვარეების თქმით, არ რჩება და კვდება; **პეპელი** — ბრტყელი ჭიაა და ცხვარს ღვიძლში უჩნდება. პეპელა ცხვარს ბარში შეეყრება „ჭყანტიანი“ ბალახის მოძოვების დროსაო. პეპელა ნაღველში თუ გაუჭდა, ცხვარი მოკვდებაო. წამლად ხმარობენ შხამას ძირს. მას ნაყავენ და დაფქვილ მარილ-მლოგეში ხსნიან და ცხვარს აკმევენ; **თურქული** — ცხვარს ფეხები უწყლულდება და ვერ დადის. მას შაბიამნით სწამლობენ. **ქეცვი** — ცხვარს ტუჩ-პირზე მუწუკებად დაეყრება და ვეღარა სძოვს. მას მაზუთს

<sup>1</sup> თუშური მატყლის ანალიზსა და თვისობრივ დახარისხებაზე ვრცელი ცნობები მოიპოვება ნ. იოსელიანის გამოკვლევაში „მასალები თუშური ცხვრის ფენოანალიზისათვის“, ტფილ. უნივერ. მოამბე, ტ. VIII, 1928 წ., გვ. 78—98.




კალტის მოკლა —

წასცხებენ და ისე არჩევენ; ძუძუს მაშრეტელა — ცხვარს ძუძუს უსივებს და ის არ მოიწველება. მეცხვარეების თქმით, ამ სენს წამალი არა აქვს და ცხვარიც სამუდამოდ შრებაო; მარგი თხას შეეყრება. ორი დღე ის სიმწარისაგან ჩხავის და უცხად კვდება. ყუთურისაგან ცხვარს მატყლი სცვივა. მოსარჩენად წაუსვამენ შაბიამანში გახსნილ თამბაქოს ან შავ მაზუთს; ყვავილი ტანზე მუწუკებად დააყრის და ცხვარი ცხრა დღეში რჩება ან კვდება. თუ მორჩება. მას ტყავი სძვრება. კრაჭუნა — ცხვარი კბილებს აკრაჭუნებს, თვალებს აბრიალებს და კვდება; რეტო ცხვარს გონებას უკარგავს, ტვინი უწყალდება, პირს აცმაცუნებს, მაგრამ ბალახს ვერა სძოვს; ბრმავევა — ცხვარს თვალბზე ზინდი გადაეკვრის და ბრმავედება, თვალებს მარილ-გოგირდიანი წყლით ბანენ. კუჭის ხმოვა — ცხვარი მუცელში იკვრის და ვერ გადის. ცხვარი სნეულდება აგრეთვე ნალველისა და ტყირპის სიმსივნით. ასეთ ცხვარს ცხვირს უდალავენ; ნაბარევი — ბარიდან ამოსულ ცხვარს ზოგჯერ მთის წყაროს წყალი სწყენს, იბერება და ზოგი იხოცება; ყარაო — ზამთრობით ფარებში



დაწყვდულ ცხვრებს ზოგჯერ საკვები შემოაკლდებათ და მიდის აქ ჰკარგავენ; ვერ სკამენ და ამის გამო ხშირად „სუქანი“ და „ტელო“ „ჩიელი“ ცხვარი იხოცება.

ცხვართან ერთად თუშებს მსხვილფეხა საქონელიც ჰყავთ: ხარი, ძროხა, ცხენი. ამათი რიცხვი განსაზღვრულია და იგი დამოკიდებულია ზამთრის საკვებზე. საძოვარი იყოფა: საცხაროვნე, საძროხე, იალალი და ყორული (სათიბი). თუშეთში ხანგრძლივი და სუსხიანი ზამთარი იცის, ამიტომ საქონლის გამოსაკვებად აქ თივის დიდი მარაგია საჭირო, რაც თუშეთის პირობებში იოლი საქმე არ არის. მართალია, სათიბები აქ ბევრია, მაგრამ მოთიბვა და თი-




ვის გადაზიდვა მეტად ძნელია. თუშეთში თიბავენ „ნამგლებით“ (ყელეებით) კაცებიცა და ქალებიც. ნათიბს „ჯაჭლით“ (ფოცხით) მოხვეტენ და „ნაცაფს“ დააყენებენ. ცხრა ასეთ ნაცაფს ერთ სარზე აგებენ და „ჩადალს“ უწოდებენ. კარგი მთიბავი დღეში ათ ჩადალს მოთიბავს. ჩადალს ბოსლებში ეზიდებიან ზურგით, ცხენით, ვირით და მარხილით. ბოსლის კართან ზვინს აგებენ. ზვინში ოცდახუთი ჩადალია. აქ თივა ძვირად ფასობს. ათი ჩადალი თივა წინათ ოთხი მანეთი ღირებულა. ხუთ ჩადალ თივაზე ერთი დღის ხვნაა დაწესებული. თუ ზამთარი ხანგრძლივია და საქონელს საკვები შემოაკლდა, მაშინ დედაკაცები ტყეში მიდიან და იქ ნეკერს „ფოხვის წიწკის“ ამტკრევენ, ეზიდებიან ზურგით და საქონელსაც ამით კვებავენ. **წ**აფხულში კი მსხვილფეხა საქონელი იალალზეა გაშვე-



ბული. მთაშა საძროხე ქოხებია გამართული. იქ დგანან მოხუცი ქალები და ბავშვები.

საძროხეს შშვენიერი საძოვრები აკრავს და აქ დედაკაცები ხარძროხებს უდგანან: საქონელს უვლიან, ძროხებს წველიან და ერბოს ამზადებენ. აქ ძროხებს უხმობენ ასე: „ნძოი დედა“ და ხარძროხებსაც თავიანთი სახელები ჰქვიათ. ძროხებს: შავარდენო, ქუთაია, ნამია, ცაკუნი, მერია, ვარაქალი, მასკლო, ფუძილოი, დურკო, შიქია, არამი, ღვთიშობელი, ბუცუკი და სხვა. ხარებს: შარომა, ამირანა, თვარია, ლაბაზანი, კვირია, ნისლა, ბულა, ნიშო, წამალა,




ტვირთსაზიდი კეხი „ქოხი“

ირემა, წიჭარა და სხვ. ქოხებში დედაკაცები ერბოს ამზადებენ. რძეს აგროვებენ სპილენძის ქვებში და, როცა რძე შედედდება, ხის კასრში — „ჩხუტში“ ჩაასხამენ და მას ბრუნელით დღვებავენ. იღვებება ერთი საათი. დღვების დროს შიგ წყალს უშვებენ და როცა კარაქი ჩაიძირება, ხელით ამოიღებენ და შემდეგ ერბოდ აღნობენ. ნარჩენ დოს ქვებში ჩაასხამენ და წამოაღულებენ. ის მოიგდებს კალტს, რომელსაც პარკში გადაიღებენ და იქ იწურება. გაწურულ კალტს მარილში მოხელავენ და გუნდებად დააკეთებენ. კალტს ამრობენ მოწნულ გალიაში — „კიშტეში“.

სახედრებში თუშებს ჰყავთ ცხენები და ვირები. ორივეს დიდი



მნიშვნელობა აქვს თუშეთის სამეურნეო ცხოვრებაში. მთის ბილიკებზე მხოლოდ ამ სახედრებით ხდება მიმოსვლა და ტვირთის გადაზიდვა. ამიტომ მომთაბარე თუშებს არ შეუძლიათ უსახედროდ არსებობა. წინათ ზოგიერთი აქაური მეკომური ცხენებს ოცობით ითვლიდა, დღეს კი შეძლებულ მეკომურს იშვიათად ამ ცხენზე მეტი ჰყავდეს. თუშური ცხენი ჯიშინია და კარგი



ჩხუტი

ცხენი აქ კარგადაც ფასობს. აქაური ცხენის სახელებია: არაში, კომში, რაქამ, ყარაჩო, შანში, „ლოშად“, ბამბი და სხვა. ზაფხულში ცხენები იალალზეა გაშვებული. ოჯახისა და მინდვრის სამუშაოში აქ უმთავრესად ვირია გამოყენებული. ვირით ეზიდებიან წყალს, შეშას, თივას, ძნებს, ქვას და სხვა.

- ზარში რას გვიქვებ ყანებსა, მთაში ჩვენც გვიდგა სვილები!
- რაით მოიტან სვილებსა, თუ არ დაქმაზე ვირები?
- ვირს ენაცვალოს პატრონი, დააქვა თეთრებ ცხვირები,



კარაქის შეღწევა

დაგვიდებ, დარისრიხდება, ქვევიდან შევეხირები.  
 ურემს მოუკვდეს პატრონი, დამწვეტებელი ჩხირები,  
 ლაფში რო გადაბრუნდება, იმას ვერ შევეხირები,  
 — მას თავად ააყენებენ შავი კამეჩის შვილები,  
 ერთ ჯერად ვერას ეყოფა ფშავ-ხევსურეთის თივები,  
 — კამეჩს გაუჭრა გამზრდელი, იმას ვერ ველუბინები.



თუშეთში ღორი არა ჰყავთ და მას არც ამრავლებენ, ხატი გვიწყენს და სატკივარი გავრცელდებაო. მომთაბარე თუშები ღორის ხორცს უკვე ჰკაშენ. წინათ ღორის ჰამა თუშს თურმე ეკრძალებოდა და ღორის ქალამნიანი თუში სოფელში ვერ შევიდოდა, გზაში ის ქალამანს იხდიდა და სადმე მიმაღავდა, გამობრუნებისას ისევ იღებდა და იცვამდა.

თუშეთის მესაქონლეობა ჯერ კიდევ დაქუცმაცებულია კერძო მესაქუთრეთა შორის. მისი მოვლა-მოშენების ტექნიკა ჩამორჩენილია და პროდუქციაც ყოველწლიურად მცირდება. მართალია, აქ არსებობს რამდენიმე საზოგადოებრივი ხასიათის ორგანიზაცია, რომლებიც ცდილობენ ამ კერძო მეურნეთა კოოპერატიულად გაერთიანებას, მაგრამ მათი მუშაობა და ხელმძღვანელობა ამჟამად მოისუსტებს. თუშეთში ზაფხულობით მუშაობს ქვემო ალვანის მესაქონლეობის საწარმოო ამხანაგობა, რომელსაც კერძო მეცხვარეები აღრიცხვაზე ჰყავს და ისინიც მის წევრებად ითვლებიან. ამხანაგობა მეცხვარეებს აწვდის პურს, მარილს, ქსოვილს და სხვა ფაბრიკატს. მეცხვარეები კი ამის ანგარიშში თავიანთი ნაწარმოების 50% ყველს, მატყლს და ცხვარს აბარებენ. ამხანაგობა საძოვრების საკითხს აწესრიგებს და იჯარით იღებს შირაქის ბინებს.

მაგრამ მესაქონლეობის ეს ამხანაგობა მეცხვარეებს ვერ უწყევს სათანადო დახმარება-ხელმძღვანელობას და ისინიც ასე ჩივიან:

ორმოცი ფუთი მატყლი მივეც კავშირსა ჩვენსა „მწყემსსაო“, ფულსა ვთხოვ, არ იძლევიან, ქვითარს მიწერენ ჭრელსაო. ამოველ წითელ წყაროზე, მიტუსალებენ ცხვარსაო, გადმომიდგება აგენტი, მთხოვს შირაქის ფულსაო. მატყლს ვაძლევ, ფულს არ მაძლევენ, თან საბალახეს მთხოვსაო, გამოიძიეთ, ეს საქმე რად ხდება ჩვენსა თავზედო.

თუშეთში სავეტერინარო პუნქტი არ არის. არც ზოოტექნიკური სადგურია, რომ ცხვარს ადვილზე საჭირო დახმარება აღმოუჩინოს.

თუშეთის ამ ჩამორჩენილი მეურნეობის რეკონსტრუქცია უკვე დაწყებულია და ამ მიზნით აქ ჩამოყალიბებულია ოთხი სასოფლო-სამეურნეო არტელი:


1. ზემო ალვანის „მიხა კახიანის“ სახელობის სასოფლო-სამეურნეო არტელი მესაქონლეობის განხრით 1928 წლიდან.



2. ზემო ალვანის „გებუს“ სახელობის სასოფლო-სამეურნეო არტელი 1931 წლიდან.


3. ქვემო ალვანის „წითელ ნაყაიჩოს“ სახელობის სასოფლო-სამეურნეო არტელი 1931 წლიდან.

4. ქვემო ალვანის „წითელი თუშეთის“ სასოფლო-სამეურნეო არტელი მესაქონლეობის განხრით 1931 წლიდან.



ამ არტელებს აქვთ თავიანთი წესდება, საპერსპექტივო გეგმები და მიზნად ისახავენ თუშეთის მეურნეობის ტექნიკურ-კულტურულ გაუმჯობესებას და მის სოციალისტურ ფორმებში ჩამოყალიბებას.

მუშაობა უკვე დაწყებულია და იმედი უნდა ვიქონიოთ, რომ ის ჩქარა წარმატებით დამთავრდება.




ქარანზე ძაფის გრება

შინამრეწველობა. თუშურ მეცხვარეობასთან დაკავშირებულია საოჯახო ხელსაქმის განვითარებაც. აქაური ცხვარი მატყლის საკმაო მარაგს იძლევა და თუშეთის შინამრეწველობა ამ მხრივ გასაჭირს არ განიცდის. ამ საქმეში მხოლოდ ქალებია ჩაბმული. უმთავრესად გავრცელებულია ტილოს (შალი), ფლასის (ფარდაგი), ჩითების (ფეხსაცმელი) და წინდების ქსოვა.

დედაკაცები დასაქმდებიან მატყლს შინ ამზადებენ, და ამ მიზნით თავდაპირველად მატყლის გარჩევას შეუდგებიან. მატყლს არჩევენ რბილს „კრაველს“ და ცალკე მაგარს. ვისაც ფერების შეხამება უნდა, ბუნებრივ მატყლს ფერადობის მიხედვით ისე შეარჩევენ, რომ მოქსოვის დროს მიიღონ სასურველი ფერი ქსოვილი, როგორცაა, მაგალითად: თეთრი ლეგა, ჩაშაო ლეგა, ლეგა ფერი, წითელი და სხვა. ტოლის ფერადობა აგრეთვე დამოკიდებულია

თხორი



საქსოვი აგაზმა

თხორისა და ხინდეს შეხამებაზე. გარჩეულ მატყლს რეცხავენ, აშრობენ და შემდეგ ჩეჩავენ, ვისაც ბევრი მატყლი აქვს გასარჩევი, მჩეჩელ დედაკაცებს დაიწვევს და მათ „საბეწვე“ უნდა აქამოს, ე. ი. კარგი ვახშმით გაუმასპინძლდეს. ასეთ დაწვევას აქ „ჩეჩელაგს“ ეძა-




ხიან. მატყლი საჩეჩელზე იჩეჩება „კერეულად“ (ნაფოლად). კერეულს „ქელტარზე“ (თითისტარი) „გააზღავენ“ — ართავენ, ხელტარი ხის „სახრელში“ ტრიალებს. სახრელი კუბიკური ფორმისაა და შუაში მრგვლად ამოჭრილი. ხელტარამ რომ სახრელში მარდად იტრიალოს, შიგ უსვამენ ნაცარში არეულ ძროხის ქონს. ნართს ჯარანზე დასაძვენ, ერთს წაღმა — „წაღმართაფი“ და მეორეს უკულმა — „უკულმართაფი“. ჯარანზე დაგრებილ ძაფს „ღულუჟაფდ“ (გორგალი) ამოახვევენ. ერთი ღულუჟაც მაგრადაა ნაგრები და იხმარება „თხორად“ (ქსელი), მეორე კი ფომფლეა და იხმარება „ხინდედ“ (ზედა) ამგვარად დამზადებულ ნართებს სახლში კერზე ჩამოკიდებენ და „საქსლოს ჯარანტრებს“ უწოდებენ.

თუ ნართი შესაღებია, მაშინ მას ხიფავენ — „დაშრიტავენ“ (გრძლად ამოხვევა) და საღებავებში ჩადებენ. ქიმიური საღებავები აქ კოკოპერაციის — საშუალებით ვრცელდება. ადგილზე მზადდება სამი ბუნებრივი საღებავი: წენგო, შავი და ყვითელი. წენგო ფერის მისაღებად მატყლის ნართს თავშავა ბალახში ხარშავენ და ამოღებისას ნაცარს დააყრიან, შემდეგ ის ირეცხება და იფინება.

შავი ფერისათვის ამ თავშავას წვენში ძალას ურევენ, ყვითელი იღებება ფიჭვის ხავსში. ტოლის მოსაქსოვად ჯერ წაღმართ და უკულმართ ღულუჟაფებს „საქსოვაც ხოკერში“ დებენ. ხოკერი შუაზე ჩვრიანი ჯოხითაა გაყოფილი და ღულუჟაფც შიგ ცალ-ცალკე თავსდება. ამ ხოკერით მქსოველი ქალი თხორს აბამს საქსოვის აკაზმაში. აკაზმა ხისაა, მოვრძო თხეკუთხედი ფორმისა. მას ფიჭვისაგან ამზადებენ და ერთ ცხვრად ფასობს. აკაზმა სახლში უდგიათ, თუ ოთახი ნათელია. ზოგიერთ სახლს მიშენებული აქვს ფარდულივით „საქსლური“, სადაც ეს საქსოვი აკაზმებია გამართული. საქსლური ზოგ სოფელში ცალკეა გამართული, კედლები ღიაა და სიპით არის დახურული. აკაზმაზე გაბმულ თხორს ხელით ასწორებენ და საშევრის ორი ჯოხით „შეს“ უყრიან, რომელზედაც „შისატანაც“ — მოკლე მრგვალი ჯოხია მიმაგრებული. შეს იჭერს პატარა წნელი „წიბო“. ქსოვის წინ თხორს „გარაფ“-ს (მრგვალი ჯოხია) უყრიან. საქსოვ ცხემლს ხინდეს (ზედას) გაუყრიან, გაბმულ თხორში გაატარებენ და ბეჭით ბეჭნიან. ქსოვის დროს „ქოჭით“ (ჩიკაყულა) გარას ასწევ-დასწევენ და „წიწუთ“ (პირთხელი პატარა ჩხირია) ქსელს წიწვენ (ასწორებენ). დღეში კარგი მქსოველი





ქსლის ქსოვა

ქალი ერთ მეტრ ტოლს მოქსოვს. ერთ აჯაზმაზე იქსოვება დაახლოებით 7—8 მეტრი შალი. მოქსოვილ ტოლს აჯაზმაზე გაჭრიან და ჩამოიღებენ. შალს საპონწყალში ალბობენ და შემდეგ ლასტზე ფეხით ითელება. გათელილი ტოლი ისევ ირეცხება. გასაქიმიად მრგვალ კუნძს ჩადებენ და გასაშრობად ჩამოკიდებენ. ტოლი აქ ყველა ოჯახში იქსოვება და მოსახლეობაც ამით იმოსება, განსაკუთრებით ზამთრის ტანსამოსი სულ ამ ტოლისაგან იკერება. ერთი ტოლის მოქსოვაში, აქ ოც გირვანქა ყველს იძლევიან, ფულად კი ეჭვსი თუმანია.

ნაქსოვისა და ფერის შეხამების მიხედვით თუშური ტოლი ასეა დახარისხებული: თეთრი და შავი ცალპირა ტოლი, ლეგა სოლურა, ჩაშაული ლეგა სოლურა, ლურჯ გაჩეჩებული საქათიბე, სადიაცო წენგოსფერი ტოლი, შეყრა სადიაცო ჩოხა, სამეცხვარეო ცალპირა, საიმრიგო (სასტუმრო) საჩოხე შავი. წინათ მამაკაცის საშარვლედ იქსოვებოდა ზოლიანი ტილო: კაჭკაჭა ჭრელი, ჭრელ-ჭროლა ტოლი, თეთრ-ლეგა კაჭკაჭა და სხვა. ეს ზოლიანი ტოლი წმინდად



ტოლის თელვა

არის ნაქსოვი, ზოლების შეხამება და მისი ღირსებაც კარგია, მაგრამ ის დღეს უკვე არ იქსოვება, რადგანაც, გარდა ქსოვის რთული პროცესისა, საჭიროა კარგი და უხუნო საღებავები, რაც აქ ძნელი საშოვნელია.


საზოგადოდ უნდა აღინიშნოს, რომ შალის ქსოვის საქმე თუშეთში თანდათანობით ქვეითდება და დღეს უკვე არ იქსოვება წინანდელი სახისა და ხარისხის ტოლი. მაგრამ შალის ქსოვილებს დღესაც დიდი გასაჯალი აქვს და კარგ ფასადაც იყიდება. შვიდი



თუშური ფარდაგი

მეტრი საშუალო ღირსების თუშური ტოლი აქ ფასობს 250—300 მანეთამდე. თუშური ტოლი იყიდება საჩოხედ და საქათიბედ და საკმაოდ ბევრი სალდება კახეთშიც.

ამავე ხის აკანმაზე იქსოვება: ხალიჩა, ფლასი, საგორავი, ხურჯინი და ცხენის ჩული. ხაოიანი ხალიჩა აქ ნაკლებად იქსოვება. უფრო ფლასებს (ფარდაგი) ქსოვენ. საფენის ძაფ-ნართის დამზადება და მოქსოვის ტექნიკაც უბრალო კუსტარული წესებით იმავე აკანმაზე სრულდება. მხოლოდ საყურადღებოა ამ თუშური საფენების მრავალსახიანობა და მისი ფერების შეხამება. მოცემულია



კვიდაცნი



ნაფოტაქიანი  
თვანი



კუნჭუდა



ჰვიანი თვანი



ნაფოტა



ჩაღაყნა



ყვავისფენა



შიბი  
ფუნჯი

ფარდავის სახის ელემენტები

ასეთი ფერები: შავი, თეთრი, წითელი, ლეგა ფერი, ლურჯი, სოსანი, ვარდისფერი, ყვითელი, ალისფერი, მწვანე (აფეი), წენგოსფერი, კაპრაშაცნი (მოყვითალო) და მხიე (მუქი ლურჯი). აი, ეს ფერებია მოცემული თუშურ საფენებზე, მაგრამ მათ შეხამებაში სითაღზე სჭარბობს და თუშური საფენის ტონალობაც მუქია. სახიანობის მხრივაც თუშური საფენები ერთფეროვანი არ არის. ძველ საფენებს ახასიათებს გეომეტრიული ფიგურალობა და რთული კომპოზიციები, რომელიც მოცემულია წნულების, კვანჭულების, ჯარანა თვლებისა და ჯერების სახეებში. ამ სახის საფენები დღეს აქ

მოქველბულად ითვლება, „მოდინან“ გასულია და ახალგაზრდობა მას აღარ ქსოვს. სამაგიეროდ, შემოსულია და თანდათანობით ვრცელდება ახალი სახის და ფერადობის საფენები. ამ ახალს ახასიათებს მცენარის, ცხოველისა და ადამიანის სახეების კომპოზიცია, ფერების სიჭრელე და უხამსობა. ამ შემთხვევაში აქ უბრალო მიბაძვაა ფაბრიკული ქსოვილების სახეებისა და ფარდა-საბნებისა, რომელიც ქალაქიდან ჯერ ალვანში შემოდის, აქედან კი თუშეთში ვრცელდება.

ასეთსავე ცვალებადობას განიცდის ხურჯინის ქსოვა და მისი სახე. ძველი ხურჯინები რთული გეომეტრიული სახეებითაა ნაქსოვი, რომლის ფერები მტკიცეა და შეხამებით სასიამოვნო. ახალი ხურჯინები კი უბრალოდ იქსოვება და სადა ზოლიანია.


თუშის ქალები ჩითისა და წინდის ქსოვაშიც დიდად დახელოვნებული არიან. აქ ყველა ქსოვს: ექვსი წლიდან დაწყებული ღრმა მოხუცებამდე, ქსოვენ სნეული და უსინათლო ქალებიც. თუშის ქალი წინდის ჩხირებს ხელიდან არ იშორებს და გზაში თუ ოჯახში ის წინდას გამალებით ქსოვს. მინდვრის სამუშაოზე მიმავალი ზურგაბარგული თუშის ქალი თან წინდას ქსოვს, საუბარშიც არ აყენებს წინდის ჩხირებს და გამალებით ქსოვს. მაგრამ ჩითის<sup>1</sup> ქსოვა ყველა ქალს არ შეუძლია, მას დახელოვნებული ან მოზრდილი ქალები ქსოვენ. ჩითი შალის დაჭრელებული ფეხსაცმელია და და მას ყველა ატარებს. ჩითის ფორმა სამგვარია: მაღალყელიანი, დაბალყელიანი და უყელო. მაღალ და დაბალყელიანი ჩითები აქაური მოდიდან უკვე გასულია, მას ჯერ კიდევ ატარებს ზოგიერთი მოხუცი და მას „ბებრულს“ უწოდებენ. დღეს მიღებული და გავრცელებულია მხოლოდ უყელო ჩითები.

ჩითი ერთნაირად იქსოვება. მოქსოვილი საპონწყალში ირეცხება, გასაშრობად კი ხის „საფართზე“ წამოაცვამენ. გამშრალ ჩითს შუაზე ყელთათის სივრტეზე ჭრიან და „ხის ფეხზე“ (კალაპოტი) მართავენ. ქვეშ გამოსაკერად ჩითს უდებენ ფეხის ტერფის ფორმის „თიკვს“ — შალის სქელ ნაჭერს, გარშემო ნემსით შემოაკე-

<sup>1</sup> იხმარება მრავლობითის ფორმით — „ჩითები“ (შეად. Тупли). ერთ ცალს ეწოდება ჩითი ან ჩითაყნ (რედ.).


ჩვენ „გარემოს“ და ზედ „შიბს“ შემოუვლიან. ჩითის ძირი კმერტით იბანდება. ბანდავენ მახათით ხუთ „ჯარად“ (სვეტად).

ჩითის საყელოს უყრიან „სახმუნს“ და ამ შალის გრებილით იკრავენ. ჩითის ზედაპირს „ფეხის წინდა“ ეწოდება, ძირს — ტერფი, ქუსლს — „დიდურაფკოვი“ და ყელს „რეზინა“. ჩითი საღიაცო და საკაცოა. ფორმა და ქსოვა ორივესი ერთგვარია, განსხვავება



სახის ნაჭრელშია. საკაცო ჩითი ბოძებიანია და სახეები სადა წერტილსაზეებითაა ამოყვანილი. საღიაცო ჩითი ზოლიანია და ქრელი. ყელის შემოკლებასთან საღიაცო ჩითი სახეების ცვალებადობის განიცდის. მაღალ და ყელდაბალ ძველ ჩითებს ახასიათებს ნაჭრელის სირთულე და ბრტყელი გეომეტრიული ფიგურიანი ზოლები.

უყელო ჩითის ნაჭრელი უფრო სადაა და მისი სახე თანდათანობით უბრალო ზოლზე გადადის და უფრო ზოლიან წინდას ემსგავსება. ჩითი ნაჭრელია ფერადი ძაფით, რომლის ფონი ჩვეულებრივად შავია და ზედ ამოყვანილია ორი-სამი ფერადით შეხამებული სახე. ამ სახეებს თავიანთი სახელებიც აქვთ: თვალი, ცუტუნაჲ ჭია, წვერის ჭია, ჩიტისთავალაჲ, გვერდმიდებულაჲ ჭირკვენაჲ, ოროლაჲ




ჩითის ნაჭრელის ცვა


გვერდმიდებულაჲ, ალვის ზე, ბაკიან თვალკბილაჲ, მიხი, ჭირკვენაჲ და სხვა. თუშები ჩითებს შინ და კარში ზამთარ-ზაფხულ ატარებენ. ჩითი თბილი და რბილია და მშრალსა და მოყინულ ნიადაგზე სასიამოვნო სატარებელია, მაგრამ ნამში და ტალახში სველდება და და უვარგისია. ჩითი ძლებს ორ-სამ თვეს, შემდეგ მას ძირებს უცვლიან და ისე აახლებენ. აქ ჩითებზე დიდი მოთხოვნილებაა და ის 10—30 მანეთამდე ფასობს.



თუშები შინ დაქსოვილ წინდებს ატარებენ. წინდის ქსოვას აქ ყველამ იცის. იქსოვება კრელი და სადა წინდა. ძველებური — „წინანდულაყ“ — თუშური წინდა ფერად ნაქრელია და მას „ჯარანაყიან“ წინდას უწოდებენ. ახლა ჯარანაყიან წინდას აქ არ ქსოვენ და დღეს უფრო მოწონებაშია ფერადზოლიანი და სადა წინდები. უსახოსა და სადა წინდას სამეცხვარეო ან სამინდვრე წინდას უწოდებენ, ზოლიანს კი — სასტუმროს. ქალები იცვამენ ყელმაღალ კრელ წინდას. წინდას ჩხირებით — „ცხემლით“ ქსოვენ, „ღებების“ (თვალი) გამონაგარიშებით. წინდას აქვს წვერი, ტერფი, კოკი და ყელი. იქსოვება აგრეთვე „ქუროები“ (ხელთათმანი).



წითის ვლემენტები





მესაქონლე თუშისათვის თოკი აუცილებელ საჭიროებას წარმოადგენს და ესეც შინაურობაში მზადდება. საბლის გრება აქ ყველამ იცის და მისი საგრები „ჩიხრიჩი“ ყველას მოეპოვება. საბლისათვის იგრებიცა თხის ბალანი. ჩიხრიხის გირკალს ერთი კისერს გაუყრის და ხელით ჩიხრიხს ატრიალებს, მეორე მოშორებით ბალანს აწვდის და ამგვარად საბლის „ლოლი“ იგრებიცა. შემდეგ ხუთელოლისაგან საბელი იწვნება.

• თუშეთში გავრცელებულია მატყლისაგან ნაბდის თელვა. ნაბდს აქ თავისი ეკონომიური მნიშვნელობა აქვს. უნაბდოდ და უთექოდ მომთაბარე თუშები და მათი მწყემსები ვერ ძლებენ. მათში თექა-ნაბადი ყველაფერია. იგი საბანიც არის და ავდრობისას საიმედო თავშესაფარიც. ამიტომ თექა-ნაბადის დამზადებას მთაში მნიშვნელოვანი ადგილი უჭირავს. წამოსასხამ ბეწვიან ნაბდებს თუშები უკვე არ ამზადებენ. ასეთი ნაბდები აქ ლეკებს შემოაქვთ და მათგან ყიდულობენ. აქ მხოლოდ ნაბდის საფენებსა და ქუდებს ამზადებენ. ამისათვის მატყლს გადაარჩევენ, გარეცხავენ და გამშრალს კარგად გაწეწავენ. შემდეგ მატყლს ტილოს საფენზე გაშლიან და აღულებული წყლით დანამავენ. თუ სახეების გამოყვანაც სურთ, შიგადაშიგ ფერადი მატყლით დააპრელებენ და დაახვევენ. დახვეულს მუხლმოკეციტ ქალები მკლავებით თელავენ. ითელება სამჯერ. პირველ გათელილს — „თხანთხალაყ“-ს ამრობენ და მეორეჯერ თელავენ, ისევ ცხელი წყლით ნამავენ და იმავე წესით თელავენ. მესამეჯერ კი მოთელვა თავდება. მოთელილი ნაბადი საფენად იხმარება. იმისაგანვე იკერება ზედ ჩასაცმელი თექა.

• თუშეთი ცნობილია თავისი თუშური ქუდით, რომელიც მთელს აღმოსავლეთ საქართველოშია გავრცელებული. მას თავისი ფართობი ბაზარიც აქვს და მშრომელ თუშის ქალებს კარგ შემოსავალს აძლევს. ამ ნაბდის ქუდის მოთელვის პროცესები უფრო რთულია. ქუდისთვის უცვთესი ღირსების მატყლია საჭირო. საქუდე მატყლის ფენა თხელია და ითელება ხუთ-ექვსჯერ, შემდეგ მას შავად ღებავენ თავშევაში და ამრობენ. გამშრალი სივანეზე იჭრება და ბეწვის გასაცლელად ცეცხლის ალზე იტრუსება. ამგვარად დამზადებული ნაბდიდან ქუდებს გამოჭრიან და კერავენ.



რივი	სახელი	კონკ	მეცნიერ- თა მუშაობა	ნაქსის ფართობი	და პროც ბარი
1	ომალა	84	303	5,6	424
2	დიკლა	43	179	27,75	304
3	ჩილა	32	147	23,25	208
4	დართლა	40	66	28,50	295
5	კველა	27	102	16,50	124
6	ღანა	13	53	7,25	73
7	ქეშა	14	67	6,00	115
8	გირევი	10	46	7,50	100
9	ფარსმა	14	70	14,00	103
10	დიდიკურთა	8	19	4,00	28
11	ვერხოვანი	3	12	1,00	21
12	ჭვარბოსელი	9	44	4,50	68
13	აღისგორი	1	3	1,00	7
14	კოკლათა	1	7	0,50	13
15	ვეძისხევი	1	3	0,50	16
16	საჩილოლა	10	45	5,00	49
17	საბუე	5	15	2,50	40
18	გოგრელთა	15	58	6,00	81
19	დოჭო	25	103	12,00	166
20	ბოჭორმა	15	51	6,50	89
21	ქუმელაურთა	21	81	14,50	101
22	ცოკალთა	9	38	6,75	37
23	ხისო	32	107	20,50	141
24	შტროლთა	7	25	6,00	42
25	ჩველურთა	13	60	9,75	100

ცხენი, ჯირი და ეიზი	ცხენი და ეზი	მეკომურთა შთავარი გვარები
146	2508	თავბერიძე, სისვეური, იჭირაული, ბილიძე
122	2522	ბუჭქრაიძე, ბელაღიშვილი, ნებერიძე, იმედიძე
109	1514	ელანიძე, მარხვაიძე, ბაყურიძე, მეშველიძე
92	2082	ილოძე, ჭაბუკაიძე, მასხაჯაური.
43	1216	გაწირიძე, თილიძე
37	508	თათრულიძე, ხელაძე
54	1965	ამალიძე, ოშიაძე
16	513	აზიკური, მოზაიძე
32	662	ჭაბაძე, სულაქაური
20	342	ხეცოძე, კოკილაური
2	96	თელაურიძე
17	625	კარდილაძე, ვესლაძე
2	104	ჭაბაძე
2	50	ბაშინურიძე
—	50	გაბილაძე
12	226	ამაიძე, ქოთილაძე
6	50	გუთანაძე
31	830	ბორშოძე, ხაბაიძე
63	1554	ახულიძე, თორღვაიძე, წომიკურიძე
30	689	ოთიურიძე, კახიძე, ლილაური
63	1631	ბუჭქრაიძე, ნაკუდაიძე
20	395	მიქაიძე, სოთიაძე
37	832	ჯამრულიძე, ჩიგლაძე, წიწიაძე, ხრუკაიძე
16	219	წვერიაძე, ბლარვაიძე
30	695	კოლიციძე, მოზაიძე

რივი	ს თ ფ ე ლ ი	კლასი	შეკრებილი მანქანები	ნათესის ფარავანი	ქრომა და სარი
26	ნაციბარი	6	19	3,00	20
27	ჩიგლაურთა	14	51	5,25	59
28	ხახაბო	16	63	8,00	83
29	ბეღელა	6	26	2,50	32
30	გუდანთა	10	28	4,50	51
31	ვაკისძირი	8	28	4,00	46
32	ბიჭურთა	5	26	2,50	30
33	ილიერთა	7	13	3,50	17
34	ვესტომთა	7	44	2,00	62
35	ვესტმო	15	71	6,50	75
36	ბუხურთა	2	10	1,00	8
37	შენაქო	70	309	51,00	398
38	ქვემო ალვანი <sup>1</sup>	349	1465	495,48	—
39	ზემო ალვანი	812	3415	324,39	1234
ჯამი		1430	7,268	1150,97	4,860

<sup>1</sup> ეს აღწერა წარმოებდა ზაფხულში, აგვისტოში, როდესაც თავიანთი საქონელით ქვემო ალვანის თუშები თუშეთში იყვნენ დაბინავებული და მათი აღწერა აქვე წარმოებდა, ამიტომ ჩვენ ამ ცხრილში შევიტანეთ ქვემო ალვანის მხოლოდ ნათესის ფართობი.

ცხენი, ქორი და ებრი	ცხენი და თხა	შეკომურთა მთავარი გვარები
5	257	ხახონაძე, შამშლაძე
12	621	შოზაძე, კახოძე
27	304	ქითიძე, ბაკურიძე
11	137	ვაგოძე, გიგოძე
17	527	ოჩონაძე, ხიწვაძე
14	188	წიქარაძე, გაფრინდაული
14	118	ღულელაური, ღაზიაძე, უთურგაძე
18	364	ხელიძე, ხეცაურიძე
18	739	კარხილაური, აფშინაძე, თავბერიძე, ქარსამაული
49	1317	ინვაიძე, რაინაული
2	365	აფთარაული, ცოცანიძე
196	4698	ჭიჭურიძე, ხაჩიძე, ბუჭვაძე, კურდღელიძე
—	—	
1455	89279	შორთიანი, ცისკარაშვილი, მუშტარაული, ყიზილაშვილი ფოცხვერიშვილი, აფშინაშვილი
2842	120,769	

სამწუხაროდ, თუშეთის შინამრეწველობის ეს მეტად მნიშვნელოვანი და შემოსავლიანი დარგები დღეს უყურადღებოდ არის დატოვებული და ხელმძღვანელი ორგანიზაცია არ გააჩნია. ამ დარგის გამოცოცხლებაზე აქ არაივნ ფიქრობს, რაც შესაძლებელია თანამედროვე გაუმჯობესებული იარაღებისა და ტექნიკური ცოდნის შეტანით. მით უმეტეს, ამის შესაძლებლობას იძლევა აქაური მარტყლის მარაგი და ქსოვაში გავარჯიშებული მუშა ხელის საკმაო რაოდენობა.



ამისათვის საჭიროა, პირველ ყოვლისა, პრიმიტიული აკანში-  
სა და ჩხირების საქსოვი დაზგებითა და ხელის მანქანებით შეცვლა,  
რომ თუშეთის მშრომელ მოსახლეობას მძიმე მუშაობა შეუმსუბუქ-  
დეს და მისი გაუმჯობესებული პროდუქციაც გაიზარდოს.

ხელოსნობას თუშები ნაკლებად მისდევენ და შრომის ამ დარგს  
მათთვის ეკონომიური მნიშვნელობა არ ჰქონია. სამუშაოდ მიდიან  
ცხვარში და იქ მწყემსად ღვებიან. მაგრამ ამ ბოლო ხანებში სა-  
მუშაოზეც გადიან და მუშაობენ შეშის დამზადებაზე, ქვისა და გზის  
სამუშაოზე.

ერთი სიტყვით, თუშეთი ეკონომიურად მნიშვნელოვანი კუთხეა,  
განსაკუთრებით, თავისი მეცხვარეობით, რომელიც კარგი ღირსების  
ყველსა და მატყლს იძლევა. ამასთან, აქ არის ხელისშემწყობი პირო-  
ბებიც: ფართო იალაღები, ალპური ჰავა და მეცხვარეობაში გამოც-  
დილი მუშახელი. ყველაფერი ეს მეურნეობის ამ დარგის განვითა-  
რების კარგ პერსპექტივას იძლევა. დღეს უკვე დაწყებულია თუშე-  
თის ჩამორჩენილი მეურნეობის რეკონსტრუქცია, რომელიც ყალიბ-  
დება კოლექტიური მეურნეობის ფორმებში. ამისათვის საჭიროა  
ძველი, პრიმიტიული ბინების ნაცვლად აშენდეს ახალი ტიპის და  
ბიჯიენურად მოწყობილი ბინები, რომ კოლმეურნე მეცხვარეებს  
შეეძლოთ ასატან პირობებში ცხოვრება.

უნდა გაიხსნას ზოოტექნიკური სადგური და სავეტერინარო  
პუნქტი.

### საზოგადოებრივი ყოფა

თუშეთის საზოგადოებრივი ცხოვრება დღეს ფორმირების ხა-  
ნაშია; ძველი თემური ნაშთები თანდათანობით ისპობა და მყარ-  
დება ახალი, საბჭოთა სოციალისტურ სისტემაზე აღმოცენებული  
საზოგადოებრივი ურთიერთობა.

თემურ ყოფას, თუშეთში თავისი ხანგრძლივი ისტორია ჰქონდა;  
ამ ყოფის ზოგიერთი გადანაშთი დღემდეა მოღწეული. მართალია,



ეს ჩვევები, რომელთაც ფორმალურად იცავს მოსახლეობის ძველი თაობა, დღეს უკვე მოკლებულია თავის სოციალ-პოლიტიკურ მნიშვნელობას, მაგრამ ამ კუთხის საზოგადოებრივი ყოფის გასაცნობად ისინი ჩვენთვის საყურადღებოა.

თუშეთის მოსახლეობა დაყოფილი იყო და არის გვარებად. თითოეულ სოფელში წინათ სახლებულა ერთი გვარი, რომელსაც თავისი საგვარეულო კომეცი ჰქონია. აქ აფარებდნენ თავს შიშიანობის დროს. დროთა ვითარებაში გვარი იზრდებოდა და კომლეზად იშლებოდა. ამასთან, დიდი გვარი ქვეგვარებად იყოფოდა და ქვეგვარი ირქმევდა კომლის უხუცესის სახელიდან წარმოშობილ საკუთარ გვარს. ამ გვარების დაბოლოებაა: ძე, შვილი, -ული, -ური და -იანი; მაგალითად: ნაკუდასაგან წარმოშობილია ნაკუდაძე, უთურგასაგან — უთურგაძე, ელანისაგან — ელანიძე, გულუბეა — გულუბეაძე, ბერო — ბეროშვილი, ფოცხვერი — ფოცხვერიშვილი, აფშინა — აფშინაშვილი, ცისკარა — ცისკარიშვილი, მიქელი — მიქელაშვილი (მიქელაძე), აბაში — აბაშიშვილი (აბაშიძე), გაფრინდაი — გაფრინდაული, იჭარაული, რაინაული და სხვა. -ურ-ზე და იან-ზე ბოლოვდება: თადიაური, აზიკური, სულაკაური, კოკილაური, შორთიანი და სხვა.

ეს გვარები იყოფა ქვეგვარებად. მაგალითად, სოფ. შენაჭოში (ჩაღმის საზოგადოება) ორი მთავარი და ძირეული გვარია: ბუქვაძე და ჯაჩიძე. ბუქვაძანთ გვარში შედიან (ქვეგვარი): იმედიძე, ოშორიძე, ჯავოდანიძე და სეხნიაძე. ჯაჩიძანთ გვარში კი: ჭვრიტიძე და ჯიჭურიძე. მეკომურის დასახელებისას იტყვიან: ბუქვაძანთ გიგოლე ჯავოდანიძე, ვიორგი ჭვრიტიძე ხაჩიანთი.

ფარსმაში (პირიქითი თემი) ქააძე ძირეული გვარია, მისი ქვეგვარებია: იჩუნაძე, დადაძე და კუკალაძე. თავიანთ მოძმე მეკომურს ასე ასახელებენ: იჩუნაყათ პეტრე ქააძე. ჯვარბოსელში (გომეწრის თემი) ძირეული გვარი ალუდაური იყოფა ქვეგვარებად: კარდლიძე, გესლაძე, ელიზბარიძე და დარქიზანიძე. ასეა წოვა თუშებშიც, სადაც სამი ძირეული გვარია: შორთიანი, ცისკარიშვილი და მუშტარაული. შორთიანთ ქვეგვარია: ქავთარაშვილი, ზარიძე, თურქოშვილი, ყიზილაშვილი, ლაგაზიანი, ჩაჩქანიშვილი, ბურკიშვილი და სხვა. მუშტარაული: ბაინდურაშვილი, ლალიშვილი, ხარებაშვილი და სხვა. ცისკარიშვილი: აფშინაშვილი,

ფოცხვერიშვილი, კიკაშვილი და სხვა. იტყვიან ლეო ჭანთოშვილი ცისკარიანთი.

თუშეთში მობინადრე გვარები თავიანთ თავს ხიზნებად თვლიან. თავიანთი გადმოსახლების ისტორია ზოგიერთ გვარს დღესაც კარგად ახსოვს; ირკვევა, რომ აქ იხიზნებოდნენ არა მარტო მთისა და ბარის ქართველები, არამედ ქისტ-ჩაჩნები და ლეკებიც. მაგალითად, სოფ. ოშალოს მცხოვრები სისვაურის წინაპარი თიანეთიდან ბატონს გამოჰქცევია და აქ დასახლებულა. მას სახელად სისური რქმევია. ქეშოელი აბალოიძე გამოქცეულა ქიზიყიდან, მირზაანთ საგვარეულოდან; ქიზიყში მის წინაპარს ბატონი შემოჰკვდომია. იჭირაული, ბასხაჯაური და ბეჭურიძე ხევსურეთიდან გადმოსახლებულან მესისხლეობის გამო, ხოსიყურიძე კი — ფშავიდან. სოფ. ჩილოში მცხოვრები ოჩონიძის წინაპარი ლეკეთიდან გამოქცეულა. ოჩონიძენი ყოფილან ორნი ძმანი. მათ იქ მამის სისხლი აღდიათ და თუშეთში გამოხიზნულან. ერთი მათგანი ჩაღმა თუშებს ძმად მიუღიათ და ჩილოში დასახლებულა, მეორე კი უფროს კაცებს ქისტებში გადაუყვანიათ და იქ თავკაცებისათვის უთხოვიათ მისი მიღება და დასახლება. ისიც სოფ. ხულანტში დაბინავებულა. ეს გვარი დღეს ცნობილია „ჩინაურკანთ“ გვარად. ხაჩიძეთა წინაპარს ხაჩი რქმევია. იგი ქისტეთის სოფ. ჭანთიდან ყოფილა გამოქცეული, სადაც მას კაცი შემოჰკვდომია. ხაჩის შვილს ხუნჩალს სოფ. შენაქოში რვა ვაჟი ჰყოლია თურმე, ხუნჩალი შვილებს გაყოფის ნებას არ აძლევდა და მთელი ეს დიდი ოჯახი ერთ ჭერქვეშ ცხოვრობდა. ოჯახი 50 წევრს ითვლიდა. ხუნჩალის ამ დიდ ოჯახს აქ დღესაც იგონებენ და როდესაც ვინმეს ოჯახში ნამზადისი ეცოტაებდა, მას ეტყვიან: „თუნდა ხაჩის ხუნჩალიანებს ეყოფათ“.

თუშეთში შემოხიზნულ ამ უცხო გვარებს არ შეეძლოთ არსებობა თემის გარეშე, რომელიც სათუშეთოს განაგებდა. ამიტომ ხიზანი იძულებული იყო, რომელიმე გვარს მიეკედლებოდა და მისთვის დაქმობილება ეთხოვა. ამისათვის თუშეთის თემებში არსებობდა „ხ ა რ ი თ შ ე ყ რ ი ს“ ადითი. როდესაც ხიზანი რომელიმე გვარისაგან დაქმობილების თანხმობას მიიღებდა, ის ამ ხართშეყრას ასრულებდა. ამისათვის დაამზადებდა პურს, არაყს და საკლავად ხარს დაკლავდა. დაიწვევდა ხევისბერს და გვარის უფროსებს. ხე-




ფარდავი



ხურჯინი





თეგა



ჩთეგბა



ვისბერი კრებულს ამცნობდა, რომ ამა და ამ გვარმა (დაასახელებდა) ეს ხიზანი ძმად მიიღო და დღეიდან არვის გეგონოთ ის უგვარო და უსოფლო. იყენით ჭირში და ლხინში განუყრელნი და მტერთან ერთმანეთის მფარველიო. დამძობილების ნიშნად ხევისბერი აიღებდა სამ ქვას და ნახშირს და იქვე მიწაში სამანს ჩასვამდა, ზოგჯერ ძმობის სიმტკიცის ნიშნად უღვაშის ბალანსაც ჩააყოლებდნენ. ამ დღიდან ხართშეყრილი ხიზანი თავის გვარს იცვლიდა და დამძობილებულის გვარზე იწერებოდა.

თემური თუშეთის საზოგადოებრივ ცხოვრებას ამოძრავებდა თემური ბრძოლები, მეკობრეობა და მესისხლეობა, რომელსაც მესვეურობდნენ ხევისბერები და დეკანოზები. თემის მიერ არჩეული ეს ხევისბერები და დეკანოზები ეკუთვნოდნენ საზოგადოების შეძლებულ ჯგუფს და ამ ჯგუფის ქონებრივ-უფლებრივი ინტერესების დაცვისათვის ღვთისა და ხატების პირით მოუწოდებდნენ ხალხს, ნადავლის მოპოვების მიზნით, მეზობლებზე თავდასხმისაკენ. ხატის ნებით დაშინებული მდაბიო ხალხი სალაშქროდ მისდევდა ამ შეძლებული ჯგუფის ბელადებს, იკლებდა სოფელს, იტაცებდა მოსახლეობის სარჩო-საქონელს და ნაძარცვით უკანვე ბრუნდებოდა. მაგრამ ამ ნადავლს შეძლებულთა ჯგუფი და მათი ბელადები ინაწილებდნენ. ეს იწვევდა მეზობლებს შორის დაუსრულებელ მტრობას და ერთმანეთის დალაშქვრას, რაც ქონებრივად და ფიზიკურად ანადგურებდა მოსახლეობის ღარიბ და შეუძლო ნაწილს. ამ ბელადების გამირობაზე ითხზებოდა ლექსები, რომლითაც მდიდარი თუშური ხალხური სიტყვიერება.

ამ მხრივ, სხვათა შორის, ცნობილია კვაკლოელი გორგი თილიძე, რომელიც ფშაველებს თურმე არ უსვენებდა და თავისი რაზმით ვცემოდა ფშაველ მწყემსებს, ხოცავდა მათ და ცხვარს სტაცებდა. ბოლოს ეს გულადი თილიძე ფშაველებს სოფ. ხოშარში დაუმარცხებიათ და თილიძეს ლაშარის წმ. გიორგისათვის შეუთხოვია, თუ ამ განსაცდელს გადამარჩენ, თეთრ კურატს მოგართმევო. ლაშარობას თილიძე მართლაც თეთრი კურატით მისულა ფშავში. ფშაველების შერიგება და ძმად გაფიცვა უთხოვია. შეთანხმება მომხდარა და ორივე მხარე ლაშარის ჯვარზე ძმად გაფიცულა. ამაზე ეს ლექსი გამოუთქვამთ:

ლაშარს მოვიდა თილიძე, დიდგულად დაჭდა თუშია,  
შამეხევიენენ ფშავლები, როგორ რო ბატონს ყმანია:

„შენ აქ არ მოგესვლებოდა, დიდი ქენ ცოდო-ბრაღია,  
გასწყვიტე დიაც-ყმაწვილნი, კალოდ გალენწენ მკედარია,  
ნაკვეთაურის ჭერხოსა შენ შეხსენ რკინის კარია“.

— მაღროვეთ, ფშავლის შვილებო, მალოცეთ თქვენი ჭვარია,  
მოვსულვარ სახვეწნელადა, მომიყვანია ხარია,  
ეგ მაშინ გავარიგოდეთ, როცა გამოვლენ მთანია.

მთა გაშრეს, ქვიშა გამოჩნდეს, ლურჯამ მოხკიდოს ნალია,  
ტყემა გაუშვას ფოთოლი, ბალახს გახფონოს ნამია,  
მთებშიაც გაჩნდეს ჯანლები, მხედარმ დაღმალოს თავია,  
უბისთავ დანათლებიან თილისძის ცხენის ნალნია.

ან ვისი სკექდეს შაქარი, ან ვისიც სჭრიდეს ხმალია,  
ან ვის მიუდიოდეს ხათარეშალი ცხვარია,

ღელის ძირს გადმოდიოდეს თქვენი ცხვარ-ხაროვანია,  
უკან მომდევდეთ, ფშავლებო, სტიროდეთ როგორც ქალია.

ღელის გორს შემოხკიდოდეთ ერთი პატარა ზარია:

„ლაშარეულა თან გვეტან, დავლათის გვიქრის ქარია,  
დახკრა, ხმა ახადს გავიდეს, პირთ დაიწერონ ჭვარია.

ღედამა მისცა ჩემს ცხენში შვიდ ფური, შვიდი ხარია,  
მე იმან გადამარჩინა, მის თვალებს ვენაცვალაია.

შეძლებულ ჯგუფთა ეს ბელადები აგრეთვე აწყობდნენ მეკობ-  
რობას ქისტ-ჩაჩნეთში და განსაკუთრებით დიდოეთში (ლეკებში).  
ამ პიხნით ეწყობოდა დამარბევი რაზმები, რომლებიც ირჩევდნენ  
ბელადებს და მათი წინამძღოლობით გადიოდნენ ქისტ-ლეკეთში.  
აქ ეცემოდნენ მწყემსებს, სტაცებდნენ მათ ცხვარ-საქონელს და,  
ნიშნად გამარჯვებისა, მტრებს მარჯვენა ხელის მტევნებს აჭრიდ-  
ნენ<sup>1</sup> და უკანვე ბრუნდებოდნენ. ამ ნადავლს მეკობრეები თუშეთში  
იყოფდნენ, მოჭრილ ხელებს ბელადები თავიანთ ჩარდახიან ციხის

<sup>1</sup> თუშის ბელადის მიერ მოჭრილი ლეკის მარჯვენა დღემდე იყო შერჩენი-  
ლი ტატო იდოიძის სახლის კედელზე სოფ. დართლოში. ეს მარჯვენა ჩვენ ჩამო-  
ვიდეთ და ფოტოგრაფიულად გადავიდეთ.

კედლებზე აკრავდნენ და ტყვეებს კი ბაშტების კედელზე ჩაჭკვებით აბამდნენ<sup>1</sup>. გამარჯვებულ მეკობრეთა ბელადებს საქებურ ლექსებსაც უძღვნიდნენ:

ალვანში თუშის შვილები ხმალს ულესავენ პირსაო,  
თოფებსა ძალზე ღმართავენ, ჯავრი გულს მოზღის მტრისაო,  
დაუბარებენ ივანეს ელიზბარძის შვილსაო,  
შენაქოშიგა ბაკურას, გულადსა. ჭვრიტიშვილსაო.  
წამოვიდოდა ბაკურა, ჯოგი თან მოსდევს მგლისაო,  
შავროვლებიან ყვარელში, შუა ბაზრისა პირსაო,  
საომრად დრო შარჩეულნი ეკითხებიან გმირსაო:  
„დილაზე საით წავიდეთ, საითლა გვიხამ პირსაო?“  
ბაკურა ეტყვის: „გმირთ-გმირნო, ნუ ჩქარობთ, არა სჭირსაო,  
მოულოდნოთ ივანეს, ელიზბარძის შვილსაო;  
ეს ვაჟიც გულოვანია, მედგრად მებრძოლი მტრისაო“.  
ხალხის ნაპირს სდგას გიორგი, მრისხანედ წარბთა ბრისაო,  
თოფ გაბუღული მხართ ხკიდავ, ვადა უნათებს ხმლისაო.  
გიორგი ეტყვის ბაკურას: კაცო, რას ამბობ, რასაო,  
რა ულოდინებთ ივანეს, გზაც თითონ ვიცი თთისაო,  
რო აქებთ ბავაზელებსა, მათი გაცნობა გვინდაო“.  
წინ გაუძღვება ბაკურა, გზა გრძელიც შამოკლდებაო,  
ბავაზის მთებსა გადადგნეს, შუგულ არს დალესტნისაო,  
ჩეთარეშნენ თუშები, მწყემსებ დახოცეს ცხვრისაო.  
მთისა მშვენიერ კალთებზე ყივილი მოდის ცხვრისაო.  
ერთი ვაეჭვა მეცხვარე, ქორივით სოფლად გადრინდა.  
შეიტყვეს ბავაზელებმა, მოდიან ცხენებ ხეთქვითა,  
თუშნი გორებში გამაგრდნენ, შიში არა აქვთ მტრისაო,  
დილა-საღამომდე იომეს, სულ გააწითლეს ქვიშაო.  
გვალეთ, ბიჭებო, გვეყოფა მარჯვენა ჩვიდმეტისაო,  
გამობრუნდება ბაკური, ღიმილი მოზღის პირსაო,  
წამოვლენ კახეთისაკენ შაირებისა თქმითაო.

<sup>1</sup> ტყვეების მისაბმელად ბაშტის კედელში დატანებული იყო ბრტყელი და შუაში ამოხრეტილი ფიქლი, რომელშიაც რკინის დიდ ჩაქვს უყრიდნენ და მას კლიტით ვტრავდნენ. ტყვეს ამ ჩაქვის ყურს კისერზე ადებდნენ და ჩაქვითვე გამოკვანიძღვდნენ. ერთი ასეთი ჩაქვი დღესაც ინახება სოფ. დართლოში, ღიმიტრი ლეკაიძის ოჯახში; მისი სიგრძე 3,60 მეტრია.

ყვარელში რო ჩამოვიდეს, სუ ხალზი გაკვირდისაო.  
რა ხალზი ამოუქლევტავ, ხელეზი მოაქვთ მტრისაო,  
წინ მოუძღვება ბაკურა, ვადა უნათებს ხმლისაო.  
შენი ჭირიმე, ბაკურა, სულამ შენ ხმალი სჭრისაო.  
დედამან შვილი გაზარდოს მტრასა დაძვეში ძირსაო,  
ბაკურავ. შენისთანანი, თავის მოძვეეთნი ხმლითაო!

თისო ბელადიშვილი, 71 წლისა, სოფ. დიკლო, 1931 წ.

რასაკვირველია, არც ლეკ-ქისტ-ჩაჩნები ისხდნენ გულბელდაკ-რფილები. ნადავლის მოპოვების მიზნით ლეკებისა და ქისტ-ჩაჩნების ბელადებიც თავიანთი რაზმებით გამოდიოდნენ თუშეთში, მიერეკებოდნენ ცხვარ-საქონელს და ტყვეებსაც იტაცებდნენ. ტყვეების გამოსყიდვაში ლეკები ღიდ სასყიდელს მოითხოვდნენ. ამისთანავე, რაც უნდა დასჯდომოდა, ტყვე პატრონს უნდა გამოესყიდა, რადგან მისი გამოუსყიდველობა სირცხვილი და საძრახისი საქმე იყო. ამიტომ ტყვის პატრონს გვარი ეწეოდა და საშუალება ეძლეოდა, ტყვე დაებრუნებინა.

ამგვარად, ნადავლის მოპოვების მიზნით, ჯგუფებმა ბელადების მიერ ეწყობოდა მეზობელთა ურთიერთ დალაშქვრა, რასაც მშრომელი მოსახლეობის ჭონება და სიცოცხლე ეწირებოდა.

მეკობრეთა ჯგუფში გულადობა და ვაჟაკობა დიდად ფასობდა, ზურგის შექცევა კი სამარცხვინო იყო<sup>1</sup>. მეკობრე ახალგაზრდობა იარაღის ხმარებაში სიყრმიდანვე იწვრთნებოდა და მათ ოცდახუთ წლამდე თურმე არც ამუშავებდნენ, მკლავ-ბეჭებსაც ერბოთი უხელავდნენ და ერბოში გახელილი ქუმელით კვებავდნენო.

თუშებზე ლეკების ბელადების თავდასხმაზე და მათ მიერ გიტაცებული ტყვეების თავგადსავალზე აქ დღესაც მრავალი თქმულება და ლექსია დაცული. სხვათა შორის, სოფ. შენაქოში დღესაც ცოცხალია ღრმა მოხუცი თევდორე ივანეს ძე ჭიჭურიძე (მისი თქმით, 103 წლისა), რომელიც შამილის ღროს ლეკებს ტყვედ გა-

<sup>1</sup> ამას ვახუშტის ცნობაც მოწმობს: „ხოლო უკეთუ (თუში — ს. შ.) ვინ მღვდრი იყოს გულითა კაცთაგანი და იელტოდეს შინა, ამას აკმევენ ძალთა თანა, გობასა შინა ძალღათასა და აღარა კაცთა თანა“ (იხ. მისი გეოგრაფია, გვ 105).

უბაციათ. ჭიჭურიძე ლექებს სოფ. გუნოში დაუმწყვდევიათ და მისი მშობლებისაგან გამოსასყიდი ხუთასი მანეთი მოუთხოვიათ. ჭიჭურიძის ოჯახს სოფელი შესწევია, სამასი მანეთი შეუგროვებია და ლექებისათვის შეუძღვია, მაგრამ ამ დროს დაღესტანი რუსებს აულიათ, შამილი დაუტყვევებიათ და ჭიჭურიძეც გუნოდან გამოქცეულა.

ტყვეებს მღევრებს გამოუყენებდნენ ხოლმე. მღევრები გზაში ლექებს ჩაუსაფრდებოდნენ და შებრძოლების შემდეგ ტყვეებს აყრევინებდნენ. ცნობილია თუში გიგაი, რომლის გულადობაზე არაერთი ლექსია გამოთქმული:

- ვინა ხარ გულჯავრიანად, დიკლოს ვინ ბრუნავ ბანზეო, ჭირიმ ჩამოღლევს ზამთარსა, ზაფხულს მოელის ძალზეო, კითხოდეთ საბუელებსა, ლექებ ხომ არ დის გზაზეო.
- შოროდე, გურჯო, თუ მკითხავ, ჩაუჭექ ყვარლის გზაზეო. ტყვეებს მოუღისთ ფშავლისი ტირილით ქალი, რძალიო.
- ნუ სტირით, დებო, ნუ სტირით, გიგაი გიზისთ გზაზეო, თუ თქვენ ლექებს გაგატანოთ, წვერი ნუ მესხას ყბაზეო, ნურცა მიტიროს დეღამა, სწორში ნუ დამსვან ჯარზეო! ხმაღ და ხმაღ გადაერია, ხუთნი დაკაფა წამზეო, ხუთსავ აჰყარ იარაღ, ქალებს აასხა ტანზეო, ქალებ გზაზე დააყენა, მშვიდობით, დებო, გზაზეო, ჩემ სახელს ფშავლად ნუ იტყვით, თუშ ვარ, გან ფშაველ ვაროო.

ლექების ამ ტყვეობის შესახებ, აი, როგორ მოსთქვამს ლექეთში გატაცებული თუში:

ერთხელ ძალზე მოვიქანცე, მიმეძინა ერთ დიდ ხესთან, მე ლექებმა დამიჭირეს, თასმით შემკრეს მაგრა ხელთა, წამიყვანეს, ტყვეთა მტანჯეს, ცრემლით ვსჩივი მაღალ ღმერთთან, გადმიყვანეს ანწუხსშიგა, რაჯა ბელადს ჩამაბარეს, შიგ ჩამაგდეს ხაროშიგა, ზედ დიდი ქვა დამაფარეს, არცა ხქონდა ცას ნათელი, არც შუქები მზე და მთვარეს. დაეხყად ხანი იმ ხაროში, საცოდავად ვიტანჯოდი, წვერი-თმანიც შემებარდა, ქუპყი მწვავდა, ვიდაგოდი,



ომანისა იმედობას ჩემსა გულში ვიძახოდი,  
 გამოშისხნის ტყვეობიდან, სუ ზო ამას ვიკვებოდი.  
 მადლი ღმერთს, იმ ჩემს გამჩენსა, ომანის გულს ეს გაეგო,  
 ხმალსა თურმე ღუმა გაჰკრა და ქარქაშში ისე ჩასვა,  
 მუცლის ძრომით მოპარულა, ცურვით მიწას გულიც ეგო,  
 ყარაულსაც სძინებოდა, იმის ხელით სიკვდილ ერგო.  
 ამომიყვანა ომანმა, შემიხსნა ხელ-ფეხთ ხუნდები,  
 რა გავაგძელო, რა გითხრა, სიტყვასაც გვიან უნდები,  
 სახლში შევიდა გულდაგულ, მათი ღღე შოდის ცუდები,  
 ყველასა დასჭრა მკლავები, იმით აავსო გულდები.

კობე ალექსის ძე ჩიგლაძე, სოფ. ხისო, 1931 წ.

თემურ წყობილებას უმთავრესად ახასიათებდა შურისძიებისა და სისხლის აღების წესები და თემურ თუშეთშიც ეს აღათი მტკიცედ იყო დაცული. თუში თავის მოქმის სისხლს არავის შეარჩენდა, და მტერზე შური რომ ეძია, სისხლის უკანასკნელ წვეთამდე იბრძოდა. სისხლის აღლებლობა გვარისთვის სამარცხვინო იყო და ძმებთან ერთად სისხლის აღებისთვის იბრძოდნენ ბიძაშვილები და დედის ძმები. მაგრამ ზოგ შემთხვევაში სისხლის გამოსყიდვა და ამით შერიგებაც შესაძლებელი იყო. სისხლის შეფასებას და საზღაურის რაოდენობას თუშებში ხევისბრები და გვარის უზუცესები აკანონებდნენ. მსაჯულთა ეს კრებული „საბჰეოში“ სხდებოდა და აქ თათბირობდა. ასეთი საბჰეო გამართული ქვის საჯდომებით ღღესაც დაცულია სოფ. დართლოში. მას აქ „საფრინდაყო“-ს, თორმეტჯანთ საჯდომს უწოდებენ. სისხლის აღების, ქალის მოტაცების, ქურდობისა და სხვა მძიმე შემთხვევებში სათემო ბჭეები თურმე ამ ქვის საჯარძლებზე სხდებოდნენ და საქმეს არჩევნენ. წინ ჩასმული იყო მომჩივანთა დასაყრდენი ორი ქვა. ერთთან იჩოქებდა მომჩივანი, მეორესთან — მოპასუხე. მკვლელობა და დაქცეული სისხლი თუშებში ერთგვარად არ ფასობდა.

მკვლელი თემიდან იხიზნებოდა. სინანულის ნიშნად ფეხთ არ იცვამდა და თმა-წვერსაც იყენებდა. როცა ხანი გაივლიდა, თემი მას შეიწყალებდა და ის შინ ბრუნდებოდა. მკვლელი ცხენს შეკაზმავდა, ჩამოჰკიდებდა ხმალს, თოფს, აჯრეთვე ძღვენს და ნათესავების თანხლებით მიდიოდა მოკლულის ოჯახში. აქ იმართებოდა ტი-





რილი და ის შერიგებას შესთხოვდა. მოკლულის ნათესაობა შერიგების ნიშნად მას წვეულებას უმართავდა. მაგრამ სისხლის საზღაურს არ იღებდნენ, ვინაიდან ის მიცვალებულის სულის შეურაცხყოფად ითვლებოდა.

ამასთანავე, გამომუშავებული იყო სისხლის შეფასების თავისებური წესიც, რომლის მიხედვით, მაგალითად, მამაკაცის სისხლი ფასდებოდა 60 ძროხად, ქალისა — 30 ძროხად. ხანჯლის დაკვრა პირით — 5 ძროხად, წვერით — 15 ძროხად და ასე, იმისდა მიხედვით, თუ რა სიმძიმისა იყო კრილობა. ბჭეები პირისახის კრილობას ქერის მარცვლით ზომავდნენ: მარცვლებს კრილობის სიგრძეზე დააწყობდნენ და რაც დაეტეოდა, იმას ორ მარცვალს გამოაკლებდნენ, დანარჩენს დათვლიდნენ და თითო მარცვალში დამნაშავეს ერთი ძროხა ან მისი საფასური უნდა გადაეხადა. სისხლის საფასურის გაღებაში დამნაშავეს მოგვარეები ეწეოდნენ. გარიგების დღეს დამნაშავეს ერთი ქვაბი არაყი და საკლავი უნდა გაეღო. ხევისბერი გამოაცხადებდა ბჭეების დადგენილებას სისხლის გარიგების შესახებ და დაუმატებდა, რომ ვინც ამას დაარღვევს, ჯარიმა გადახდებო. შერიგების ნიშნად მესისხლენი იქვე ერთმანეთს ხელს ჩამოართმევდნენ. რიგების დროს ზოგჯერ ქადაგი იტყოდა, ლამარის ჯვარი ზრძანებს, ამ კაცს (დამნაშავეს დაასახელებდა) არაფერი გადახდესო. ამ შემთხვევაში დამნაშავე სისხლის საფასურისაგან თავისუფლდებოდა, მაგრამ მას ხატისათვის უნდა მიერმთია: ქვაბი ლუდი, ხარი და ცხვარი. ამით იგი თავის დანაშაულიდან ვითომდა იწმინდებოდა.

ქურდობა სამრახისი საქმე იყო და ქურდს ერთიშვიდად ახდევინებდნენ. თუ დამნაშავე არ ტყდებოდა, მას და მის ნათესაებს აფიცებდნენ. ფიცის დროს სამჯერ შემოუვლიდნენ ხატს, ხელში რაიმე წმინდა საარტყუალო ნივთით, ან თავიანთ წინაპართა საფლავზე ფიცულობდნენ. ამისათვის მიცვალებულის საფლავზე დებდნენ ვერის „ქოქს“ ან ძაღლის სალაფავს (ქურჭელია). დაიჩოქებდნენ და მიცვალებულთა სულს ფიცით მოუწოდებდნენ. მაგრამ სიმართლის შესაჯერებლად თუშეთის ბჭეები ორდალიებს მიმართავდნენ. სხვათა შორის, ორდალიებში გავრცელებული ყოფილა ცხელი წყლიდან გახურებული რკინის ხელით ამოღება. თუ ხელი დაეწვებოდა, ის დამნაშავე იყო, თუ არა — არა. გაუსწორებელი და



მავნე პირი თემისაგან იდევნებოდა და ამ უმაღლეს სასჯელს „შოკ-ვეთა“ ეწოდებოდა. დღეს სისხლის აღების ეს წესები უკვე მოსპობილია და სამართლის ყველა საქმე საბჭოთა სასამართლოში ირჩევა.

ძველი თუშური ოჯახი მრვალრიცხოვანი იყო. ერთ ჰერ ქვეშ რამდენიმე „ძმათაშვილები“ ცხოვრობდნენ. ამ დიდი ოჯახის უფროსად უბუცესი მამაკაცი — „ბერო“ და უფროსი დიასახლისი — „ბერდედა“ ითვლებოდა. მთელი ოჯახის საქმიანობა ამ ორი მოხუცის ზედამხედველობის ქვეშ მიმდინარეობდა და ყველანი მათ ეძღორჩილებოდნენ. თუ ბერო და ბერდედა ღრმად მოხუცნი იყვნენ, მაშინ მათ მოვალეობას უფროსი მაზლ-რძალი ასრულებდნენ. ოჯახში ყველაფერი საერთო იყო, გარდა ქალების ხელსაქმისა, რაც მათ პირად სარგებლობაში რჩებოდა. საოჯახოდ ვაჭრობდნენ მამაკაცები, დედაკაცებს მხოლოდ არჩევის ნება ეძლეოდათ. გაყოფა უფროსების სიცოცხლეში ძნელი იყო, მაგრამ თუ გაყოფას ადგილი ექნებოდა, დედ-მამას თავიანთი წილი გაჰქონდა. ზოგიერთ შემთხვევაში მშობლებს შვილები მორიგეობით ინახავდნენ. უფროს ვაჟს საუფროსოში ეძლეოდა 10—100 ცხვარამდე. ქალებს ძველი აღათით ოჯახში წილი არ ჰქონდათ და გაყოფის დროს არაფერი ეძლეოდათ. მაგრამ ქალს თუშის ოჯახში ღირსეული ადგილი ეჭირა. ის იყო ოჯახის ბურჯი, რომელიც მინდვრისა და საოჯახო მუშაობას ერთგვარი თავგანწირვით ეწეოდა და, ამავე დროს, ხშირად მამაკაცებთან ერთად ხელში იარაღით ოჯახისა და თემის ინტერესებსაც იცავდა. ამიტომ ქალის მანდილს აქ ერთგვარი პატივითაც ეპყრობოდნენ. ჩხუბის — „ტყეცილაგობის“ — დროს დედაკაცი თუ შეესწრებოდა, იგი მანდილს მოიხდიდა, შუაში ჩააგდებდა და იტყოდა: „ჩემი არა გაქვთ, ამ მანდილის ხათრი მაინც იქონიეთო“. და ამრიგად „მანდილით ტყეცილაგობას ვაყრვენიბ-ლითავ“, დღესაც ხშირად იგონებენ თუშის მოხუცი მანდილოსნები.

ამ თუშურ დიდ ოჯახს ახასიათებდა სტუმართმოყვარეობა. სტუმრის მიღებისა და პატივისცემის წესები ზოგიერთ ოჯახში დღემდეა დაცული. ოჯახში შემოსულ სტუმარს მცირე წვეულებას უმართავდნენ, რომელსაც წინათ „აქიყ“-ს უწოდებდნენ, შემდეგ „ჯარს“, დღეს კი „კამპანია“ დაიქმევა. სტუმარს ორი ურმის მანძილზე მიეგებებოდნენ და ხელის ჩამორთმევით ესალმებოდნენ.



კონა სირცხვილი ყოფილა. სტუმარს ოჯახის უფროსი შინ დანდევდა, ბეჭებზე ტყავკაბას (ქურქს) წამოასხამდა და კერასთან დასვამდა. ოჯახის პატარძალი სტუმარს ფეხთ გახდიდა, დაბანდა და სუფთა წინდებს ჩააცმევდა. სტუმრის ფეხის დაბანა თუშეთში დღესაც იციან. სტუმარს თან მოჰქონდა ერთი პური და კალტი. რჩებოდა ორი დღე. სტუმართან პურის ქამა, მოკითხვა და საუბარი მხოლოდ ოჯახის უფროსებს შეეძლოთ. მეორე დღეს მასპინძელი სტუმარს „აჯიყ“-ს გაუმართავდა, გაშლიდა მცირე სუფრას და მეზობლებს დაიწვევდა.

იმართებოდა მხიარული პურობა. აჯიყში მელვინედ ქალიშვილი ან უფროსი რძალი იყო, რომელიც ფეხზე იდგა და სტუმრებს სავსე ყანწებს სთავაზობდა. შემდეგ სტუმარს მორიგეობით მეზობლები გადაიწვევდნენ და იქაც ასევე აჯიყს უმართავდნენ. „აჯიყში“ მამაკაცი სტუმრის ამყოლ-დამყოლი კაცები იყვნენ, ქალისა კი — დედაკაცები, რომლებსაც სტუმარი დაჰყავდათ და სტუმრის დროსაც ლხინ-თამაშში ატარებდნენ. მოწყენა არ შეიძლებოდა და მასპინძელიც მის გართობას ცდილობდა.

რა მოგწყენია, სტუმარო, რა შეგდებია ზარიო.

არც ვინ გყავ დაჭრილ-დაკუწულ, არც ცხენთ გვიკიდავ მკვდარიო.

გულუხვ და პურად მასპინძელზე აჯიყში ასე მღეროდნენ:

მასპინძელ კარგად მასპინძლობს ლხინითა მხიარულითა,  
 წითელ დახია ქოშები სტუმართ წინ სიარულითა.  
 სტუმრის მოისე მზე მოვა, წაისე — შავი ღრუბელი,  
 თუ წახვალ, თანა გამიყოლ, აქ ნუ დამავდებ საწყალსა.

სტუმრის არმიღება სირცხვილი იყო და ოჯახისათვის დიდად სათაყილო: „სტუმარ მოვიდა კარზედა, ვერ უთხრა შინაობაო“. სტუმარი ერთობოდა აგრეთვე „ბეხენე“-ში ან „საანჯმო“-ში (საბაასო). ამ ბეხენეზე სხდებოდა სოფლის მამაკაცობა და დროს საუბარში ატარებდა. დედაკაცებს ბეხენეზე ჯდომა არ შეეძლოთ და ახლოსაც არ ეკარებოდნენ. წინათ ბეხენე ან საანჯმო თუშეთის ყველა სოფელში იყო გამართული. დღეს ბეხენე დარჩენილია სოფ. შენაქოში, სოფლის შუაგულ ვაკეზე, სადაც მამაკაცები საბაასოდ სხდებიან.

თუშებმა ერთმანეთის დახმარებაც იციან და გაჭირვების დროს ხელის შეწყობაც. ვისაც მიწის დასამუშავებლად იარაღი, თუ საქონელი არ გააჩნია, მას მეზობლები შეეშველებიან და ამას „ქარმოჯნავ“-ს უწოდებენ. ქარმოჯნავის დროს შევლიან უსასყიდლოდ, მხოლოდ მასპინძელმა სადილი უნდა აჭამოს. რაიმე უბედური შემთხვევით დაზარალებულს თუშები „ოჩხარს“ უმართავენ და ყველანი ეწევიან რითაც შეუძლიათ: ფულით, სურსათით თუ შრომით. მაგალითად, დაზარალებული მეცხვარე არაყს გამოხდის და საოჩხაროდ მეცხვარეებს დაუვლის. ყველანი დაილოცებიან და ოჯახის პატრონს ცხვრით შეეწევიან.


ფიზიკურად თუშები მაგარი და ჯანმრთელი ხალხია, განსაკუთრებით ტალმის თემის ის ნაწილი, რომელიც ბარად არ ჩადის. მომთაბარე თუშები კი დაავადებულები არიან ალვანის მალარიით და ფიზიკურადაც შედარებით სუსტნი არიან. თუშის ტიპი ქართულია. მას აქვს სახის სწორი მოყვანილობა, ფერით შევგვრემანია და ტანით საშუალო სიმაღლისაა. მთავა და ცხვარში გაზრდილი თუში გულადაა; იგი მტერს მტრულად უხვდება და მოყვარეს მოყვრულად. საზოგადოებრივ და საქმიან ცხოვრებაში თუში ზრდილი და თავაზიანია. მას უყვარს შრომა, გარჯილობა და დოვლათის მოხვეჭა. ამასთან, თუში მომჭირნეა, დროსა და ადგილას ანგარიშიანიც. აზროვნებს დინჯად და სალად, თქმაში გონებამახვილია, მოქმედებაში მარდი. თუშები მეტყველებენ წმინდა ქართულით, მხოლოდ ჩალმის ზოგიერთ სოფელში, ომალოსა და შენაქოშია დაცული ქართული ენის თუშური თქმა, ზოგიერთი ბგერებისა და სიტყვების თავისებური გამოთქმით<sup>1</sup>.

ამის სანიმუშოდ ჩვენ აქ მოვიყვანთ ერთ თუშურ ზღაპარს:

— ერთ მელაყ ყოფილიყა, მთალის თურ მთალისადაყ ერთ ქერის თავთავ მგვჯელ, წავიდ სოფლის ახლოსადაყ ერთ სახლის კართან ღმჯყულა მემრ უძახ:

- ოჯახის შვილებო, სახლში არ დამაყენებთაავ?
- მოდიღავ, მელო, მოდნ, რად არ დავაყენებთავ!

<sup>1</sup> ა. შანიძე, ქართული კილოები მთაში (კრებული, ივ. ჯავახიშვილის რედაქციით, ტფილისი, 1915 წ., გვ. 185—202).



მტრის ხელგმობიერი თეშური სახლი

შესულიყო დაც ეთქვა:

— ესელ ქერის თავთავი, სიაც მამალაც გიჯდებათავ, იქ შემინახეთავ. წასრულიყენეს დაც, სიაც მამალაც ჯდებ, იქ ღწდღე ქერის თავთავებ.

მეორეს დილა ეთქვ მელოს:

— ეგელ ქერის თავთავე გამომიტანეთავ!



შესულიყვნეს, რაც, ქერის თავთავ მამალაცს შეეცამა. შემოდილა  
 ლოს ეთქვ:

— მომცემთ ემაგ მამალაცსავ, არაოდ, სახლ-სამყოფს დავი-  
 ლევთავ!

ამდგარიყვნეს დაჲ მიეც მამალაჲ. წავალის თურ მელო, წავა-  
 ლისა დაჲ მეორე სოფელში წასულიყო, წასულიყო დაჲ ეძახა:

— თქახის შეილებო, სტუმარ არ გინდათაჲ?

— გვინდაჲ, მელო, გვინდა, შემოდილა!

— მაშიდაჲ, ეს მამალაჲ, სიაც ყოჩ გაბიათაჲ, იქ დანებთაჲ, წას-  
 რულიყვნენ დაჲ დეგბ ის მამალაჲ, ლამ იქ დამდარიყვ მელოა. მე-  
 ორე დილა ეთქვ: ისილ მამალაჲ გამოშვეარეთაჲ!

შესრულიყვნეს და ენახე, ყოჩს ამეგჯლიკაჲ დაჲ შეეცლ ის მამა-  
 ლაჲ. მელოს ეთქვ:

— მომცემთ, მომცემთ ემაგ ყოჩს, არაოდ' სახლსა-დ' სამ-  
 ყოფ' დავიღევთაჲ.

მეტი რაც დრო ხქონდა, დაჲყვანა დაჲ მიეც ყოჩ. წავალის თურ  
 წავალის მელაჲ დაჲ ახლა სხვა სოფელში წავალის, წავიდა დაჲ  
 ძახა:

— სახლის პატრონებო, დღეს ღამელ შემინახეთაჲ!

— მოდი, მელო, მოდ, შეგინახეთაჲ.

— მაშილ ესელ ყოჩი ბაშტეს დანებთაჲ.

წასულიყვნეს, ბაშტეს შეეყვან დაჲ დეგბ ეს ყოჩ. იმ სახლის  
 პატრონებს თურ სამ ქალებ ხყვანან: ცუტუნაჲ ქალ თურ მეტაჲ ლა-  
 მანა, დაწვენეს, ყველაჲთ დეგმინა. ადგას ეს მელიო-დ' თურ იმ ცუ-  
 ტუნაჲ ქალს დანა მოხპარა, ყელი გამოშქრა თავის ყოჩს, სისხლიან  
 დანაჲ თურ იმ ცუტუნაჲ ქალს ჩუხდვ ჭიბეში. მეორეს დილა თურ  
 უთხრ:

— ღეგელ ჩემ ყოჩ გამოშვეარეთაჲ!

— უი, მელო, შენ ყოჩისად ყელი ვისამ გამუგქრია!

— არავინაც არ გამოსქრიადა ყელს და არავინაც არა, თქვენ მო-  
 გვიკლავთაჲ ის ყოჩიო.

— არაჲ, მელო, არაჲ, ჩვენ არ მოგვიკლავაჲ!

— აბა, მაშ დანებ მანახვიეთაჲ, ვისიც დანა სისხლიანიჲ, იმის  
 მოკლულ იქნებაჲ ჩემ ყოჩი.

ნახეს დაჲ ცუტუნაჲ ქალის დანა იყავ სისხლიან !.

— ამას მუხკლავ ჩემ ყოჩივ. მომცემთ, მომცემთავ ამ ქალსავე,  
თუ არავ, სახლსა-დ' სამყოფს დაგილევთავ.

ყნყყვანეს დაყ მისცეს ის ქალ მელოს. ჩასვ გუდაში, გრჯიოდ  
ზუოგთ დაყ წავალის თურ მელო, მღერის:

— ვიცინებულე, ვიკუნებულე, ერთ ქერის თავთავ მოვკილე, ქე-  
რის თავთავ მამლაცდ გავყიდე, მამლაც ყოჩად გავყიდე, ყოჩი ლა-  
მაზ ქალად გავყიდე.

იქ ახლოს თურ ყანას აგნევენ, მოკნავმ უძახ მელოს: მელო,  
აქალ მოდი!

წავიდ მელომ დაყ დაჯდ იმ მოკნავთან, გუდაიც გვერთ დაიდე,  
მემრე მოკნავმა უთხრა:

— მელო, ამ საცრით წყალ მომიტანიდივ!

წავიდ მელომ და წყალს ვერ აყენებს საცერში, მემრ უძახ მოკ-  
ნავს: — მე ამ საცერში წყალს ვერ ვაყენებავ.

მოკნავმ დუცძახ: — მიწით გოზევ!

ეგოზ ამ მელაცს. იმისობაში იმ მოხნავს ის ქალი ამუხსვ გუდი-  
თა, ძალოს ლეკვავ ჰყვანიყუ დაყ ის ჩუხსვ გუდაში. ქალ კიდე დუხ-  
მალ ურნატში. მოსულიყუ მელაცს, წყალი მუყლუ, გუჯიოდ გუდაი-დ'  
წავალის. წუწყუნებს თურ ის ლეკვავ გუდაში, წუწყუნებს თურ, მე-  
ლაც ეტყვის:

— ნუ სტირი, ქალო, ნუ სტირი, სუროს კარ წავიყვანავ, ჯვალ-  
მალიანაცს განახვევა.

წასულიყვნეს სუროს კარ, გუჯქსნ გუდაი დაყ შიგითა თურ ძალო  
ამოფრენილიყუ დაყ გაქეუულიყუ. დამჯდარიყუ მელაც, ეტირ, ეტირ,  
ეტირ, ეტირ. ბოლოს ეთქვ, რომევე ჩემის ჰყვისასამც ყველაცს ეს მუ-  
ხავ.

სილო მაჭოს ასულა მოზაიძე, სოფ. დიკლო, 1932 წ.

წოვა-თუშები თავიანთ წოვერ ენაზე მეტყველებენ. მათი ენა  
წარმოშობით ღლიღურია და ქისტურის მონათესავე. მაგრამ ამ წო-  
ვერ ენაში მრავალია ქართულიდან ნასესხები და შეთვისებული სი-  
ტყვებიც. წოვებს უყვართ თავიანთი წოვეური ენა და შინ და გარეთ  
ერთმანეთში წოვერად საუბრობენ. ოჯახში წოვეური ყველამ იცის,  
მისი უკოდინარობა სირცხვილია. ბავშვები ენას ამ წოვეურით იღვა-

მენ და შემდეგ ქართულს სწავლობენ. ქართული, ბავშვებისა და ზოგიერთი მოხუცი ქალის გარდა, წოვებში ყველამ იცის. წოვების (ზემოალვანის თუშები) ენა თუშებისა (ქვემო ალვანი და მთათუ-შეთის მცხოვრებნი) და ბარის ქართველებისათვის გაუგებარია. სანი-მუშოდ მოვიყვანთ ერთ წოვურ ლექსს:

დალექა ეუნუკ ვარალო, მოჰყ, კანთა დაკდახდიმენო,  
მახკარნ კნათი ყუაღ ოთთბიენო, დე-ყუა ნიტსოდიმენო,  
ჩაჯიჩა ცემდგლახ ლეზბიენო, შუა წენბოხ ნატროდბიენო;  
ჩაჯიჩა ეიდგლახ ბავენო, დოივ ჩუ კეჰითიმენო;  
ჩაჯიჩო ცემდგლახ ბავეინონ ლეშ შინაღ აყითიმენო...

მახკარვ ტყოდც კნათი წუნბადბუაღც კვა ო დალენ წყენ ცუა  
აალო!  
ფსტეივ ტყოც მარინ ღალტბადუაღც, კვა, ო დალენ წყრომ  
ცუა აალო!

ნაზარლახ ჩუხორეჩო ჟეგოჰყ ე მოკ ბა კერბადბიენო,  
თივენომა კვანნა მოთთალასო, ზორეაშ ვასო მალოვალინო;  
ღრატ-ღრუტახ ეე ვაშბარ ჰყერწდიმენო, დაფხარვ ვასო  
ქოთთოვიმენო;  
ყევაღეს დაფხარვ ქოთთოვიმენო, კოჰ-ჰყემჰნარ დაყოდალინო...

ნეტავ რა იყო ღმერთი (ისეთი), ქალ-ვაჟს (რომ) მისცა შეცნობა  
(ერთმანეთისა),

ქალებს ვაჟები მოჰამაგირედ დაუყენა, დღე-ღამე ასწორებინა;  
შორეულ ადგილებში ატარა თავის სახლს დანატრებულნი;  
შორეულ ადგილებში დაღუპულნი ოჯახში ცხენებით  
აგზავნინა;

შორეულ ადგილებში დაღუპულთა გვამები ორად აყოფინა...  
ქალები რომ კიდევ ვაჟებს იწუნებენ, მაშ ეს ღვთის წყრომა  
არ არის!

ცოლები კიდევ ქმრებს რომ ღალატობენ, მაშ ეს ღვთის  
წყრომა არ არის!

ნაზარლებში ბატკნიან ცხვარში (ყოფნისას) არის ეს ლექსი  
გამოთქმული;  
დასვენებული ნურგის ვეგონები, ძალიან ვარ დაღლილი,



ლრატეებში ცხვრის გროვებისას ოფლისგანა ვარ  
შეწუხებული. არონისა  
ხელოვნება  
ვზივარ ოფლისგან შეწუხებული, პირ-ყელ გამშრალი...



საფრინდაო

თუშებმა იციან სალამი და ერთმანეთის მოკითხვა. მისალმებისას  
ეტყვიან: გამარჯობა, ვაჟო, ან ბიჭო. უცხოს ქალები არ ესალმე-  
ბიან და გამარჯვებასაც არ ეტყვიან. მუშას კი მისალმებისას დაუძა-  
ბებენ: გაუმარჯოს ვარ-მოკნავს, მეცხვარეს და სხვა. კეთილისა და  
ბატვისცემისათვის ასე დაილოცებიან: ღმერთმა გადღეგრძელოს;

მადლამც გაქვისა ჩემი შეილისადაო; ჳელ-მჳარიმც შეგრჩენისა; ჳელ-მჳარიმც შეგერგების; ბედი და ყისმათი დაგადევნოს ღმერთმან; დღეგრძელიმც ხარო სანამ ცაი და მზეია და სხვა. გაჯავრებისას დედაკაცები ასე იწყეულებიან: იგრემც დაილევით, როგორც ქვაზე ჩიტის კვალი; ჳინჳარიმც ამოვა შენ კართანაში; მამალაც ნულარ ყივის თჳვენს ბამტესაო, თაგვი ნულარ წრუწუნებს თჳვენს ეზო-ყურესო; მუხლიმც წაგეჳცევა და ჳელ-მჳარი დაგიშავდებისა; გვირგვინიმც გაგიშავდება და ნუმც გაიხარებ მზის ქვეყნაზედაო; სწორნიმც გიღებდნენ ნაბდითაო; მამისკერაყიმც გახდები; უჳმარშვილოიმც მიწად შეხვა და სახლიმც ნაფუძრად გეჳნებაო; კერაყზე ჳინჳარ ამოსასვლელო; ვარსკალეიმც ჩამოვარდება შენს ძმის სწორანცდაო. ჳირში თუ ღბინში თუშები ასე იფიცებიან: ძმების სიცოცხლემა, ძმა დამიბერდეს, ამ მზის მადლმა, ამ ხის მადლმა, ამ მატყლის გამჩენის მადლმა, ამ პურის გამჩენის მადლმა, დედამიწის გამჩენის მადლმა, მომავალ მზის მადლმა და სხვა.

სწავლა-განათლების მხრივ თუშეთი ჩამორჩენილია, აჳ წერაკითხვისმცოდნეობა მამაკაცებში 50% არ აღემატება, ჳალებში კი — 20% -ს. თუშებს სხვა მთიელებთან შედარებით მეტი საშუალება და უკეთესი პირობები აჳვთ განათლებას დაეწაფონ. მოძთაბარე თუშები ცხოვრობენ კახეთის შუაგულში, ალვანში, და აჳედან შესაძლებლობა ეძლევათ დაუკავშირდნენ საქართველოს ჳალაჳებს და სათანადო განათლება მიიღონ. ამას ხელს უწყობს მათი ჳონებრივი მდგომარეობაც, მაგრამ დღემდე თუშები სწავლას ნაკლებად მისდევენ. სწავლა-განათლების მხრივ თუშებში წინ დგანან წოვები. მათი დაინტერესება და ნასწავლთა რიცხვიც შედარებით მეტია. თუშეთში დღემდე ორი სკოლა იყო: ერთი ჳემო და ერთიც ქვემო ალვანში, თუშეთში კი სკოლა სულ არ ყოფილა. რასაკვირველია, ამ ორი სკოლით შეუძლებელია შვიდი ათასზე მეტი თუშის წერაკითხვის უცოდინარობის ღიკვიდაცია.

ამაზე ახალგაზრდა თუში მოღეჳე ღაზრო იმედიცე ასე მოთჳვამდა:

არც სკოლა არის, ისწავლო, რომ შეისმინო სიბრძნეა,  
ზოგი არს ჩემებრ ნასწავლი, როგორც მე შევისწავლეა.  
ის გადაუწერს ფიცარზედ — ეს არის ანა და ბანია,

მერე დაუწერს სახელებს, რომელიც მარჯვე არია, დაუწერს სიბის ქვაზედა, ქალაქის მაგიერია. არც აქვის საკითხ წიგნები, არც ქალაქს დასაწერია, მეც ინე შესწავლილი ვარ, ეხლა რომ ლექსებს ვმღერია, ესე სწავლობენ მთის ხალხი, სკოლებ ხომ აქ არ არია.

ამ გარემოებას სათანადო ყურადღება მიექცა და 1931 წლის ზაფხულში თელავის განათლების განყოფილებამ თუშეთში გამოგზავნა მასწავლებელთა ბრიგადა წერა-კითხვისმცოდნეობის გავრცელების მიზნით, გაიხსნა სკოლები და საბავშვო მოედნები, კერძოდ: ომალოში, დიკლოში, შენაქოში, ყველურთაში, დოქოში, ჩილოში, ფარსმაში, ჯვარბოსელში და დართლოში, სადაც მთელს ზაფხულს მეცადინეობა წარმოებდა.

მაგრამ ეს სკოლები სეზონურია და, გარდა ომალო, შენაქო და ჩილოს სკოლისა, ზამთრობით მეცადინეობა წყდება. სკოლები მოუწყობელია და საკუთარი ბინაც არა აქვთ. მთელ თუშეთში მარტო ჩილოში აშენდა სასკოლო შენობა, სადაც მეცადინეობა შესაძლებელია. განათლების ორგანოებმა თუშეთში უფრო ფართე საგანმანათლებლო მუშაობა უნდა აწარმოონ, რათა მოსახლეობას საშუალება მიეცეს, თავის კუთხეში მიიღოს დაწყებითი განათლება.

თუშეთში არის ორიოდე ქობ-სამკითხველო და რადიო — სოფ. ომალოსა და ჩილოში; რადიოს მოსახლეობა დიდის ინტერესით უსმენს. თუშეთი უკვე გამოფხიზლებულია. მისი ახალი თაობა დაინტერესებულია ცოდნის შექენით და სწავლის მისაღებად თელავ-თბილისისაკენ მიეშურება. ამას დროზე უნდა ყურადღების მიქცევა. საჭიროა, მათთვის რაიონში გაიხსნას მეცხვარეობის საშუალო სამეურნეო სკოლა, რომელიც მოამზადებს დახელოვნებულ მეცხვარეთა ახალ კადრებს.

თუშეთში ყველაფერი მოძრავი და მომთაბარეა. ამიტომ აქ არ არსებობს მყარი ადგილობრივი პარტიული უჯრედები და საზოგადოებრივი ორგანიზაციები. აქ არც სასამართლოს უწყებაა. ზაფხულობით ამოდის თელავიდან გამოგზავნილი სესია, რომელიც აქვე არჩევს სამართლის საქმეებს. ზაფხულობით ომალოშია ქვემო ალვანის სასოფლო საბჭო და თელავის პოლიტიბიუროს უჯრედი, რომელიც ადგილზე ატარებს ცენტრის განკარგულებებს.



თუში სოფელ შენაქოდან

საყოფაცხოვრებო საკითხებში მნიშვნელოვანია მოსახლეობის კვების ჰიგიენური პირობებისა და მკურნალობის ვითარების გარკვევა. ამ მხრივ თუშებს, სხვა მთიელებთან შედარებით, მეტი პროგრესულობა ეტყობათ. თუშები ცდილობენ ცხოვრების პირობების გაუმჯობესებას და ამ მიზნით აგებენ ჭალაქური ტიპის სახლებს. მათი შინამოწყობილობაც უფრო ჰიგიენურია. კვება აქ სუსტია, მიუხედავად იმისა, რომ ცხიმიანი საზრდო: ერბო, ყველი და მსუქანი ხორცი თუშეთში ბლომად მოიპოვება. ყველაფერი ეს რაციონალურად არ არის გამოზოგილი და თუში ზოგჯერ თუ მაძღარია, უმეტეს შემთხვევაში ის ცარიელ კალტზე და ქუმელზე

გადადის. თუშები დღეში სამჯერ ჭამენ: სადილი (საუზმე), საშუალო (სადილი) და ვახშამი. ჭამენ ზომიერად; პურეულში ხმარობენ: წმინდა პურს (ხორბალი — იფქლი), ქერის პურს, სვილის პურს და ქერსვილას. პური ცხვება ხაშიანი და უხაშოც. თუშური პური მრგვალი ფორმისაა, ცხვება ქვის ღუმელში და იწონის ორ გირვანქამდე. თუშები მჭადსაც ჭამენ. მჭადი ალვანიდან ამოაქვთ. თუშის ჩვეულებრივი საჭმელია ქერის ქუმელი.

ქუმელის ქერი ფიქალზე ან თუნუქის ტაშტზე იხალება, შემდეგ ფქვავენ და გუდაში ინახავენ. პურის ქამის წინ ქუმელს ამოიღებენ და ხელის გუდაში ჩაპყრიან, მარილს დააყრიან და ქუმელიან გუდას მუხლზე ორივე ხელით სრესავენ. ქუმელი იზილება აგრეთვე ხის დიდ ჯამზე ან ვარცლში. გაზელილ ქუმელს იღებენ მუჭით და სჭამენ ან მას კვერის ფორმას აძლევენ („ყვაც“) და სუფრაზე ისე ჩამოაჩივებენ. ქუმელი თუშის ყოველდღიური საჭმელია და მწყემს-მეცხვარეებს ქუმელიანი გუდა მუდამ ზურგზე ჰკიდიათ. თუშების თქმით, ქუმელი მსუბუქი და ადვილად მოსანელებელი საჭმელია და მას ქერის პურზე და მჭადზე მაღლა აყენებენ. მისი დამზადებაც უფრო იოლია. შეშა და გამოცობა არ სჭირდება. სტუმრობაში ქუმელი ერბოში იზილება და ასე უფრო გემრიელია.

პურის ნამცხვრებში მიღებულია შემდეგი: კოტორი (ჭადა) თხელქერქა პურის ან ქერის ნამცხვარია, რომელსაც გულად უღევს ერბოში შორეული კალტი; მაკკატი თხელია, როგორც ბლინი. ფქვილს გახსნიან კვერცხიან რძეში, შემდეგ ჩამჩით იღებენ და გახურებულ სიპზე ასხამენ. მაკკატი ერბოთია გაპოხილი და ჩქარა მოიწვის. ამ მაკკატს ხავიწში ამოაწებენ და ისე ჭამენ. გორდილაჟან სიმინდის ან პურის მოხარშული კვერია. მას ერბოში აწებენ და ისე ჭამენ. მოსმულაჟან თხლად ხვეული მოხარშული ცომია, რომელსაც ჩაყრიან კალტიან ერბოში და ჩხირებით შეეკტევიან. ხინკალი იციან ზორცის, კარტოფილის, ჩადასი, ჭინჭრისა და სხვა. სელის ხინკალს „ქუქუ“ ეწოდება. გარდა ან — პურს ჩაფხვნიან ერბოკვერცხიან რძეში და ცოტათი წამოადუღებენ. მუსხუტერა შვრიის ფაფაა. საფაფე შვრიას წყალში ხარშავენ, მერე გასწურავენ და ამ განაწურ სითხეს, სანამ არ გას-

ჭელდება, აღუღებენ, შემდეგ მარილს მოუკიდებენ და კოვზით ქა-  
მენ. ფაფას აკეთებენ პურისა და სიმინდის ფქვილისაგანაც.

შექამანდს თუშები „სატან-საპოხს“ უწოდებენ. რძის ნაწარმებ-  
ში ხმარობენ: ყველს, ერბოს და კარაქს. კარაქს იშვიათად ქაძენ,  
კალტი კი ჩვეულებრივი საკმელია. ბუყდუნაყ კალტის ხავი-  
წია. ყოლო — მჟავე ღოში ხმელ პურს ჩაფხვნიან და ისე ქაძენ.  
ერბოანყვაყ — ქუმელს კალტში გაზელავენ და ერბოთი ქა-  
ძენ. საჩხრეკაყ<sup>1</sup> მჟავე ღოა, რომელშიაც ქუმელია გახსნილი  
და მას კოვზით „ხვრეტენ“. ჩოგი გაზელილი ყველია და მას  
მეცხვარეები ქუმელს ატანენ. საჩოგედ ახლად ამოღებულ ყველს  
სამი დღე უმარილოდ ინახავენ, ყველი ფუვდება და მჟავედება. შემ-  
დეგ მას ხელით სჭყლეტენ, მარილში გაზელავენ და გულაში ინა-  
ხავენ.

ხორციულში თუშები ქაძენ: ცხვარს, თხას, ხარ-ძროხას, ზოგი-  
ერთი ღორსაც, დათვს, ფსიტს, შველს, ირემს, კურდღელს, თევზს,  
ქათამს, მტრედს, კაკაბს, შურთხს, როკოს და სხვა. ცხვრის ხორცი-  
საგან ამზადებენ „ყაურმას“. ამისათვის ცხვარს თავის დუმაში მოს-  
წვავენ და გულაში ჩააწყობენ. ხაშლამა ცივად მოხარშული  
ხორცია. ბოზბაში წვნიანი ხორცია. იციან ჩიხირთმის გაკეთებაც,  
რომელსაც საფანელით და კოწახურით ამზადებენ. „ყალი“ მზეზე  
გამომშრალი ცხვრის ხორცია და მას ზამთრისათვის ინახავენ. და-  
მარილებული ყალი არის გამოყვანილი. მას უმაღ და წვენიში მო-  
ხარშულსაც ქაძენ. ამ საკმელში საუკეთესოდ ითვლება ყაურომა,  
კოტორი და ხინკალი. თუშეთში ბოსტნეული და ხილი არ არის და  
მწვანილეულის მოთხოვნილებას სხვადასხვა მინდვრის ბალახეულით  
იკმაყოფილებენ. ზოგი ბალახი მხლად იხმარება. აზავებენ მარილ-  
ერბოში და ისე ქაძენ. ასეთი ბალახებია: ძაღლთყოლაყ, ღოლო,  
ღანძილი, ღუცი, ქინჭარი, საღვიძლაყ, ქვიშამხალა, ბუერა, თათა-  
ბო, სასუქაყ, ვაშლისულაყ, ჩადა, გიზინტარი, ძირხვენაყ, მძივანაყ,  
გომატი და სხვა.

<sup>1</sup> ერეკლე მეფის ამაღაში ერთ თუშს დიდი ვაჟაკობა გამოუჩნია. მეფეს  
გულადი თუში დაუსაჩუქრებია და თავის სუფრაზე დაუწვევია, მაგრამ თუშს  
არაფერი უქამია. მეფეს ეს სწყენია და უთქვამს: „თუშო, რა საკმელი გსურს,  
რომ მოვატანინო“-ო. თუშს უთქვამს: საჩხრეკაყ მომიტანეთო.



წოვათუშები

ზოგიერთ ამ ბალახს დაჭრიან, წყალში მოხარშავენ, ფქვილის საფახელს მოუკიდებენ და ისე ჭამენ. ამ საჭმელს „ჩავე“ ჰქვია. უმად სჭამენ: ჭიმს, მეთუნას, გიერას, წირთხალს, კარნუყას. მას მეთვე დოში აწებენ და ისე ჭამენ: მარიამმარას, შუბყას, დიყს, ჭორთყუდაცს, დეკას, კლდის დუმაყს, მათუთს, შატყს, ვირბატრას, ქარცხვს, კვლიავს და სხვა. წნილად ამეავებენ: შებუს, დიყს, სასუქაცს და ჭიმს. საჭმელის სანელებლებად იხმარება: ქონდარი, წყლის მეთუნა და ნიორი. მთათუშეთის მოსახლეობა იკვებება ტყისა და მინდვრის ხილით: შავი ეოლი, სტომი, კეწერა, მარწყვი, ხურტკმელი, ხუნწი, შოთხვი, კვაფა (მალინა), ცირცელი, თურსაფ,



საქვანე

ჩხილი, კოწიბური, ალუდა, ხაფხოლი, ესვალაჲ და ღედოლაჲ. კამენ აგრეთვე „ხალცუცაჲ“-ს — ფიჭვის ნორჩი ყლორტია. ღეჭავენ „ოქს“ (ვევი). წუწნიან „მოწს“ — ფიჭვის კანქვეშა წვეწს. თამბაქოს ძალიან ეტანებიან და თითქმის ყველა იწვევია. ღელაკაცები ბურნუთს ხმარობენ.

თუშებს სასმელი უყვართ და მას შინ ამზადებენ. ჩაის ნაცვლად ხმარობენ მოხარშულ თავშავს წვენს, გულბანდს, გიემს და ქონდარს. მაგარ სასმელებში ეტანებიან ღვინოს, რომელიც თუშეთში ძნელი საშოვარია და მას კახეთიდან ეზიდებიან. თუშის ჩვეულებრივი სასმელია: ნიხი, არაყი და ლუდი (ალუდი). ნიხი შერაის წვე-






### საქვებზე

ნიდან მზადდება. შვრია იხარშება, შემდეგ მის ერთ მუჭა ფორს დააყრიან. ფორს მის ორ დღეში ამკვავებს და ასე დამზადებული ნიბი შეშენა სასმელია.

არაყი ჩვეულებრივი წესით მზადდება. თუშები ქერის არაყს ხდიან. საარაყე ქერს მსხვილად, „გვრიშად“, დაფქვავენ, ქვებში ჩაყრიან და ერთს წამოადუღებენ. შემდეგ კოდში გადაიღებენ და ფორს დააყრიან. რამოდენიმე დღის განმავლობაში ის მკვავდება და მერე ისევ ქვებში ასხამენ, ზედაც ზარფუშს დაადგამენ. ქვებს ძლიერ ცეცხლს შეუწებებენ და, რომ არ დაიხრაკოს, ზოგჯერ გრძელი ჯოხით მოუტრევენ. ზარფუშის მილი მოთავსებულია საცივარ გეჯაში და ამ მილიდან არაყი ტურქელში იწურება. თავი, „წინა“, არაყი, მაგარი და სასიამოვნო დასალევიია. „შამანი“, ანუ ნაბო-

ლარა არაყი მწლაკე და უგემურია. არყის გამონახად კოტს (ჩენ-ჩოს) აშრობენ და ზამთარში საქონელს აჭმევენ.

ლუდიც, თუმური ალუდი, ქერისაგან იხარშება, ზოგჯერ იხარ-შება სვილისაგანაც. ლუდი საპატიო სასმელია და ის განსაკუთ-რებულ შემთხვევებში: ხატობას, ქორწილსა და ტირილში იხარშე-ბა. ლუდს ამზადებენ საქვაბეში (სალუდე), რომელიც სოფლის რო-მელიმე უბანშია მოთავსებული. ზოგიერთ სოფელში ორი სალუ-




დეა გამართული, სალუდე სიპი ქვითაა ნაგები და წარმოადგენს ერთ დიდ მიწურ ოთახს, სადაც სალუდე ჭურჭელი და იარაღია მო-თავსებული. საქვაბე სოფლის საკუთრებაა და მასში წილი უძვეთ მხოლოდ მამულიან მეკომურებს.

სალუდე ქერი ჯერ ფორად უნდა იქცეს, ე. ი. წყალში დამბალი ქერი შრება და შემდეგ ტკება. ამ ფორს დაფქვავენ, სალუდე ქვაბში ჩაყრიან და აღულებენ. როცა ნადული დაიწმინდება, ლუდს ქვაბიდან ტარკოშით იღებენ და კოდში ასხამენ. ქვაბის ძირში და-ლექილ კოტს (ჩენჩოს) ტომრის პარკებში, „ხაკში“ გადაიღებენ და „პვედით“ (თავბრტყელი ჯობია) ჩახეპავენ. ხაკებს ყელში „საყე-



ლაგ“-ს გაუჭერენ, რომელიც ორწნელიანი ჩხირისაგან შედგებულ  
 გოტიანი პარკები ნავში ჯერ ორტოტა ხის „არტახებით“ იწურება  
 და შემდეგ ზედვე გამართულ კიღზე ჩამოჰკიდებენ და ისე წურა-  
 ვენ. კოდში და ნავში მოთავსებულ ლუდის „დარკოს“ (წვენს) ისევ  
 ქვაბში ასხამენ და თან სვებალახს ჩაატანენ. სამ კოდ ლუდს უხდა



ტარკოში და საწდე

5—6 ლიტრა სვე, რომელიც კახეთიდან მოაქვთ, სახელდობრ, შილ-  
 დიდან, უნისლიდან და ართანა-ნაფარეულიდან. სალუდეში ქვაბს  
 ახლა მაგარ ცეცხლს შეუწთებენ, გრძელი ჯობით „ქოჯოთი“ ურე-  
 ვენ და დილა-საღამომდის ძლიერ ადუღებენ, სანამ დარკო არ და-  
 იდუღებს. მოდუღებულ ლუდს ქვაბიდან ტარკოშით საწდეში გა-

დაწურავენ და საწდეთი ნავის თავზე დაგებულ დაჭირას ბალახზე ასხამენ, რომ ლუდის წვენი სვებალახისაგან გაიწუროს. გაწმენდილ ლუდს ნაეიდან კოდში გადაასხამენ და გრილ ადგილას მოათავსებენ.

ლუდსა და არაყს თუშები ბევრსა სვამენ. ლუდის სასმელად ხმარობენ ჯიხვის რქებს, არყისათვის კი ყანწებს. ხატში და ქორწილ-ტირილში ლუდი განუსაზღვრელი ისმის, ვისაც რამდენის დალევა შეუძლია. სასმლის დაძალებაც იციან. აქაური ლუდი სასიამოვნო სასმელია.

თუშეთის მოსახლეობა ჯანმრთელია, განსაკუთრებით მისი ის ნაწილი, რომელიც ბარად არ ჩადის. ამას ხელს უწყობს მაღალი მთის საღი ჰაერი და ცხიმოვან ნივთიერებათა სიუხვე, მაგრამ ანტიპიგიენური პირობების გამო სხვადასხვა სენი აქაცაა გავრცელებული. მათ შორის ყველაზე გავრცელებულია მალარია (25%). აციებს მომთაბარე თუშებს, ალვანში და შირაქში მცხოვრებლებს. ალვანი ციებ-ცხელებიანი ადგილია და ზაფხულში მეტად ცხელი. ალვანელ თუშებს ეს ციება სხეულში აქვთ გამჭდარი და მიუხედავად იმისა, რომ ზაფხულობით მთათუშეთში იხიზნებიან, ყველას მაინც აციებს. შემდეგ გავრცელებულია კბილ-ღრძილის დაჩირქება (8%), ქლექი (8%) და რევმატიზმი (9%). ხშირია ქრილობა და სიმსივნე: გავრცელებულია აგრეთვე მუცლის ქია, არის რახიტის შემთხვევები. ფიზიკურ ნაკლში აქ გვხვდება სიკოპლე.

ხალხის მკურნალობის საქმე თუშეთში უნუგეშო მდგომარეობაშია. მთელ თუშეთში ერთი საფერწლო პუნქტია სოფ. ომალოში. ზაფხულობით მუშაობს თელავიდან მოვლინებული ექიმი, ზამთრობით კი რჩება მხოლოდ ერთი ფერწალი, რომელიც წამალსაც თვითონ ამზადებს. რასაკვირველია, ასეთ მოზრდილ რაიონს ერთი ფერწალი ვერ მოემსახურება და ამიტომ მკურნალობის საქმე ექიმბაშების ხელშია. ამის შედეგია სიკვდილიანობის ხშირი შემთხვევები, რასაც ყურადღება დროზე უნდა მიექცეს.

აქაური ექიმბაშების ზოგიერთ სნეულებათა რეცეპტურა ასეთია: მუცლის ტკივილისას ავადმყოფს აქმევენ პილპილს ან დარკოს წვენს შეასმევენ. ზოგჯერ შაქრიან ცხელ არაყსაც ასმევენ. იციან აგრეთვე დათვის „ნაულელის“ (ნალველი) და საბრის დალევინება. ხველის წამალი გულბანდის ბალახის ნახარშია.



ასმევენ აგრეთვე ხარის „ნაყვერა“ ქონს, რომელსაც აღნობენ-  
 ღვინის კიჭით შეასმევენ. სისხლიანს მუცლის სისუსტის  
 მოსაჭრელად ასმევენ ირმის კულისაგან დამზადებულ წამალს. მო-  
 ძებნიან ირმის კულის ძვალს, დაფქვავენ, წყალში გახსნიან და  
 ავადმყოფს შეასმევენ. მაღარიის წინააღმდეგ წიწკიან არაყს  
 ხმარობენ. ტეხვა როცა მოუვა ადამიანს, მოაგროვებენ ცხრა  
 სხვადასხვა ბალახს და ქვაბში მოხარშავენ. ქვაბზე ლასტს დადგა-  
 მენ, რომელზედაც ჩვრები გაფენილი, ავადმყოფი ზედ დაწევა  
 და ოფლს იღენს. სიმსივნისას სხვადასხვა ფაფას ადებენ:  
 მოხარშულ შხამას, ქუმელის ფაფას და შალდაყის მოხარშულ  
 ძირს. დაჩირქებულის გამოსარწყავად ხმარობენ მრავალ-  
 ძარღვას. ამ ბალახს გასრესენ და ისე ადებენ. აგრეთვე ამზადებენ  
 თხის ქონისა და ოკის (ფიჭვის წვენი) შალამოს, რომელიც დაზი-  
 ანებულ ხორცს ამოსჭამს და ჩირქსაც ამოსწოვს.

კბილის ტკივილის დროს ბუკვანს (ყვარი) მტკივნეულ  
 კბილში იდებენ და შუბყაყის ძირსაც კევივით ღეჭავენ და ზაფრა-  
 ნასაც იდებენ. დაჭრილის წამალია მარგალიტა ბალახი, რომ-  
 ელსაც ახმობენ, ფქვავენ და კრილობაზე აყრიან. ჩიტინაც-  
 ცაყე (ჭიბლიბო) როცა გამოუვათ, წითელ ძაფიან ნემსს თვალის  
 გასწვრივ მანდილზე ჩამოკიდებენ და ავადმყოფმა მას უნდა უც-  
 ქიროს.

**უოფის დამახასიათებელი რეალიზმი**

ღთუშეთის ლამაზი ბუნების სივრცეზე მიმოფანტულია ციხე-  
 კოშკოვანი კოხტა თუშური სოფლები, რომლებიც მთის ფერდო-  
 ბებზეა გაშენებული და შემოზღუდულია ღრმა ხევებით. სოფლის  
 მოსახლეობა შეჭგუფებულია და ამ მხრივ ის არ განსხვავდება  
 მთის მოსახლეობის ჩვეულებრივი ტიპისაგან. აქა-იქ, ღრმა ხევებ-  
 სა და მთის მაღალ ბორცვებზე, მოჩანს ძველი ციხეების ნანგრევე-  
 ბი. ზოგიერთ სოფელში ეს ციხეები დღესაც კარგად არის დაცუ-  
 ლი და წარმოადგენენ საყურადღებო ისტორიულ ძეგლებს. საინ-  
 ტერესოა ცნობა მათი ნაგებობის კონსტრუქციის და გმირული




სოფელი ომალო და მისი ციხე

თავგადასაყლის, რომელიც ლექსისა თუ თქმულების საბით ხალხს დღემდე შეუნახავს.

თემური წყობილების დროს ციხე იყო ადამიანის საიმედო თავშესაფარი, სადაც მტრის შემოსევის დროს ის თავისი საქონელ-დოვლათითურთ იხიზნებოდა და არსებობისათვის იბრძოდა. უციხო გვარი მტერს ვერ უმკლავდებოდა და ფიზიკურად ნადგურდებოდა. ამიტომ თემი, თუ სოფელი შეერთებული ძალით აგებდა მრავალსართულიან მაგარ ციხეს, რომ თავდაცვისათვის მუდამ მზად ყოფილიყო. რასაკვირველია, ჩვენ აქ არ შევუდგებით თუშეთის ყველა საომარი ციხის აღწერა-აღწერას, მხოლოდ შევებებით ტიპიურსა და მნიშვნელოვან სიმაგრეებს.

ნაგებობის კონსტრუქციითა და არქიტექტურული ფორმით თუშეთის საომარი ციხეები ორგვარი ტიპისანი არიან. პირველი თავისი ფორმით ოთხკუთხედიან და სამ-ოთხ სართულიანია. დატანებული აქვს კვადრატულად გამოჭრილი პატარა სათოფურები და ქვე-



ომალოს ციხე

მო ერთი შესავალი კარი სართულიდან. სახურავი ერთფარდული-  
 ანია და ფიქალი ქვებითაა გადახურული. ასეთია ომალოს ციხე  
 კესელო (მაგარი), რომელიც ნაგებია სიბი კლდის მალალ ბორცვზე.  
 კლდის დასავლეთის ფერდობი ეშვება ალაზნის ღრმა ხევში და  
 დაფარულია ფიჭვნარით. ციხის მოედანი დაფარებულია. მოედნის  
 ფართობი უდრის  $20 \times 10$  მეტრს და შემოვლებული აქვს აღმო-  
 სავლეთის მხარეზე მალალი გალავანი, ერთი კარით. გალავანი აღ-  
 მოსავლეთ-დასავლეთით გამაგრებულია სამი კოშკით. ციხეს პირ-  
 ველი სართულიდან აქვს ერთი კარი  $1,2 \times 0,70$  მ. კედლებში გამოჭ-  
 რილია სარკმლები და სათოფურები. ციხის ფორმა კვადრატულია  
 ( $5 \times 4,50$  მ), კედლის სისქე უდრის 60 სმ და სიმაღლე 8—10 მეტ-  
 რამდე აღწევს. დღეს ციხე თავმორღვეულია და ჩაქცეული, დარ-  
 ჩენილია მხოლოდ ცარიელი კედლები. კედლის კუთხეებში ქვის  
 საფეხურებია დატანებული, რომლებზედაც ხეები ყოფილა გად-  
 ბული და ფიქალი ქვებით დაფენილი.



ომალოს ციხე მიუდგომელია. ერთადერთი მისაგალი გზა აღმოსავლეთის მხარეზეა და ესეც ქვეთვირის გაღავნით ყოფილა შემოზღუდული. გაღავნის გარეთ დაცულია ჩარდახიანი ქვეთვირის სამი სახლი: ერთი ეკუთვნის ბილოძეს, მეორე თავბერიძეს და მესამე ვარდანაიძეს. წინათ ომალოს მოსახლეობა ამ ციხესთან ყოფილა შეჭგუფებული, შემდეგ კი სოფელი თანდათანობით დაბლა, დღევანდელ ომალოს ვაკეზე ჩასულა. ხალხის გადმოცემით, შამილისა და ლეკიანობის დროს სოფელი ამ ციხეში იხიზნებოდა და იბრძოდა, რომლის მომსწრე მოხუცი აქ დღესაც არაერთია.

ომალოს ტიპის ციხეს ზოგან ჩარდახებიც აქვს მიშენებული, საიდანაც მტერს „გოხებს“, ქვებს უშენდნენ. ასეთია წოვათში ინდურთის სამი ციხე, მაღალ ბორცვზე ნაგები და ქვეთვირის გაღავნით შემოზღუდული. ციხე 4—6 სართულიანია, ჭერ-იატაკი ჩაქცეულია. ციხე კვადრატულია ( $7,3 \times 7,1$  მეტრი) და აქვს ერთი შესასვლელი კარი ( $1,09 \times 0,76$  მ) პირველი სართულიდან. ციხის ოთხივე კედელზე მიშენებულია ჩარდახი, კედლის სისქე ერთ მეტრამდეა. ციხის ჩრდილოეთის მხარეზე ინდურთის წყლის მიმართულებით მიწის ქვეშ გაყვანილია დახურული გვირაბი, საიდანაც მეციხოვნეებს თურმე წყალი უზიდნიათ. დღეს გვირაბი ჩაქცეულია, მისი სიგრძე, დაახლოებით, 120 მეტრს აღწევს. წოვათას ამ სამ ციხეს მტერი არაერთხელ მისდგომია, განსაკუთრებით ქისტები, მაგრამ ვერ გაუტეხიათ და დამარცხებული უაუქცეულან.

წოვათას სამო ციხეო, მშვენივრად დგეხართ გორზეო, ბევრი მოგთხოვენ ნატერასა მტერთანა საომარშიო. მზის ამოსვლისი ხანზედა გადმოდგებ ქისტის ჯარიო, წყალს გამოვიდა ბელადი, სოფელს მოსთხაროს ძირიო. ხმლით გადავიდეთ, სწორებო, ცდის მოგვივიდა ხანიო, უშიშრად დაეკრათ ფრანგული, თავ ვაყრევიწით მტერსაო. სამი დღე-ღამე გათენდა, უქა არ უნაბავთ მზისათ, თოფისი ჭანდი ჩამოწვი, აღარ სჩანს შთა და ბარიო, აღაზან სისხლად ქცეულა, აღარ ისმევა წყალიო, სიმწყურვლით იხოცებიან პირიქით მეომარნია. გასწყვიტეს ქისტის ლაშქარი, მოამბედ დარჩა სამია, სამთავ დაჰკრეს მარჯვენა, გაგზავნეს დაღესტანშია.





წადით, უამბეთ დაღესტანს დახვედრა წოვათასიო,  
 წოვათას მანდილოსნები ნიჩბით ხვეტავენ ტყვიასო...  
 ქვიშასავითა ეყარა ნასროლ ქისტ-დაღესტნისაო.  
 ამ ლექსის გამლექსებელი წოვათას თუშის ქალიო,  
 გულლადი არვის გეგონოთ, გულჯავრიანი ვარიო,  
 მომწყინდა ეგეთ დროება, მუდამ ყოფნაი ომშიო,  
 ქალი და ვაჟნი ველარა ვხარობთ, დრონი გვაქვს მეტად  
 მწარეო.

ომალოსა და ინდურთის ყაიდის ციხეები თუშეთში გავრცელებულია ჩაღმასა და გომეწრის თემში. ციხეები უმეტეს შემთხვევაში მშრალად და უდულაბოდ ნაგებია, მაგრამ მტკიცეა და ფორმით სიმეტრიული.

მეორე ტიპის თუშური საომარი ციხე პირამიდულსახურავიანია. ამ ფორმის ციხეები გავრცელებულია მხოლოდ პირიქითის ხეობაში, დართლოდან მოყოლებული ნასოფლარ კონთიომდე. ეს პირამიდულგუმბათიანი ციხეები ნაშენია დულაბით და შედარებით კარგადაა დაცული, მისი კონსტრუქცია და არქიტექტურული ფორმაც ლამაზია.

ჩვენ აქ მოვიყვანთ სოფ. დართლოში ჩვენ მიერ აგეგმილი ამ ტიპის ციხის აღწერას. დართლოში ორი ასეთი ციხეა. ერთი სოფლის უკან არის მოქცეული და იდოიძეთ ციხეს ეძახიან. მეორე კი შუა სოფელშია და სასოფლო ციხედ არის ცნობილი. წინათ ნაჭაურიძეების ციხეს უწოდებდნენ, დღეს კი ნადირაანთ ციხეს ეძახიან. ნადირაანთ ციხე კვადრატულია (4,40×4,40 მ).

პირველი სართული წარმოადგენს ბნელ და დახურულ სარდაფს, სადაც ჩასვლა შეიძლება მეორე სართულის იატაკში ამოჭრილი ერდოდან (65×30 სმ) ხის კიბის საშუალებით. ამ სარდაფში ტყვეებს ამწყვდევენ.

მეორე სართულის სამხრეთის კედელზე პატარა კარია გამოჭრილი (65×45 სმ) და ზედ გამართულია ხის მაგარი კარი. ციხეში მხოლოდ ამ კარით შეიძლება შესვლა ხის მოძრავი კიბის დახმარებით, რომელიც ციხეში შეკჭონდათ. ეს სართული თალიანია და მას ჩრდილო-აღმოსავლეთის კუთხეში მესამე სართულზე ასანვლელი ერდო აქვს გამოჭრილი.

ფარდაგი




ხურჯინი





Երևան

Երևան



მეექვსე სართული თალიანია და ოთხსავე მხრივ გამოჭრილია მაღალთალიანი განიერი სარკმელი, რომლის ქვეშ გამოყოფილია დახურული ჩარდახი. ციხის სახურავი ნაგებია სიპიტქალით, რომლის საფეხურებისებური მიმართულება ჰქმნის პირამიდული გუმბათის ფორმას.

ბრძოლის დროს ციხის თითოეული სართული თავდაცვისათვის იყო გამოყენებული: პირველ სართულში ტყვეებს ამწყვდევდნენ, მეორე, მესამე, მეოთხე და მეხუთეში მეკომურები იხიზნებოდნენ, მეექვსე სართული საომრად იყო გამართული. აქ იყვნენ მზვერავ-მეციხოვნენი. ისინი ჩარდახებიდან ისროდნენ თოფებს, ავორებდნენ ქვებს და ამგვარად იგერიებდნენ კარზე მომდგარ მტრებს.

ღართლოს ამ ციხეს განსაკუთრებით ლეკები თურმე მტრობდნენ. ხალხური გადმოცემით, ეს მაგარი ციხე ლეკებს ხელში ჩაუვდიათ და შიგ გაჰმაგრებულან. თუში მზვერავები ციხეს მაღალ უვლიდნენ. ერთხელ ციხის სარკმელთან შეუმჩნევიათ საღარაჯოზე მდგარი ლეკი, რომელიც დამის წყვილიადში ჩიბუხს თურმე აბოლებდა. თუშ მსროლელს ყალიონი მიზანში ამოუღია და მეექვსე სართულში მდგომი ლეკისათვის ტყვიით პირი გაუგმირია. ჩქარა თუშების რაზმიც მოსულა, ციხე აუღიათ და დამარცხებული ლეკები გაქცეულან.

✦ როგორც ჩვენ უკვე აღვნიშნეთ, გუმბათიანი ტიპის ციხე თუშეთში გავრცელებულია მხოლოდ პირიქითა ხეობაში და თავისი ფორმითა და კონსტრუქციით ემსგავსება პირიქითა ხევსურეთსა<sup>1</sup> და ქისტეთ-ჩაჩნეთში<sup>2</sup> არსებულ ამავე ტიპის ციხეებს. საინტერესოა მათი წარმოშობის და სადაურობის საკითხის გარკვევა.

თუშების გადმოცემით, აჭარის ციხეები ლეკების ნაშენიაო. მაგალითად, ჭონთოსა და გირევის ციხე, ხალხური თქმულებით, მამა-შვილ ლეკს აუშენებია. ჭონთოს ციხე აუშენებია მამას, შვილს კი გირევის ციხე. ჭონთოელები ოსტატს თურმე კარგად კვებავ-

<sup>1</sup> Радде, Хевсурия и Хевсуры, Тифл., 1881 г., гл. 235.

<sup>2</sup> И. П. Шеблякин, Искусство ингушей в памятниках материальной культуры (Известия ингуш. научно-исследов. института краеведения, Владикавказ, 1928 г., 271—272).



დნენ, სულ ერბო-კარაქს აკმევდნენ. ციხის აგებისათვის ითხოვ-  
 ძეებს მისთვის 60 ძროხა მიუციათ. ერთხელ შვილს მამისათვის შე-  
 უჩივლია: „შენ რომ ჭონთიოელები ერბო-კარაქით გკვებავენ, მე  
 კი გირვეელები მარტო საჩხრეკაყს მაკმევენ, ამიტომ უნდა ვულა-  
 ლატო, ციხე ცუდად ავაგო, რომ თავზე დაენგრეთო“. მამას უთ-  
 ქვამს: „თვითონ გირვეელები რასა სკამენო?“

— გოტსაო, — უპასუხნია გირვეელ ოსტატს.

— მაშ შენთვის კარგად უკმევიათ და არ ულალატო, რადგან  
 გოტზე უკეთესი რომ თვითონ ექამათ, იმაზე უკეთესს შენ მოგარ-  
 თმევედნენო.

მართალია, დღევანდელ თუშეთში სახლის ამგები ოსტატები  
 ლეკებია, მაგრამ ამ ძველი ციხეების აგების დროს, საეჭვოა, თუ-  
 შების მოსისხლე მტრებს, ლეკებს მათთვის ასეთი მაგარი ციხეები  
 აეგოთ.

არც თუშებისათვის იქნებოდა ეს მისაღები, რადგან მტრის ხე-  
 ლით ნაგები ციხე საეჭვო სიმტკიცისა უნდა ყოფილიყო და თავ-  
 დაცვისათვის გამოუსადეგარი. მაგრამ ჩვენთვის ოსტატის ვინაო-  
 ბაზე უფრო არსებითი და მნიშვნელოვანია ამ გუმბათიანი ციხის  
 სტრუქტურის სადაურობის გარკვევა. მისი მაგვარი ციხე დადეს-  
 ტანში არ გვხვდება. ამიტომ საინტერესოა იმის დადგენა, კავკასი-  
 ონის რომელ მხარეშია ის წარმოშობილი და შემდეგ მეზობელ კუ-  
 თხეებში გავრცელებული.

ამ ტიპის ქისტური ციხეების შესახებ მკვლევართა აზრია, რომ  
 მათი ფორმა ქისტეთში შესული უნდა იყოს საქართველოდან, რომ-  
 ლის პოლიტიკურ-კულტურული გავლენის ქვეშ ქისტეთი წარსულ-  
 ში იმყოფებოდა<sup>1</sup>. ამას ისიც მოწმობს, რომ ამ ტიპის კოშკი დღე-  
 საც დაცულია ანანურის ციხის გალავანში. ასეთივე პირამიდულსა-  
 ხურავიანი ხატ-სამლოცველოები მოიპოვება ფშავში. ეტყობა, ცი-  
 ხის ოსტატები კავკასიონის ამ არეში პირიქითა ხევსურეთ-თუშეთ-  
 ში და აქედან ქისტეთშიაც გარკვეული მოსაზრებით აგებდნენ  
 გუმბათიანი ტიპის ციხეებს.

სამწუხაროდ, ამ ციხეებს წარწერა არა აქვთ, რომ შესაძლე-  
 ბელი იყოს შენების დროისა და ოსტატის ვინაობის დადგენა.

<sup>1</sup> Известия Ингушского института краеведения, 1, 1928 г., гл. 48, 280.



მსახი - 1 ს. = 12



დართლოს ციხე და მისი კრილი

იანვლის  
დაპრობა



ჩარღახი



მ-2 სართ.  
ბებუა




მ-4 სართ.  
ბებუა




მ-3 სართ.  
ბებუა



მ-5 სართ.  
ბებუა



მასშტაბი 1:25 = 1:2



დართლოს ციხის გეგმა

შხოლოდ დართლოს ციხის კარიბჭეზე დაცული ამ მხრივ ჩვენთვის უმნიშვნელო წარწერა. მაგრამ თუშეთის ისტორიული წარსულის მიხედვით შესაძლებელია, დაახლოებით მაინც, ამ ციხეების წარმოშობის დროის განსაზღვრა. ეს დროა XVI—XVIII საუკუნეები,

როდესაც ფეოდალური საქართველო დაეცა და ჩვენში გაძლიერდა და სპარსეთ-ოსმალეთის პოლიტიკური ბატონობა, რომელსაც მოკვავა ლეკების გამანადგურებელი თარეში. ჯერ ლეკები და შემდეგ მათ ინგუშ-ჩაჩნებიც მიჰყვნენ და აოხრებდნენ თუშეთის მოსახლეობას. თავდაცვისათვის საჭირო იყო მაგარი ციხე, ჩარდახ-სათოფურებით გამართული და გრძელი კაყიანი თოფები. ამ ციხეებში მოსახლეობა თავგანწირვით იბრძოდა. ამის შესახებ, ლექსად თუ პროზად, მრავალი თქმულება დღემდე დარჩენილი. ამ მხრივ ცნობილია ფარსმისა და ჰელოს ციხე. ფარსმის მაღალი ციხე შიგშუა სოფელშია აღმართული და კარგად არის დაცული. ამ ციხესთან დამარცხდა, სხვათა შორის, ქისტის ცნობილი ბელადი მურთაზი, რომელმაც თავისი ზარბაზანიც აქ დააგდო და დამარცხებული გაიქცა. საყურადღებოა ჰელოს ციხის ტრადიკული თავგადისავალიც. ციხე ჰელოვნებია ცნობილ გმირს ზურაბს. სოფ. ჰელო მაღალი მთის წვერზეა ნაგები, რომელიც დღეს უკაცრიელია და პარტახი. მაღალი აწვეტილი ზურაბის ეს მიუდგომელი და მაგარი ციხე დღესაც ამაყად გასცქერის ნაროვანისა და ჭონთიოს ბუმბერაზ არეს. ციხის გმირულ ეპოპეას თუში მეცხვარე ლექსად მოგვითხრობს:

- გვიამბე, ელიზბარაო, რა ამბავ მოხდა ჰელოსა?  
როგორ დაეცნენ ლეკები ზურაბის ციხე-ეზოსა?  
— არ მინდა ძველი დარდები, რომ გულში აიწეწოსა,  
მე რა უნდა ვთქვა, კაცობა მიქელმა დაიკვებოსა,  
ჩემფერეების სიცოცხლე სამარემ დაილეკოსა,  
ვერ შევიძლე იმის მხრის ჰერა, ვერ მოვკვდი, სული მეტკბილა,  
თავის აღება არ მწადის, ვეღარ გავშლილვარ წელშია,  
მიქელის ომი და ქცევა ნეტავი თვალთ გეხილა.  
— ის რისთვის გესირცხვილება, რაიც არ არის სირცხვილი,  
ჩვენც ვიცით, აგრე გავიგეთ ამბავი კილო-კავადა.  
არც ერთი დაგმო, ღმერთმანი, არ ვინ მოგვიკსენ ავადა,  
გენუკავთ, ომისა ამბავი ახლა გვიამბო თავადა.  
— დიდი მოვიდა მტრის ჯარი, გარს შემოგვერტყა ლობედა,  
შვიდ დღე-ღამე ომ გვქონდა, ვიგერიეთა თოფითა,  
დიაცნი წამალს გვირწყავდნენ, ქების ღირსია სწორედა,



მერვე დღეს ტყვია-წამალი გასწყდა, გათავდა სრულადა,  
ბედმა გვიმუხბლა ტიალმა, გავცუდივით, გავირიყენით,  
მოდგა და მოდგა მტრის ჯარი, ციხეს მოურტყა, ლიბოსა,  
რჩებოდა ჩვენი ქავ-ციხე გულხადარას და დიდოსა.  
ცეცხლად გადიქცა მიქელი, მარტო ოხრავდა, კენესოდა:  
„უნდა ცოლ-შვილით მტერს დავრჩეთ, სირცხვილი კისრით  
ვზიდოთა!

მას მერმე ტანზე აბჯარი როგორღა დაეკიდოთა?“  
თოფისა სროლისაგანა ლოყვაი მხართა ეკიდა,  
თოფის ნაცემი წამლითა თვალითა აღარ უჩანდა.  
„ვთა დედასა მტრისასა, ისევ მე დაგზოცთ ცოლ-შვილითა“.  
ესა სთქვა, ხმალზე ხელ გახკრა, თავები დასჭრა წამზედა.  
მიქელამ, ზურაბის შვილმა, სულეთი წაიხდინაო,  
თითონვე დასცა ცოლ-შვილი, უფალს წინ წაუდგებო.  
მტერს მიეგება ციხის კარს, მეც იმათ მიეყვე კვალზედა,  
გაუხტა ხმალ მოღირებით, ფრანგულმა გაიცინაო,  
თორმეტი მოკლა ციხის კარს, ერთურთზე დააწვინაო,  
ვეფხვსა დააცვდა კლანჭები, მიქელმაც დაიძინაო.  
პელოს ატირდენ ქალები: ვა რა მტრებმ შეგვაწუხაო,  
სტუმრულად მოგვიდიანო, ძალად შინ შემოდიანო,  
გაგზავნილ შეცნეებისა ხმა-ჭკვა არსადა არიო,  
რალა დროს მიშველებო, მტერმა აიკლო სოფელი.  
პელოს ძირს შემოხვივოდა სამციხელების თოფები,  
ლაროვანს ჩამოდგებოდა ლეგ-ლუგა ფშავლის შვილები,  
ქვაკიდში ჩამოვიდოდნენ კრელ-კრულა ხევსურთ შვილები,  
შეეწივნინან ჩხათანას, ცისას ჰვავს ჩამოტეხვასა.  
ქვაკიდის ქალას გამოდის ბახაის თოფის ჩქამიო,  
გასჭირებოდა ბახასა აღარ ატყვია ფშავლობა,  
დააბრუნინან ტყვეები თვალცრემლიანი ქალები!.

საბა ითიერიძე, სოფ. ვირვი, 1931 წ.

<sup>1</sup> ამ ლექსში არევიტ არის წარმოდგენილი ხალხური ლექსები პელოს ციხის ტრაგედიაზე და ეფა-ფშაველას „ბაჟური“ (რ. ე. დ.).

ჯლამაზციხეებიანი თუშეთის სოფლები თავიანთი კოშკოვან-ჩარ-  
 დახოვანი მაღალი სახლებით გმირულ შთაბეჭდილებას ტოვებენ.  
 სოფლის მოსახლეობა შეჯგუფებულია, სოფლები კი ერთმანეთისა-  
 გან დიდი მანძილითაა დაშორებული. მართალია, ერთი თემის სოფ-  
 ლები ალაზნის ერთ რომელიმე აუზშია მოქცეული, მაგრამ სოფ-  
 ლები გაშენებულია მთის მალლობებზე და ერთმანეთისაგან ღრმა  
 ხევებითაა მოწყვეტილი და შემოზღუდული. ამიტომ აქაურ სოფ-  
 ლებში მიმოსვლაც ძნელია, სადაც ჯერ ღრმა ხევში ეშვებით და  
 შემდეგ ისევ აღმართზე ადიხართ, რომ მეზობელ სოფელში გადახ-  
 ვიდეთ. გზაც არ არის და მთის ვიწრო და ხვეული ბილიკით ადა-  
 მიანი ჭირის ოფლით ადის მთის მწვერვალზე მოქცეულ სოფელ-  
 ში. ამ უგზოობის გამო თუშეთის სოფლები ერთმანეთისაგან მო-  
 წვეტილია, განსაკუთრებით, ზამთრობით და თითოეული მათგანი  
 მომწყვდეულია თავის ვიწრო არეში. თუშეთის სოფლებს თავიან-  
 თი საკუთარი სახელები აქვთ, მაგრამ ამ სახელების წარმოშობის  
 ისტორია და მათი გააზრიანებული მნიშვნელობა ხალხში ღღეს მი-  
 ვიწყებულია.

მხოლოდ პირიქითის სამი სოფლის: ჭონთიო, ჰელო და გირევის  
 შესახებ ამბობენ, რომ ეს სამივე სოფელი აუშენებიათ სამ ძმა  
 ხევსურებს: ჭონოს, ელოს და გირევს და სახელიც მათგან მიუღიაო.

თუშეთის ზოგიერთი სოფლები აყრილან და ღღეს ნასოფლარს  
 წარმოადგენენ. ასეთია მთელი წოვათა, რომელიც მდებარეობს  
 გომეწრის ხეობაში და მოქცეულია წოვათის წყლისა და ალაზნის-  
 თავის შესართავის აუზში. სოფ. ვერხოვანიდან იწყება წოვათის  
 ტერიტორია. პირველი სოფ. წარაო, საიდანაც ტყე ჭრება და იწყე-  
 ბა ალპური ზოლი. აქედან ბილიკი ჩადის ფართე ვაკეში, სადაც  
 გაშლილია წოვათას პარტახი სოფლები: მოზართა, რომლის გვერ-  
 დით წყლის გაღმა ინდურთაა, შუა ვაკეზე საგირთა და მარცხნივ  
 გორაკზე ეთელტა, საიდანაც გზა ქისტეთში გადის. ოთხივე სოფე-  
 ლი უკაცრიელია, ადგილი ვაკეა და მაღალი მთებით შემოზღუდუ-  
 ლი. ხენა-თესვა აქ აკრძალულია და მთელი ეს მიდამო საძოვარ  
 იალად აღ არის გაშვებული. მოსავალი აქ დიდი სცოდნია, განსა-  
 კუთრებით, ჭერი და სვილა. წოვათის სოფლებში ყველაზე დიდი  
 და მჭიდროდ დასახლებული წარო ყოფილა. მას წოვები უწოდე-  
 ბენ „წა“-ს — წოურად ნიშნავს სახლს. შემდეგ მისთვის ქართვე-

ლებს წარო დაურქმევიათ. ამ სოფლების დაცარიელება და-  
დან წოვა თუშების ალვანში გადასახლება დაიწყო ჯერ კიდევ  
XVIII საუკუნიდან. როდესაც მოსახლეობა ქისტ-ლეკების გაძი-  
ნადგურებელ თაედასხმას ვერ უძლებდა. ამასთანავე, აქ იცის დი-  
დი ზეავები, განსაკუთრებით, ზამთრობით და ამ მხრივაც მოსახ-  
ლეობა მუდამ განსაცდელში იყო. და როდესაც 1830 წელს დიდმა  
ზეავმა დაიტანა და გაანადგურა სოფელი ეთელტა, წოვებმა იწყეს  
აქედან მასიური გადასახლება ალვანში და აქ გააშენეს უბნები:  
გურგალ-ქალა, ფხაკალყურა (ფხაკალ—კურდღელია) და წიწყურა.  
წარსული საუკუნის ოთხმოციან წლებში წოვათა მთლად დაიწალა  
და დღეს ის ნანგრევს წარმოადგენს, სადაც მეცხოველეობის საზა-  
ფხულო ბინებია გამართული.

ნანგრევად ქცეული წოვათა მნახველზე დღესაც ძლიერ შთა-  
ბეჭდილებას ტოვებს. აქ მიმოფანტული ჩარდახიანი ციხე-სახლები  
მისი გმირული წარსულის უტყვე მიწმენი არიან. ამ გმირობის  
გალექსილი ეპიზოდი ხალხს დღემდე დაუცავს. სანიმუშოდ მოვიყ-  
ვანთ საგირთაზე გამოთქმულ ერთს ლექსს:

საგირთას ციხეს აგებენ, ციხესა აღმასისაო,  
აგაშენებენ მხურვონი, ლამაზ ნაგებო ქვისაო.  
შიგა-შიგ ბანებს გიმართვენ, შესახიზნ ქალებისაო,  
სათოფურებსაც უშვებენ საომრად ბიჭებისაო.  
ექვს სართულზედა ააგეს, ზევიდან ხურვენ სიძსაო,  
ქისტეთში ქისტებმ შეიტყვეს, მძიმედ მიდგ-მოდგებიანო,  
ქისტეთს იყრება ჯარები, ციხევ შენ მუქარაზეო,  
გამაგრდი, ციხევ ტიალო, ჯაჭვი ჩაიცივი ტანზეო.  
აგების დელეს გადმოდის ჯარები ქისტებისაო,  
გალაღებული ბელადი ახალისებდა ჯარსაო:  
«ცოლათაც შეგართვევინებთ ქალებსა საგირთისაო,  
საკვებურ გამოვიყოლებთ მარჯვენას კარგი ყმისაო“.  
საგირთის ვაკეს ჩამოდგა, ნამი არ ხწედება ცისაო,  
საგირთელთ ბიჭებმ შეიტყვეს, ყამი არ აქვთ მტრისაო.  
ციხეში შეგროვებულან ვეფხვები სალის კლდისაო,  
თორმეტ დღე-ღამე იომეს, ჩამოტეხვას ჰგავს ცისაო,  
თოფისი ალი ჩამოწვა, წვერებ დამალა მთისაო,

ამბობენ შეწუხებასა ბიჭების საგირთისაო.

ტყვია-წამალ გასთავებიათ, გულ გალაღებულ მტრისაო,  
ერთმანეთს ეუბნებიან: „ახლ დრო მოგვივლდ ცდისა“.

ვაჟკაცი გამოჩნდებიან, სისხლით შეპღებვენ ხმალსაო,  
ხმალდახმალ გამოუცვივდნენ არწივნი მალის მთისაო,  
ჩაერივნენ და ჩაყაფეს, როგორც ტოტები ხისაო.

ჩაერივნენ და ჩააფრთხვეს, როგორც რომ ნოტო ცხერისაო.

ფშაველ-ხევსურნიც მოვიდნენ, მოძმენი თუშებისაო,  
ქვემო თუშებიც მოვიდნენ, აღმ შეაბრუნვენ წყალსაო.

დაამარცხეს ქისტის ჯარები, მკვდარზე დაყარეს მკვდარიო,  
სიმწყურვლით შეწუხებულან მეომარს საგირთისაო.

წყლები სულ სისხლით შეღებეს, ველარა სომენ წყალსაო.

ალაზან წითლად შეღებეს, მკვდარს ვერ აუტყვეს ფეხსაო,  
მაგების ღელემდის მიჰყვნენ, თავით დაპყუდვენ მკვდარსაო,

მიდიან ქისტეთს, ჩივიან თავიანთ ნახოც მკვდარსაო,  
ძნელი ყოფილა ნაჭერი, ნაქნევი თუშის ხმლისაო.

ე მაგის მომღექსებელი შუა წაროში ზისაო.

თორმეტ მეც მერგო მარჯვენა მანდ ნახოც ქისტებისაო.

თუშეთიდან გადასახლების ასეთსავე შემთხვევას დღეს აქვს ადგილი პირიქითის ხეობაში, სადაც 1918 წლიდან თუშებმა იწყეს თავიანთი სოფლების მიტოვება და ბარში სამუდამოდ გადასახლება. სამოქალაქო ომების დროს პირიქითის მოსახლეობა ვერ უმკლავდებოდა ქისტების ყაჩაღურ თავდასხმას, მათ ძარცვა-გლეჯას და ამ მიზეზით პირველად კონთიელები აიყარნენ აქედან, რომლებსაც მიჰყვნენ ჰელოს, დიქიურთისა და ნაკუდაურთის მცხოვრებნი და ესენი ალვანში დასახლდნენ. ამ სოფლებში თუშები დღეს არც ზაფხულობით დგებიან.

თუშეთის ზოგიერთ სოფელში დაცულია ზემო ნაგები ძველებური აკლდამა, რომელსაც თუშები „კალდამ“-ს უწოდებენ. ასეთი აკლდამებია სოფ. დართლოში (პირიქითი ხეობა), გუდანთაში. განსაკუთრებით ბევრია სოფ. წაროში (გომეწრის ხეობა). აკლდამა ქვიტკირისაა და წარმოადგენს თაღიან პატარა ოთახს. მას აქვს ერთი შესავალი ვიწრო კარი და აღმოსავლეთით სარკმელი. აკლდამის სახურავი პირამიდულია. წაროს ზოგიერთ აკლდამას მიცვალებ-



სოფელ დართლოს აკლდამა

ბულის დასასვენებელი თაროც აქვს ორ სართულად გამართული. ასეთივე აკლდამები გავრცელებულია პირიქით ხევსურეთში (ანატორი), ოსეთში და ქისტეთში<sup>1</sup>.


თუშეთის სოფლებში ადამიანის ყურადღებას, პირველ ყოვლისა, იპყრობს ძველებური თუშური სახლები, რომლებიც. ერთის

<sup>1</sup> Л. Семенов, Археологические и этнографические разыскания в Ингуши в 1925—1927 г., № 198 (Изв. Ингуш. научно-исслед. института краеведения, I, Владикавказ, 1928).



შეხედვით, საომარ ციხეებსა ჰგვანან. ამ ძველი ტიპის სახლსა და  
შებიც დღეს ციხეს ეძახიან. ეს არის თუშური ტიპის ძველი სახ-  
ლი, სადაც დიდი ოჯახი ცხოვრობდა და შიშინობის დროს თავსაც  
იკავდა.

ძველებური ეს კოშკოვანი სახლი მრავალსართულიანია და ჩარ-  
დაბ-სათოფურებითაა გამართული. ამგვარი სახლები თუშეთის სა-  
მივე თემში მრავლად არის დაცული და ზოგიერთში დღესაც ცხოვ-  
რობენ. მაგრამ ყველაზე კარგად ისინი დაცულია სოფ. ჩილოში.  
ამათ შორის ჩვენ ავგეგმეთ და აღწერეთ ალექსი ბაქურაძის



სოფელი ბეღლა

სახლი, სადაც მისი ოჯახი დღესაც ცხოვრობს. ეს სახლი ოთხსარ-  
თულიანია და სიპი ქვით არის ნაგები. მისი ფორმა კვადრატულია,  
სამიკვლის ფართობი  $5,50 \times 5,50$  მეტრია.

პირველი სართული „ბაშტეა“, რომელსაც ერთი შესავა-  
ლი კარი აქვს ( $1,30 \times 0,80$  მ). კარი მაგარი და სქელი ფიცრისაა და  
კედით იკეტება, რომელიც საკედურშია გაყრილი. საკედური კე-  
დელშია გამოყვანილი, რომლის სიღრმე სივრცეზე ზოვან მეტრს  
უდრის. ბაშტე ბნელია. მას არა აქვს სარკმელი და იატაკად დაგე-  
ბულია ქვა-ფიქალი. ბაშტის კედლის სისქე ერთ მეტრამდეა, სი-



მალე კი — 1,60 მ. ბაშტის ჭერზე მჭიდროდ არის გამართული ყავრეები, რომელზედაც მიწაა დაყრილი და დატყეპნილი. ბაშტის ჭერის ერთ კუნძულში ერდოა გამოჭრილი და აქედან ხის კიბით მეორე სართულში აღიან. ბაშტეში ზამთრობით საქონელი უყენიათ და ის იგივე საქონლის ზოსელია.

მეორე სართულს უწოდებენ „შუა“-ს, სადაც კერაა გამართული და ოჯახი ცხოვრობს. ამ სართულს აღმოსავლეთის მხარეზე კარი აქვს შებმული (1,20×0,80 მ), რომელიც კედით იკეტება. იატაკი მიწურია. კედელში გამოჭრილია ორი სარკმელი (30×25 სმ). ამ სარკმლებიდან ერთი მეტრის მანძილზე ყოფილა გამართული „კერანა“, რომლის მარჯვნივ მამაკაცები სხდებოდნენ და მას საკაცო ეწოდება, მარცხენას კი სალიაცო. დღეს კერა თუშეთში ყველგან მოშლილია. სამხრეთის კედელში სათოფურებია გამოჭრილი (20×20 სმ) ამ სართულის ჭერი დაყრდნობილია ოთხ კიდზე და ოთახის სიმაღლე უდრის ორ მეტრს. ჭერის ერთ კუთხეში მესამე სართულში ასასვლელი ერდოა გამოჭრილი.

მესამე სართული „ზედაშუაა“. ესეც მომრავლებული ოჯახის სამყოფოა. როდესაც ოჯახის ნამრავლი შუაში არ ეტეოდა, ძმათაშვილების ნაწილი ზედაშუაში გადადიოდა. ამ სართულსაც კარი აქვს საკედით გამართული და დასავლეთის კედელში გამოჭრილია ორი სარკმელი. იატაკი აქაც მიწურია, ჭერი კი ხუთ კიდზეა გამართული. ჭერში გამოჭრილია მეოთხე სართულში ასასვლელი ერდო.

მეოთხე სართული „ჭერხოა“ და წარმოადგენს დახურულ კვადრატულ ოთახს, რომლის ოთხივე კედელზე მიშენებულია ჩარდახები, საიდანაც კარზე მომდგარ მტერს ჭვებს უშენდნენ თურმე. ჩარდახი ზემოდან ყუთივით დახურულია და სხვადასხვა ზომისაა, რომლის პროპორცია შენობის სიდიდესთან არის შეფარდებული. ჩარდახებთან სათოფურები და სამზირ-ჭუჭრუტანებია დატანებული. ჩარდახი სახლის კარებს ზედ დასცქერის, რომ მტერი ახლოს არ მოუშვას. შემდეგი დროის სახლებში და ამ შემთხვევაში ჩვენ მიერ აქ აღწერილ სახლს ჭერხოს წინა კედელში ჩარდახის ნაცვლად გამოჭრილი აქვს განიერი არე, ეგრეთ წოდებული „სანიავო“ (2,20×1,40 მ). დღეს ჭერხო გამოყენებულია საკუჭნაოდ, სადაც ინახავენ სურსათ-სანოვაგეს, ტყავს, მატყლის ნართს და სხვა, რა-



ციხურა სახლი. ოპალა


საც ასეთი სანიავოც სკირია, და ამიტომ ეს უფრო გვიანდელ დროს გვეუთვნის. ჭერბო გადახურულია.

სახლის ჭერი გამართულია კესის კიღზე, რომელიც თავში და ბოლოში დაყრდნობილია „ქორბედელაზე“. შუაში კი შედგმული აქვს მრგვალი ჭირკვი „ლიკვი“. კესის კიღზე გადებულია ორ-ორი ცალი გვერდის კიდი, რომელზედაც ყავრეა გამართული და ამ ყავრეზე სიბი ქვებია დაგებული. სახურავი ორფარდულიანია. კედლებზე ზოგან გამოსახულია ხუთი თითი, სვასტიკა, პრიმიტიული ფიგურები და სხვა. ასეთივე ტიპის უფრო დიდი სახლები დაცულია წოვიათაში, ნასოფლარ საგირათაში და ეთელტაში. მაგრამ მათ შორის ყველაზე დიდია სოფ. ფარსმის ოთხი ასეთი ჩარდახიანი სახლი, რომლებიც უკვე ჩაქცეულან და მხოლოდ კედლებია დაცული. ერთი მათგანის ფართობი 9x8 მ. უდრის და სიმაღლით შეიღსართულიანია. ფარსმის ეს სახლები ორ-ორ ჩარდახიანია და თითოეულ სართულს თავისი კარი აქვს. არის ექვს





და შეიდკარიანი. კარები ორ კედელშია მოთავსებული. სამ-სამი ან ოთხი და სამი. თითოეულ სართულში გამოჭრილია სარკმლები და სათოფურ-ჭუჭრუტანები. კარებში საკედურებია დატანებული. კედლებზე წიღების გასამართი „თარხანია“ გამართული, რომელზედაც კავის თავები ყოფილა გადებული. ზოგიერთის კედელი სიმაგრისათვის კედლის ბოძითაა შეკრული. ფარსმის ამ მრავალსართულიან და უზარმაზარ სახლებში მთელ საგვარეულოს უნდა ეცხოვრა და თითოეული კომლი მოთავსებული იქნებოდა ერთ რომელიმე სართულში.



ჩარდახიანი სახლის ორნამენტები

თუშეთის ძველ ნასოფლარებში მხოლოდ ასეთი ტიპის სახლებია ნაგები. ამ მხრივ საყურადღებოა ძველი დიკლო, რომელიც მდებარეობს დაღესტნის საზღვარზე და აშენებულია მაღალ კლდეზე. მას ჩამოუდის ალაზანი და ამით ის ეყოფა დაღესტანს. დიკლოს მაღალი კლდე მიუდგომელია. ერთადერთი მისასვლელი გზა ჩრდილო-დასავლეთის მხარეზეა და ისიც მაგარი ვალაყნით ყოფილა შემოზღუდული. ამ კლდეზე ოცამდე ძველი ჩარდახიანი სახლია აჩხორილი, რაც გმირთა სავანის შთაბეჭდილებას ახდენს. წყალი „მასავის ხევის“ რუდან მიღებით ყოფილა გამოყვანილი. გაჭირვების დროს წყალი ტიკებით ალაზნიდანაც უზიდავთ. დიკლო

ხანგრძლივ ებრძოდა ლეკებს, ბოლოს ხალხმა ვერ გაუძლო მათ  
ღვაწეულ მტერს და აქედან გადასახლდა.

ეს ჩარდახიანი სახლები თავიანთი ნაგებობის ტექნიკით და  
ბუმბერაზობით მნახველზე ძლიერ შთაბეჭდილებას ტოვებს და მო-  
სახლეობაში მათი მშენებლების გმირობა დღესაც გაოცებას იწ-  
ვევს. ხალხს არ სჯერა, რომ ეს სახლები ადამიანის ხელის ნამოჭ-  
მედარი იყოს და მათ აშენებას მიაწერენ გრძნეულ „თებჯორი-  
კებს“, მაჯლაჯუნებს. სოფ. გირევში ხოსიკურიძიანთ ჩარდახიანი  
სახლი თებჯორიკას აუშენებია. გადმოცემით, ხოსიკურიძის წინა-  
პარს ძილში თებჯორიკა დაუჭერია, რომელიც მას ღამე დასწო-  
ლია და ანრჩობდა თურმე. ხოსიკურიძეს მოუხერხებია თებჯორი-  
კასათვის ცერის ფრჩხილი მოეჭრა და ხმლის ქარქაშში გადაემალა.  
ამით მას თებჯორიკა დაუჭერია. ხოსიკურიძეს დღე ჯორით ქვა  
უზიღნია, თებჯორიკას კი ღამე მისი სახლი უშენებია. ერთხელ სახ-  
ლის უფროსები სტუმრად წასულან. თებჯორიკას მოუხერხებია  
ხმლის ქარქაშიდან თავისი ფრჩხილის მოპარვა და სახლის პატრო-  
ნი ასე დაუწყევლია: „ქალის სიმრავლე და ვაჟის სიმცირეო“ და  
გაპარულა. სახლის პატრონი ხოსიკა 145 წლის მომკვდარა. მისი  
შვილი ხუტო მეკობართა ბელადი ყოფილა, ლეკ-ქისტები უზოცავს  
და მათი მოჭრილი მარჯვენა ამ თავის სახლის კედელზე მიუკრავს.  
ასეთია ამ ჩარდახიანი სახლების შენების ზღაპრული თქმულება.

რასაკვირველია, ამ მრავალსართულიან სახლებს ერთი მეკომუ-  
რი ვერ ააგებდა, მათ აშენებდა რამდენიმე ძმათაშვილი, რომ ჰქო-  
ნოდათ მაგარი და საიმედო თავშესაფარი.

თავისი კონსტრუქციით და დანიშნულებით ეს სახლები თემუ-  
რი წყობილების ნაშთია და ამ მხრივ საყურადღებო ისტორიული  
ძეგლია. ამ ტიპის სახლები თუშეთის გარდა მოიპოვება პირიქით  
ხევსურეთში, დაღესტანში და ქისტეთ-ჩაჩნეთში. მაგრამ ისინი სა-  
თანადოდ შესწავლილი და გამოკვლეული არ არის და ამიტომ ძნე-  
ლია მათი თუშურ სახლებთან შედარება და ერთგვარობის დადგე-  
ნა. საყურადღებოა, რომ ამ თუშური ჩარდახიანი სახლის ტიპის  
ძველებური სახლები დასავლეთ საქართველოში, მთის რაჭაში, მო-  
იპოვება, სახელდობრ, სოფ. ლებში, სადაც მას დუროიან სახლს


უწოდებენ და ოთხ სართულს არ აღემატება<sup>1</sup>. თუშურისა და რაჭულის ამ შენობათა კონსტრუქცია და სართულების დანიშნულება ერთგვარია, მხოლოდ თუშურის სიმაღლე ზოგჯერ შვიდ სართულამდე აღწევს. რაჭულ სახლს უკანასკნელ, ზემო სართულში, დატანებული აქვს თალიანი ღეროები (სასროლი), თუშურზე კი მიშენებულია ჩარდახები.

ერთი სიტყვით, ამ მოკლე შედარებიდან ნათელია, რომ ეს ჩარდახიან-ღეროიანი სახლები თავიანთი კონსტრუქციით, ნაგებობის ტექნიკით და მიზნობრივი დანიშნულებით განსაზღვრულ საზოგადოებრივ ფორმაციას ეკუთვნიან, სახელდობრ, თემურ წყობილებას და ამ მხრივ ქართული მატერიალური კულტურის საყურადღებო ძეგლებია. მაგრამ დროთა ვითარებაში ეს ძეგლებური თუშური სახლები იცვლებიან ადამიანის მოთხოვნის მიხედვით და განიცდიან დაშლა-გადაკეთებას. ვისაც შეძლება აქვს, ამ სახლს შლის და მასალით ახალ, თანამედროვე ტიპის სახლს აშენებს. ზოგი ძველებურ სახლს ქვად ყიდის და ასე დღითი დღე ეს ჩარდახიანი სახლები ისპობა. უმეტეს შემთხვევაში ამ სახლებს მორღვეული აქვთ მეოთხე სართული — ჭებო და სამ სართულად არის ქცეული, ზოგიერთი კი ორ სართულამდეა დაყვანილი. ამასთანავე, ზოგიერთი გადაკეთებულია და მიშენებული აქვს სხვადასხვა საოჯახო ნაწილები: კიბე, „ბანედაყი“ (ბანი), დარიფანი, კარსე (გასაველი ოთახი), საქსლო და სხვა. კედლებში, ნაცვლად სარკმლისა, გამოჭრილია შეშაჩასმული ფანჯრები. შიგნიდან კედლები კირითაა შეთეთრებული, ზოგან კი შპალერია გაკრული. კერა მოშლილია და დგას თუნუქის ღუმელი ან „ბოხარია“ მიშენებული და ამგვარად ამ ციხის ბნელი და ქვარტლიანი შუა და ზედაშუა დღეს წარმოადგენს ნათელსა და სუფთა ოთახს.

დღევანდელ თუშეთში შენდება ნარევი და ქალაქის ტიპის სახლები ერთი ან ორსართულიანი, რომლებიც გამართულია ოთახებით, აივნებით და კარ-ფანჯრებით. სახლის შენების ოსტატობა თუშებმა არ იციან. თუშეთში სახლებს ლეკები აგებენ, ხის მასალაზე კი რაჭველი ოსტატები მუშაობენ. სახლებს აქ ქვითკირისას აგებენ.

სერგი მავალითაი, მთის რაჭა, ტფილისი. 1930 წ., გვ. 40—42.

ქვეს კლდეში ამტვრევენ და მარბილით ან ცხენ-ვირებით ეზიდებიან. ერთი კედლის ანოსაყვანი ქვის დამზადება აქ ერთ ჰედილად ფასობს, მოზიდვა კი პატრონისაა. რამდენიც სართულია სახლი, იმდენი ოთხი ჰედილაა საჭირო ქვის დასამზადებლად. კედლის აგებაც ასევე ფასობს. თითო სართული ოთხივე კედლის ამოყვანაზე ლეკებს თუშები ოთხ ჰედილას აძლევენ. სახლის აგების დროს, თუ პატრონი ხელმოკლეა, იციან ოჩხარი და ყველანი ეწევიან,



ჩარდახიანი სახლი და მისი კრილი

რითაც შეუძლიათ: მასალის მოზიდვით, ფულით, სანოვავით და სხვა. სახლის ლიბოს (საძირკველი) გაჭრისას მას ოთხივე კუთხეში თეთრ ფულს ჩააყოლებენ და სახლის ანგელოზს ხელში არყით ევედრებიან. ლეკები კედლის ამოყვანას რომ მორჩებიან, შემდეგ რაჰველი ხუროები ჰერის გამართვას შეუდგებიან. ჰერს ხურავენ ფიქალ-ქვებით. სახურავის სიბი აქ ძნელი საშოვარია და ორ ჰედილად ფასობს. სახლის კარ-ფანჯრებს რაჰველი დურგლები ამზადებენ და ხის აივნებსაც ლამაზად აჭრელებენ. როცა სახლი ვა-

მ. 1 სახლი  
ბ. 2022



მ. 2 სახლი  
ბ. 2023



ჩარდახიანი სახლის გეგმა

ჩაღმა და გომეწორის ხეობაში საწვავად შემას ხმარობენ. პირიქითი ხეობა ტყით ღარიბია და იქ „ბურკეს“ (წივას) ხმარობენ. ცეცხლს ანთებენ „ბუკანით“ (ფიჭვის კვარი).

სახლის შინამოწყობილობა სუფთა და შედარებით ჰიგიენურია. ზოგიერთი ოჯახი ქალაქურად არის მოწყობილი: რკინის საწოლებით, „შკაფ“-სარკეებით, სკამებით და სხვა. საშუალო და ღარიბი გლეხის ოჯახში მოწყობილობა ნარევია, სადაც ძველებური დგამ-ქურჭლის გვერდით ახალცი ბევრია. თუშური სახლის შინამოწყო-

იმართება, საღვთოს იხიან. ამისათვის გამოაცხობენ ხუთ კოტორს და სამ ხშიადს. აანთებენ სანთლებს და სახლის ანგელოზებს ოჯახის ბედნიერებას შესთხოვენ.

ოჯახის გაყოფის დროს სახლი წინათ დედ-მამას რჩებოდა. თუ ძმები იყრებოდნენ, მაშინ ძმები საერთო ხარჯით მეორე სახლს იგებდნენ. შემდეგ წილს ყრიდნენ და ვისაც რომელი ერგებოდა, იმაში დგებოდა.


სახლში კერა და შუა ცეცხლი უკვე არ იციან. იატაკიან ოთახში თუნუქის ღუმელი დგას, მიწურში კი ხის ბუხარია გამართული. ხის ბუხარი ქოლგასავითაა გადმოხურული და, ცეცხლის ალი რომ არ მიეკაროს, მანძილიც გამოზომილია. ცეცხლის ბოლი კედელში დატანებული მილით გადის.



ჩველებური სახლები. სოფელი ზოგორმა

ბილობის დღევანდელ ფორმას ახასიათებს კედლის თარო — „შკაფი“. თარო გრძელი და რამოდენიმე სართულიანია. ზოგან ასეთ კედლის კარადას შეშის კარიც აქვს და მალაზიის „ვიტრინას“ წააგავს. თაროზე გამწკრივებულია ქაშანურისა და ფაიფურის სუფთა ქურჭელი. ოთახში გამართულია გრძელი და განიერი ტახტი, რომელზედაც გადაფარებულია ქეჩა და საგორავი (ჯეჯიმი). კედლებზე გაფენილია ქრელი თუშური ფლასები (ფარდაგი). ტახტთან კი მაგიდა დგას.


წინანდელი დგამ-ავეჯი მოთავსებულია სახლის ქვემო სართულში. ზოგიერთ ძველებურ სახლში დგას ზურგ-დაჭრელებული გრძელი სკამი „მეჯი“, რომლის სიგრძე ოთხი მეტრამდე აღწევს. ამ ვიწრო მეჯზე სტუმარს აწვენენ. ქვეშ ნაბადს უგებენ და ზედ ღურა ტყავს ახურავენ. აქვეა ხის კვადრატული ფორმის ღრმა ტახტი, რომელშიც ჩაგებულია ქერის ჩალა და ზედ გადაფარებულია „ხალიჩა“ (უხაო ფარდაგი). ტახტი სამ-ოთხ საწოლიანია. ზედ იხურავენ ღურა ტყავს (ცხვრის ტყავის საბანი). თავქვეშ იდებენ „სათავსკვიო“-ს (დაეცილი ტყავი ან ნაბადი). ზოგან „ჯინი“-ც



ბუხარი

გვხვდება. ჭინი ნავის ფორმისაა და წნელისაგან არის მოწნული, რომლის სიგრძე უდრის 1,70 მ, განი კი 0,77 მ. დღეს დურა ტყავისა და ქეჩა-ნაბდის ნაცვლად ტახტზე მატყლის ლოგინია დალაგებული და ზედ საფენია გადაფარებული. აქვეა დაჭრელებული ძველებური ხის კილობანი, სკივრი, რომელზედაც ამოჭრილია გეომეტრიული ფიგურები და ზოგან ადამიანისა და ცხოველის სახეები. ასეთ სკივრებში ინახება ძველებური ტანისამოსი, ზოგში კი

სურსათ-სანოვაგე. ცეცხლთან დგას ძველებური ხის საეპოქიკა „ქიკაყენ“, რომელზედაც ოჯახის უფროსი ჯდებოდა. კედელთან მიმოფანტულია საოჯახო ჭურჭელი: ხონჩა, ღურკი (კასრი), კეტი, თუნგი, ვაშრაპაყენ და სხვა. წყალს ქალები ზურგით ეზიდებიან წყაროდან. მამაკაცი წყალს არ მოიტანს, სამარცხვინოა. წყალს ეზიდებიან თუნგებით, „ვაშრაპით“ (პატარა თუნგია). საქიტე კასრში ალავია ხის ქიტები (კოვჩები) და კონხო.



თაროები


მომთაბარე თუშებს სახლ-კარი ალვანშიც აქვთ, სადაც მათი დიდი სოფელია გაშენებული — ქვემო და ზემო ალვანი. ქვემო ალვანში ფიცრული სახლებია, მომცრო და ერთსართულიანი. სახლები ქალაქის ტიპისაა და კარ-ფანჯრებით არის გამართული, მათი შინამოწყობილობაც ქალაქურია. ეზო-კარმიდამო შემოღობილია, სახლები ქუჩის ორივე ნაპირზეა გამწკრივებული და იმერულ-სოფელს წაავას.

ზემო ალვანში დღეს დიდი მშენებლობა მიდის. წოვა თუშებმა 1924 წლიდან დაიწყეს ძველი ადგილიდან ალვანის შუა ვაკეზე



გადმოსახლება და მთელი სოფელიც ახალ გეგმებზე შენდება. აქვე ბუღია ქვითკირის ორსართულიანი სახლები. ოთახები ქალაქის იდაზეა მორთულ-მოწყობილი და შიგ ყველაფერი ფაბრიკულია. გაყვანილია განიერი და სწორი ქუჩები და ეს უზარმაზარი სოფელიც ქალაქის შთაბეჭდილებას ახდენს.

✓ ტ ა ნ ს ა ც მ ე ლ ი. თუშეთის ახალი თაობა იმოსება თანამედროვე ფორმის ტანსაცმლით, მაგრამ თავზე ქალებს ჭერ კიდევ ხურავთ „კუჭურაყვ“ და მანდილი. თქვენ აქ ნახავთ ახალგაზრდა თუშ



კ ი დ ო ბ ა ნ ი

ქალს მოკლე კაბაში და მაღალქუსლიან ფეხსაცმელებში კობტად, ქალაქურად გამოწყობილს, რომელსაც თავზე ეს კუჭურაყვ ხურავს და გამოხვეულია შავ მანდილში. მოდის ამჟოლი თუში ქალი დღესაც ვერ შეირიგებია ამ მანდილის მოხდის შესაძლებლობას, რომელიც აქ ქალის ნამუსად ითვლება, კუჭურაყვ შიტკლისაგან იყვრება. ის ჩიხტის მაგვარია, რომელსაც თავზე მისამაგრებელი საღრტეები აქვს მიკერებული. კუჭურაყვს „შუა თავის კვერი“ გატენილია მატყლით და ზედ შემოვლებული აქვს ქინძისთავის დასაბნევი გრეხილი. ამ კუჭურაყვს მიზანია, თავზე მანდილი დაამაგროს.



მანდილი განიერია და კოჭებამდე უწევს. მანდილი იყრება შავი, უსახო სატინისაგან და სამკუთხედი ფორმისაა. ის სადა და გაუწყობელია. წინათ სკოდნით ფოჩის მოკერება. მანდილის ორი ყური — „ზედითყური“ და „ქვედითყური“ გრძელია, 4,50 მეტრს აღწევს. თავხურვის წინ თუშის ქალი ჯერ კავეებს ჩამოუშვებს. გაუთხოვარ ქალს წინათ ჩამოშვებული ჰქონია ოთხი „კოწოლი“ (ნაწნავი), გათხოვილს კი ორი კოწოლი



და ორი „კიკინო“ (კავი). შემდეგ ის თავზე კუჭურაყს-ს დაიდგამს, კავეებს ვაისწორებს და მანდილს იხურავს. ამისათვის იღებს მანდილის ქვედითყურს და თავშუბლზე მოიხვევს ისე, რომ კუჭურაყის სალტეები არ გამოჩნდეს. მასზე შემოიკრავს შავი სატინის შუბლის სალტეს — „თავსაკრავს“, რომლითაც მანდილს შუბლის ნაოჭი უკეთდება.

შემდეგ მეორე, ზედით ყურს აიღებს და მანდილს თავზე წამოიხურავს. მანდილი რომ არ გადავარდეს, მას კუჭურაყზე ქინძისთავით დაამაგრებენ. ეს გრძელი და გაშლილი შავი მანდილი თუშის ქალს სევდიან ელფერს აძლევს და მნახველზე ის მგლოვიარე ადამიანის შთაბეჭდილებას ტოვებს. მანდილს დღეს მხოლოდ გათხოვილი ქალები ატარებენ, წინათ კი მანდილი გაუთხოვარ ქალებსაც ხურებიან, მხოლოდ უკუჭუროდ. მამაკაცს კუჭურაყ არ ენახებოდა, სირცხვილია, ამიტომ ცოლი კუჭურაყს ქმართან ვერ მოიხდის. გაცვეთილ კუჭურაყს ქალები მალულად სადმე გადააგდებენ, რომ მამაკაცებმა არ ნახონ, მამაკაცთან მანდილის მოხდა „თაკილი“ იყო და ამიტომ ქალები მანდილს ნიადაგ ატარებდნენ და ღამეც მანდილიანად წვებოდნენ. მანდილს პატივისაც სცემენ და „ტყეცილაგობის“ დროს დედაკაცები ამ მანდილის შუაში ჩაგდებით მოჩხუბრებს აზავებდენ. უნამუსობისათვის წინათ ქმარი ცოლს მანდილს მოხდიდა, მანდილ-კუჭურაყზე დააფურთხებდა და გადააგდებდა, რაც ქალის უდიდესი შეურაცხყოფა იყო.

მოხუცი თუში ქალები დღესაც ძველებურ უბიან კაბას იცვა-

მენ. თუშის ქალის კოსტუმს შეადგენს: პერანგი, ფარაგა, უბიანი  
 კაბა „ჩოხა“, მუხლისაფარაყნ, ქათიბი და ტყავკაბა.

პერანგი იკერება მიტკლისა ან იარდლისა, მოკლე და  
 გრძელსახელოიანი. პერანგის წვრილი საყელო ზოგჯერ მოქარგუ-  
 ლია. ამ პერანგზე იცვამენ მოკლესა და უსახელო „ფარაგას“. ფა-  
 რაგა იკერება ბამბის ან სატინის ქსოვილისაგან. ფარაგის საგუ-  
 ლზე დაგვირისტებულია ფერადი ხავერდის ან მაუდის ნაჭერი,  
 რომლის საყელო ამოდებულია და ზედ შემოვლებული აქვს ოქრო-  
 მკედის გრებილი. საგულე შემკულია ვერცხლის „ეჩიელოთი“.



მანდილი

ძეწკვებით და ფულებით. აგრეთვე აკერია „ვარშავის პეპელაყ“  
 (ვერცხლის ლილია). ფარაგას თუშის პატარძლები დღესაც იცვამენ.

ამ ფარაგაზე მოხუცი ქალები იცვამენ უბიან ჩოხას. ეს  
 გრძელი და მთლიანი კაბაა, ნაქსოვია თუშის ქალის მიერ და ფე-  
 რით მუჭი ლურჯია (ინდიგო). ეს შალის კაბა უბე გახსნილია. უბის  
 ორივე ნაპირზე დაკერებულია ფერადი მაუდი და შემკულია შიბი-  
 თა და ეჩიელოებით. უბიანი კაბის ბოლო გვირისტიანი ტეხილი




ოუში ქალის ძველი კოსტიუმი

ხაზებით, „ქუქუმოთია“ მოჭარგული. კაბის უბე გახსნილია და გადმოწეული, რომ სამკაულიანი ფარავა კარგად გამოჩნდეს. უბე კარგად რომ დადგეს, კაბაზე შემოიკრავენ წერილ სარტყელს „საჭიკას“. დღეს უბიან მთლიან კაბას არ ატარებენ. უბე გადაჭრილია და პატარძლები, როგორც ზედატანს, ფარავაზე იცვამენ. წინ იფარებენ შავი ან მუქი ფერის მუხლსაფარავს (წინსაფარი), რომელზედაც შემოიკრავენ შალის ნაჭრელ სარტყელს. ამ უბიან ჩოხაზე იცვამენ მოკლე სახელოიან და უკან ნაოკიან შავ ქათიბს, რომელიც თავისი კრილობით წააგავს მამაკაცის გრძელ ჩოხას. მკლავზე წამოიცივამენ „სახეულს“ (სახელო), რომელსაც ქათიბის მოკლე




სახელოში შეიტანენ და შიგ მიამაგრებენ. სახელო ცალკეა და ის  
 სამი ნაწილისაგან შედგება: ქურომ, მაჯამ და გამოსატეველად. ქუ-  
 რო სხვადასხვა ფერის მაუღისაგან ზოლებად, „ზიკებად“ იკერება.  
 მაჯა და გამოსატეველად ფერადი აბრეშუმია. ზოგიერთ მაჯას სამი  
 თუ ოთხი გამოსატეველად აქვს მოკერებული. ქუროს ამკობენ




ფ ა რ ა გ ა

ზორნაკით (სირმის გრეხილი), ისკუნტალით (ფერადი აბრეშუმის  
 გვირისტი), ჭირკვენა და გუგუმა სახეებით. ქალის უბიან კაბას  
 რამდენიმე ასეთი მორთული სახელო აქვს და დედაკაცები. დრო-  
 ისა და ადგილის მიხედვით მათ იცვლიან. წინათ ქვრივი ქალი  
 ჭრელ ქუროს გადმოეცემა და ისე ატარებდა. ზამთარში ქათიბის  
 ნაცვლად ტყავკაბას იცვამენ.




საკელი

ტყავკაბა ბევრ ჩაბრუნებული ცხვრის ტყავისაგან იყვრება. ტყავკაბას სახელოსა და კალთა-ბოლოში ბევრი აქვს შემოვლებული. ტყავკაბა წელში გამოყვანილია, კალთები დანაოჭებული. წინათ ტყავკაბის სახელო ჩაჭრილი და ყუთმაჯიანი იყო, დღეს კი სწორსახელოიანია. ფეხზე იცვამენ მატყლის ზოლიან წინდას და მასზე მაღალ ან დაბალყელიან ჭრელ ჩითას. აბალგაზრდობა ატარებს ყელიან ან მაღალქუსლიან ფეხსაცმელებს.




პერანგი



ქალბანი

თუშის ქალებს უყვართ ყელ-ყურისა და თითების სამკაულით შემკობა. ხანშესულ ქალებს ყელზე ჰკიდიათ გიშრის ან ქარვის მძივები შუაში ვერცხლის პატარა ჯვრით. თითზე უკეთიათ „დსიევილი“ ვერცხლის ბეჭედი, ყურებზე ჰკიდიათ „მელანქრიანი“ ვერცხლის საყურე.

თუშური ტანისამოსის ეს ძველი ფორმა და მორთულობა ხმარებიდან უკვე გამოსულია. აქაური ქალები დღეს იმოსებიან ფაბრიკული ქსოვილით და მოდაზე შეკერილ მოკლე შავ კაბას და გა-



უბიანი ჩოხა

უწყობელ ზედატანს იცვამენ. ამაზე აცვიათ შავი ან მუქი ფერის პალტო. უპალტოდ თუშის ქალი სახლიდან არ გავა და ზამთარ-ზაფხულ აქ პალტოს ატარებენ. მათთვის პალტო თანამედროვე ქათიბია და უპალტოდ გავლა სირცხვილია. პატარძლები პალტოს შიგნით იცვამენ ფარაგასა და მოკლე უბეს, რომელიც შემკულია წმინდა შიბით (ვერცხლეულის ძეწკვი ფულეებით შემკული) და ხმალი შიბით (უფულო). გათხოვილი ქალები მანდილს ატარებენ. თუშის მანდილოსნებს შავი ტანისამოსი უყვართ და ყველა შავად დათალბულია. ფერად ტანისამოსს გაუთხოვარი ქალები იცვამენ





და მანდილსაც არ ატარებენ. მათ აცვიათ ქალაქურ მოდაზე დანს ახალი ფორმა აქ ალვანიდან შემოდის. მაგრამ გათხოვდება თუ არა ქალი, მაშინვე შავი მანდილ-კაბით შეიმოსება.

მამაკაცები იცვამენ ჩოხა-ახალუხს. ჩოხა ადგილობრივი ტოლისაგან იკერება, ახალუხი კი სატინისაგან. ახალუხის გულისპირს ზოგჯერ გეომეტრიულფიგურებიანი „ჭირკენათი“ აჭრელებენ და მამალ-დედალ „ბრიკებით“ იკრავენ. წინათ ახალუხზე მამაკაცებს აბრეშუმის მოკლე „ეილეტკაც“ სცმიათ და მასრებიანი გრძელი ჩოხა, რომელიც უკან ჩიქებით ყოფილა დანაოჭებული. წინათ იცვამდნენ ჭრელ ტოლის შარვალს, ფეხებზე ჭრელ წინდებს, ჩითებს და ქალბანს. მუხლებზე კი იკეთებდნენ პაჭიკებს. რომელსაც ჩასაკრავით იკრავდნენ.

დღევანდელი ახალგაზრდობა ატარებს მოკლე და ტანზე კობტად გაწყობილ ჩოხა-ახალუხს, წელზე იკრავენ სვედიან ქამარ-ხანჯალს. ზამთრობით ზედ იცვამენ ქათიბს (ქულაჯა), თავზე ხურავთ თუშური ნაბდის ქუდი. აცვიათ აგრეთვე უბრალო შარვალ-ხალათიც. ფეხზე იცვამენ აზიურ ჩექმებს, „ბოტინკებს“, წულეებს და სხვა. ჭრელ ჩითებს ახალგაზრდობა შინაურობაში თუ ატარებს. თუშებს ნაბადი და თეკაც უყვართ, რომელსაც მუდამ თან ატარებენ.

### ხალხური ჩვეულებანი

ხალხური ჩვევანი მკიდროდ დაკავშირებულია საზოგადოების სოციალ-ეკონომიურ ყოფასთან და ამიტომ საზოგადოებრივი ცხოვრების ფორმაციასთან საუკუნეებით გამომუშავებული ეს ჩვევებიც ცვალებადია. თუშეთის საზოგადოებრიობა თემურ წყობილებას არ ვასცილებია და მისი ადათ-წესებიც ამ თემობრიობის სულითაა გაქლენთილი, მაგრამ დღევანდელი სოციალისტური მშენებლობის ხანაში თუშეთშიც ადგილი აქვს დიდ სოციალურ გარდატეხას. ამასთან დაკავშირებით იცვლება ძველი ყოფის დამახასიათებელი ჩვევები, თანდათანობით იჭრება და მტკიცდება ახალი საზოგადოებრივი წესები. ამ მხრივ თუშეთი დღეს ფორმაციის



ხანაშია. ძველი და ახალი თაობა და მათი ჩვევები არსებობისათვის იბრძვიან და ამ კიდილში ძლეული ძველი მამაპაპური წესებიც ცხოვრების არედან გადის. შევეცდებით, ამ წარმავალ წესებს ფართედ შევეხოთ.

მაგრამ ამასთანავე უნდა აღინიშნოს, რომ ეს ძველი ჩვევანი თუშეთის ყველა თემში ერთგვარად არ შემონახულა. წოვასა და მომთაბარე თუშებში (ზემო და ქვემო ალვანი) ძველ მამაპაპურ წესებს არ მისდევენ და უკვე მივიწყებულა; მხოლოდ მოხუცებს თუ ახსოვთ ამ ჩვევების შინაარსი და შესრულების წესები. თუშეთში ხალხური ჩვევები შედარებით კარგად დაცულია ჩალმის თემში, სადაც ძველ ტრადიციულ წესებს დღესაც ასრულებენ. წინათ კი, თემობრივი წყობილების დროს, თუშეთის ყველა თემში ერთნაირი ადათ-ჩვევები იყო გავრცელებული, მაგრამ შემდეგში ბარში ჩასული თუშები მოექცნენ ბარის, ამ შემთხვევაში კახეთის, გავლენის ქვეშ და თანდათანობით მივიწყეს თავიანთი ძველი მამაპაპური ჩვევები.

ადგილზე გამოკითხვისა და შედარებების საშუალებით ირკვევა, რომ ყოფა-ცხოვრებისა და ადათ-ჩვევების მხრივ წოვასა და თუშეთის მცხოვრებთა შორის წარსულში ერთგვარობა ყოფილა და თემურ წოვათაში ასრულებდნენ იმავე წესებს, რომლებიც დღეს ჩალმა-თუშებშია დაცული.

თემური თუშეთის საზოგადოების ზნეობრივი ურთიერთობა განმტკიცებული იყო დაძმობილების და დაძმური გაფიცვის ადათებით. ძმობილები ჳირში და ლხინში განუყრელი იყვნენ. ერთად იბრძოდნენ და კვდებოდნენ. ღალატი და ძმობილის ზურგის შექცევა თემში დიდი სირცხვილი და დანაშაული იყო. იმ დროს უძმობილოდ თავდაცვა და არსებობაც ძნელი იყო და ამიტომ ახალგაზრდობა ერთიმეორეს ეძმობილებოდა. ამ მიზნით ოჯახში იმართებოდა პატარა სადილი, სადაც ორი ვაჟკაცი ერთმანეთს ძმობას შეფიცავდა. სიმტკიცის ნიშნად სასმელით სავსე ყანწში ტყვიას ჩათლიდნენ და ხელგაყრილები შესვამდნენ. ამგვარ ძმობილს ახალგაზრდა თუში ქალიც ეძებდა, რომელიც მუდამ მოტაცების საფრთხეში იყო და მას თავდაცვისათვის სჭირდებოდა გულადი ძმობილი. დაძმური გაფიცვა ქალის ოჯახში ხდებოდა, სადაც მცირე სუფრა იშლებოდა და ქალ-ვაჟი დაძმობაში იფი-

ცებოდა. სიმტკიცის ნიშნად რძიან ჭიქაში ვერცხლის ფულს ჩააგდებდნენ და ორივენი შესვამდნენ; ვის ხელშიც ჭიქა დაიცილებოდა, ფულიც მას რჩებოდა; დობილი ძმობილს უქსოვდა ჭრელ წინდაჩითებს, ძმობილი კი მას ყველგან რაინდულად იცავდა. დრომ დაძმობილების ეს წესები მოსპო და თუშეთის ახალგაზრდობაში დღეს უკვე მივიწყებულია.

• უქმე და ხატობა-დღეობებში აქაური ახალგაზრდობა ერთად იკრიბება და „ჯარობა“ იმართება ლხინ-ცეკვა-თამაშით და სხვა გასართობებით. აქ ხდება ახალგაზრდა ქალ-ვაჟის გამიჯნურება და ტრფიალი, რომლის გამომტლავნება თემში ჯერ კიდევ სასიარცხვილოდ მიაჩნიათ. სიყვარულით აღგზნებული თუში თავის მიჯნურს ასე ეტრფივალება:

„ხეცას შენ შუქურ მარსკვლავო, მნათობო ხმელეთისაო, ავა-ა შენ, ქალო ლამაზო, შუქი გაქვს ნათელ მზისაო. ტანადა გვეხარ ნამყენსა, ამოსულ ალვის ხესაო, თვალები გიგავს მაყვალსა, ქალის პირს ამოსულსაო. წითელი ლოყა შეგშვენის, თვალი ხარ ქალებისაო, თეთრი ბროლისა ყელ-ყური ღამეს ანათებს ბნელსაო. ხშირს უბანს, ქალო, შენ სდგეხარ, სახლი გაქვს ქვიტკირისაო, წყალი შორსა გაქვს საზიდი, დილ-დილით ზომა გზასაო, შენ მენანები, ქალო, შორით რო ზიდავ წყალსაო. ერთხელ შარაზე დამიხვდი, თუნგი გეკიდა წყლისაო, გვერდითა სხვანი მოგდევდნენ, მათ უშშვენებდი მხარსაო. ქალო, ამდენი ქებითა ნუ გაიდიდებ თავსაო, დღეს ერთი ყვავის ყვავილი, ხვალ ბევრი იმისთანაო“.

ლხინში გარმონს უკრავენ და ტაშს აყოლებენ. ცეკვავენ თუშურ ლეკურს. ცეკვის დროს მამაკაცი ხელებგაშლით და ფეხის ცერების გასმით წრეს შემოუვლის. მას თუში ქალი მორცხვად და გოგმანით გაეთამაშება, რომელიც თავს დახრის და ცეკვის დროს ცალ ხელს ცოტათი ასწევს და ისე უვლის. ცეკვა უწყვეტია და მოთამაშეები ერთმანეთს ენაცვლებიან.

სიმებთან საკრავებში აქ ჩონგურია გავრცელებული. უკრავენ ჭიანურსაც. ჩონგური მთლიანი ხისაგან არის გამოთლილი და სამ-



ლარიანია. ქიანური მუცელმარგვალია და მას ქამანჩით უჭრავენ. ამ სიმებთან საკრავებს უფრო მამაკაცები უჭრავენ და თან საგმირო და სატრფილო ლექსებს ამღერებენ. ლამაზი და ტკბილზმოვანია ეს თუშური ჩონგური, რომელთანაც შეხმატკბილებულია სევდიანი თუშური სიმღერაც. ამ სიმღერას არ ახასიათებს პანგის სიჭრელე და ნაირობა; ის უფრო ერთფეროვანი და მონოტონურია. თუშურ სიმღერებში ცნობილია „თუში ქალის ტირილი“, რომელსაც აქ ხშირად უჭრავენ და მღერიან.

ჯარობის ამ ლხინში და ხატობა-დღეობებში ხდება დღეს მშობლების მიერ თავიანთი სარძლო-სასაძოების არჩევანიც. თუ მშობლებს შორის მოწონებას ადვილი ექნება, მაშინ საქმის მოსაგვარებლად „მარჯაკალს“ ვზავნიან. მაგრამ წინათ თუშეთის ახალგაზრდობა ასეთ საშუალებასაც მოკლებული ყოფილა და მათი ბედი დედის მუცელშივე თურმე წყდებოდა. ამ მიზნით თუშებში „მუცლად შეთქმა“ სცოდნიათ. როდესაც ორი შეხატრებული ოჯახის რძლები დეხმძიმედ შეიქმნებოდნენ, ორივე ოჯახი ერთმანეთს შეფიცავდა, რომ თუ ქალ-ვაჟი გაუჩნდებოდათ, ცოლ-ქმარი უნდა ყოფილიყვნენ და თუ ქალები ან ვაჟები, ერთმანეთის დობილები და ძმობილები, ამ პირობის დარღვევა არ შეიძლებოდა და დამნაშავეს სისხლი უნდა ეზლო. როდესაც მუცლად შეთქმული ქალი 15—16 წლისა ხდებოდა, ვაჟის მშობლები ქალისას ვზავნიდნენ სასიძოს ძმასა და ბიძას პატარძლის დასაჰერად და წამოსაყვანად. პატარძალი ემალებოდა და, რომელიც ყოჩალი პატარძალი იყო, მას ერთ კვირას ეძებდნენ, შემდეგ ძლივს დაიჭერდნენ და საქმროსას წაიყვანდნენ. სცოდნიათ აგრეთვე მცირეწლოვანთა აყვანში დანიშვნა, მაგრამ ეს წესები კარგა ხანია მოსპობილა და დღეს მოხუცები ძლივსლა იგონებენ.

მოტაცებით ცოლის შერთვა თუშებში წინათ სასახელო და საგაყვაცო საქმედ ითვლებოდა. მაგრამ ამ მოტაცებას თან სდევდა სისხლის აღების მძიმე წესები. მოტაცებულ ქალს ვაჟი თუ არ მოსწონდა, მშობლებში გაიქცეოდა და მაშინ მისი ოჯახი მომტაცებელზე შურს იძიებდა და მას მოსაკლავად დასდევდა. სისხლის მძიებელი ქალის ძმა იყო. თუ შერიგება ხდებოდა, მაშინ მომტაცებელი სადილს გამართავდა, შუაჯაყებს დაიწვევდა და, რა ჯარიმი-



საც ბჭეები მიუსჯიდნენ, მას უნდა ფულით თუ საქონლით გადაეხადა.

ჩვეულებრივ, ძალით მოტაცებისათვის ჯარიმად რვა ძროხა იყო დაწესებული, ნებიითი შემთხვევის დროს კი — ერთი ძროხა და ცხვარი. მაგრამ ამ ჯარიმიდანაც შეიძლებოდა განთავისუფლება, თუ ვაჯი ქალის მოტაცების უმაღლეს მოასწრებდა თავისი სოფლის სასაფლაოზე პირველად გასვლას და მოწმის თანდასწრებით დაძახების, რომ მან ქალი მოიტაცა. მაგრამ თუ ამ შემთხვევაში ვაჯს ქალის მშობლები დაასწრებდნენ და ვაჯის სოფლის სასაფლაოზე პირველად ისინი გავიდოდნენ და დაიძახებდნენ, ვაჯს ჯარიმა უნდა მიეცა.

დღეს ქალის მოტაცება თუშეთში იშვიათი შემთხვევაა, მაგრამ მომტაცებელ სიძეს შეურაცხყოფილი ცოლის ძმა დღესაც მტრობს და მათ შორის შესაძლებელია ცემა და მკვლელობაც.

თუშები ქალს გვარში არ გაათხოვებენ და სხვა გვარშიაც ნათესაური კავშირი ექვს თაობამდე გრძელდება. ქალის თავის სოფელში გათხოვებასაც გაურბიან და ცდილობენ სხვაგან გაათხოვონ. ოჯახში შერთვა-გათხოვების საქმე ჯერ კიდევ მშობლებისა და ოჯახის უფროსების ხელშია. მართალია, აქაური ახალგაზრდობა ებრძვის ამ უკუღმართ ჩვევებს და საბჭოთა ხელისუფლების კანონმდებლობით ცდილობს მოიპოვოს თავისუფალი სიყვარულისა და შეუღლების უფლება, მაგრამ ძველი ოჯახის გავლენა აქ ჯერ კიდევ ძალაშია, რომლის ერთბაშად გადალახვა გაუთვითცნობიერებელი ახალგაზრდა თუშისათვის არც ისე იოლი საქმეა.

**ქორწილი.** ასაკში ჩამდგარი ქალისა და ვაჯის მშობლებს ერთმანეთის ხათრი თუ აქვთ, მაშინ ვაჯის დედ-მამა ქალის მშობლებს მაჭანკლად ძმას ან ბიძაშვილს უგზავნის. სამაჭანკლოდ მიმავალს უკან მუგუზხალს ესვრიან, ეშმაკები დაფრთხებიან და მაჭანკალს ხელი მოემართებაო. მაჭანკალი ქალიანთ რამდენჯერმე მიივრათ, მაგრამ მას გარკვეულ პასუხს არ აძლევენ და საქმესაც განგებ აკიანურებენ, სანამ ნათესავ-მოკეთეებისაგან ამის დასტურს არ მიიღებენ. ამ შემთხვევაში გადამწყვეტი მნიშვნელობა ეძლევა ქალის მამას, ძმას და ბიძებს. თუ რომელიმე მათგანი წინააღმდეგია, ქალის გათხოვება გაძნელებდა. შეთანხმებისას მაჭანკალი სიმტკიცის ნიშნად ოჯახის წევრებს ხელს ჩამოართმევს, „კელმისამ-

ცემლო“ არაყს შემოიტანს და თეთრ მანეთიანსაც პურზე დადებს. არყით დაილოცებიან ახლად დანიშნულთა ბედნიერებაზე. პურზე ნაღებ მანეთიანს პატარძალს გადასცემენ და მაჭანკალს კი საქმის მოგვარებისათვის წინდას უფეშქაშებენ. მაჭანკალი მოაჯდება ცხენს და მღერით სასიძოსას გააჭენებს. სოფელში შესვლისას გამარჯვების ნიშნად თოფს გაისვრის. მაჭანკალი სახლში შედის და მას სუფრას უშლიან. ამას ჩქარა მოჰყვება „ლიშნისათვის“ ან „საწესოსათვის“ მზადება. ვაყისას აცხოზენ პურს, გამოზდიან არაყს, ყიდულობენ შაქარს, რამდენიც სარძლოს სოფლისათვის საჭიროა. პატარძლისათვის ამზადებენ საქათობეს, მანდილს, მუხლსაფარს, წულებს და სხვა. ერთი კვირა რომ ჩამოივლის, ყველა ამ ნამზადისს წაიღებენ და სანიშნოდ წაეღენ: მაჭანკალი, ვაყის დედ-მამა, რძალ-მამული და მული. ქალის ოჯახი მათ სადილს უმართავს და პატივსაცემად სოფელსაც დაპატიეებს. პირაფარებულ პატარძალს პირველად აქ გამოიყვანენ. ვაყის მშობლები სოფელს უმასპინძლდებოდნენ პურით და არყით. შაქრის ნატეხებსაც ყველას ჩამოურიგებდნენ. ვინც აიღებდა, იტყოდა: „ესე ტკბილად დაგიბერდნენ ახალი ყვავილებით“. აქვე წყდებოდა ქორწილის გადახდის დრო და რიცხვი. ჭვარსაწერად მეფე მაყრებით და ეჯიფით პატარძლისას მიდიოდა. თან მიჰქონდა „ჭვარსამწერლო“ — ორი ხელადა არაყი, პური და ნახევარი ყველი. მაყრები სიმღერით და თოფების სროლით პატარძლის ოჯახში შედიან. ეჯიფი პატარძლის მოსაყვანად გადის, რომელიც ცალკე ოთახშია ჩაკეტილი. მორთული პატარძალი და მისი „მომრთავნი“ უცდიან ეჯიფის დაკაჯუნებას. ეჯიფი სარკმლიდან შესძახებდა: „აბა, კარები გახსენითო“. პატარძლის მომრთავნი უპასუხებდნენ: „ამდენი ღირს, თუ არა და სხვაგან იყიდეო“. ბოლოს მაინც რიგდებოდნენ 4 თუ 5 მანეთად და ეჯიფს კარებს უღებდნენ. ეჯიფი შევა, პატარძალს ხელს წაავლებს და გაიხუმრებს: ეს პატარძალი იაფი ან ძვირი ღირებულაო. ეჯიფი და დადი პირაფარებულ დედოფალს გამოიყვანენ და ნეფეს მიუსვამენ. მაყრები დაიმღერებენ:

„ასრე მოვალ და მოვცურავთ, ბექთა არ შეგიტყვესაო,  
წასვლა სჯობს წამავალისა, აქ დამრჩომისად — ლოგინი“.

წინათ თუშეთში ეკლესია და მღვდელი არ ყოფილა და ნეფედედოფალს თურმე დეკანოზები დალოცავდნენ, შემდეგ კი ნეფედედოფალს ეკლესიაში მღვდელი ჯვარს სწერდა. ეკლესიაში ნეფედედოფალს ტოტებიან გვირგვინს დაადგამდნენ, ფეხებთან ხანჯალს დაუდებდნენ და გვერდში ეჯიფი, დადე და მეჯვარე ამოუდგებოდნენ. წოვა-თუშები სასიძოს კლიტე-გასაღებსაც აძლევდნენ, რომელსაც ის კეტავდა და ჯიბეში იღებდა. ჯვრის წერის შემდეგ ნეფედედოფალი ხანჯალს ფეხს გადააბიჯებდნენ და ეკლესიიდან გამოვიდოდნენ. ხანჯალს ეჯიფი აიღებდა და ქარქაშში ჩაიგებდა. ქარში თოფებს ისროდნენ. ნეფედედოფალი მაყრიონით ისევ ქალიანთს ბრუნდებიან, სადაც მცირე ჭორწილი იმართება და ერთ ღამეს რჩებიან. მეორე დღეს დედოფალი ნეფისას მიჰყავთ. პატარძლის სახლში ამ დღეს სამ კოტორს აცხობენ. დედოფლის გაცილების მიჯნაზე ძმები ერთ კოტორს გაჭრიან და გამომშვიდობებისას დაიმღერებენ:

„დაბრუნდი, დაო, დაბრუნდი, დართულო ჯარანსავითა, ფეხი წადვი და წამოდვი მილაკენ ჩალასავითა“.

გულაჩუყებული პატარძალი იცრემლდება. ქალის მაყრები მღვრიან:

„რა კარგი ქალი მოგეცით, თუ არ მოგვიკლავთ შიმშილთა..“

ამაზე ვაყის მაყრები შესძახებენ:

„დავლიოთ ღვინო, დავლიოთ, მანამ ერთმანეთს ვხედავთო წუხილ მაშინაც გვეყოფა, შავ ლოდს რო ამოვხედავთო“.

ერთ კოტორს აქვე შეჰამენ და მაყრიონი დაიძვრის. ვისაც მარდი ცხენი ჰყავს, ის დაწინაურდება და ვაყის ოჯახს ახარებს მაყრიონის მოახლოებას. ეჯიფი მახარობელს ფულით ასაჩუქრებს. ამ დროს ანთებენ ბუკვანის მაშხალებს და მას მაყრები ნიშანზე ესვრიან. ვინც მოახვედრებს და მაშხალას გადმოაგდებს, მას ეჯიფი ფულით ასაჩუქრებს. ამ ფულს მაყრები შემდეგ პატარძალს გადაულოცავენ. ნეფედედოფლის შემოსვლისას დაიძახებენ: „ვისაც მოველოდ, მოვიდა, შენ, გულო, გამხიარულდი!“ ნეფედედოფალს



კარებში მულ-დედამთილი მიეგებება, ტკბილს შეაქმევენ და დაიძინებენ:

„ზალო, ბედითამც მოგვიხვალ, ბელსა მოგვიტან ტერფითა, ხელთა ყრმა, ზურგით აკვანი, ზედ ქუდი ათასხნიანი“.

ნეფე-დედოფალს პირველად სახლის კერასთან მიიყვანენ, თუ ის არ არის, თუნუქის ღუმელთან, რომელზედაც ალაგია პური, არაყი და ლუდი, ზედ სამი ანთებული სანთელია მიკრული. ამ კერის გარშემო ნეფე-დედოფალს სამჯერ შემოატარებენ; მათ წინ უძღვის ხანჯალამოწვდილი ეჯიფი, რომელიც ამ ხანჯალს ჰერსას სცემს და იძახის:

„ჯვარი წინა, ჯვარ უკვენა, ანგელოზო, შინ შემოდი!“

აქედან ნეფე-დედოფალს ეჯიფი, დადი და ორი ნათესავი მამაკაცი საფუარში (სალუდე) შეიყვანს, სადაც „ალუდიანი კოდებია“. აქ ნეფე-დედოფლის ფეხებთან საკლავს დაკლავენ, ყველას ხელში ანთებული სანთლები უჭირავთ და ნეფე-დედოფლის იღბლიანობაზე ლოცულობენ. ამ საკლავს გადასცემენ სანდოსა და ახლობელ პირს, რომ მისი ნაწლავი არავინ მოიპაროს ანდა ნაწლავი მტრობით ვინმემ არ გაკვანძოს, რომ ამით ნეფე არ შეიკრას (სქესობრივად არ მოუძღურდესო) და მათი ცოლ-ქმრობაც არ გაუბედურდესო.

სალუდიდან გამობრუნებულ ნეფე-დედოფალს საქორწინო სუფრაზე დასვამენ. დედოფალს დადი მიუჭდება, ნეფეს კი მეჯვარე. პატარძალს პირს არ ახდიან და მას კალთაში ვაყს ჩაუსვამენ. პატარძალი ბაყშვს ტკბილეულით ასაჩუქრებს და ყელზე მას ჭრელ წინდას ჩამოჰკიდებს. ნეფე-პატარძალს ვაყის დედიძემები „სადედისძმომო ჯვარს“ მიართმევენ და წინ დაუდგამენ. ხის ჯვარი მრგვალ ქადაშია ჩასმული, რომლის წვერებზე ვაშლებია ჩამოცმული და ზედ ერთი წყვილი წინდაა გადაკიდებული. ამ ჯვარს ცარიელ ჯამსაც მიუდგამენ. ნათესავ-მოყეთეები მიდიან ჯვართან, შესაწევ ფულს ჯამში აგდებენ და ჯვარზე კი ჭრელ წინდებს ჰკიდებენ. ეჯიფი დგას და იძახის: „ააშენოს ღმერთმანი!“ პატარძალი სუფრაზე არაფერს შეჰკამს, სირცხვილია. მას მომრთავი ქალები ცალკე



ოთახში გაიყვანენ და იქ აჭმევენ. ქორწილი ერთი დღე და ღამე გრძელდება და ხშირად ჩხუბითა და აყალმაყალით თავდება.

ქორწილის დასასრულს ნეფე-დედოფალს ეჭიფი ხანჯლის წვერით გვირგვინს მოხდის და საწოლად წაიყვანს. წინად გვირგვინის მოხდისას ქალის მაყრები ცდილობდნენ ნეფისათვის მათრახები დაერტყათ, მაგრამ მას მისივე მაყრები იცავდნენ და ნეფეც კარში გავარდებოდა. ცოტა ხნის შემდეგ ნეფე ისევ უკან შემობრუნდებოდა და პატარძლის მაყრებს უმასპინძლდებოდა.

ეჭიფი ჯერ მეფეს წაიყვანს და დააწვევს, შემდეგ დაღე პატარძალს შეიყვანს. გვირგვინის მოხდის მეორე დღეს „წყალზე გასვლა“ იციან. ამისათვის დედამთილი კოტორს აცხობს და მებზობლებს დაიწვევს. პატარძალს თუნგს აკვიდებენ, წინ გაუძღვება „მეკვლე“ (ბედნიერი ფეხის), რომელსაც ეს კოტორი და არაყი მიაქვს და წყალზე წაელენ. წყაროზე კოტორს გაჭრიან და პატარძლის ილბლიანობაზე დაილოცებიან. პატარძალი ჭურჭელს გაავსებს, ზურგზე აიკიდებს და მეკვლეს გამოჰყვება. გზაზე თუნგს სხვები ართმევენ. პატარძალს მეკვლე თავის ოჯახში მიიპატიებებს და არყით დალოცავს. პატარძალი მეკვლეს წინდით ასაჩუქრებს.

მესამე დღეს იციან „კვალად გასვლა“. პატარძლისის მიდის მეკვლე და ორივენი ნამგლით ყანაში გავლენ და იქ ნამგალს რამდენჯერმე მოუსვამენ. ერთი კვირის შემდეგ პატარძალი დედმამის ოჯახში ბრუნდებოდა — „ფეხბრუნება“. პატარძალს მიჰქონდა ძღვნად პური, ყველი, არაყი და ლუდი. ის წაიყვანდა რამდენიმე კაცს და ნეფით დედ-მამასთან მიდიოდა. აქ პატარძალს დალოცავდნენ და ის მეორე დღეს უკანვე ბრუნდებოდა. წამოსვლისას პატარძალს მშობლები გამოატანდნენ ზურჯინს, რომელშიაც ეწყო: ნამგალი, საჩეჩელი, წინდის ჩხირები და ვერცხლის შიბიანი ერთი ხელი ტანისამოსი. თუში ქალის მზითვიც ეს იყო და სხვას არაფერს ატანდნენ. პატარძლის სოფელს სიძემ ერთი წლის განმავლობაში „საქალთანო“ უნდა გადაუხადოს. სიძე ძღვნით და საკლავით პატარძლისას მივა, სოფელს დაიწვევს და უმასპინძლდება. ახალ სიძეს საქალთანოს სოფელი არ შეარჩენს და ვინც არ გადაიხდის, ქალები მას არბევენ, ართმევენ ქამარხანჯალს, ცხენის საკმარს და ეტყვიან, ტიტველი ცხენით მიბრძანდით. დარბეულ სიძეს მოკეთე დაუდგება თავდებად და ქალებიც

ჩამორთმეულ ნივთებს უკანვე უბრუნებენ. დანიშნულ ვადაზე სი-  
ტემ საქალთაწო თუ არ მოიტანა, მაშინ საქალთაწო თავდება გა-  
დახდება.

„ჯვარისკარად“ პატარძალს დედამთილი წაიყვანს. სანამ  
ჯვარისკარად პატარძალი არ წავა, მას მიცვალებულის დანახვა არ  
შეუძლია. ამიტომ დედამთილი გამოაცხობს კოტორს და პატარ-  
ძალს ქმრის სალოცავ ხატში წაიყვანს, სადაც პატარძალს ალოცე-  
ბენ და ბედნიერებას შესთხოვენ. პატარძალს სამ წლამდე ოჯახის  
უფროსების ხმის გაცემა ეკრძალება. მას არც თავის ნეფესთან შე-  
უძლია აშკარა საუბარი. თუ პატარძალი ოჯახში ადრე აიძრახავდა,  
მას „ტაბარუკას“ (უჭკუოს) ეძახდნენ. პატარძალს შეეძლო აშკარა  
საუბარი მხოლოდ რძალთან და მულთან. მასვე ევალეზოდა მამამ-  
თილ-დედამთილის ფეხისა და ხელ-პირის დაბანა.

გაივლიდა ხანი, დაახლოებით სამი თუ ოთხი წელიწადი მაინც,  
და ახლა მამამთილი მოისურვებდა რძალთან აძრახვას „აჭკვავ-  
დო მას“. ამ მიზნით, როცა რაიმე ნამზადისი იქნებოდა, მამამ-  
თილი აიღებდა არყიან ყანწს და იტყოდა: „კეთილ იყოს ეს ჩვენი  
უნძრახობა და ერთმანეთის მოხატრება, აჭკვავდომა!“ მეორე ყანწს  
პატარძალს მისთავაზებდა, რომელიც მორცხვად ართმევდა და  
იტყოდა „გავიმარჯოს“. ამ აძრახვაში პატარძალი მამამთილს წინ-  
დას არუჭებდა. მამამთილი მას აძლევდა მუხლსაფარს ან სხვა  
მცირე რამე საჩუქარს. შემდეგ ასეთივე წესით აუძრახავდა მას  
დედამთილი და მაზლი.

თუშებში ცოლ-ქმარი ერთმანეთს სახელს არ დაუძახებენ. ცო-  
ლი ქმარს ასე უხმობს: ეგე, კაცო ქმარი — ცოლს: დიაცო სახ-  
ლობავ! ბებერო! პატარძალი სახელის ნაცვლად მაზლს ეტყვის: ბი-  
ჭო! მულს კი ქალო, მარწყო, თეთრო, ქოჩორო! და სხვა. პატარძ-  
ლისაგან თუშის ოჯახი მოითხოვდა ნამუსიანობის მტკიცედ დაცვას.  
ცოლქმრობაში ღალატი სამარცხვინო და დიდად საძრახისი საქმე  
იყო:

„ქალო, შენს მოღალატესა ზევით ღმერთი გაუწყრესა,  
საღბუხისა მინდორზედა ნიავქარი აუტყდება:  
მტერზე ამოღებულ კმალი ვადაშიამც გაუტყდესა,  
მტერზე ამოღებულ თოფი ჩაზმაზშიაც გაუტყდესა“.

ამიტომ ცოლის გაუპატიურება ან ლალატი თუშებში უსისხლოდ არ ჩაივლიდა. მრუშობისათვის ქმარი ცოლს ცხვირს, თმას ან მკლავს აჭრიდა. დამწუნებელ ცოლს კი ქმარი „კვეთილას“ ადებდა და განსაზღვრულ ვადამდე მისი შერთვაც არავის შეეძლო. ქალის შეცდენისათვის დამნაშავეს 60 ძროხა უნდა გადაეხადა. ცოლის მრუშობაში ცილისმწამებელს ქმარი ძროხას მოუკლავდა, ცოლს კი მშობლებს უგზავნიდა. შეურაცხყოფილი მშობლები ცილისმწამებელს სამართალში იწვევდნენ და, თუ გამტყუნდებოდა, ქმარი ცოლს უყანვე მიიღებდა და დაზარალებულ ძროხასაც უზღავდა. ქმარი ზოგჯერ ცოლს სცემდა, მაგრამ ქალს არავინ შეეშველებოდა, რადგანაც გვირგვინოსანი ცოლია და ქმარსაც ნება აქვს დასაჯოსო.

თუშებში უშვილო ქვრივი თხოვდებოდა, შვილიანის გათხოვება კი საძრახისი იყო. ქვრივი ქმრის ოჯახიდან ვერ გათხოვდებოდა. ის მშობლებში გაიპარებოდა და იქიდან თხოვდებოდა. მაგრამ პირველი ქმრის ოჯახი მას მაინც მწყრაილად დაადგებოდა, სანამ ის „ქვრივის შესამარიგებლოს“ არ გადაიხდიდა.

შერიგების მიზნით გათხოვილი ქვრივი თავის მეორე ქმრის ძმას წაიყვანდა და პირველი ქმრის ოჯახში ძღვნით მოდიოდა, სადაც სუფრა გაიშლებოდა, დალევდნენ მიცვალებულის შესანდობარს და ამითი რიგდებოდნენ. დღეს ეს წესები უკვე მოსპობილია და აქაურ პატარძლებს ნაკლებად აშინებთ მშობლებისა და მოძალადე ქმრების მუქარა. ბედით უკმაყოფილო პატარძალიც ხშირად ასე მოთქვამს:

„ავტირდე, როგორ ავტირდე, შავი და ბნელი ქალიო, გვერდითა ჩამომისვიან სიკვდილის ფერი ქმარიო; კუპრშიამც ამოდულდება ჩემი მაჭანკლის სულიო, რად შეველ ეკლესიაში, რად დავიწერე ჭვარიო!“

ამ ნიადაგზე არის თავგანწირვის შემთხვევაც:

„გუდანთას მოწყდა მარსკვლავი, ჯვარბოსელს დაჯდეს  
წყალზედა,  
ვინა ხარ, სულეთს რო მიხვალ, თმაზე რო ისვამ ხელსაო,  
იქნებ ხეცოის ანაი, მამისძმის გაჯავრებული.“

მე წინავე ვითხარ, ბიძაო, მე ქმართან აღარ დავდგები, ავდგები, თავსა მოვიკლავ, შენ ჩემ ცოდვაში ჩადგები, სულეთს გიჩივლებ ბატონთან, მე ქალ ტირილად შევდგები, გიჩივლებ, გადავახდევინ, შენ ჩემ მსახური გავლები“.

დღეს საბჭოთა კანონმდებლობა ძველი ადათით და ძალდატანებით შეუღლებულ ცოლ-ქმარს საშუალებას აძლევს თავისუფლად იმოქმედონ და თუშეთში ცოლ-ქმრის გაყრა ხშირია.


მ შ ო ბ ი ა რ ო ბ ა. წინათ თუშის ოჯახში ცოლის გაბერწება და უშვილობა სამძიმო იყო და თუშის პატარძალი შვილიერობასაც სანთელ-საწირით „თურსიებს არღოტისას“ (ფურების ხატია გირევე-თან) შესთხოვდა. უშვილო ცოლს თუში მშობლებს უბრუნებდა და შემდეგ მეორეს ირთავდა. ზოგჯერ ორივე ერთად ჰყავდა და ამ ნიდავზე აქ ორცოლიანობა გავრცელებული ყოფილა.

ორსული თუშის ქალი საქონლის ტყირპს ხელს არ ახლებს, რადგანაც ხალხის რწმენით ბავშვი ტყირპიანი დაიბადებო. მას არც საკლავის დანახვა შეუძლია, რომ ბავშვმა ძილში არ იხრიალოსო და სხვა. თუშის ქალს წინათ ოჯახში მოლოგინება არ შეეძლო, ხატი დაგვმიზეზებსო და ამიტომ მელოგინეს „მშობიარის ქობში“ ათავსებდნენ, რომელიც სოფლის განაპირას ყოფილა აგებული. საყურადღებოა, რომ ამ თუშური წესის შესახებ ცნობა ვახუშტისაც მოეპოვება: „რამეთუ ოდესმე შობს დედაკაცი, არავინ მიეახლების, არამედ განუტევენ შორს მარტოდ, და შობისა შემდგომად მ (40) დღეთა მოიყვანენ შობილითურთ“ (საქარ. გეოგრ. გვ. 105).

ამ ქობში მელოგინე დედაკაცი მარტო იწვა და მშობიარობდა, იქ ოთხი კვირა რჩებოდა, არავინ შედიოდა და საქმელ-სასმელსაც შორიდან აწვდიდნენ. მშობიარეს თუ გაუჭირდებოდა, მოხუცი ქალები წილს ყრიდნენ და ვისაც ერგებოდა, ის შედიოდა ქობში და მელოგინეს შველოდა. ისიც ოთხ კვირამდე შინ ვერ ბრუნდებოდა და იქვე რჩებოდა. სოფელში თუ საშობიარო ქობი არ იყო, დედაკაცს ღია ცის ქვეშ უნდა მოელოგინა. მშობიარე ბავშვს თვითონვე აიყვანდა, ჭიპს დანით მოსჭრიდა და აკვანში აწვენდა. ოთხი კვირის განმავლობაში მელოგინე მდინარე წყალში იბანდა და სუფთავდებოდა. ოთხი კვირის შემდეგ მას მღვდელი განათლავდა

და მშობიარე ოჯახში ბრუნდებოდა. ეს ბარბაროსული წესი თუ-  
შეთში კარგა ხანია მოსაობილა. სამწუხაროდ, მას ჯერ კიდევ ად-  
გილი აქვს ხევისურეთში და ნაწილობრივ მთიულეთ-გუდიმა-  
ყარში<sup>1</sup>.

თუშეთში მელოვინე ქალი დღეს სახლში წვება და მას ბებია  
უვლის. ჯანის მოსაყვანად ბებია მშობიარეს ასმევს პიტნისა და ქონდ-  
რის ჩაის და აგრეთვე მოხარშულ დარკოს ტკბილ წვეხს. მძიმე მშო-  
ბიარობის დროს დაუძახებენ ვისაც გველ-ბაყაყი გაუმოიბებია. ის



ხელში ქამრით მშობიარეს შემოუვლის და იტყვის: „გველბაყაყი“  
გამიყრია, დედაშვილო გაიყარენით!“. ზოგჯერ მშობიარეს ბურ-  
ნუთს შეასუთქებენ, ქმარი ჩოხის კალთით წყალს მოიტანს და შე-  
ასმევს, თოფსაც გაისერის და სხვა.

აგრეთვე ვედრებით მიმართავენ თურსიებ არდოტისას: „თურ-  
სიებო არდოტისაო, შენ დეეშველე და დეეხმარე, მოაგდებინე  
მშვიდობის მუხლი, თღონდ დაგვეშველე და შენ კარზე მოვალო,  
სანთელ ზედაშეს არ ვშურობა“. ახალდაბადებულ ბავშვს ბებია  
იყვანს და უვლის. ბავშვის ბუდეს ნებეში ჩაფლავენ, დედა რძიანი

<sup>1</sup> სერგი შიკლათია, მთიულეთი, ტფილისი, 1930 წ., გვ. 119.

იქნებაო. ბავშვს აკვანში ზრდიან. აკვანი ფიქვის ხისაა, რომელსაც ძირში გაყრილი აქვს კედები და მასზე ლასტია გამართული. აკვანში ქერის ჩაღაა ჩაგებული და გადაფარებულია შალის „ხეჩანი“, რომლითაც ბავშვს შეკრავენ და არტახებს გადაუჭერენ. შიბაქი არ იციან და შარდი ლასტში გადის. პირველად ბავშვს პატარა აკვანში აწვენენ. მეორე და მესამე წელს კი დიდ აკვანში გადააყვანენ.

ავთვალის წინააღმდეგ აკვანზე ჰკიდებენ ღორის კბილს, გველის მიძეს და ნალოც „ქკდეს“. ბავშვი რომ არ შეშინდეს, ყელზე შეაბამენ ჩვარში გამოხვეულ ღორის ჯაგარს: რომ არ იტიროს, აკვანზე ჩამოჰკიდებენ საკმელსა და გახვერეტილ აბაზიანს. ბავშვი წლამდე „წვარისკარად“ უნდა წაიყვანონ და გვარის ხატში ალოცონ, სადაც მიაქვთ სანთელ-საწირი და აქ მას დეკანოზი ამწყალობებს.

ბავშვს მღვდელი ნათლავდა ჩვეულებრივი წესით. ნათლად იწვევდნენ კარგ მეგობარს, რომელსაც მოჰქონდა შესახვევი შიტკალი და სანათლიდედო საჩუქარი. ბავშვს მღვდელი სახელს არქმევდა საეკლესიო კალენდრის მიხედვით. ამიტომ თუშებში დღეს გავრცელებულია ეკლესიური სახელები. მაგრამ, ამასთანავე, დღესაც ატარებენ ძველ თუშურ სახელებსაც.

მამაკაცის სახელებია: აბალო, აბული, ანთაყნ, ალია, ალო, აბუო, ახაი, ამირან, ბაკური, ბერო, ბუჩან, ბზიკური, ბუჯათი, ბერდია, ბაქუზანი, ბეჟო, ბანტურაყნ, ბალატ, ბოხია, ბუეო, ბოთირა, ბერი, ვიგა, ვიგოლე, ვიო, ვიჩალე, ვოგი, გორგა, გულუხაყნ; გოჩა, გოთა, გოგნელი, გაწირი, გოგოთა, გუბი, გულავრი, დარქიზანი, დევდარი, დალხიზე, დაყო, დაქო, დილო.

ელანი, ეკო, ევსო, ვაზუზი, ვეჰია, ვაგუ, ზეზვა, ზობაი, ზურაბი, თათარი, თილი, თისო, თოთი, თორღვა, თურქო, თავბერი, თხურუშა, თლუმა, თარუზან, თუნო, თოკო.

ითაბან, იოგი, იჩო, იჩუაყნ, კანთო, კახო, კიცვაყნ, კარდალი, კინდოლა, კუმტანდი, კეჯილა, კუსო, კოკი.

ლაბაზან, ლაგაზი, ლუყმა, ლუხუმი, ლალო, ლეგო, მარხვა, მანგია, მეშველი, მინდი, მიქა, მოზაყმა, მელაყმა, მაკატო, მეშო, მოზაყმა.

ნაკუდაყმა, ნადირაყმა, ნაჭგურა, ნადი, ნოზა. ოქეი, ოხოლი, ონისე, ოღანე. საგი, საღნო, საგითი, სეხნიაყმა, სურა, სარიდონ, სამო. უთურ-

გაცმ, უთური, უშარო, უთო, ფილა, ფეშუმი, ფუნჩაყა. ქედაი, ქარუმაყმ, ქოთა, ქურაქო, ქუჯა. ლთისო, ლანიში, ლირლი, ლადრი. ყვაჯა, შაბალი, შანქი, შეთე, შველა, ჩაჩაური, ჩეო. ციგუ, ცოვი, ცისკარა. წოე, წვეტო, წიწო. ჭიო, ჭეიო, ჭონქუ, ჭაბრო, ჭიქო, ჭარელი, ჭურიაყმ, ჭიჭანი, ჭვრიტი.

ხედა, ხიზანაყმ, ხვედეგი, ხულო, ხაპარი, ხაჩო, ხიგო, ხიწო, ხოსიკი, ხუტი, ხუტური, ხუცი, ხვანჩა, ხაპრო, ხელო, ხატო, ხევსურაყმ, ჯამრული, ჯაგოდანი, ჯღუნია, ჯარჯი, ჯანთო, ჯანლა, ჯაგო. ტუხე, ჰაიჩა.

წოური სახელები: აფშინა, ბერო, ბელადი, ბაჩულა, გიკური, გიგოლე, დათილი, დინგა, დაყი, დაქა, დარქიზან, იკოპი, შველა, ლაგაზი, დული, ტუიგი, ფოცხვერი, ყიზილა, საიგი, ჯიხო, ჯიმშარი, წკიპო, უშო, ბღუჯო, ჭანთო, შორთი.

თუშის ქალის სახელები: საკო, თახო, ნანა, საბედო, მაყო, მაია, ქაცო, საძო, სააკი, მაგდო, ძეგლო, ქაციკო, შუქრუნა, ქაქოი, ციკრო, მარწყო, შურთხა, ნანელოი, კიკაი, კიკანა, კიკი, მაკუშა, ქრუში, ბარაშო, ზობა, ფისო, ბაქი, მეწყინა, მზექო, ზოყმ, საძო, სამძიმი, მადა, რაოდენი, მთვარია, ვარდო, თეთრო, აგუნდაი, მერცხალი, ბაი, ბერაი, მანიყა, სიო, ქაობი, საგიბათა, იამალაზა, კუკალა, შუქოი, ყრუნწო, ჭოჩრო, კიკნო.

წოური: მეირამი, მუწვირი, გელაინძი, ყომლი, ნათულა, თეკო, ბაუო, წიო, ქაცო, მაკა, ძუაძ, კუნწლარე, ტურფა, შეთხირი, ხოხობი, კუტალი, კიწებ, ჭოჩორა, შუქო, ჭუკი, ანგლო, რუშკა, წიწკარი, ლამზური.

ამ სახელებთან თუშებში გავრცელებულია „თიყუნი“ (ზედმეტი) სახელებიც: ყარტულა, რქაწამძერალი, ჯანდავი, შებუ, ტობრაკა და სხვა.

სათამაშო-გასართობებში თუშებში მიღებულა: კოქაყობა, გილძაყობა, ისარფშეინდაყობა, რიკჯოხაყობა, ქაბუხვაყი (ბზრიალა) და სხვა. სალაყობა. ოთხკუთხედად შემოხაზულ მიწაზე ქვას დაავდებენ და ცალი ფეხით კუთხეებში აგორავენ და ფეხის აუცდენლად ის ბოლომდე უნდა გაიტანონ.

მ გ ე ლ ჯ ი კ ვ ა ო ბ ა. დგამენ მგლისა, ჯიხვისა და სხვა ნადირთა პურის ქანდაკებებს, მიზანში იღებენ და ისრით თოფავენ. ვინც შოახედრებს, ნამცხვარიც იმისია.

გ ა გ ლ ე ჯ ი ლ ა ე ი. ბავშვები ხელგადაბმულები დგებიან, ერთი წამოვა და წრის გაწყვეტას შეეცდება. თუ წრე გაარღვია, ერთსაც თან გაიტაცებს.

ქ ე რ ი ქ ა მ ი ა ე ო ბ ა. ერთი თავს კალთაში ჩამალავს, სხვები უჯანიდან ეპარებიან და სცემენ. ვისაც გამოიცნობს, ახლა ის ჩამალავს თავს კალთაში.

ქ უ ლ ა ე ო ბ ა. ქულს დადებს ერთი, სხვები კი ცდილობენ მის გატაცებას. თუ ქულის პატრონმა მოასწრო გასროლილი ქულის დაქერა და მის გამსროლზე მორტყმა, მაშინ ქულის გამკრავი ძლეულია და ახლა მან უნდა თავისი ქული ჩადგას.

კ რ ო ქ უ ნ ა ე ო ბ ა. სიპ ქვას დააყენებენ და ესვრიან. ვინც მოახვედრებს და სიპს გაიტანს, მანძილს გაზომავენ და პირობა თუ ოცი ნაბიჯია, წაგებულმა გამარჯვებული ზურგზე უნდა შეისვას და განსაზღვრული მანძილი გაარბენინოს.

ც ი კ ო, ც ი კ ო, დ ა მ უ ე. ერთი მგელია, დანარჩენი მოთამაშენი კი — ციკნები, რომლებსაც დედა იცავს. ერთი ციკო გავკ მას დედა დაუძახებს: ციკო, ციკო დამუე (მოდი). ციკო გამოიქცევა, გზაზე მგელი გამოეყიდება და საქმე გასწრებაზეა. მგელმა ციკო თუ დაიჭირა, ის მას გაიტაცებს.

## მიცვალებულის განხვეწვის, ტირილისა და გლოვის წესები

თუშის სიცოცხლე მთაში თუ ბარში მუდამ განსაცდელშია. ცხვარში მას არ უსვენებენ ქურდ-ყაჩაღები, რომლებიც ხშირად ქურდულად თავს ესხმიან და სტაცებენ ცხვარ-საქონელს. ამ შეტაკების დროს თუში მეცხვარე წუთისოფელს ესალმება და თუშებში დღესაც არა ერთი დედაა მტრის ხელით მოკლულ შვილზე დათალბული და მგლოვიარე. ხშირია აგრეთვე სტიქიური უბედურებანი. ზამთრობით აქ დიდი ზვავები, ქარბუქები იცის და მგზავრი ხშირად ამის მსხვერპლი ხდება. მეცხვარის ხრამში გადაჩეხვა და აჭედებულ ხევში დახრჩობაც აქ იშვიათი შემთხვევა არ არის.

ცხოვრების მთელი ეს სიდუბჭირე და სიკვდილის განცდის საშინელება თუშურ ხალხურ პოეზიაში მძაფრად არის ასახული:

ცამან შეყარა ღრუბელი, ნამი ჩამოდის ძირსაო,  
ავაჲ, რა ცოდვა ვიხილე ახალგაზრდაი ყმისაო.



მიხასა უშარაულსა დღე ჰქონდა სიკვდილისაო,  
 მიხაი წყალმან წაგვართო, მოშორდა სამზეოსაო,  
 ატირდა მამა მშობელი, წყალივით ცრემლსა ღვრისაო,  
 ნეტავ სათავე გაგიშრეს, შენ წყალო მადლის მთისაო!  
 — მიხაო, მე უშენოდა ბინა რად მინდა ცხვრისაო!  
 — ნუღარა სტირი, მამაო, არ აწყვინო ღმერთსაო!  
 თუ შეილი გენანებოდა, რათ მანებებდი თავსაო,  
 მე ხომ ყმაწვილი ვიყავი, გამოუცდელი მტრისაო;  
 თან თვალი გამომაყოლე, დაეშორდეთ ერთმანეთსაო.  
 შენ ისევ გულს მოიმქაერებ, ბინას რომ ნახავ ცხვრისაო,  
 მე აღარ მოვაგონდები, ვაი ბრალი მიხაისაო.  
 ვითომ არა გყავს მიხაი, მე აქ მანანებ თავსაო,  
 იე ისევ კახეთში ჩავალ, იქ ვნახავ დედაჩემსაო,  
 მაგრამ იქ ჩასვლა ძნელია, გზა შორით ჩამოდისაო,  
 დავრჩები შუა გზაშია გამორიყული წყლისაო.  
 ვინც მიწა-წყალსა მადირსებს, მადლი ეწევა ხვთისაო,  
 ჩემს სამაგივრად მადლობას უფალი გადუხდისაო,  
 დღევრძელობა ჩემს ბიძებსა, არ მანებებენ თავსაო,  
 მშობლისა ცრემლი მადირსეს, მიმბარ მიწა-წყალსაო,  
 დედას მითხარით მშობელსა, მალეა არ უნდა სიკვდილსა.  
 შეიტყო მაგის დედაში, სამზეოს ბნელში ზისაო,  
 ჩავარდა საგონებელში, მზე არ ამოდის დილისა.  
 დედა მოგიცდეს, მიხეილ, სადამ რას წევხარ ქვის ძირსა,  
 წყალო, სათავე გაგიშრეს, ცოცვა გაქვს მიხაისაო!  
 წამართვი, ჩამომიჩინე, რისთვის მიმალავ შეილსაო?  
 დილით გამოვა, დადგება თვალცრემლიანი წყლის პირსა,  
 გინდა მსწყუროდეს, ვერ დაღეეს, ვითომ ღვარია სისხლისა.  
 — მანდა სწუხდები, დედაო, მე აქა ვწევარ მთის ძირსა,  
 ვინც მშობლის ხელში მოკვდება, რალად ჩივიან სიკვდილსა!  
 სუღარად ზევე მაფარია, ველარა ვხედავ მზის პირსა.  
 სულ ასო-ტანში გამყარა, ცვარი არ დამრჩა სისხლისა,  
 ჩემს მაგივრადა უთხარით მიტროსა მამაჩემსაო:  
 თელავში რისთვის გამზარდე, თუ მწყემსი გინდოდ ცხვრისაო.  
 შეყრილან ჩემი სწორები, წიგნს კითხულობენ ჭრელსაო,  
 მე წასვლა ვეღარ მეღირსა, საბრალოს მიწის ტყვესაო,



ნუ დაიზოგავთ საწესს, რაც საკუთნოა მკედრისაო,  
 ვითომ სამზეოს ვყოფილვარ, განა წილსა ვთხოვთ ცხერისაო,  
 იქ უნდ ვთხოვო დღეგრძელობა ჩემის ძმის აბრამისაო,  
 იქნება ერთხელაც იყოს, სული ახსენოს ძმისაო,  
 ერისტო ბარამიშვილი სწორია მიხაისაო,  
 სამძიმარს შემოუთვლიდა თავიანთ ტირილისაო,  
 თავი გენანოს, მიხეილ, მეცა ვარ შენი სწორიო,  
 სულეთსა ერთად წავიდეთ მონატურ სწორებისაო,  
 ვერ ვავახარეთ მშობელი, გული იცინის მტრისაო,  
 მე ამისი მომღექსობელი საბა ვარ პაჩოშვილიო.

მაგრამ გულად თუშს სიკვდილისა ნაკლებ ეშინია. მისი წარ-  
 მოდგენით სიკვდილი ვაეკაცისათვის მხოლოდ ძილია:

კარგსა ყმას, მძიმედ ნაჭარსა, სიკვდილი ძილი ღვონია,  
 დადება საკაცზედა თავის ლურჯაი ღვონია,  
 ჩადება სამარეშია თავის ლოვინი ღვონია,  
 ყველსა მოხვევა გველისი და მარიამი ღვონია,  
 ქალისა, ზლისა ტირილი ცხენთა ხვივილი ღვონია,  
 დახვევა ჭია-ღვიისი თავისი ობლები ღვონია,  
 ფებთან უბია ლურჯაი, ფებს უცემს არ გამწირავი.

მომავლად ადამიანს წინათ დეკანოზი პურ-ღვინით აზიარებდა,  
 შემდეგ მას ნაბადში შეახვევდნენ და კარში დაასვენებდნენ, სადაც  
 ის სულს დაღვედა. რაც უნდა ცივი და ცუდი ამინდი იყოს, მიც-  
 ვალებულს საბლში არ შეასვენებენ და ცხედარი „ციხემოსობა“  
 ორი დღე-ღამე კარში ასვენია. თუ ამინდი ცივია, ცეცხლს დაანთე-  
 ბენ და ისე ყარაულობენ. ვინც ჭრილობითაა გარდაცვლილი, რომ  
 არ დასივდეს, მას გულზე ნალს ან დანას ადებენ. ცხედარს უდგა-  
 მენ ჩამით ქვამარილს, ხელადა არაყს და გაპენტილ თეთრ მატყლს.  
 მსუდრაავი ცხედარს შესუდრაავს, რომელსაც ერთი წყვილი ჩიბა  
 ეძლევა. მიცვალებულს დედაკაცები მოთქმით ტირიან, მაგრამ ტი-  
 რილი ყველას არ შეეძლო. წინათ ცოლი ქმარს მოთქმით ვერ იტი-  
 რებდა, სირცხვილი იყო. მოთქმით ტირის დედა შვილს, და — ძმას,  
 დედის და და მამის და. ციხემოსობა ღამე იქ მყოფთ აჭმევენ „საშუ-  
 ლამო გორდილას“ და ამ ვახშამზე ყველას ჩამოურთიგებენ თითო  
 მუჭა „ბიჭონს“ (დახალული ხორბალია) და ყანწით არაყს. დილა-  
 აღრიან ცხედარს მამაკაცები დაიტირებენ. მამაკაცები ერთად მოვ-

ლენ, სახეზე ჩოხის კალთებს აიფარებენ, ცხედარზე დაემშობიან და დაიჭვითინებენ. წინათ თუშეთში კუბო არ სცოდნიათ და მიცვალებულს ნაბადში ახვევდნენ და ისე ასაფლავებდნენ. დღეს ცხედარს ასვენებენ კუბოში, რომელსაც დედაკაცები შემოუსხდებიან და ისე ტირიან. მოთქმით ერთი ტირის, სხვები კი ჭვითინებენ. ჯვარდაუწერავ მაზლს რძალი ასე დაიტირებს: „ვაიმე, ვა ჩემს თავსაო, მაზლო, რად დამღუპე, მაზლო, სიდ გასწირე თექაი და ნაბადი. ჯოხი სიდ გასწირე ბაკთ მიყუდებული, ვისამ გაგხედოთ ცხვარამოდენასა, ვისამც ვაფეროთაო. მოგიკვდეს ზალოი, ჩამოგივალის პირისა სახეო, თავენი ბუდეთ გიქმენ თმასა და ქოჩორსაო, ჭიან შეგიჭამენ ბროლისა თითებსა. ქალებ გტირიან, მაზლო, მობილთა ზლებიც გტირიან, ვაიმე, მაზლობითაო. მაზლო, ადექილავ, სალმილ მიეც, მამ შენ მიწვეულ სტუმრებსა. რად დახპატიყენი, თუ არ დაუხვდებოდი. წინდებ მოგიტანეს გადასალოცად. მაზლო, ოკრადაწ დაგრჩა სანეფო სამოსი, სანეფოდ გამზადებოდეთ, მაზლო, მიწის გისტუმრებთაო, სახლს გიყეთებენ უკარუსარკმლოსაო, ხარივ სულწუხაყი, იქ ვერას გაზძლებაო; მოდი, ნუ წახვალ, ისევალ დაბრუნდი...“

დედამთილი პატარძალს ასე დაიტირებს: „ვაიმე, ზალო, ვაიმე, მოგიკვდეს ჩემი თავი! ახალო ყვაეილო, ახლად მომდინარო, შინდერის ბუბუნაყო. ახლა რაყილ ვქნია, ზალო, რად დამღუპე ფონად გუყალავ, ხანა-დრო მოუელელაყო, ჩამოგივალისა ზალო თმა-კოწოლი; მალ შეგეშლებისა, ზალო, პირისა სახეო. ჩვენ ამოვედითა, ზალო, შენ მანდ გაგწირე, ზალო, კახეთშიაო. კახეთ მონაია, ზალო, მალ გაჯურდების. ჩამოგეშლებისა, ზალო, პირის ხეო. მე ვერას გავძლებ, ზალო, უშენოდაო, თანად გამიყოლე!...“

დატირების შემდეგ ცხედარს წაასვენებენ სასაფლაოზე, რომელიც სოფლიდან ცოტათია მოშორებული. კუბოს წინ მიუძღვის აბგაგადაკიდებული კაცი, რომელსაც შესანდობარი პური და არაყი მიაქვს. კუბოს სამარის პირზე დაასვენებენ, ცხედარს ქამარ-ხანჯალს შეხსნიან, წინდა-ჩითებსაც ამოალაგებენ და კუბოს დახურავენ.

კუბოს სახურავი თავთან მრგვლად არის ამოჭრილი. სამარეს სიბი ჭვის ფიქალებით ამოაგებენ და შემდეგ კუბოს ჩაუშვებენ. კუბოს სახურავის ნაჩვრეტში გრძელ ჯოხს დაუცობენ და ზედ ფი-



ქალს დააწყობენ და მიწასაც მიიყრიან. ეს ჯოხი სამარიდან ნახევარი მეტრითაა ამოშვერილი და, როცა საკურთხი ან რაიმე შესანდობარი მიაქვთ, ამ ჯოხს ამოიღებენ და შიგ ზედაშეს ჩაასხამენ. ასეთი საზედაშე ზერელი აქ საფლავის ქვებზედაც არის ამოჭრილი, რომლებშიც ჯოხები ყოფილა ჩარჭობილი.

სამარის თავთან ფიქალ ქვას დააყულებენ, რომელზედაც ამოკაწრულია რამოდენიმე სიტყვა მიცვალებულის ვინაობის შესახებ. სოფ. შენაქოში, სადაც მე დავესწარი მიცვალებულის გასვენებას, საფლავს ასეთი წარწერიანი ფიქალი ჩაასვეს: „1931 წ. კათათვის 15 დღესა მივბარდი მიწას. 4 თვეს ზვავი მეხურა საბნადა, შემდეგ მიპოვეს მოძმებთ და მიმბარეს მიწასა. უდროვით მოვშორდი მზესა, დეტოვე ბერი დედმამა თვალცრემლიანი მტირალი. აქა მდებარე ვარ ეფრო ლევანის ძე ხაჩიძე გარდავიცვალე 26 წლისა წამკითხველნო შენდობა მალირსეთ“. დასაფლავების შემდეგ იქვე ისაუზმეს და მიცვალებულის შესანდობარიც დალიეს. თითო წყვილი წინდა მიეცა მესაფლავეებს, რომლებმაც ბარისა, წერაქვისა და ნიჩბის ტარები სამჯერ დანით ათაღეს და ყველანი მიცვალებულის ოჯახში დაბრუნდნენ. აქ გარეთ ესვენა მიცვალებულის ნიშანი, გაშლილი ტანისამოსი, რომელზედაც ეწყო: ქუდი, ქამარ-ხანჯალი, ჩითები, წინდები, გაპენტელი მატყლი, მარილი და ხელადა არაყი. ამ ნიშანსაც დედაკაცები უსხედან და რიგით ტირიან.

სახლში იშლება „პირსამხსნილო“ სუფრა და მიცვალებულის შესანდობარს ხელში არაყიანი ყანწით უფროსი წარმოთქვამს: „შეგინდოსთ ღმერთმა, სულნო (იტყვიან სახელს). როგორც წესი და ადათი არის, მოუშაღებია ხარჯად შენს მემკვიდრეებს სასმელი, საკმელი. იმ ქვეყანაში შენს ნებას ჰქონდეს გაუთავებელი; მდიდრად იყავ იმ ქვეყანაში, მანამ ცა-მზენი არიან. მოიხსენიოს. შენი წადინით, შენი ნებით, შენი ნათესავეები, წასული დები, ძმები, მშობლები, უპატრონო გარდაცვალებულები, ვისაც მომკსენე არავინ ხყვანდეს, სუ ყველა მოიჯსენიოს შენი წადინით და შენი ნებით. ძალად ნურავინ შეგეცილება, წინააღმდეგ არავინ გაგიკდება. შეიწყალოს, მანამდის გარ საჯნავსა კნავს, წისქვილი ფქვავს, ცას ცვარი ჩამოზდის, გორს წვანილი ამოდის. ჩემის თქმით, მღვდლის წიგნით, იერუსალემის მადლით, დავით დასტურ დაცემით“.



ყველანი შესვამენ. გაშლილ სუფრას პირველად მაშველები მოუსხდებიან და სადილობენ, შემდეგ კი ქალები სხდებიან. მზის გადახრისას ნიშანს სახლში შეიტანენ და ტახტზე დაასვენებენ, სადაც ის წლამდე გაშლილია.

მგლოვიარე ქვრივი „კიკინოს“ შეიჭრის და „კოწლებს“ მანდილის უკან დაამალავს. გაუთხოვარი ქალი, თუ ძმაზეა მგლოვიარე, კოწლებს იმალავს, გათხოვილი კი კიკინებს შეიჭრის. მამაკაცებს გლოვის ნიშნად „თმის სხმა“ სცოდნიათ ერთ წლამდე, რომლებსაც წლის ბერებს თურმე ეძახდნენ. შემდეგში ეს ვადა ხალხს ორმოც დღემდე შეუშვებია, რადგანაც ეს წესი მეკობრობას თურმე ხელს უშლიდა. სოფ. ომალოში, „სახალხო ვორაქზე“, საიდანაც ხალხს მოუსიტყვებდნენ სოფლის უფროსები თემის ან სოფლის ამა ან იმ გადაწყვეტილებას, დღესაც დარჩენილია ნაგები დაბალი ყორე. ამ ყორესთან ომალოელებს თმის სხმის ვადა ორმოცი დღით განუსაზღვრავთ და დაუფიქნიათ: „ვინც ამას დაარღვევს, ძალდი იყოს მისი სულის სანათლაღვიო“. ჩვენ აქ მოვიყვანთ ლექსს, სადაც ვასვენების ეს წესებია გალექსილი:

ცის ქუხილივთ გაისმა პირიქით დაჭრა გმირისა,  
 სუყველა ამას სჩიოდა: გვეგსნება რკინის კარია,  
 მძიმე დაჭრილსა აშობენ გარასა დარცალისია,  
 ველარ შველიან ექიმებ, სხედან, ჩუმადა სტირიან.  
 ველარც მკითხავენ შველიან, ვედრება იმათ პირისა,  
 მიზეზთ რას ეძებთ სხვა და სხვას, ღლეს წერა იყო იმისა,  
 სუყველა ამას სჩიოდა: გვეგსნება რკინის კარია,  
 კუბოს ფიცრებად შხადდება ქვის ანათალი სიბისა.  
 კარგ საფლავ უნდა გარასა, წვიმა არ ჩაუფიდესა,  
 მტრის ჯაგრს არ სჭამდა ვაჟკაცი, არ გააგონებს კენესასა;  
 გარაის დისა ტირილი სანთლად დაენთო ზეცასა,  
 აელო მთელი მთა-ბარი თამარის მოთქმა-კენესასა,  
 თმები დაიჭრის გიშრისა, ათეულს გვანდა კრებასა.  
 ცოლის გულსა ხვდა ლახვარი, თურ ტირილს ვერას ბედავდა.  
 ჩუმად იტირებს ბეჩავი, როცა არავინ ხედავდა,  
 სიკვდილსა აღარ ღნებდებოდ, კერპობა ხქონდა წესადა,  
 უნდა კმალი სცეს მტარვალსა, თუ სად მოუვა კვლადა.

სული ამოდის გარაის, დევსა ღვეანდ რკინის მკვნიტავსა,  
დედმამას ანდერძს უწირავს: „შანშეს მიეცით კმალია,  
სხვის ჯვლში ნუმც შეგულების, სხვა ღირსი არვინ არია,  
ხანჯარი ფუნჩაის შვილსა, ის კარგი მეომარია,  
ფარი და ჭაჭვი ლეგასა, ჯერ ომში შეუვალია,  
თოფი მიეცით ელიზბარს, ის კარგი მეომარია,  
ჩემ ცხენი ძმობილს მიეცით, ხვალ იმან უსვას გავასა,  
ალალიც არის იმაზე, ნურც თქვენ დაუწყებთ დავასა!“  
ესა თქვა, გაქრა, როგორც შანდალში სანთლის ნაწვიო,  
სახლში დაღევა სულისა წეს არ არს ძველთაგანია.  
დერეფანში წევს გარაი თვალდაბუქული, მკვდარია,  
თავით დაუდეს იმასა თოფი, ფარი და კმალია,  
გულზე დადევს ხანჯარი, კმაღმეუვალი რვალია.  
ფეხით უდგია ლურჯაი, ორთ უპყრი ლაგმის ტარია.  
ტოტს უცემს, ელის პატრონსა, დაუგვიანდა მგზავრია.  
სოფელში გაიძახიან: ვაიმე, რა გვეშველებო,  
კარგები გვეპოცებიან, ბეჩაევი ჯელად გვრჩებო.  
დედა ვაცხოწე იმისა, ჭირიმე იმის გამზღლისა,  
რომ არ წაიღო საფლავში ლაფით მოსვრილი პირია,  
პირნათლად წავა შავეთსა, საც იმის წინაპარია.

საბა ითიურიძე, სოფ. გირფვი.

თუშეთში დიდი მწუხარების ნიშნად მგლოვიარე დედაკაცი წი-  
ნათ მარჯვენა უბეზე „ქოქირას“ იკეთებდა. ქოქირა ლითონ-  
ისაა და ჭაჭვის პერანგივით არის მოქსოვილი. ის ვიწრო და ჩაგრ-  
ძელებულია, რომელსაც ბოლოზე შალის შავი ფოჩი (ქოქირა) აქვს  
გაკეთებული. ქოქირა ვისაც არა აქვს, ის თხოულობს და მას გან-  
საზღვრულ ვადამდე ატარებს. შემდეგ ისევ პატრონს უბრუნებს.  
მგლოვიარე დედაკაცი ქოქირას ერთ წლამდე მაინც ატარებდა. გო-  
გოებს ქოქირას ზურგზე უკეთებდნენ. ქოქირიანი ქალები ყოველ  
შაბათს მდინარე წყალთან მივიდოდნენ, ქოქირას ფოჩს წყალში  
ჩაბერტყავდნენ და იტყოდნენ: „შეიწყალოს ღმერთმან!“ (მიცვა-  
ლებულის სახელს ახსენებდნენ).

ქოქირას მოხსნისას მგლოვიარე სამ კოტორს გამოაცხობდა,  
სანთელს აანთებდა, არაყსაც დადგამდა და მიცვალებულს დაიტი-  
რებდა, შემდეგ სოფლის გარეთ გადიოდა და ქოქირას იქ შეიხსნი-

და. ქოქირას ფონს დაკუწავდა და გადაყრიდა, ჯაქვს კი თან წა-  
მოიღებდა. თუმეითში ქოქირას წინათ ყველგან ატარებდნენ, მხო-  
ლოდ სოფ. ომალოს ქალები ხატის შიშით მას არ იკეთებენ, რომ  
წასნეს ხატმა არ დაგვამიზეზოსო. ქოქირას აქ უკვე არ ატარებენ  
და ის დღეს იშვიათი სანახავია.

დედათბირება. წლის თავის გადახდამდე ჭირისუფალი  
ყოველი თავის პირველ დღეს ფაფას მოხარშავდა, კომლზე დედა-  
კაცს დაიწვევდა (მამაკაცი არ მიდიოდა) და მიცვალებულის სულს  
შენდობით მოიხსენიებდნენ. მაგრამ თუმეებში ყველაზე მნიშვნე-  
ლოვანია „წლის ალუდიისა“ და მასთან დაკავშირებული  
„სადგინის“ (ცხენის რბევა) გადახდა. მიცვალებულის ამ  
წლისთავსაც ჭირისუფალი დიდი ქელებით იზღის. ამისათვის იხარ-  
შება ლუდი, ცხეება პური და იკვლება რამდენიმე საკლავი. წლის-  
თავზე დაწვეულია მთელი სოფელი. ნათესავ-მოკეთეებს თან მიაქვთ  
„სანიჭრად“ კვრეული ყველი, ზოგს კოდი ქერი, ჭედილა ან ძრო-  
ხა, ფულით 1—5 მან და სხვა. ამ დღეს მიცვალებულის ნიშანსაც  
გარეთ დაასვენებენ. ნიშანზე გაშლილია მიცვალებულის ტანისა-  
მოსი და რამდენიმე წყვილი წინდა, ალაგია ჩითები. აქვეა სათამ-  
ბაქო ქისა, გაპენტლი მატყლი, ქვამარილი, ხელადა არაყი, ბიჭო-  
ნი და სხვა. აგრეთვე დგას ალუდიანი საწდგე. ნიშანს დედაკაცები  
მოუსხდებიან და ტირიან. გამოდის ხუთი მხედარი და დალაობა  
იწყება. მოდალავე მიცვალებულის ცხენზეა შემჯდარი. ცხენი შავი  
საფენითაა დათალბული და ზედ ხურჯინიც ჰკიდია. მოდალავე  
მხედარი შუაშია მოქცეული და ის სევდიანი კილოთი იწყებს მიც-  
ვალებულის შექებას, სხვები კი მონოტონურად უბანებენ: დ-ლ-ა  
... დ-ლ-ა ...

ამასთანავე ჭირისუფალი, დედა თუ და, მწარედ მოთქვამს და  
მთელი ეს სურათი ქმნის მწუხარების მძიმე შთაბეჭდილებას. და-  
ლაობა! ასე იწყება:


1 „დალა“ ქისტურ-ჩაჩნურად, Dalae — დაღე, დალა, ნიშნავს ღმერთს.  
(В. К. Мальсагов, Ингушская грамматика со сборником ингушских слов,  
Владик., 1915 г., стр. 139; проф. Б. А. Алборов, Ингушское «Гальерды» и  
осетинское «Аларды», Изв. Ингуш. Научно-исслед. инст. Краеведения,  
Владик., 1918 г., стр. 356). ამ სიტყვიდან წარმოებული თუმური დალაობა  
ნიშნავს „ღმერთი ვახსენოთ“. საყურადღებოა, რომ ჩვენში ამავე სახელით  
ცნობილია სვანური ქალ-ღმერთი დ-ლ-ა.

დალა-დ' მკედრებო, ძნელი არს დალაობაო.  
 ბრალი ხარ, ბოსელაიძევე, შენი ულაშქროდ სიკვდილი;  
 დედან გტირიან შეილობით, დანი ძმობითა გტირიან.  
 ეგ შენი დედა ბეჩავი სანთლებურ ჩამოდნებოდეს,  
 ეგ შენი ცოლი ბეჩავი სუროვით ექანებოდეს.  
 შენის გვარისა ქალ-ზალი შავით რო იმოსებოდეს,  
 შენი ცხენი და აბჯარი ლაშქარს არ იხარჯებოდეს.  
 ლაშქარს გიკითხვენ სწორები მაგ შენის ლურჯის ცხენითა,  
 შენის სიათის თოფითა ლაშქარს ხარ წითლის დროშაგო,  
 გმლიანო, სახელიანო, მომტრეო, მოსამართლეო.  
 გამრიგევე თუშეთისაო, ჩვენის მკარისა თვალიო.  
 კარზე გიდგანან სტუმრები, შინამ არ შეუძღვებია?  
 ვაეი ხარ სახელიანი, კარგამ არ დაუხვდებია?  
 ლომო, შენ ბოსელაიძევე, სტუმარად დღე ხარ მზიანი.  
 შენი ნაცვამი სამოსი დარბაზს არ იცვითებოდეს,  
 შენი ნაწოლი ლოგინი ია-ვარდივით კენებოდეს,  
 შენი წვერი და უღვაში მწვენილად ამოდლიოდეს.  
 კახეთში კახნი გიკითხვენ: არს ქისტეთ დიჩინსთანო,  
 დიჩინიანთას გიკითხვენ: არს ქალაქს, ჯარებს ხყრისაო.  
 ქალაქს კითხულობს ბატონი, წასულა უფალთანაო.  
 ნეტა შენ, საიქოსა შენ შეხვალ მტრედის ფერადა,  
 სუფრა გიდგ გარიგებული, გაკეთებული თეთრითა,  
 კოდნიც გიდგანან სავსენი, გადმომდინარი პერითა,  
 ზედ გიდგას მეღვინეები, ხუცესნი დიაკვანითაო.  
 ამოიღებენ, დალევენ ვერცხლისა ვაშრაპებითო,  
 შენდობა ბოსელაიძევე, ღმერთმა გაცხონოს სულითა!

დალაობის დროს მხედრებს მწდეები ლუდით სავსე ჩიკურა-  
 გებს<sup>1</sup> აწვდიან. მხედრები ცოტა ლუდს ცხენის ფაფარზე დაასხა-  
 მენ და შესვამენ. დასასრულს, „ჭირისპატრონი“ მხედრებს შეს-  
 თხოვს „დედისძმათვე არბიეთ ცხენებია“ და მხედრებიც ხელში  
 ბაირალით მიცვალეხულის დედისძმისას მიდიან. ბაირალი შემოსი-  
 ლია ფაბრიკული თავშალით (ალშით) და ზედ ჩამოკიდებულია ერ-

<sup>1</sup> ჩიკურაგა — ჭიხვის რქის ყანწი (რ. ე. დ.).





დ. ლაობა

თი წყვილი ჩითები, წინდა და სათამბაქო. მხედრებს წინ „მელუ-  
 დე“ გაუძღვება, რომელსაც ალუდი და სუფრა მიაქვს.

სოფელში მიცვალებულს დედისძმა თუ არა ჰყავს, მხედრებს  
 დედისძმის საგვარეულოდან ვინმე დახვდება და წესისამებრ მი-



დალაგება და მიცვალებულის დატოვება წლისთავზე

იღებს. დედისძმისას გაშლიან ფლასს და სოფელში თუ სადმე მიცვალებულის ნიშანი ახვენია, მას ინათხოვრებენ და ამ ფლასზე დაასვენებენ. თუ არადა მასზე ქერს დაპყრიან და „ნაწილს“ დააწყობენ: მარილს, მატყლს, წინდებს, ჩითებს, საზედაშე ჰურებს ხორციით, არაყს, ლუდიან საწედს და ტაშტით რძეს, რომელზედაც კოჭო (შეტონილი ბალახი) დევს.

მხედრები მოსვლისთანავე ბაირაღს ნიშანზე დაასვენებენ და აქაც დალაობას იმავე წესით შეასრულებენ. მხედრებს მწდევები სთავაზობენ ლუდიან ჯიქურაჯებს, მეღვინეები კი ხის თასებით ყველას დაუვლიან და შესანდობარს შეასმევენ. დალაობის დისას-



საზედაშე ხინკლები მიცვალებულის წლისთავზე

რულს მხედრები ცხენებს ფიფარზე თეთრ ნაჭრებს შეაბამენ, თითო მუკა ქერს შეაქმევენ და რძეს ქოჯოთი გულ-მკერდზე შეასხამენ. ბაირალს დედისძმისას ერთი თუ ორი წინდა უნდა ჩამოჰკიდონ. მხედრებს დედისძმა სახლშიაც დაიწვევს და მცირე სუფრას გაუშლის. შემდეგ მხედრები ბაირალს აიღებენ და მიცვალებულის სოფელში ბრუნდებიან, სადაც სადგინი (დოლი) იმართება.

სადგინში მონაწილეობის მიღება მიცვალებულის სოფელში ყველას შეუძლია. სხვა სოფლებიდან კი ჭირისუფლის ნათესავები გზავნიან თავიანთი ცხენოსნებს, რაც მათთვის სასახელოა: სა-



დოღე ცხენს წინათ თუშები საგანგებოდ წვრთნიდნენ და მას არ ამუშავებდნენ. ყოფილა ისეთი ცხენი, რომელსაც 53 ალაში აუღია. ასეთ ცხენს პატრონი საგანგებოდ ინახავდა და მას არ ჰყიდდა. რბევის წინ ცხენოსნები შეჯგუფდებიან, სადოღე ცხენებს ნიშანიდან აღებულ თითო მუქა ქერს შეაქმევენ და ფაფრებში თეთრ მატყლსაც ჩაუწნავენ.

დოღის ადგილი და მანძილი სოფელში განსაზღვრულია. მებაირალე აიღებს ნიშანზე დასვენებულს ბაირალს, ჰენებით მივა და ნიშნულ ადგილზე და ბაირალსაც იქვე ჩასვამს. ცხენოსნებიც შექუჩდებიან სარბევის მიჯნაზე. მათ წინ დაუდგება ხელჯობიანი მოხუცი, რომ ნიშნის მიცემამდე ცხენი არავინ გააქციოს და ამით წესრიგი არ დაირღვეს. მხედრები აქ რბევაში გაწვრთნილ ბიჭებს თავიანთ ცხენებზე შესვამენ და მოხუცის ნიშნის მიცემისთანავე ყველანი გააქენებენ. ბაირალთან დგას მეთვალყურე, რომელიც დაწინაურებულ ცხენოსნებს მოსვლის რიგის მიხედვით ნომრებს ურიგებს. პირველ ცხენოსანს ერგება ალაში, მეორეს — ჩითები, მესამეს — წინდა, მეოთხეს — ქურო (ხელთათმანი), მეხუთეს — სათამბაქო ქისა. დანარჩენებს კი, „ცხენჯამაგირში“ ეძლევათ ხუთ მხედარს ერთი თოხლი, რომელსაც თვითონ ინაწილებენ. ცხენოსნები უკან ბრუნდებიან და ბაირალს ისევ მიცვალებულის ნიშანზე ასვენებენ. ნიშანთან დგამენ ალუდიან კოდს. იქვე გამწკრივებულია „საზედაშე ხინკლები“. ეს პური მრგვალი ფორმისაა და მეკომურთა რიცხვის მიხედვით ცხვება. ამ ხინკალზე მოკლე ჯობია ჩასმული და ზედ ჩამოკიდებულია თეთრი ან წითელი ფერის ნაჭერი და გაპენტილი თეთრი მატყლი, გვერდით უდევს კოშტი მარილი. ნიშანს დედაკატები მოუსხდებიან და ერთი მოთქმით იტირებს. მოვლენ მხედრებიც და ისევ დალაობას დაიწყებენ. შემდეგ ქელეხის სუფრა იშლება და ქალი და კაცი ცალ-ცალკე ჩამწკრივდება. სუფრაზე უხვად ჩამოარიგებენ პურს, ქუმელს, ყველს და ხორცს. ყველანი შეექვევნიან და მიცვალებულის შესანდობარსა სვამენ. ამ დღეს „პირისმკრავი“ მიცვალებულის დედ-მამას ან და-ძმას, ვინც წლამდის ხორცს არ ჰკამდა, სალუდეში შეიყვანდა, ხელში მისცემდა ლუდიან თასს, რომელშიაც ღვიძლის ნაჭერი ევდო და მას შეასმევდა. ამის შემდეგ მგლოვიარე ხორცს ჰკამდა. ქელეხის დასასრულს შესანდობარი ხინკლები მეკომურებს შინ მიჰქონდათ.

ჭირისუფალი მოსანიჭრეებს ატანდა ერთ ვაშრაპა ლუდს და პურს თავისი სატნით (ხორცი, ყველი). ამით მოსანიჭრე თავის სოფელში მეზობლებს უმასპინძლდებოდა, სადაც იტყოდნენ: „ნამცხვარ-ნადულარი ვისიცი იყოს, შოიქსენოსო“. ბოლოს იმართება „შაბაში“. ლუდიან ჭიჭურაგებს ერთმანეთს გადაულოცავენ და ამ გადაჭარბებულ სმაშიაც კოდი დაიცლება. ამის შემდეგ მიცვალებულის ნიშანს იღებენ, თავიანთი „ცხენჯამავირის“ მისაღებად ცხენოსნებს დაუძახებენ და ვისაც რა ერგება, იქვე აძლევენ: ალამს, ჩითებს, წინდებს, თოხლს და სხვა. მიცვალებულის ცხენს წინათ თურმე დედისძმას აჩუქებდნენ, ტანისამოსს კი ღარიბ ნათესაგებს უნაწილებდნენ. ზოგჯერ მკითხავსაც შეეკითხებოდნენ, ვისთვის მიეცათ ცხენი. მკითხავი იტყოდა, რომ სული თხოულობს, ამას (დაასახელებს ვინმეს) მიეცესო. დღეს ამ ცხენსა და ტანისამოსს არავის აძლევენ და ოჯახშივე რჩება.

ყველაზე დაწინაურებული ცხენოსანი მონაგებ ალამს სახლში წიილებს და იქ ოთახში ჩამოჰკიდებს, რაც აქ ესახელებათ. სოფ. შენაქოში არის ოჯახი, სადაც ათამდის ასეთი ალამია კედელზე გამწკრივებული. ნიშანზე რაც დარჩება: მარილი, მატყლი, წინდები, ჩითები და მოსანიჭრეების მიერ მიყვანილი თოხლი, „ლაბაჯზე“ ან „საიხრეველოზე“ გაიტანენ და მარილის ნაცვლად პურს ჩადგამენ. ჭირისუფალი ირჩევს „შეკვლეს“, რომელიც ლაბაჯობის მანძილს განსაზღვრავს და მოისრეებსაც თავს მოუყურის. მეთვალყურედ ლაბაჯზე ერთს დააყენებენ, რომელსაც ევალება ისრის მონახვედრის გასინჯვა და ლაბაჯობაც დაიწყება.

შვილდოსნები რიგით ისვრიან და ვინც ნიშანში ამოღებულ საგანს მოახვედრებს, ჩითები იქნება, წინდა თუ სხვა, ის ნივთი მისია. თუ პურს მოხვდება, მარილი ან თოხლი ერგება, იმის მიხედვით, ეს პური რომლის სანაცვლოდ არის ჩადგმული. როცა სროლის ეს ერთი რიგი მოთავდება, იწყება მეორე და მესამე და ასე. ხანამ ნიშანში ჩადგმულ ყველა საგანს არ აიღებენ. იმ შემთხვევაში, თუ ერთსა და იმავე საგანს რამდენიმე ამხანაგმა მოახვედრა, წილს ყრიან და ის ერთს ერგება, მაგრამ მან სხვების წილი უნდა შეისყიდოს.

ლაბაჯობას პირიქით ზეობის ზოგიერთ სოფელში შვილდისრის

ნაცვლად ფეხით გაჭენება სკოდნიათ და ვინც ნიშანში ჩადგმულ  
ნივთს პირველად ხელს დაავლებდა, ის მას რჩებოდა.

ამ ღაბაჯით თავდება მიცვალებულის ეს წლის თავი, რომელ-  
ზედაც საშუალოდ იხარჯება 5 კოდი პური, 9 კოდი ალუდი, ხუთი  
საკლავი, ყველი და სხვა. საწლისთაო სადგინ-ღაბაჯს თუშები მხო-  
ლოდ მამაყაბებს უხდიან, ხნოვანებით არა ნაკლებ ცხრა წლისას.

ღედაკაცებში კი „დამლევს“ თუ გადაუხდიან, ე. ი. უპატრონო  
და უმემკვიდროს და ისიც იშვიათ შემთხვევაში. ზოგჯერ უშვილო  
ბერიკაცი ამ ქელეხ-სადგინს სიცოცხლეშივე იხდიდა, რასაც  
„თ ა ვ დ ა მ ა რ ხ ვ ა ს“ უწოდებენ. თავდამარხვის დღეს ცო-  
ცხალი მიცვალებული თავის ქელეხში არაფერს შეჭამდა, პურსა  
და ხორცს არ მიეკარებოდა — ნაკურთხიაო. მოდალავე მხედრებ-  
საც თვითონვე უმასპინძლდებოდა, ცხენოსნებსაც ალამ-წინდებს  
ურიგებდა. მოსანიჭრეებს ის ასაჩუქრებდა ტანისამოსით, ლოგინით,  
ჭურჭლით და სხვა. თვითდამარხვის ეს წესი თუშებში დღეს მოს-  
პობილია.

მაგრამ მიცვალებულს თუშები შემდეგშიც არ იეიწყებენ და მას  
სუფრასზე ყოველდღე შენდობით იხსენიებენ. ამასთანავე, წლის  
განსაზღვრულ დღეებში მიცვალებულს აქ ტაბლას უდგამენ.

ყველიერის წინ „ხორციელისკვირას“, ოჯახებში აცხო-  
ბენ ორ დიდ ხინკალს (პურს) და მიცვალებულს ტაბლად უდგამენ.  
ამ დღეს სახლს არ დაგვიან, რომ მტვერი მკვდარს არ დაეყაროსო,  
ქვას არ ისერიან, მკვდარს მოხვდებაო და არც ჯოხს და სახრეს მო-  
იქნევენ, მკვდარს არ მოხვდესო.

დიდმარხვის პირველ ხუთშაბათს, სულთაყრების დღეს, აქ იციან  
„იერუსალეთობა“ და აცხობენ ერთ ლიტრიან დიდ პურს,  
მოხალავენ სამ გირვანქა ბიჭონს, სატნად ლობიოს ამზადებენ და  
ერთ ხელადა არაყსაც დადგამენ. ოჯახის უფროსი ბიჭონსა და პურს  
კერის გარშემო სამჯერ შემოატარებს და იტყვის: „ჩვენთა მკვდარ-  
თამ წყუყაო, მშვიდობითამც იმგზავრებენო, ავი და არამიმც ნუვინ  
დაეწევაო, როგორც ჩვენი ალალია, ისე თქვენი ალალი იყოს.  
სხვათა ზიარ ნუ დარჩებიითო, სხვათა ნუ უყრებაუ, ალალადამც  
მოგივალსთაჟ“. მზის ამოსვლის შემდეგ სუფრას კარში გადგამენ,  
პურს დაკრიან და ყველას აჭმევენ. იერუსალეთობის ეს პური,  
ხალხური რწმენით, დიდი უნდა იყოს, რომ გავორდეს, იერუსა-

ლამის კარებს მაგრად დაეჯახოს, შეაღოს ის და მიცვალებულს მი-  
უვიდესო.

დიდმარხვის ერთ რომელიმე საღამოს წინათ თუშები შეიკრიბე-  
ბოდნენ ახლად მიცვალებულის ოჯახში, სადაც მიჰქონდათ წანდი-  
ლი და სანთელი. აქ დეკანოზები მიცვალებულის შესანდობარს  
იტყოდნენ და შემდეგ ყველანი წანდილს შეეჭკოდნენ. ამავე დროს  
მიცვალებულის სახლიდან ახალგაზრდა ქალები ჩუმად გაიპარე-  
ბოდნენ, რომ ეშმაკებისთვის ყური დაეგდოთ და მათი ზრახვანი  
გაეგოთ. ქალები სახელებს იცვლიდნენ და სადმე მოშორებულ ხევის  
ჩირგვეტში დაიმალებოდნენ. მარჯვენა ფეხს ფერფლზე დადგამდნენ  
და იქ განაბულები ისხდნენ. ლამის წყვილიადში ხმაური მათ ტირი-  
ლად ან სიმღერად ესმოდათ და ამის მიხედვით წინასწარმეტყვე-  
ლებდნენ ამა თუ იმ ოჯახის ბედზე. რომელიმე ოჯახიდან ტირილის  
ხმა თუ მოესმოდათ, იქ წლის განმავლობაში ვინმე უნდა მომკვდა-  
რიყო. ცრუმორწმუნე სოფელს ეს სჯეროდა და განწირული ოჯა-  
ხიც თავის ბედისწერას ელოდა.

თუშებს სულისა და საიქიოს არსებობაც სწამთ და აქ მიცვალე-  
ბულის სულის მოყვანაც იციან. წყალში, ან ზევეში დაღუპული  
ადამიანის სულის მოსაყვანად ხევსურეთიდან იბარებენ კარატელ  
დეკანოზს, რომელიც თავისი დროშით გადმოდის. დეკანოზი მივა  
მიცვალებულის დაღუპვის ადგილზე, იქ დროშას ჩაყოფს, შემდეგ  
ისევ ამოიღებს და ძუნძულით მიცვალებულის სახლში გამოიჭყევა  
და აქ ამ დროშას დაბერტყავს. ხალხის რწმენით ამ დღიდან მიცვა-  
ლებულის სული ოჯახში ბრუნდება და მის ტაბლასაც უდგამენ.

თუშების წარმოდგენით სულეთის (საიქიო) მფარველი „ბა-  
ტონია“ და სულეთის წინ „მეფეფროსენი სხედან“, რომლებსაც ხელ-  
ში მაკრატლები თურმე უჭირავთ და ცოდო-მადლს გაიკითხავენ:

სულეთისაიმ ვინ იცის, სულეთს რა სამართალია,  
სულეთს რომ სამნი ხენ დგანან, წვერ ცაში მიბჯენილია,  
იმ ხის ძირ წყარო გამოდის სასმელად სანატრელია,  
შიგა სდგას თასი ვერცხლისა, ხელში ალებად მადლია.  
ბევრი მოდგება ცხენ-ჯორი, ძუა ფაფარი კრულია,  
იმაზედ მჯდომი მხედარი, პირს ლახტი დადებულია,  
იმას მოხყვება ქალ-რძალი, ჩოხ-პაჰკო მოჭუჭკულია,

იმით მოხყვება ყმაწვილი, დედ-მამის მოძებარია.  
სულეთში მატყლი, მარილი თეთრის კარისა ფასია,  
თამაქოი და ბიჭონი ერისა მარგებელია.

სულეთში სამოთხე და ჯოჯოხეთი გაყოფილია ანთებულის კუბ-  
რის წყლით და მასზე გადებულია ბეწვის ხიდი. ამ ხიდიდან ცოდ-  
ვილი კუბრით ანთებულ ჯოჯოხეთში თურმე ვარდება. საიქიოში  
ცოდვის მქნელს ენის წვერს ანთებულ კუბრის ქვაბში უყოფენ. სა-  
მანის შემრყევს მეუფროსენი მიუსჯიან ჯოჯოხეთში ზურგით მძიმე  
ჭვების ზიდვასო:

„სამნის სამძვლრისა შემრყევსა ზურგზე აბკიდეს ქვანიო“,  
ნათლიდედის შეცდენა მძიმე დანაშაულიაო:  
„მას გამოსჭრიან სამწვადესა, შიგ უყრიან დანის წვერსა“.  
ტყუილის მოქმელს ენის წვერს აჭრიან:  
„მოხკენიტენ ენის წვერსა, რად არ იუბნე სწორია“.

წისქვილში ქურდობა და ობლებს მიტოვება დიდ ცოდვად ით-  
ვლება:

„წყალ-წისქვილის მოღალატეს ჯოჯოხეთს ხქონდეს ალიო,  
დელას, ობლის გამწირავსა, ყელს ახვიაჲ ქრელი გველიო“.

ცოლ-ქმრის გაყრა და შვილების დაგდება მძიმე დანაშაულიაო  
და ასეთი ცოლ-ქმარიც საიქიოში იტანჯებიაო:

სამზეოს მოკლებულები სამოთხეს იყრებიანო,  
ანთებენ სანთელს კელაბტარს, წინ სუფრას გაიშლიანო,  
ახალგაზრდანი ქალები სანთლის შუქს ჩამოსხდიანო,  
ახალგაზრდანი ბიჭები ფეხზეა გალობდიანო,  
ახალგაყრილთა მეუღლეთ ყმაწვილნი ეძებდიანო,  
ტირილით დელას ეძებენ, ხელ ხკრიან, გააბრუნიან:  
„შენ გან ჩვენ დედა გქვიანო, ჩვენი დამგდები ხარიო!“  
შიმშილით შეწუხებულთა ხმა ველარ ამაილიან,  
წყალისა მოწყურებულთა თითები იქამიანო,



ახალგაყრილთა მეუღლეთ მანდაცა ატყობდიანო,  
 არც თვალებს ხქონდა სინათლე, არც ბაგე ეშლიანო,  
 უფლის ნაკურთხსა გვირგვინსა ტოტები სწყდებოდიანო,  
 სულეთს ბერი და მოხუცი საკლაეებს მწყლოდიანო,  
 ვისაც არა ხყავს მოწყალე, პირუტყულმ წაბრუნდიანო,  
 მე მაგის მომლექსებელი ბაქვიანთ კობე მქვიანო.

### ც რ უ მ ი რ წ მ უ ნ ი ი ბ ა

თუშეთის საზოგადოებრიობა თემურ წყობილებას არ ვასცილებია და მისი რწმენა და იდეოლოგია ამ თემობრივობის სულით იყო გაუღენთილი. საზოგადოების ამ საფეხურს ახასიათებს მაგიურობის რწმენა, როდესაც ანიმისტური რწმენით შეპყრობილი ადამიანი, ბუნების სარგებლიანი გამოყენების მიზნით, ჯადოსნური ხერხებით მიმართავდა რალაც უჩინარ და საიდუმლო ძალას.

მაგიურობის რწმენის ამგვარი გადინაშთები თუშებში დღემდის შემონახულა.

„მ ზ ე ბ უ ღ ო ბ ა“. გაუთვითცნობიერებელი ადამიანისათვის მზის ღვთაებრიობა უდავო ჭეშმარიტება იყო. მზე სინათლისა და სითბოს დაუშრეტელი წყაროა და ცრუმორწმუნე ადამიანი მას თაყვანსა სცემდა, სხვადასხვა რიტუალის შესრულებით ცდილობდა მისი კეთილი განწყობილების მოპოვებას. ამ მიზნით ცხრა დეკემბერს, როდესაც იწყება ზამთრის მზის მობრუნება, „მზებუღობის“ რიტუალს ასრულებენ და მზის ანგელოზს მაჰკატს უცხოებენ. ამ მაჰკატს ხაფიწით, არყით და ერბოთი ზონჩაზე დააწყობენ. ოჯახის უფროსი დედაკაცი ან მამაკაცი სანთელს აანთებს, ერბოს ცეცხლს წაუკიდებს და ასე დაილოცება: „მზეო, მზის მყოლო ანგელოზო, დაგელოცა სავალი და სადგომიო. დაგვადექი თვალწალმე და გულწალმე, ბედით მომავალო; დაგვიწერე კაც-საქონელს ჯვარი, ნურას მოვეცემ რიალ-ზიანსა. ჯვარ დაგვიწერე კაცსა მთაშიო და ბარშიო. გვიმატე ფურსა, ფურის ხბოსა, ფურის წველასა!“ როცა მზე სახლს მოადგება, სარკმელში დებენ მაჰკატს, მატყლს, ერბოს და ანთებულ სანთელს.



ამას ჩქარა მოჰყვება 25 დეკემბერი, როდესაც მზე მატუბის იწყებს. ამ დღეს თუშები შობას დღესასწაულობენ და აცხობენ „ალილოს კოტორს“. საღამოს სოფელში მეალილოე დაიგლის, მივა ოჯახში და დაიმღერებს: „ალილო და ქრისტე ღმერთო, ოცდახუთსა ამ თვესაო შობა გათენდებო, ჩიტი შემოჯდა ღობესა, იძახის ქიშიშიშობასა, ყველა მრავალჯერ დაგისწოთ ახალწელ-ქრისტეს შობასო. ვინც კარგ პურს გამოგვიცხობს, კი ყმისა აკვანით, ვინც მონა პურს გამოგვიცხობს, ფსიაყ ქალის აკვანით“. დიასახლისი მეალილოეს ალილოს კოტორს გამოუტანს.

წელწდობა. ზამთრის სადღესასწაულო რიტუალებს შორის ყველაზე მნიშვნელოვანია ახალწლის შეხვედრა, რომელსაც ხალხი თავისი ოჯახის ბედს თუ უბედობას უკავშირებს<sup>1</sup>. ამიტომ თუშებიც თავიანთ „წელწდობას“ მოწინებით ეგებებიან. საახალწლოდ თუშეთის სოფლებში არაყსა ხდიან და ლუდს ადუღებენ. ლუდს საგვარეულო ამზადებს, მისი მოხარშვა ევალება გვარის ნათეს. გვარში შემავალ ოჯახებს ამ მიზნით ნათესთან მიაქვთ თითო კაბიწი ფორი და შეშა. ლუდის დამზადებაში ნათეს შველის გვარშივე არჩეული სამი „მაქალათი“, რომლებსაც ევალებათ აგრეთვე ქურჭლის დასუფთავება და საახალწლო სუფრის მომზადება.

საახალწლოდ ოჯახებში აცხობენ ერთ გულიან კოტორს „ქრისტეს საგძალს“, კაცზე „ბაცუყაყს“ და ქალზე მრგვალ კვერს. აცხობენ აგრეთვე დამახასიათებელ ნიშნებიან საქონლის კვერებს. ხარისას რქები აქვს გამოყვანილი, ძროხისას — ძუძუები. ცხვრისას — დუმა, ცხენისა კი ნალის ფორმისაა. ყველა ამ კვერს ხონზე დაალაგებენ და ზედვე დებენ: მატყლს, მარილს, ყველს, ერბოს და ამ სუფრას მეველის მოსვლამდე ხელს არავინ ახლებს. დიასახლისი აგრეთვე აცხობს სახლის ანგელოზის ან ფუძის ანგელოზის კვერს და „კერის კვერს“. ეს კერის კვერი პატარა და მრგვალია. მას შიგ ნადვერდალში ჩაწვავენ ან, თუ გამოიღებენ, საღმე ქერხოში მიაგდებენ და იქ თავვი შეჭამს.

ახალწლის ღამეს დიასახლისი ჩუმად დგება და ოჯახის ყველა წევრს ლოვინში თითო ლუკმა პურს ჩაუდებს. შემდეგ საქონლის

<sup>1</sup> სერგი მაქალათია, ახალწელიწადი საქართველოში, ტფილისი, 1927 წ.



ბოსელში შედის და აქაც პურის ნატეხებს საღმე შედებს. სააბალ-  
წლოდ ირჩევენ მეკვლეს, რომელსაც მოაქვს პური და ამ პურზე  
ალაგია: ერბო, ყველი, მატყლი და რაიმე ტკბილეული. მეკვლეს  
ხელში არაყიც უჭირავს. ოჯახში შემოსვლისას მეკვლე პურს შე-  
მოაგორებს და იტყვის: „შემოვდგი ფეხი, გწყალობდეთ ღმერთი,  
ფეხი ჩემი, კვალი ანგელოზისა, კაი წელი გამოგეცვალოთ მრავალი,  
ერთი ესე, ათასი სხვა. გაგიმრავლოთ შინ ოჯახი, გარეთ საქონი!“  
შემდეგ მეკვლე ცეცხლთან მივა, აიღებს ორ მუგუზალს, ერთმა-  
ნეთს გაუხახუნებს. ნაპერწკლები რომ გასცივია, იტყვის: „ამდენა  
ჯალაბობით გიმრავლოსთ, ამდენი ცხვარი, ძროხა, ცხენი კახეთსა  
და თუშეთს!“ მეკვლე ოჯახის წევრებს ტკბილეულით დააბერებს.  
გაიშლება სუფრა და ქრისტეს საგძალ პურს სულზე დაჭრიან და  
ყველას ჩამოურთიებენ. ვინც ოჯახიდან გასულია, მას თავის წილს  
უნახავენ. ბედის კვერბსაც ერთმანეთს გაუცვლიან და იქვე შექა-  
მენ.

მეკვლე ოჯახიდან რომ გავა, დიასახლისი ბოსელში შევა, კერს  
შეაგროვებს და საქონელს ჩალას დაუყრის. ვინც ოჯახიდან გავა,  
თან ყველ-პური მიაქვს და, სადაც წავა, იქ უნდა მიიტანოს. ამ  
დღეს წყალზე რომ წავლენ, წყალში ჯერ პურისა და ყველის ნამ-  
ცეცს ჩააგდებენ და წყალს შემდეგ იღებენ. ოჯახში მისვლისას ქა-  
ლის სახელს არ დაიძახებენ, თუ ოჯახში მხოლოდ ქალებია, მათ  
ზამაკაცის სახელით გამოუძახებენ.

ამ დღეს მაქალათი „სააბალწლო სუფრას“ ოჯახებში ჩამოატა-  
რებს. ის შედის ოჯახში და ულოცავს წელწდობას, ოჯახის პატ-  
რონს შეაქმევს ხორცს და არაყს შეასმევს. სამაგიეროდ, ოჯახის  
პატრონმა მაქალათს უნდა დააღვეინოს არა ნაკლებ სამი ყანწი  
არაყისა. ვინც მეტს შეასმევს და რომელი მაქალათიც მეტს და-  
ღვეს, ოჯახისათვის პატივი და სახელია. მაქალათს ოჯახის პატრო-  
ნი თუ არ დაუხვდა, მაქალათი მის წილ არაყს სახლის კედლებს  
შიასხამს, პურსა და ხორცს იქვე საღმე შედებს.

წელწდობა ღამეს სოფლის გვარები ერთ რომელიმე ოჯახში  
გკრიბებიან, მიაქვთ თავიანთი პურ-არაყი და იმართება „შეყა-  
რაცის ღამე“, რომელსაც შულტა აწყობს და ხალხს ლუდით  
უმასპინძლდება. ეს ღვინი შუალამემდის გრძელდება და შემდეგ  
გვარები დაიშლებიან. გაყრის წინ გვარები მეკვლეს პურს „საყე-“



დღეში“ (მოზრდილ ორყურთან ქვაბში) ამოაწობინებენ და თავიანთ ოჯახებში მიაქვთ.

წელიწდობას მოჰყვება „მათეობა“, რომელსაც, ხუთ იანვარს იხდიან. ამ დღეს სოფელი გვარდაგვარ მიდის ნათესთან სალუდეში, სადაც ის ამ გვარებს ამწყალობებს, სუფრას გაუშლის და ლუდით უმასპინძლდება. სალუდეში მაქალათის სკამზე სხვას ჯდომა არ შეუძლია და ვინც უნებურად ჯდება, მას იქვე დააბამენ და სანამ „ქვაბსაკლავს“ (ზოთლ არაყს და მწვადებს) არ მიიტანს, არ გაათავისუფლებენ. ნათეს დამწყალობების შემდეგ გვარები თავიანთი საგვარეულოს ერთ რომელიმე ოჯახში შეიკრიბებიან და იქვე მიაქვთ სუფრაც, სადაც დროს სმასა და ლხინში ატარებენ. შექეფიანებული მამაკაცები „ტყვეობას“ აწყობენ. ერთი გვარის მამაკაცები მიეპარებიან და მოულოდნელად დაეცემიან მეორე გვარის ოჯახს, ატეხენ სროლას და „ტყვეებს“ წამოასხამენ. მასპინძელმა ეს ტყვეები „ქვაბ-საკლავით“ უნდა გამოისყიდოს.

თებერვლიდან ზამთარი იღვეა და ბუნებაც გამოღვიძებას იწყებს. ახლა სოფელი შეუდგება საგაზაფხულო რიტუალის შესრულებას. ამ მიზნით ყველიერში თუშები ასრულებენ მთელ რიგ წესებს, რომლებიც ხელს უწყობენ ბუნების განაყოფიერებას.

ყველიერის შაბათს იციან „ქალთგორობა“ და ამ დღეს ოჯახებში აცხობენ გულიან ქადას. სოფელი შეიკრიბება ერთ ოჯახში და ხელში ქაღებით მივლენ უხუცესთან, რომელიც მათ ამწყალობებს, შენდობით იხსენიებს მიცვალებულებს და ქაღებსაც დაქრის. ამასთანავე ის ყველა იქ მყოფთ თითო მუჭა „ბიჭონს“ ჩამოურიგებს. ადგება ფეხბედნიერი მეკვლე, პირს აღმოსავლეთით იბრუნებს, სამ მუჭა ბიჭონს გადაყრის და იტყვის! „ღმერთო, კარგი პური მოიყვანე!“.

ამას მოჰყვება კოტორის გატაცება. ახალგაზრდა ქალი, თუ ვაჟი მალულად კოტორს გაიტაცებს, სხვები მას გამოეკიდებიან და, თუ კოტორი ქალებმა წაართვეს, ბიჭებმა ქვაბ-საკლავი უნდა გადაიხადონ, თუ ბიჭებმა წაართვეს, მამინ ქალები იხდიან. გაიმართება ლხინი და თამაში. მოულოდნელად ერთს ვინმეს ტალახით ან მურიით მოთხუპნიან. ამის დანახვაზე ყველანი ერთმანეთს დაერევიან და თხუპნიან. შემდეგ დათხუპნულები მდინარე წყალზე წავლენ და იქ პირს დაიბანენ. ახლა „საკბილაფს“ ჩადგამენ.

ამისათვის ჯამში, თუ გობში პატარა ჩხირს — „ქოს“ ჩასვამენ და წყალსაც ერთ მტკაველზე დაუყენებენ. სათითაოდ მიდიან და ამ ქოს კბილებით იღებენ. ვინც ვერ ამოიღებს, მან ჭარიმად ქვაბ-საკლავი უნდა გადაიზადოს. შემდეგ მიწაზე ბეჭედს დააგდებენ, მას გარშემო შემოუსხდებიან, ზურგზე ხელებს დაიკრეფენ და ბეჭედს კბილით ისე იღებენ. ვინც ვერ აიღებს, ქვაბ-საკლავით ჭარიმდება და სხვა.

ყველიერშივე ეწყობა „ბერიკაჯობა“. ამ დღეს კოტორს აცხობენ, ფაფას ხარშავენ და ჭამენ. შუადღისას სოფელში ბერიკები გამოვლენ. ბერიკობას სამი პირი ასრულებს. ერთს ვაეურად აყვია, ორს ქალურად, პირზე მური აქვთ წასმული. ზოგჯერ ბერიკას სახეზე ნაბდის ნილაბს ააფარებენ და გაბენტილი მატყლის გოძელ წვერ-ულვაშსაც უყეთებენ. ქალებში ერთი ბერიკას ცოლია, მეორე კი დედა. ბერიკას ხელში ხის „კმალიკა“ უჭირავს და ცეკვით უვლის. ვინც მას არ გაეთამაშება, ბერიკა ხმლით გამოეკიდება და სცემს. ბერიკა პირში ნახშირნალეს წყალს ჩაიყენებს და ვინც საღმის მისაცემად მიუახლოვდება, სახეში შეასხამს. წინათ ახალგაზრდობა ბერიკას ცოლს მოსტაკებდა თურმე და დამალავდნენ. ბერიკას კი მოატყუებდნენ, ცოლი მოგიკვდაო. ბერიკა ტირილს დაიწყებდა და ცოლს ეძებდა. ამ დროს ვინმე დაიძახებდა, ბერიკა შენი ცოლი ცოცხალიაო. ბერიკა ცოლს მივარდებოდა: გენაცვალე, ცოცხალი ხარო, გადაეხვეოდა და კოცნიდა. ახლა ბერიკა მატყუარას ხმლით გამოუდგებოდა და თუ მას დასჭროდა, მატყუარას ქვაბ-საკლავი უნდა მოეტანა. საღამოს იწართებოდა „შიყარა“ (არუფანა). სოფელი ერთ რომელიმე ოჯახში იკრიბებოდა და აქ საერთო ხარჯით პატარა ლხინი ჩაღებოდა.

ყველიერშივე უქმობენ „შიოობას“ და ამ დღეს ოჯახში არ მუშაობენ. აცხობენ მაჭკატს და შიოს ანგელოსებზე ასე ილოცებიან: „შიო მუშავო, შიო მაშვრალოვო, ძვალნიმც გეპოხებთანო, ჭვარსამც დაგვიწერავ კაცსაც და საქონსა, ხვავ-ბარაქის დაგვიდებო ერუმსალეთის მადლითაო“.

დადგება დიდმარხვა და მის პირველ კვირას „მგელჯიხვაჯობის“ გამართავენ. ამისათვის აცხობენ ჭიხვის, ირმის, მგლის, დათვის და სხვა ნადიროთა ქანდაკებებს, რომლებიც შემკულია ხილით და ტკბილეულით. ამ ნამცხვრებს მოედანზე დგამენ და ბავ-

შეგები მას შეიოდ-ისარით თოფავენ. ვინც მოახვედრებს, ნამცნვარიც მისია. ზოგჯერ აქვე ჭირისუფალი ჩადგამს მიცვალებულის „ბა ც უ კ ა ე ს“, რომ ჩემს ბაღს მიუვიდესო და თუ ისარი ვინმემ მას მოახვედრა, შესანდობარი არაყი უნდა მოიტანოს და იქვე დალიონ. მარხვა გრძელდება რამდენიმე კვირა და როცა ის მიწურება, დიდ შაბათს საღამოს იმართება „მარხვის ტყევა“. ბავშვები აიღებენ გოდორს, ჩალით ვატენიან და სოფლის მიჯნაზე გაიტანენ. აქ გოდორს ცეცხლს წაუკიდებენ და სოფლისაკენ ცემით მოაგორებენ, თან იძახიან: „მარხვა ჩავტკიცოთო, აღარ მოგვივაო“. ასე გოდორს სოფელს ჩამოატარებენ და შემდეგ გადაავადებენ.

დადგება თუ არა ვაზაფხულის პირი, თუშები ხენა-თესვის თადარიგს შუდგებიან და ამისათვის 25 მარტს „ო ც ო ბ ა ს“ ასრულებენ. ამ დღეს გლეხი კარის ყანაზე სამ კვალს გაავლებს და ერთ შუჭა ქერსა და პურს დათესავს. სანამ ეს ჩეჯილი არ ამოვა, მანამ ოჯახში არავინ წნელს არ მოგრებს, რომ ჩეჯილი დაგრებილი არ ამოვიდეს. ამ დღიდან ოჯახიდან ცეცხლი და „სულაღი“ (ქერი და პური) არ გაიცემა, სანამ ხენა-თესვას არ მორჩებიან. ხარებსაც კულზე „უნძარახის თურსას“ წითელი ძაფით შეაბამენ. ამ დღეს დედაკაცები თავს დაივარცხნიან, ყანა დაიწმინდებო. ბაშტედან ძროხებს პირველად გამოიყვანენ, კუდის ბოლოებს ცოტათი შეაჭრიან და დანაზე გადაატარებენ, კლდიდან არ გადავარდესო.

ჩქარა დაიწყება ხენა-თესვა. მაგრამ სანამ ყანაში გავლენ, ასრულებენ „უღელ დებას“. აცხობენ ჭვრიან ლავაშს და სამყურა ხშიადს, აანთებენ სანთელს და არაყსაც ჩამოასხამენ. მამაკაცი ამ ჭვრიან პურს სამჯერ უღელზე შემოატარებს, კარგ მოსავალზე დაილოცება, უღელზე გატებს და ორივე ხარს შეაქმევს. უღელდების პურის გამოცხობი დედაკაცი სხვის ოჯახში ვერ შევა, პურის ბარაქა გაჰყვებო, არც მამაკაცი სხვისას წავიდოდა, კვალი უნდა შეენახა, რომ კვალი სხვის ოჯახში არ შესულიყო. თესვას რომ მორჩებიან, ყანაში მალალ ჯობს ჩაარჭობენ და მას თავს გრძლად გადმოუხზრიან, რომ ასეთი თავთავიანი პური ამოვიდესო.

მაგრამ დათესილ ყანას ხშირად ანადგურებენ მინდვრის მავნებლები და ქარ-სეტყვა, რომლებსაც გულუბრყვილო და ცრუმორწმუნე გლეხი უქმის შენახვით ებრძვის. თავგმა და კალიამ ნათესი რომ არ გააფუქოს, „მჭრელთ უქმეს“ ინახავენ და ამ



დღეს არ საქმობენ. ქარის წინააღმდეგ „ქარობას“ უქმობენ, სეტყვის წინააღმდეგ „სეტყვის უქმეს“ ინახავენ. ამასთანავე გაზაფხულის პირთან სხვადასხვა ცრუმორწმუნეობაცაა დაკავშირებული: როცა ენძელა აყვავდება, მის თავთავს შუაზე გახლეჩენ, ორივე ყურთან მიიღებენ და იტყვიან: „ენძელ, ენძელ ყურადაო, ჭია-ღვია კარადაო, შენ ქვას ქვედა, მე ქვას ზედა, შენ ჭვიშითა ქვით გამძღარიო, მე პურით და ყველით გამძღარიო“.

იღამიანი გაზაფხულზე გუგულმა რომ არ დაძლიოს, პურის ლუქმა ჯიბით დააქვთ და ის გუგულის დაძახებამდის უნდა შეჭამონ, წინააღმდეგ შემთხვევაში, ძლეულს საიქიოში ჩითებს დახდიან და ფეხშიშველას ატარებენო.

გაზაფხულზე პირველ დაქუხებზე გულზე და წელზე რკინას მიიღებენ და იტყვიან: „თავ რკინა, გული მაგარი, ჩვენი ყანა გამაძღარი, ლეკის ყანა დამპალი. ჩემი წელი მაგარი, ლეკის წელი დამპალი“. ახალი მთვარის დანხვისთანავე იტყვიან: „მთვარე ვნახე გორაზედა, საქმე ხანებაზედა, საფუარი მაფუანი, ხელი ბარაქიანი, შენამც გზაი გიხანდება, მეამც საქმე მიხანდება, კბილი მთელი, ჭია მკვდარი“.

„თითბეჭედაცს“ (ციხარტყელა) დაინახავენ თუ არა, ხელს დამალავენ, მუწუჯი არ დაგვეყაროსო: „თითბეჭედა დაეინახე, თითი კარგა შემინახე“. ყველიერის შაბათს უქმობენ „ან გელ ოზობას“. ამ დღეს ხალხის რწმენით მიწაზე მფარველი ანგელოზები ჩამოდიან და ყველას თავიანთი მფარველი ანგელოზი მხარზე აჯდებო. ანგელოზები უჩინარია და, რომ არ დაფრთხნენ და არ ჩამოცვივდნენ, ორი დღის განმავლობაში მხრის განძრევაც არ შეიძლება.

დადგება ზაფხული და ნათესი იწყებს ზრდასა და დაპურებას, მაგრამ ზოგჯერ გვალვა ნიადაგს შეკრავს და ყანაც აიჩალება. ნამის მისაღებად სოფლის გოგოები გამართავენ „საწვიმარაც გუგაყს“. გოგოები ჯოხს პატარძლის ტანისამოსით შემოსავენ, ამ გუგით ისინი სოფელს შემოუვლიან და წყალზე წავლენ. აქ გუგაყს წყლით დანამავენ და გოგოები დაიმღერებენ: „იღარ გვინდა გორახი, ღმერთო, მოგვეც ტალახი“. შემდეგ სოფელში შემობრუნდებიან და აქ „შიყარაყს“ კრეფენ. დასხდებიან და ღროს მხიარულად ატარებენ. ბოლოს გუგაყს ტანისამოსს გახდიან და ჯოხს გადაავლებენ.

გვალვის დროს იციან აგრეთვე წყალში მიცვალებულის ჩაგდება. თუ ამან გამოიწვია ხანგრძლივი ავდარი, მაშინ ძვალს ისევ ამოიღებენ და გოგოები გაიძახიან: „აღარ გვინდა ტალახი, ახლა გვინდა ვორახიო“.

ათენგენობას, დაახლოებით 20 მკათათვეს, აქ ცელად გასვლას ასრულებენ. ოჯახის უხუცესი მოთიბავს სამ კონა ბალახს და ამის შემდეგ ყველანი სათიბად გადიან. წინათ ამ დღეს წლის ნათესა და შულტას ევალებოდა ორი ქვაბი ლუდის მოდუღება. ხატის ნიშთან სამ ცხენს გამოაქცევდნენ და რომელიც დაწინაურდებოდა, მას „ჩხუტს“ (სუფრას) უღგამდნენ. შემდეგ უხუცესი დაიძახებდა: ორშაბათი შავინახოთ, თუ შაბათიო. ხალხი ერთი ამ დღის უქმობას დაადგენდა და ვინც შეთქმულ დღეს გატეხდა და იმუშავებდა, მას თემი აჯარიმებდა. მაგრამ თუ სამუშაო იყო, მაშინ ლუდს მოადუღებდნენ და ისევ ხატს შეევედრებოდნენ: „ეს დღე შეგიტქვით, მაგრამ გვაპატიე, შეთქმული უნდა გავტეხოთო“ და შემდეგ მუშაობდნენ.

როცა პური მოიმკება და გასალეწად კალოზე გაიშლება, „კალოს სალოცავს“ გადაიხდიან. ამისათვის აცხობენ გულიან კოტორს, აანთებენ სანთელს და არყით პურის ბარაქიანობაზე დაილოცებიან.

ამგვარივე ცრუმორწმუნეობაა დაკავშირებული ადამიანსა და შინაურ საქონელთან. თუშები საქონლის მომრავლების „თურსი ეხ არდოტისას“ შეთხოვენ, რომლის ხატი ჭონთიოშია. წინათ ოჯახი დეკულის პირველ მოგებულ ხბოს მარიამწმინდობას ამ ხატს სწირავდა. ამ ხბოს ოჯახში გამოყენება არ შეიძლებოდა და ის თავისი მონაგებით ხატში მიჰყავდათ და არდოტის ღვთისმშობელს ასე შეევედრებოდნენ: „ღვთისმშობელო არდოტისაო, შენ ჩაგვივღე ხვადი და ბარაქა, გვიმატე ფურსა და ფურის ხბოსაო, კაცსა კაცრეულობასა, ცხვარსაო, ცხვრის მკრავსაო; შენ გეხვეწებით, დაგვიწერე მზე-წველასა ჭვარიო, შენ გეხვეწებით და გევედრებით თავდაბლითაო და გულმართლითაო, ნაძახებ გაგვიგონიდი, ნაქადებს არ გიმტყუნებთაო. შენ შემოგწირავ სანთელ-ზედაშეთაო, შენ მორიგე-ღმერთს შესწირიდი, ღვთის წყალობა გამოგვითხოვიდი, შენ მადლ-სახელის ჭირიმიე“.

თუ ძროხა რჩოლავს, წიხლს ისვრის და არ იწველის, მაშინ,



ძროხა რომ „დაამინდეს“, პატრონი ხახმატის ჯვარს ევედრება და, როცა ეს ძროხა ხზოს მოიგებს. მას, ყურს აუსერენ (ნიშანს ადებენ) და საწირით ხახმატის ჯვარში წავლენ სალოცავად. აეთვალათ შელახულ საქონელს სამი დღე ზურგზე წყალს უნძრახად (უხმოდ) ასხამენ ან „უნძრახ თურსას“ კუდზე წითელი ძაფით შეაბამენ. ჩხუტში რძე კარვად რომ შეიღვებოს და კარაქიც ბარაქიანი იყოს, აეთვალის წინააღმდეგ ჩხუტზე ჩამოჰკიდებენ „უნძრახ თურსას“ და გახვრეტილ სიბ ქვას. ზოგჯერ ამავე მიზნით შეაბამენ ერთმანეთში არეულ თაფლაბუზას და ეკლის ბუდეს (ბალახია).

ზოგიერთი ცრუმორწმუნეობა დაკავშირებულია ნადირობასთან. თუშ მონადირეს თვიურიანი დედაკაცი ახლოს არ გაეკარებოდა — თოფი შეიკვრებოდა. ისეთი დედაკაცი მას პურსაც ვერ გამოუტობდა — მონადირე შეიკვრისათ. საერთოდ, როდესაც ოჯახში დედაკაცს „მთვარე“ მოსდიოდა, მონადირე სანადიროდ ვერ წავიდოდა. სანადიროდ მიმავალს გზაში ვერაფერს შეეკითხებოდა, თუ სად მიდიოდა ის. ყველანი საღმისთანავე ეტყოდნენ: „ღმერთმან ხელი მოგიმართოსო!“ სანადიროდ მიმავალს მუგუზხალს ესროდნენ, მონადირე შინ ცარიელი არ დაბრუნდესო და სხვა.

შვილიერებას და ადამიანის მომრავლებას შესთხოვენ თურსი იეხის ხატს, რომელსაც საწირ-საკლავით ევედრებიან და ნაყოფიერებას შესთხოვენ. მის ხატობის დღეს, ამადღების მეორე კვირას, შეგვეწილი დედაკაცები თურსიეხის ხატში მიდიან საკლავსაწირით და აქ მათ დეკანოზი ამწყალობლებს. ოჯახის კეთილდღეობას კი შესთხოვენ ფუძისა და სახლის ანგელოზებს, რომლებსაც ყოველდღიურად იხსენიებენ და ზოგჯერ მათ კვერებსაც უცბობენ, სანთლებს უნთებენ და ისე ევედრებიან.

ცრუმორწმუნე ადამიანი ავადმყოფობის დროსაც ცდილობს, შელოცვებითა და სხვადასხვა ჯადოსნური წესებით განიკურნოს და ამით ოჯახს მოსალოდნელი უბედურება ააცილნოს.

სოფლად ყველაზე გავრცელებული სენი „ყვავილია“, რომლის წინააღმდეგ თუშეთის მოსახლეობა უძღურია და ხალხი ცდილობს ამ ყვავილის ანგელოზების დაყვავება-მოფერებით სახადისაგან თავდაცვას. ამიტომ ყვავილიან ავადმყოფს და მის კეთილ ანგელოზებს ოჯახში ჩონგურის დაკვრით და ტკბილი სიმღერით ართობენ. მთელი ოჯახიც უქმობს და არ საქმობს. ართავენ მხოლოდ თითისტარს.



მათი რწმენით, ეს ანგელოზებს უხარიათ. ჩეჩვა კი არ შეიძლება ბატონებს რკინა ეკავრებათო: მძიმე ავადმყოფობის დროს „თავ-შემოვლა“ იციან. შემთავლებენ ხარს, ან ზოგჯერ შვილს დედა შემოველებს და ანგელოზებს შეევედრებიან ავადმყოფის განკურნებას. ავადმყოფი თუ მორჩია, ამ ხარით სამღვთოს გადაიხდინ, თუ არადა, ხარი რჩება და მას ამუშავებენ. ავადმყოფს მკურნალობენ სხვადასხვა შელოცვებითაც. ავადმყოფის ბრძვას მიაწერენ ავსულებს და მათ გამოსადევნად ავადმყოფს თავზე სამჯერ შავ თხას ან ქათამს შემთავლებენ, შემდეგ მას დაკლავენ და გზაჯვარედინზე ჩაფლავენ.

თვალის შელოცვა. თვალს მებო, მედგარო, სისხლ მხვრეტელო, ფერიანის ფერწამლებო, გონიანის გონწამლებო, ქალუქმართს ქალისაო, უცოლო ბიჭისაო. რა გინდა ტანშიო, სტომამაქშიო. არ ისძვე, არ იქმვე, არაზე გაისვლებიო. თვალს წამწამიდან გამოგიყვან, ქვირცინაჟის კედით გამოგიყვან. ვინ შემოგხედა ავითვალითაო, ვინ შემოგხედა ავი გულითაო. თვალთ ამოარდეს, გულით გადმოვარდეს. ვინ არ დაგწერის ჭვარიო, ჭვარიმც ნუ ეღირსებაო. მოვნავ — გუთანის დამყენეო, მფქვე — წისქვილის დამყენეო. მოდიოდეს ცხრანი დანი, ცხრანივ ოქროს კოწლიანი, მოდიოდეს ცხრანივ ძმები, ცხრანი ოქროს ქოჩრანი, ამოიღეს თეთრი კუსი (ხაჟო), ცხრა ძმათ ცხრა ნაწილი ცხრა რივად გაიყვესო. ქართ გაგაყოლებ მჭროლართაო, წყალთ გაგაყოლებ მდინარისაო. დაგკოშავ იგეთშიო, არ გეყურებოდეს ყივილი ქათმისი, არ გეყურებოდეს ჭყივილი ღორისი. ლოცვა ჩემი, რგება ღეთისი, ღმერთო შენ დასწერე ჭვარი!

ავთვალის წინააღმდეგ, როცა ამას მოზრდილს ულოცავენ, ტყვიის ნაჭერს იღებენ და ჭვარივით გააკეთებენ. ამ ჭვარს მლოცავი დედაყავი სამჯერ შეულოცავს და ავადმყოფს გულზე ჩამოჰკიდებს. ავთვალნაკრავი სამჯერ უნდა მივიდეს და მლოცავ-მაც შელოცვა სამჯერ გაიმეოროს. ისე რომ, მთლად ცხრა წყება უნდა შეულოცოს. ბავშვისათვის დედის თმას შეულოცავენ და ამ შენალოც თმას წვრილად დაწნავენ და ბავშვს მაჯაზე შეაბამენ. ზოგჯერ ბავშვის შელოცვის დროს შემლოცავი იღებს ცხრა მუჭა წყალს მარცხენა ხელით და მასში ცხრა ნახშირს გაურევს. ამ

წყლით ავადმყოფ ბავშვს პირს მობანენ და აკვანსაც გადაასხამენ. ნახშირს კი აკვნის საგოგავებით გაფშვნიებენ.

ავთვალნაკრავ საქონელსაც ასე შეულოცავენ და ნახშირწყალსაც ზედ გადაასხამენ.

**გ უ ლ ი ს შ ე ლ ო ც ვ ა.** გულო ოქროს ყუთისაო, გულო ჩაჩექ აღავსაო. ოქროს ბუდეში ნაჭდომო; ავი გმით შეგაშინა, ავი სათით შეგაშინა, ქორი ქანდარასაო, ქათამი ბუდესაო.

ამას სამჯერ შეულოცავენ. შელოცვის წინ ავადმყოფს შკერდს ბაწრით გაუზომავენ და შელოცვის შემდეგ გაზომვისას ბაწარი მეტი თუ აღმოჩნდა, მაშინ გული ამოვარდნილი ექნებაო.

**შ ა კ ი კ ი ს შ ე ლ ო ც ვ ა.** შაკიკი შემოჩვეულა სათივისა ბოლოსაო, ეგრე სჭამდა რკინასა, როგორც ხარი თივასა, დასწყევლოს წმინდა გიორგიმ, გაიპაროს დილითაო. რა არის მაგის წამალი: ამალი, მამალი, გახურებული რკინა, ეგ არის მაგის წამალი.

შაკიკს ხელში გაცხელებული რკინით ულოცავენ.

**ჭ ვ ა ლ ი ს ლ ო ც ვ ა.** დღეს რომე პარასკევია, ქრისტე ჩვენს წვეულია, ბაგა ლოგინი, კოვზი ფაშატი. შუა დამე რო შეიქნა, დადგა წივილ-კივილიო. რა იქნა, რა ამბავია. დედა მარიამს ჭვალი დაადგა, ეგ წივის, ეგ კივისო. რა არის მაგის წამალიო. მოსწყვიტოს სამი კანაფიო, მხარზე გადააკრასაო. ეს არის მაგის წამალიო.

შელოცვის დროს კანაფს გაწეწენ, არაყში ამოავლებენ და მას ჭვალზე დაადებენ.

**ფ რ ჩ ხ ი ლ ა ე წ.** ლოცვა უნდა ფრჩხილასა, კიფორჩხალასა და ნალურსმალასა. დედა მარიამ ღვთის მშობელო, შენ დასწერე ჯვარიო. რა არის მაგის წამალი, ცხრა პურის მარცვალი, ცხრაჯერ შელოცვაი.

ფრჩხილა ლიბრად (თეთრად) თვალს გადაეკვრის, ადამიანს თვალი უსივდება და ცრემლი სდის. შელოცვის დროს ხორბლის ცხრა მარცვალი სამჯერ უნდა დაითვალოს და იქვე მდგარ ჯამში ჩაიყაროს. თუ მას გუგუმა დააჭდა, სატკივარი მაშინ გამჭდარია. შეულოცავენ დღეში სამჯერ და ნალოც წყალს ავადმყოფს თვალებში შეასხამენ.

**თ ა ვ ი ს ტ კ ი ვ ი ლ ი.** ორივე ხელს თავზე შემოიჭერენ და



იტყვიან: „ქორი ქანდარასა, ქორი ბუდესა, ხარი ბაგასა და ტვინო  
 ალაგასაო“ (სამჯერ).

ბედრიანის ლოცვა (უსახელო მუწუქია). ბედო, ბედო,  
 ბედნიერო, ტურფაო და მშვენიერო. სად გაიზარდე, სად დაიბა-  
 დე? ქორის თბოზე დავიბადე, ჯიხვის რქაში გავიზარდე. რა არის  
 შაგის წამალიო? უცეცხლო თაფლი, უწყლო კარაქი და წყლის ბა-  
 ყაყიო.

შელოცვის დროს წაუსვამენ მუწუქზე თაფლსა და ერბოს.

წითელი ქარი. ახალ სახელო ღვთისაო, შამისა და ძისაო.  
 შეგილოცავ ქარისასა, ქარ-სურავანდისასა, წითელ ქარისასა, თეთრი  
 ქარისასა. გამოდი, გამონიავდი. თუ არ მოვლენ ანგელოზები, გა-  
 ქანებენ ქარივითა, გაგაწყალებენ წყალივითა, ჩაგაგდებენ ხევში,  
 ხევ-ხრატში, შეგკვამს ყვავი და ყორანი, ჭიანჭველა ბოლო ფრთი-  
 ანი. გაჭრა, გაიარა.

შელოცვის დროს სიმსივნეზე წაუსვამენ ძმარსა და ცარცსა  
 ზეითუნზეთში მორეულს.

ხორციის ლოცვა. ღმერთმა უთხრა ანგელოზსა, გადახედე  
 ხმელეთსაო, ან ქვრივა ხომ არ წუხდება, ან ობოლ ხომ არ ტირი-  
 სო. არც ქვრივ წუხდება, არც ობოლ ტირისა. სოფიოს (იტყვიან  
 ავადმყოფის სახელს) წელი უტყენია, ის სჩივის და ის ტირისო. გა-  
 დავიდეს ბახჩაშით, გადმოიღოს სამკენა ფოთოლიო, ქალ მოუზი-  
 ლოსა, ქალ მოპოხოსაო, ანგელოზებ ამინობენ, ღმერთო, შენ დას-  
 წერე ჯვარი.

წელს უზელავენ ერბო-კარაქით და თან რკინეულსაც გადაუსვა-  
 მენ.

გველის შელოცვა. პიტი, პიტი პისტანამა, ასტანგა და  
 აჩანაგა, გველო მოგვირაკრადი, მოხრძლო ჯოხო, გაშეშდი. ფირქსა  
 ფირქი მაცვია, ფირქთა ბეჭედი მაცვია, ფირქისა ღვთისმშობლო,  
 შენ გააშეშე გველია.

ამ შელოცვის დროს გველს თხილის ჯოხი უნდა გადაუქნიო და  
 და იქვე გაშეშდებო.

როდესაც საქონელი ღამე კარში დარჩება, ბაწრით შეკრავენ  
 გურჩს (ფილთაქვას), დუქარდს და იტყვიან: „ინისანი, რკინისანი  
 კირკუტონი რკინისანი, პირ შეგკარი მგლისა, მუხლი შეგკარი მტრი-  
 სა ჩემ საქონელზე მომავლისა“.

## საპულტო ადგილ-სამლოცველოები და მათთან დაკავშირებული რიტუალები

თემურ თუშეთში თითოეულ საგვარეულოს თავისი სამლოცველო ხატი ჰქონდა, სადაც სადგურებდა გვარის მფარველი ღვთაება. ამ ხატთან წლის განსაზღვრულ დროს მთელი საგვარეულო იკრიბებოდა და გვარის დეკანოზიც ხალხს ამწყალოებლად. წარმართული დროის ეს ხატები თუშეთში დღესაც მრავლადაა დაცული და თითოეულ სოფელს თავისი სამლოცველო ნიშანი აქვს, სადაც დაცულია ხატის დროშები და რიტუალური ჭურჭელი.

ამასთანავე, წარმართულ თუშეთში ქრისტიანობაც ადრევე შეიჭრა, მაგრამ მისი მოძღვრება ხალხისათვის გაუგებარი დარჩა. შართალია, თუშეთი ოფიციალურად გაქრისტიანდა და საქართველოს ეკლესიამ ის დაუქვემდებარა ხ ა რ კ ა შ ნ ე ლ ი ეპისკოპოსის სამწყვსოს, მაგრამ, ფაქტიურად, ეს კუთხე ისევ წარმართობას აღიარებდა. ამიტომ თუშეთი ქრისტიანული ძეგლებით ღარიბია, ძველი ტაძრები და საეკლესიო განძეულობა აქ არ მოიპოვება. აქ არც ძველი წარწერები და ხელნაწერები გვხვდება, რომ შეიძლებოდეს ამ კუთხის ქრისტიანული რწმენისა და კულტის შესახებ ვიქონიოთ გარკვეული წარმოდგენა. თუშეთის ზოგიერთ მოზრდილ სოფელში დღეს უკვე გვხვდება გაუქმებული ეკლესიები. მაგრამ ეს ეკლესიები აშენებულია მე-19 საუკუნეში მონარქიული რუსეთის ბატონობის დროს, რომელიც მიზნად ისახავდა „ურწმუნო“ მთიელების გაქრისტიანებას. უნდა აღინიშნოს, რომ ამ ეკლესიებთან ხალხის რელიგიურობას ნაკლები კავშირი ჰქონდა და აქვს და აქაური ხატობადღეობებიც წარმართული ნიშებთან სრულდება, რომელსაც აქ ხატს უწოდებენ.


ხატი ყველა სოფელშია, ზოგ სოფელში კი ორი თუ სამი ხატი გვხვდება. თუშური ხატი ჩვეულებრივი ტიპისაა. ის ნაგებია სიპი ქვით მშრალად, უტალახოდ, ფორმით კუთხოვანია და ერთ მხარეზე ნიში აქვს დატანებული, რომელშიაც საწირ-სანთელსა დებენ. ზოგიერთი ხატი შემკულია ჩიხვისა და ირმის რქებით. თითოეული ეს ხატი დაკავშირებულია ერთ რომელიმე წმინდანთან ან ღვთაებასთან, რომლის სახელსაც ხატი ატარებს: ლაშარის ხატი (ჩილოში), მარიამწმინდა (ომალოში), კურების ჯვარი და ნივრის ჯვარი



ლაშარის ხატი

(შენაქო), შაფურთის ხატი (ქუმელაურთა), ფარსმის წმ. გიორგი (ფარსმა), მადოლის ნათლიმცემელი, თხურსიების ჯვარი და გორთი-გო (ჭონთიო), მაღალოელი, მარიამწმინდა და იაქსარი (დართლო), ზიქეზგორის წმ. გიორგი (დიკლო), კითანის წმ. გიორგი (ჯვარბო-სელი), სამების წმ. გიორგი (წოვათა) და სხვა.

ამ ხატებს შორის მთავარ ხატად ითვლება ლაშარი, კითანა და სამება, სადაც წინათ დიდი ხატობა იმართებოდა. ამასთანავე, თუ-შეთის თითქმის ყველა სოფელში აღმართულია კარატისა და კაჭ-მატის ჯვრის ნიში, სადაც ხევსურეთიდან გადმოსული კარატელი დეკანოზები დგებიან და თუშებს ამწყალობებენ. თუშეთის ეს ხა-ტები დღეს ცარიელია, ზოგიერთში მხოლოდ ხატის დროშებია დე-ცული. წინათ მთავარ სამლოცველოში ხატის განძეულობა და ჭურ-ველი ყოფილა დაცული, მაგრამ შემდეგ, ქისტ-ლეკების შიშით,



სოფელი ჩიღო. ლაშარის ბატი (ინტერიერი)

ეს განძეულობა დეკანოზებს უნდა გადაემაღათ. ბატის სხვა ნაგებობანი: მხვეწართა სადგომი ქოხები, ბატის ბეღელი და სალუდე აქ არ დაცულა.

ბატს თავისი მსახური ჰყავს, რომელსაც ევალება საბატო კულტისა და რიტუალის შესრულება. კულტის მსახურთა შორის პირველია დეკანოზი, რომელსაც თუშები „პელოსანს“ უწოდებენ. ხალხის რწმენით, ხელოსანს თვით ბატი ირჩევს და ვინც ბატის ამ ნებას არ დაემორჩილება, მას ბატი დაამიზეზებსო. სადეკანოზო კანდიდატი ბატისაგან დაჭერილია და მკითხავეს რჩევით ის ბატს უნდა ემსახუროს. სადეკანოზო პირი ერთი წელიწადი წმინდობს და სადეკანოზოდ ემზადება. შემდეგ ერთ დიდ ბატობაში ხალხი მას ირჩევს და მთელი სიცოცხლე მან ბატის სამსახურს უნდა შეაღოს.

ბატობის წინ ხელოსანს ევალება სიწმინდე დაიცვას და ამ მიზნით ის დედაკაცს არ გაეკარება, არც ღორისა და ქათმის ხორცს



შეჭამს. მას კვერცხის ქამაც კი ეკრძალება. მას ევალება ხატში მლოცავ-მხვეწართა „დაკელოსნება“. წინათ დეკანოზს ამასთანავე თემში ძლიერი საზოგადოებრივ-პოლიტიკური გავლენაც ჰქონდა და თემის საქმიანობაში მის რჩევას გადაწყვეტი მნიშვნელობა ეძლეოდა. იგი ხშირად ხელში დროშით სალაშქროდ მიმავალ ლაშქარს წინ მიუძღოდა. ხალხის რწმენით, დეკანოზში სულიწმინდა იყო დასადგურებული, რომლის დასამტკიცებლად დეკანოზი ხატობას უბეში დამალულ მტრედებს თურმე გამოუშვებდა.

დეკანოზს ჰყავს თანაშემწე შულტაცნი, რომელსაც გვარების მიხედვით ირჩევენ და, თემში რამდენიც გვარია, შულტაც იმდენია. შულტას გვარები მორიგეობით ირჩევენ ერთი წლის ვადით იანვრიდან იანვრამდის. შულტას „ქვაბის შედგმა“ ევალება და ხატის ჭინახულიდან შულტა ხატობას ლუდს ადუღებს, ერთ საკლავსაც დაკლავს და ხალხს უმასპინძლდება. თუ ხატი უმამულოა, მაშინ შულტა სოფლის მადლობიდან ხალხს „მოუსიტყვებს“, რომ ყველამ სალუდეში მიიტანოს თავისი წილი ფორი, შეშა და წყალი. ხატობას შულტა დეკანოზს შველის, საკლავს ხოცავს და ზოგჯერ მხვეწარს ახელოსნებს. ლუდის დამზადებაში შულტას შველის „მგოლავი“, რომელსაც გასამრჯელოში კოტი ეძლევა.

გვარს ჰყავს თავისი ნათეც, რომელსაც წელიწდობას ერთი წლის ვადით ირჩევენ. ნათე ცოლიანი უნდა იყოს. ნათეს ევალება ხატის მამულის დამუშავება და მეთვალყურეობა. ხატის შემოსავლიდან მას „ნათეობის“ ხარჯი უნდა გაეღო. ამისათვის ნათე გიორგობა დღეს ძროხას დაკლავდა და დაამარილებდა. საახალწლოდ ამ ხორცს ის მოხარშავდა და სალუდე ქვაბსაც შეჭიდებდა. სალუდე ჭირნახულს ნათე ხატის მამულიდან იღებდა. ამ მამულს სოფელი მორიგეობით ხნავდა და ამუშავებდა, მკაში კი ნათეს ყველანი შველოდნენ. ხატის ჭირნახულს ნათე გაღეწავდა და ნათეობისათვის ლუდს ხარშავდა იმისდა მიხედვით, თუ რამდენი ქვაბი იყო დაკვეთილი. ნარჩენ ჭირნახულს ძველი ნათე ახალს გადააბარებდა.

ხატი თუ უმამულო იყო, მაშინ ცხვრის ბინებში ერთი დღის ყველს აგროვებდნენ და ამის საფასურით ნათე ჭირნახულს ყიდულობდა და ლუდს ხარშავდა. ამ ლუდითა და ხორციით წელიწდობას ნათე გვარს ნათეობას გაუმართავდა, რომლის შემდეგ ახალ ნათეს ირჩევდნენ და ძველი ნათეც „საფიცარს“ გამართავდა. ამი-



სათვის ნათე თავისი სახლიდან გამოიტანს ერთ საკედე (საარყე ქვაბი) ლუდს, იქვე დაალაგებს ნათეობაში ნარჩომ ფაფას, პურს, ფორს, ფქვილს, ქერს და სხვა, რაც ხასოფლოა, დაიბარებს გვარს და დაიფიცებს, ამის მეტი ჩემს სახლში ხატისა არაფერი დარჩენი-  
ლო: „აი ეს ხატი გამიწერეს (ასახელებს), თუ მე თქვენთვის მე-  
ლალატნოს და საფიცრად ზედაშეც მომიტანიაო. თუ მელალატოს,  
გამიწერეს, თუ არა და მწყალობდესო“. ხალხი ნარჩომს გასინჯავს,  
ნათეს უკანვე უბრუნებს და ეტყვის: „შეგეწიოს და წყალობა მოგ-  
ცეს ხატმაო“. ნარჩომი ქერი ერთ თვეში ძველმა ნათემ ახალს უნდა  
გადააბაროს.

ახალ ნათეს ეს ქერი და ჭურჭელი თავის ოჯახში გადააქვს. ამ  
დროს რომელ დედაკაცსაც სურს იმ წლის განმავლობაში ნათეს  
ოჯახში იარო, ჭირნახულის შეტანისას იმის ოჯახში უნდა მოექცეს,  
თორემ შემდეგ ის იქ ვერ შევა, ხატის დამიზნების შიშით. ხატის  
ჭირნახულს ნათე თავისი სახლის ქერბოში ინახავს და ქერიან კოდ-  
ზეც საზედაზე არაყს დადგამს. ყოველი თვის დამდეგს ნათე იქ ერთ  
ვინმეს აიყვანს, დაილოცება და საზედაზე არაყს იავევ დაცლიან,  
სამაგიეროდ, ახალ არაყს ჩაასხამენ და ასე წლამდის გრძელდება.  
ახალმა ნათემ იმ წლის განმავლობაში უნდა იწმინდოს და დედა-  
კაცთან არ დაწვეს. წინააღმდეგ შემთხვევაში, ვაჟი თუ გაუჩნდა,  
არ გაიზრდებოდა და ამისათვის მან „ძეგლი უნდა ჩამოჰკიდოს“, რომ  
ვაჟი შერჩესო. ძეგლად ერთი ქვაბი ლუდია დაწესებული. ცდო-  
მილი ნათეც ლუდს მოადულებს და ხატს შეევედრება, ეს ვაჟი  
გაგვიზარდე და ეს ძეგლი დამიდვიო: „ნუ დაგვილევე ძესა, არ და-  
გაქლებ ძეგლსაო“.

ნათეს ჰყავს დამხარე „მაქალათი“. რომელსაც გვარი ირ-  
ჩევს. გვარში წილს ჰყრიან და ერთი წლის ვადით ირჩევენ სამ  
მაქალათს, რომლებსაც ევალეებათ ნათეობა დღეს ჭურჭლის და-  
რეცხვა და სუფრის მომზადება. ზოგჯერ მაქალათს თვითონ ნათე  
ირჩევს. ის შევა ოჯახში, ერთ ვინმეს ქუდს ესვრის და იტყვის:  
„წყალობა ხატისა!“ ის პირი უკვე არჩეულად ითვლება და მას ხა-  
ტის შიშით უარის თქმა არ შეუძლია. მაქალათებში ერთი დედაკა-  
ცია (დედა), ორი ქალ-ვაჟი (შვილები) და ესენი შველიან ნათეს:  
ქალები პურს აცობენ, კაცები ლუდს ხარშავენ. მათ ერთი მესა-  
ფუვრეც ჰყავთ, რომელსაც ალუდი აბარია. ნათეობას მაქალა-



ხატში მიმავალი მხვეწარი

თები სალუდში არიან და მათ ერთი კვირა ეკრძალებათ სახლებში შესვლა. თუ სადმე ოჯახში შეასწრეს, დაიჭერენ და იქვე ფეხით ჩამოჰკიდებენ, მერე ის ოჯახმა ქვაბ-საკლავით უნდა დაიხსნას.

ხატობა-დღეობები თუშეთში ივლისის პირველ რიცხვებში იწყება (ძველი სტილით) და ერთი თვე გრძელდება. დრო ხერხიანად არის შერჩეული. გლებობა ამ თვეში მინდვრის მუშაობას არ ეწევა და ისვენებს. ამინდიც დარიანია და მხვეწარს საშუალება ეძლევა, ხატში თავისუფლად იმგზავროს. ხატობას სოფლები ზედიზედ იხდიან და ზაფხულის ხატობის ამ ციკლს „ათნიგენას“ უწოდებენ.

ათნიგენობა<sup>1</sup> სრულდება ადგილობრივ ხატში და ეს დღე-

<sup>1</sup> ათნიგენობა დაკავშირებულია საქრისტიანო წმინდანის ათინოგენის ხსოვნასთან (იხ. K. C. Кекелидзе, Иерусалимский канонар VII в., Тиф., 1912 г., გვ. 19—20, 288—294).



სასწაულიც ამ ხატის სახელს ატარებს. მაგალითად. სოფ. რმალოში მთავარანგელოზის ნიშია და აქ სრულდება ივლისში მთავარანგელოზის ათნიგენობა, ქუმელაურთაში — შაფურთის წმ. გიორგი ათნიგენა, ქეშოში — მიქელგაბრიელ ათნიგენა, ფარსმის წმ. გიორგი ათნიგენა და სხვა.

ათნიგენობა თუშეთში იწყება ჩილოს ლაშარის ჯვარის ხატობით, რომელიც აქ მთავარი სალოცებია. ხატობა იციან 19—20 ივლისს (ახალი სტილით). მთის დაკლავნილ ბილიკზე გაიბმება მგზავრთა უწყვეტი რკალი. ცხენით თუ ფეხით ყველანი ხატში მიეშურებიან. სურსათ-სანოვავით დაბარგულ ცხენებზე ჭრელი ხურჯინები ჰკიდია, რომლის თვლებში ბავშვებია მოთავსებული, ზოგიერთში კი ბატკნებიც. ახალგაზრდობა კობხად შეკაზმულ ცხენებს მიაჯირითებს, ისმის საკლავების საცოდავი ბლავილი, შეზარხოშებული მხვეწარის სიმღერა და ღრიანცელი. შეხატეთა ამ პროცესიაში სოფ. ჩილოდან მეც გავერიე. ლაშარის ხატი ჩილოს მთის დაეკებაზუა აშენებული. მიდამო ლამაზია. ხატი შემოზღუდულია ყორის მაღალი გალავნით, რომელსაც ერთი შესავალი კარი აქვს დატანებული. გალავანს ოთხი თავწვეტიანი ბოძი აქვს, რომელზეც ხატის ალამია აღმართული. შესავლის მარცხნივ ხატის ნიშია, სადაც დეკანოზი ხალხს ამწყალობნებს. აქვეა ერთი პატარა ოთახი „სადეკანოზო“, სადაც დეკანოზი წმინდობს, ისვენებს და საწირს აგროვებს. სადეკანოზოში დგას ზურგდაჭრელებული მერხი და დეკანოზის სკამ-სავარძელი. ხატზე ალაგია ჩიხვისა და ირმის რქები.

ხატის შესავალი კარი ამ დღეს მორთული იყო ხატის დროშებით და ალმებით. თუშური ხატის დროშა თეთრი მიტკლისაა, ოთხკუთხედიან და სამყურაზე მიკერებული აქვს წითელი გრძელი სალტა. ამ დროშას გრძელ ჯოხზე შეაბამენ და წვერზე ზანზალაკს უკეთებენ. მხვეწილები დროშას ამასთანავე ჩამოჰკიდებენ წითელ და თეთრ ნაჭრებს.

შემოსილი დროშა ინახება ხატში ან ძველ ციხეში, რომელსაც ხატობის წინ დეკანოზი გამოიტანს და ხატის ნიშანთან მიაყუდებს. მზის გადახრისას დეკანოზი და მისი თანამემწე შულტები ხატის ნიშანს დადგენენ, სანთლები აანთეს და დეკანოზი დამწყალობებას შეუდგა. ხატის მოედანზე მხვეწარი თუშები შეჯგუფდნენ.

ქალები, ბავშვებისა და მოხუცი დედაკაცების (უთვიურს) გარდა, ხატისაგან მოშორებით იდგნენ. მხვეწარი საწირით მიდიოდა, ხელში კვერებით, სანთლებით და ხელადა არყით. ამ საწირს შულტა ართმევს, დეკანოზი სანთლებს აანთებს, ახსენებს მხვეწარის სახელს და ასე დაილოცება: „დიდება ღმერთსა, მადლი ღმერთსა, ღმერთო, გაუმარჯვე წმ. გიორგის ლაშარისას, დიდად სადიდებელსა, ძვირად საკსენებელსა, მუხის წვერის ანგელოზთა, დიდად სადიდებელსა, ძვირად საკსენებელსა წმ. გიორგი, შენ შეგვეწიე, შენ გეხვეწებიან სამსახურის მომღებნი თავი დაბლითა, გული მართლითა, ნაძახვეს გაუგონებდი, ნაქადებს არ გიმტყუნებენ. შორს მყოფი ახლოს დაუბვდიდი, დაიცავი, დაიფარე ზვავისაგან, წყლიდან, სენიდგან, სასჯლიდან. მწარე სიკვდილსა თავ თქვენ შეუქციიდითა. ზამთარ მშვიდობისა წაგვარეთა, ზაფხულ გამარჯვებისა მოგვარეთა. ჯოხ აიღონ, ვაკშამ მისციითა, სახელ სარგებლიან მიატანიითა, სავნებელ მოაშორეთა, მტრის ჯელით გმალ ახჯადითა, სიკვდილობას აუხუბუქიით. მტერთან ქირს ნუ დაუჟარგავ, სწორთან სამართალს, მჯარ-გუთან წაღმ წაგვარეთა. ყანა-მკა მოგვარეთა, ღონესა, ქონესა უმატიითა. ცხვარ-ცხვრის მკრავს უმატეთა, ბურსა და ბურის მქამელს უმატეთა დიდო ბედნიერო ანგელოზო, შენ გეხვეწებიან თავი დაბლით, გული მართლითა მეშველი, მწყალობელიმც არის თქვენი! გაუმარჯოს ჩვენ სალოცავებს, გაუმარჯოს ყმებს ლაშარის გიორვისას!“.

საზედაშე არყის ერთ ყანწს დეკანოზი შესვამს, დანარჩენს იქვე მღვარ თუნგში ასხამენ. საწირ-ნამცხვრის ნაწილსაც დეკანოზი იტოვებს. ბავშვით შეხვეწილებს დეკანოზთან ბავშვები მიჰყავთ, საკლავით შეხვეწილები კი ცხვრებით მიდიან. ცხვარს დეკანოზი რქაზე სანთელს მიაკრავს და ისე დაილოცება. შემდეგ ამ



სანთლით ცხვარს შუბლს შესტრუსავს და შულტას გადასცემს, რომელიც ზეარაკს ხანკლით ყელს გამოსჭრის და დაღმართში დააგორებს. ხალხი დაიძახებს: „წყალობა ხატისა!“ ცხვრებს ბავშვები იჭერენ და ვინც პირველად ხელს დაავლებს, იმ ცხვრის ჭიგარიც იმისია. შეხვეწილები ხატს სწირავენ თეთრსა და ჭრელსადროშე ხილაბანდებს, რომლებსაც დეკანოზი ართმევს და დროშაზე აბამს.

შეეჩავედა. დეკანოზში დროშა აიღო და ერთ მაღლობზე დადგა. მას გვერდში შულტები ამოუდგნენ და ერთმა მათგანმა დაიძახა: „ხალხო, დღეს ვევედრებით ჩვენ ლაშარს და აქ ამოვებრძანეთ მისი დროშაო, ჩიღოვლებო, ეს ხატობა ისე გაატარეთ, რომ ერთმანეთის წყიხება ნუ იქნება. ნურც ჩხუბი იქნება და ძველი შურისძიება სხვაგან და სხვა დროს ეძიეთო. აქ მოვსულვართ სალოცავად და არა საჩხუბრად. ამიტომ გთხოვთ, დროება მშვიდად გაატაროთ. აქ, ლაშარის კარზე, ნურაფერი დაიქარგება. მპოვნელი მოვიდეს დარბაზში დეკანოზთან და მას ჩააბაროს და უთხრას, ვიპოვნე და ჩაიბარეთო. იყოს სიტკბო და მხიარულება. ხალხნო, დედაკაცების ჯარი (სადგომი) იქით იქნება და მამაკაცებისა აქეთა. არავინ გაბედოს დედაკაცების ჯარში ღამე გადასვლა. მამაკაცებს ევალებათ შეშაზე წასვლა და მისი მოზიდვა. ამისდა მოწმად თემიდან ვარჩევთ თითო კაცსა, რომ მათ ეს წესები სასტიკად დაიცვანო“.

მლოცავი ორად გაიყო. ერთ გორაკზე ქალები დაბანაკდნენ, მეორეზე კი კაცები. ახალგაზრდობა შეშაზე წავიდა. მოზიდეს ხმელი ფიჩხები და დაანთეს დიდი ცეცხლი. ღამის მთეველი ქალებიც თავიანთთვის ფუსფუსებდნენ. ღია ცის ქვეშ მწვადი იწოდა და ხორცი იხარშებოდა. ზოგან სუფრა იყო გაშლილი და ვაზ-შმობდნენ. ისმოდა სიმღერა. ცეცხლის პირას თუშები ჩამწყრივებულიყვნენ და ყურს უგდებდნენ ახალგაზრდა თუშის აბრო ელანიძის ჩონგურის ქღერას, რომელიც გიორგი თილიძის ლექსს მღეროდა.



სოფელი შენაჭო. სამების ეკლესია

თილიძე სოფ. კვაელოდან ყოფილა და მას მტრობა ჰქონია ფშაველებთან. ლაშარობას თილიძე ფშავეში მისულა, თეთრი კურატი მიუყვანია და იქ დაუკლავს. თილიძეს თუშ-ფშაველების შერიგება უთხოვია და ორივენი ლაშარში ძმად ვაფიცულან. სიმტკიცის ნიშნად თილიძეს ლაშარის დროშა თუშეთში გადმოუტანია და აქ ჩილოს მთაზე აღუმართავს. სადაც ლაშარის ეს ხატიც აუგიათ.

შუალამისას შულტამ დაიძაბა, მამაკაცებო, ვთხოვთ „კოდის ლოცვაზე!“ მოიტანეს ლუდიანი დიდი კოდი, რომლის ნაპირზე ანთებული სანთლები გაამწკრივეს. ჩილოელებმა კოდთან მიიტანეს ლაშარის წმ. გიორგის საღმრთოდ ორ-ორი მრგვალი პური და ცხერის ხორცი. ამ საღმრთოს შულტა ამზადებს, რომელსაც ჩილოელები აძლევენ ქერს და ამ ქერიდან შულტა ლუდს ამზადებს, საკლავს ყიდულობს და პურს აცხობენ. კოდის მეორე მხარეზე ხატში მოსულ გარეშე მხვეწართა (არაჩილოელები) სამღვთო ჩაამ-

წკრივეს. ამ ალუდიან კოდთან მამაკაცებმა გააბეს განიერი წრე და დაიწყო შეხმატკბილებული „კოდის ლოცვა“: „სიმღერა უთხრათ ერთსაო, შევეხვეწენით ღმერთსაო, ღმერთო, გვიცოცხლე ესენი, ღვინოს გვახლიან გვერდსაო. ქალ-წყალზე დაგვიანდება დაბანას ხელ-პირისაო, ვაჟ დარბაზთ დაგვიანდება შესმასა ბარძიმისაო. ცხვარსა უმატე, გიორგი, თუ გინდა ქაჯანგიანი, პურსა უმატე, გიორგი, თუ გინდა კოდი სავსენი, ყმათა უმატე, გიორგი, თუ გინდა მოსახელენი. წმინდის გიორგის კარზედა ხე ალვად ამოსულიყო, იმას დეესხა ყურძენი, საჭმელად მოწეულიყო, იმის შემცოდე ქალ-ვაჟი უდროოდ დაშაულიყო“. და სასრულს დაიძახეს: გაუმარჯოს ლაშარის წმ. გიორგისაო. ამას მღეროიან სამ წყებად. იწყებენ დეკანოზ-შულტები და იმასვე იმეორებენ ჯერ ჩილოელები და შემდეგ სხვა სოფლებიდან მოსული ჯგუფები.

კოდის ლოცვაზე ქალებს არ უშვებენ. ცეცხლის პირას განიერ რკალად ხალხი ჩამწკრივდა და ხუთ კაცზე ერთი საღმრთო ჩამოარიგეს. „მიშუე“-ები ან მწლენი კოდიდან ლუდს იღებენ და ხის თასებით ხალხს აწვდიან. მხიარული ვახშამი დასრულდა და მლოცავი მოსვენებას მიეცა. რომ არაფერი დაკარგულიყო და ქალების ბანაკში მამაკაცები არ გაპარულიყვნენ, ყარაულები დააყენეს, ღამის მთვევლების ერთი ნაწილი ცეცხლს შემოუსხდა, ერთმა ახალგაზრდა თუშმა ჩონჯური გამართა და სევდიანი ჰანგით დააღლინა:

შამილსა დაუბარებავ თუშების მუქარაზეო,  
გაიგო ბელად დავითმა, მიდგ-მოდგებოდა ბანზეო,  
სალაშქროდ ყმანი შეყარა, გაუდგებოდა გზასაო,  
ავიდოდ იალალზედა, ცივსა ჩამოვლენ მთაზეო.  
საყორნის ღელეს ბუდობენ ნარჩევ დალესტნის ყმანიო.  
დავით ეწვია ლეკებსა სადილობსა ხანზეო.  
— აბა, თქვენ, თუშთა შვილებო, ახლა იშიშვლეთ ხმალიო,  
თოფითა, ხმლითა ვიომნეთ გულს ერჭოს ხანჯლის ტარიო,

კმლის ფხაზე სისხლი დაგუბდეს, აღარა სჭრიდეს კმალით!  
 თუშნი და ლეკნი შეიბნეს, სისხლისა დადგა ტბანიო,  
 დამარცხდა შამილის ჯარი, ასამდის წაწვა მკვდარიო,  
 მიღ-მოდოდნენ ყორნები, საით ჩაეშალოთ მჯარიო.  
 ემანდ ამბობენ, დავითსა სისხლისა უდგა ტბანიო.  
 ეგ რომ გაიგო შამილმა მღვრიე დაედო ფერიო,  
 თუშებმა მე როგორ დამცეს, მე კაცი აღარ ვარიო,  
 ქალი ვარ ჩიქილიანი, თმაგრუზა, კოწოლიანი.  
 ვეზირებმ წყალი მიართვეს, ამით ივრილე გულიო.


გათენდა. დეკანოზმა დროშა დაეღარუნა. მლოცავი წამოიშა-  
 ლა. სუფრები გაიშალა და დაიწყო სმა და ლხინი. ამას მოჰყვა  
 „ქორბელელა“ და ცხენების რბევა. მამაკაცები ხელებით და მხარ-  
 ბეჭებით ერთმანეთს გადაებნენ და გაკეთდა მაჯარი წრე, რომელ-  
 ზედაც ავიდა მეორე წყება და ეს ორსართულიანი წრე ხატისაკენ  
 დაიძრა სიმღერით:

დღესამ დღეობა ვისია, წმიდისი გიორგისია,  
 ჯვარ-ჯვარის კრობა ვისია, წმიდისი გიორგისია;  
 გიორგი გალავანზედა უსარტყლო იარებოდა,  
 გიორგის გადმონავალზე ხე აღვად ამოდოდა,  
 მაგის შემცოდე ქალ-ვაჟი უდროოდ დაშავდებოდა“.

ქორბელელას ხალხიც მიჰყვა, რადგანაც მათი რწმენით, ვინც  
 ქორბელელაში არ ჩაებმის, ხატი დაამიზეხებსო. ქორბელელა ხატის  
 კარებამდის მწყობრად და დაუშლელად უნდა მივიდეს, რა გინდ  
 ცუდი და გრძელი გზა არ უნდა იყოს გასავლელი. ხატის კარებ-  
 თან ქორბელელა სამჯერ შემოტრიალდება და დაიძახებს: „გწყა-  
 ლობდეთ ლაშარის ჯვარიო“ და იქვე დაიშლება. შულტა სადგეა-  
 ნოზოდან ლუდს გამოიტანს და ჯიხურით ქორბელელას შემსრულე-  
 ბელს შეასმევს. ამის შემდეგ მლოცავი აიშლება. ყველანი ცხენებს  
 კაზმავენ, ბარგს ალაგებენ და მიდიან. ახალგაზრდობა ცხენებს  
 აჯირითებს. წინათ ხატში ქადაგად დაცემა აქაც სცოდნიათ და ქა-  
 დაგიც ხატის ნებას წინასწარმეტყველებდაო.

ათნიგენობას ასეთივე ხატობა 27 ივლისს სოფ. ქუმელაურ-  
 თაშიაც გაიმართა „შაფურთის გორაზე“. შ ა ფ უ რ თ ი ს ხ ა ტ ი  
 ფიქვნარშია მოთავსებული. აქ ერთ დიდ ფიქვის ხესთან პატარა





ქორბედელა ლაშარში

ყორეა ირმისა და ჭიხვის რქებით შემკული. ეს შაფურთის ხატია. შუადღისას მლოცავი ამ ტყეში შეგროვდა და ხელოსანიც მხვეწარის დამწყალობებას შეუდგა. დეკანოზი ფიჭვის ხესთან იდგა ხელში ანთებული სანთლით. მასთან შეხვეწილები მიდიოდნენ ხელში საწირით, რომელიც შედგებოდა ორი კვერისაგან, ერთი სამკუთხედი და მეორე კი ჩლიქისებური, „ბაცუკა“, საქონლის მომრავლებისათვის. ხელოსანი მლოცავს ამწყალობებდა და ანთებულ სანთლებს ფიჭვზე აკრავდა. ყველანი ერთმანეთს სთავაზობდნენ სახედაშე არაყს და მისალმებისას ამბობდნენ: „წყალობა ხატისა!“ გაიშალა სუფრები. ქალები ცალკე და მოშორებით დასხდნენ და ცეკვა-თამაში გააჩაღეს, კაცები კი ხატთან დაბანაყდნენ. ერთმა ჩონგურზე დაუკრა და ტკბილის ხმით დაამღერა ალუდა ქეთელაურისა და კოპალა-იახსარის ლექსი. ახალგაზრდობა ქალებისაკენ მიიწევდა. მოხუციანი მათ ამას უშლიდნენ, რადგანაც წინათ ქალებში გარევა და თამაში აკრძალული ყოფილა. მაგრამ შეზარხოშე-



ბული ახალგაზრდობა მაინც იჭრებოდა ქალების წრეში და იქვე კურს უვლიდა.

ამას ჩქარა ცხენების რბევა მოჰყვა. ხატიდან 50 მეტრის დამორებაზე ტყის ბილიკის თავზე დედაკაცები დაირაზმენ და გზა შეკარეს. ხელში მათ ეჭირათ გრძელი ჯოხები და შოლტები. ხატთან ცხენოსნები შეჩვეულდნენ და ერთბაშად ქალებისაკენ გაჰყვნენ, რომ მათი წრე გაერღვიათ და გამარჯვებული გასულიყვნენ. დედაკაცებმა ასტეხეს საშინელი ყოყინა და ცხენებს შოლტები დაუშინეს. შეიქნა ერთი ორომტრიალი. ცხენები დაფრთხნენ და ყალყზე შედგნენ. ზოგი უკან გამოიქცა, ზოგი ტყის ფერდობზე დაქანდა, მაგრამ ცხენოსნობაში გაწვრთნილი თუშები გახელებულ ცხენებს უშიშრად აჰყვნებდნენ.

ამ პირველ შეტევას მეორე და მესამეც მოჰყვა. ქალები შოლტებს ისევ მაგრად სცემდნენ. ვაჟაკურად იბრძოდნენ და მოზღვავებულ ცხენოსნებს იგერიებდნენ. დამარცხებული ცხენოსნები კი უკანვე გარბოდნენ. მეოთხე შემოტევისას დედაკაცების ეს მაგარი წრე ცხენოსანთა ერთმა ჯგუფმა გაარღვია და სოფლისაკენ გაჰყნდა.

პირველად გასულ მხედარს „ერთი ჩხუტი“ (სუფრა) ეძლევა და მას სოფელი პურ-არაყ-ლუდით უმასპინძლდება. დედაკაცებმა ახლა ჯოხები დაყარეს, წრე ისევ შეკრეს და შემოტეული ცხენოსნების ხელით დაჭერა იწყეს. დედაკაცები ცხენოსნებს ერთბაშად მისცივდებოდნენ, ხელს წაავლებდნენ ლაგამზე, უნაგირზე, ცხენის ფაფარზე თუ სხვაგან და დიდის ბრძოლით მხედარს ცხენიდან ჩამოათრევდნენ. მხედარი უძალიანდებოდა და ამგვარად იმართებოდა ხელჩართული ბრძოლა, მაგრამ ამ ბრძოლაში დედაკაცები იმარჯვებდნენ, მამაკაცებს ცხენებიდან ჩამოათრევდნენ და იქვე, ტყის ფერდობზე ცალი ფეხით ჩაათრევდნენ და ამას „ჩათრევას“ უწოდებდნენ. არცერთ მამაკაცს ქალები ჩაუთრევდნენ არ ატარებენ, რადგანაც მათი რწმენით, ასეთ პირს ხატი დაამიზებებსო. ვინც ბრძოლის გუნებაზე არ იყო, ის ცხენიდან ჩამოდიოდა, ფეხით გაივლიდა. დედაკაცებსაც ნებდებოდა და მას იქვე ჩაათრევდნენ.

ჩათარაც დასრულდა. დედაკაცები დაიშალნენ და ხალხი სოფლისაკენ დაიძრა. ქუმელაურთაში დაირეკა ხახმატის ჯვრის ზარი და ხალხიც სალოცავად აქ ავიდა. დეკანოზმა მხვეწარი დაამწყა-



ლობა, საკლავები დაიხოცა. ხალხი გაიძახოდა: „წყალობა ხატისა, შეგეწიოს!“ ტარკოშით ლუდი ჩამოარიგეს და გაიმართა „ქორბელეა“. ხატიდან ქორბელეა სოფლისაკენ დაიძრა, მას შემოუარა და სოფლის მოედანზე დაიშალა. ამას მოჰყვა ცეკვა-თამაში, სტუმრების ოჯახებში დაწვევა და ვახშმობა.

მამაკაცების ჩათრევა აქ სხვა სოფლებშიაც იციან. ჩიგლაურთაში ათნივენობას (წმ. გიორგი) დედაკაცები მამაკაცს ჩათრევენ და ის ამხანაგებმა ქვაბ-საკლავით უნდა გამოისყიდონ. სოფ. ილიურთაში ხატობას სტუმრის მოტაცება და დათრევა იციან. ქალები სტუმარს მიეპარებიან და თუ ის მარჯვენაზე გადაათრის, მისპინძელმა სტუმარი ქვაბ-საკლავით უნდა გამოისყიდოს.

მესამე ხატობა, რომელსაც მე დავესწარი 9 აგვისტოს (ახალი სტილით), იყო ჭონთიოს ნათლისმცემლობა. ეს ხატი მოთავსებულია ჭონთიოში ადგილ „მადოლზე“ და მას მადოლის ნათლისმცემელს უწოდებენ. მისი ნიში დანგრეულია, დროშა ინახება ნასოფლარ ჰელოს ციხეში. ხატობის წინ დეკანოზი ამ დროშას ჩამოიტანს და მადოლზე დაასვენებს. პირიქითის ხეობის მხვეწარი აქვე გროვდება და ნათესთან მოაქვთ საწირ-სანთელი, რომელიც ხალხს ამწყალობებს: „დიდებო ღმერთსა, მადლი ღმერთსა! ღმერთო, გაუმარჯვე ღმერთსა კვირაისაო. ღმერთო, გაუმარჯვე დღესა დღევანდელსა! თქვენ გეხვეწებით, თქვენ გევედრებით, დიდო ღვთის შვილებო, დიდად სადიდებელო, ძვირად საკსენებელო, თავი დაბლითა, გული სიმართლითა. თქვენთვის შემოუწირავთ სანთელ-ზედაშეი, თქვენ მორიგე ღმერთს შესწირავდითაო, წყალობა გამოუთხოვიდითაო, ჯვარ დაუწერიდითაო კაცსა, საქონელსაო, დიდსა და პატარასაო, ორფეჯსაო, დნეხშველენითა და დნეხხმარენითაო, სადაც მოგეჯსენდებათ გაჭირვებულნი. თის ნაქარი, ჭალას ყირვან მანგშორდითაო, გაქლიბულ ისარ განგშორდითაო, გაქანებულ ცხენს მანგშორდითაო, აღვარებულ წყალ მანგშორდითა. ნუ დაუკარგიდით მტერთან ქირი, სწორთან სამართალიო, კაბის კალ-

თის ქვეშ მხეფარებდითაო გეყმობითა, გემსახურებდითაო. ცხვარს ცხვრის კრავს მოუმატებდითაო, ფურს ფურის კბოს მოუმატებდითაო, ქალს ქალიშვილს მოუმატებდითაო, წულს წულტოლს მოუმატებდითაო! დასასრულ, დეკანოზი ზედაშეს მოსვამს, სანთლით საკლავს შუბლს შესტრუსავს და ყელს გამოსჭრის. მლოცავი დაიძახებს: „იოანე ნათლისმცემელი შეგეწიოს, წყალობა მოგეცეს!“

ამავე დღეს პირიქითელები ნათეობასაც იხდიან, რადგანაც ზამთარში ისინი ბარში ჩადიან და საშუალება ესპობათ იანვარში ნათეობა აქ შეასრულონ. ამისათვის ნათეებმა აქ მოტანილი არაყი და კვერები მოაგროვეს, რომ ნათეობის ვახშამი გამართონ. დამწყალობების შემდეგ ჭონთიოს სერზე სუფრები გაიშალა, გაიმართა სმა და ლხინი. აჭიდავეს შამილი და შეთე. შამილი გადაცმული იყო ქისტურად, შეთე კი თუშურად. ორივე შეიარაღებული იყო ხის ხმლებით. შეთეს გულზე ეკიდა ჩვრის „მენდლები“ და მხრებზე ჩინები ეკრა. ორივენი ხის ხმლებით იბრძოდნენ, მაგრამ გამარჯვება ამ წელს შეთეს დარჩა. ზოგჯერ თურმე შამილი იმარჯვებს. შამილისა და შეთეს ასეთივე შებრძოლება ფარსმავიაც იციან. გამარჯვებული შეთე მხიარულობდა და ხუმარას როლსაც ასრულებდა.

მზის გადახრისას ნათემ დროში დააქლარუნა და ყველანი აიშალნენ. დაიწყო წილის ყრით ახალი ნათეების არჩევანი. კენჭს კანდილატებს უყრიან და ვისაც კენჭი ამოუვა, იმ წლის ნათედ მას ირჩევენ. არჩევანიც გათავდა. ახლა ქორბეღელა გამართეს, რომელსაც პურის კვერების სროლა მოჰყვა. კვერები პირველად ნათეებმა ესროლეს ხალხს, შემდეგ ყველანი მას მიჰყვნენ. კვერების ერთმანეთის დაშენის დროს ნათემ დრომას ხელი დაავლო, ცხენზე შეჭდა და გაჭენდა ჰელოსაკენ, სადაც დროშაც დააბინავა.

მლოცავი აიშალა და სოფ. გირევში ჩავიდა. აქ ძველმა ნათემ ნათეობის ვახშამი უნდა გამართოს. მაქალათებმა ხორცი მოხარშეს, ლუდი და საღმრთო პურები დაამზადეს და ხალხს კოდის ლოცვაზე დაუძახეს. ლუდიანი კოდი სანთლებით იყო გაჩაღებული, ნათეებმა კოდზე დაილოცეს და ამის შემდეგ ვახშამი გაიშალა. მწდეებმა ჩამოატარეს ლუდით სავსე ჭიკურაყები და ტარკოშები.



გირველი პატარძლები საწირით მოვიდნენ. მათ მიეგება ახალი  
გაზრდობა, დაფის დაკვრით და დიდის ლხინით მივიდნენ კოდთან  
და იქ ისინი ნათემ დაამწყალობლა. ხატობა მეორე დღესაც გაგ-  
რძელდა. ოჯახებში სუფრები გაიშალა და ყველგან სმა და ლხინია,  
გაიშართა თამაშობანი. მაქალათები ოჯახებში იპარებიან და ცდი-  
ლობენ, რამე მოიპარონ, მაგრამ პატრონი თუ შეასწრებს, მაქა-  
ლათს ფეხით ჩამოკიდებენ და ის დედამ და ძმებმა ქვაბ-საკლავით  
უნდა გამოისყიდონ, წინააღმდეგ შემთხვევაში, პატრონმა ჯარიმა  
უნდა გაილოს, რომ მოპარული ნივთი უკანვე მიიღოს. ამ დღეს  
სალუდებში თუ ვინმე შემთხვევით შევიდოდა, მაქალათები მას ჩა-  
მოკიდებდნენ და ის ქვაბ-საკლავით სოფელს უნდა დაეხსნა.

წინათ სადილზე მაქალათების დედას ვინმე ჩუმად ცხვრის  
ყვერებს ჩამოაკიდებდა თურმე. ამაზე დედა გაიბუტებოდა და  
სუფრიდან წავიდოდა. მასვე გაჰყვებოდნენ შვილებიც (მაქალა-  
თები). ლუდიანი ტარკოშით სთხოვდნენ დედას უკან გამობრუნე-  
ბას, მაგრამ ის უარზე იდგა, სანამ ახალ ტანისამოსს და შეკაზმულ  
ცხენს არ მიართმევდნენ. დედას ცხენზე შესვამდნენ და მუსიკით  
უკანვე აბრუნებდნენ. ამ დროს მას ვინმე მიეპარებოდა და ხურ-  
ჯინში ყოჩის ყვერებს ჩაუდებდა და დაიძახებდნენ: „ხურჯინში  
კაი საგზალი გაქვსო“. დედა ხურჯინში ჩაიხედავდა და ყვერებს  
ამოიღებდა. ამაზე ერთი ალიაქოთი ატყდებოდა და საქმის გასარ-  
ჩევად ბჭეებს ირჩევდნენ, რომლებიც მაქალათებს დედის დაუც-  
ველობისათვის ჯარიმად ქვაბ-საკლავს მიუსჯიდნენ.

მაქალათებმა გამართეს „ხინკლის ალების ღამე“. დაიდგა იმ-  
დენი სუფრა, რამდენიც მაქალათია და ამ სუფრაზე ეწყო: ყველი,  
ხინკლები, ცოტა მატყლი, ხორცი და სხვა. თითოეული მაქალათი  
ამ სუფრას სამჯერ შემოუჯლის და სუფრასაც აიღებს. ამით თავ-  
დება მაქალათის წლიური ჯერი და სამსახური.

ათნიგენობას თუშეთში გადმოდიან ხევსური დეკანოზებიც, და-  
ახლოებით ივლისის შუა რიცხვებში და აქ ხალხს ამწყალობებენ.  
ხევსურეთიდან გადმოდიან კარატიონი და ხახმატიონი დეკანოზები,  
ცალ-ცალკე ჯგუფებად, და დგებიან თავიანთი ხატის ნიშთან. ხევ-  
სურეთის ხატები თუშებს სწამთ და მათ დეკანოზებსაც აქ ძლიერი  
გავლენა ჰქონია. გაჭირვების დროს თუში იტყვის „კარატის ჯვარო,

დამწერ ჯვარიო“. ხევსური დეკანოზები თუშებს თურმე არწმუნებენ, ჩვენი გმირი კოპალე ამბობსო: „თუშეთში წაგვიყვანე და იქ მლოცვეთ ტოლ-ამხანაგებთანო“. ჩვენი ხატები ძალას გვატანენ, ხევსურეთში მარტოობით შევწუხდით და ჩვენ ძმებთან — თუშებთან გაგვატარეთო. ხატების ეს ნება თუ არ შევასრულეთ, ისინი გაჯავრდებიან და დაგვაშიზებენო.

ხევსურები და თუშები ერთმანეთს ბიძაშვილებად თვლიან და როცა გზაში შეხვდებიან, ასე ესალმებიან: „გამარჯობა, ბიძაშვილო“. ომისა და ლაშქრობის უამს თუშები იწვევდნენ ხახმატის დეკანოზებს, რომლებიც ლაშქარს თურმე წინ მიუძღოდნენ.

ხევსურულ ხატებში თუშებს განსაკუთრებით სწამთ კარატისა და ხახმატის ჯვარი და ამ ორ ხატს თუშეთში ყველგან თავიანთი სალოცავი ნიში აქვს აგებული. ხატისაგან დამიზებულნი, მკითხავის რჩევით, ხშირად ამ ხატებს ევედრება და საწირ-სანთელსაც შეუთქვამს. მაგრამ ხევსურეთი შორი და ძნელი მისავალი კუთხვა და მლოცავს ეძინება თუშეთიდან კარატში და ხახმატში გადასვლა. ამიტომ ამ ხატის დეკანოზები თუშების დასამწყალობებლად ათნიგნობას აქ გადმოდიან და გომეწრის ხეობიდან დაწყებული მთელ თუშეთს დროშებით შემოივლიან. სოფელში მისვლისას კარატისა და ხახმატის დეკანოზები თავიანთ ნიშთან დგებიან და დროშების ელარუნით ხალხს ამცნობენ ხატების მობრძანებას. შეხვეწილები საწირ-საკლავით მიდიან და მათ იქ დეკანოზები ამწყალობებენ. საკლავსაც აქვე დახოცავენ. დეკანოზს ეძლევა მისი ბექტყავი და თავ-ფეხი. ვისაც ავადმყოფი „შეშინებული“ ჰყავდა, „დასაკოჭაღ“ მიჰყავდა. ავადმყოფს ხატის წინ აჩოქებენ და მას დროშების ელარუნით დეკანოზები სამჯერ შემოუვლიან. საკლავსაც იქვე დაკლავენ და მისი სისხლით დაკოჭილი მარჯვენა ხელს განიბანს.

ზოგი თუში დეკანოზს სახლსაც აკოჭინებდა. სნეულ ოჯახს მკითხავი ეტყოდა, უწმინდურ დედაკაცს ოჯახი შეუბღალავს და თუ გინდათ ფათერაკი მოიშოროთ, ხევსურ დეკანოზს სახლი დააკოჭინეო. დეკანოზი დროშის ელარუნით დასაკოჭ სახლს სამჯერ შემოუვლიდა, შემდეგ ბანზე ავიდოდა და დროშას გადმოაყუდებდა. ცხვარსაც იქვე დაკლავდა და ბანიდან ძირს გადმოაგდებდა. დაკოჭილ სახლში თვიურიან დედაკაცს არ უშვებდნენ.

ვისაც ბევრი ცხენი ჰყავდა, ხევსურ დეკანოზებს ცხენის ჯოჯით მიეგებებოდა და ავთვალის წინააღმდეგ აკოჭინებდა. ამის შედეგ კარატიონი და ხახმატიონი დეკანოზები, საწირ-საკლავით აზურგულეები, რომლებსაც თან მიჰქონდათ აუარება ტყავი, ბორცი, პური და სხვა, უკანვე ბრუნდებოდნენ გომეწრის ხეობით და აქ დგებოდნენ ჭავჭავს (ვეძის თავში) მინდორზე, სადაც კარატიონი და ხახმატიონები შეიყრებოდნენ, და იმართებოდა დიდი ხატობა.

წინათ დეკანოზების გადმოსვლას მღვდლები თურმე ეწინააღმდეგებოდნენ, რადგანაც ამით მღვდლებს შემოსავალი უმცირდებოდათ. მაგრამ ხევსურები 1929 წლამდე თავისუფლად გადმოდიოდნენ თუშეთში და საწირ-საკლავსაც ეზიდებოდნენ. ამ წლიდან კი ადგილობრივმა ხელისუფლებამ ხევსური დეკანოზების ეს გაატროლიორობა აკრძალა და ისინიც არ გადმოსულან.

ამ დიდ, მთავარ ხატებთან თუშეთში მრავალი პატარა ხატ-სამლოცველოა, რომლებსაც ადგილობრივი მოსახლეობა თაყვანსა სცემს. ასეთია ომალოს „მარიამწმინდას“ ხატი, რომლის ნიში 1903 წ. აუშენებია პეტრე მოზაიძეს. აქვეა ფიჭვის დიდი ფულურო ხე, სადაც თურმე ხატის განძეულობა ინახებოდა. ხატის ამ ხის ხელის ზღება აკრძალულია. ხალხური თქმულებით, ერთხელ რუსის ჯარს ამ ხის ტოტის შეჭრა განუზრახავს, მაგრამ ხატს იქვე გაუშეშებიაო. ამ ხატის უკან ფიქალი კლდეთა, რომელიც ხატის საკუთრებად ითვლება და მისი დაშლა-გამოყენებაც მორწმუნეს ეკრძალება. მოზაიძეს სახლისათვის ქვა დასჭირებია, საკლავი დაუკლავს და მარიამწმინდის ხატისათვის ნებართვა უთხოვია. მოზაიძეს სახლი აუშენებია და მადლობის ნიშნად აქ ხატის დარბაზი აუგია. ამ ხატში დაცულია ლითონის უბრალო თასები და ერთი სპარსული სტილის ზარი, რომელიც შემკულია ვერცხლის ზარნაშინი წნულებით და ადამიანის ფიგურებით. ომალოშია ხატის ტყე, სადაც მოთავსებულია მთავარანგელოზის ხატი. ხატის ამ ტყის მოჭრა წინათ სასტიკად ყოფილა აკრძალული, დღეს კი ამ ტყიდან შემას თავისუფლად ეზიდებიან.

შენაქოში რამდენიმე ხატია. აქ არის კურეხის ჭვარი, რომლის ნიში დაშლილია. კურეხის ხატს ვაჟიანობას შესთხოვენ და ვისაც ვაჟი გაუჩნდება, საწირით და კურატით იქ მიდის და მას მადლობას სწირავს. შენაქოშია ნივრის ჭვარი, რომელ-

საც დამიზეზების შიშით დედაკაცი ვერ გაეკარება და თუ მივიდა, ხატი გაჯავრდება და ავდარი სეტყვით მოვაო. შენაქოს მანლობ- ლად ა გ ე ვ რ თ ი ს ნასოფლარია, სადაც დაცულია ა გ ე ვ რ თ ი ს ხის ხატი, რომელიც ირმისა და ჭიხვის რქებითაა შემკული. ვისაც ვაჟი არ ებადება, სალოცავად იქ მიდის და ამ ჭვარს ვაჟიანობას შესთხოვს. ხატობა დღეს სახვეწრად მოსულ უძეო მამაკაცს ბიჭე- ბი გაიტაცებენ და აგვერთის ჭვრიდან ჩაათრევენ ირმის რქებით მორთულ ყორზე. აქ მას დეკანოზი დაამწყალობებს და ვაჟიანო- ბას უსურვებს.

დართლოში რამდენიმე ხატია. სოფლის თავზე მაღალო- ე ლ ი ს ხატია და ამ ბატონს მაღალოელს (ღვთისმშობელია) მხო- ლოდ ბატკნებს სწირავენ. მეორე ხატი აქ შ ა რ ი ა მ წ მ ი ნ დ ა ა და მას დეკელის პირველ ხბოს სწირავენ. როდესაც ხბო ცხრა დღის ვახდება, ამ ხატში დაკლავენ, რადგანაც, ხალხის რწმენით, ეს ხბო მაინც არ გაიზრდება. დართლოშია ი ა ე კ ს ა რ ი ს ძლიერი ხატი, რომელიც ჭიხვის რქებით არის შემკული.

ფარსმაში ორი ხატია. ერთი ხატი ირმის წყაროზეა და მას მი- ქელგაბრიელს უწოდებენ. ამ ხატის ნიში სვეტისებურია და მას ქვეკაცს ეძახიან. მეორე ფარსმის წმ. გიორგის ხატია, სადაც ნ ა გ ვ ი ს ტ ო ს (ახალი სტილით) ათნიგენობას იხდიან და შეთესა და შამილს აჭიდავენ. ამავე ხეობაშია თ უ რ ს ი ე ხ ი ს ცნობილი ხატი. თურსიები ჭონთიოდან ოთხი კილომეტრითაა დაშორებული. ეს ფურების ხატია, შეხვეწილი დედაკაცები ამალღების მეორე კვირას საწირ-საკლავით იქ მიდიან და ევედრებიან საქონლის მო- მრავლებას, ფეხმძიმის „მშვიდობის მუხლის მოგებას“ და სხვა.

გომეწრის ხეობაში ამგვარ ხატებს შორის საყურადღებოა ჭვარბოსნულში დაცული ვ ი თ ა ნ ი ს წ მ. გ ი ო რ გ ი. აქ ხატის ორი სვეტისებური ფორმისა და ირმის რქებით შემკული ნიშია. აქ წინათ გომეწრის საზოგადოების მთავარი სალოცავი ყოფილა და ათნიგენობის ერთ ორშაბათს დიდი ხატობა იმართებოდა. ვი- თანობა ახლა მივიწყებულია და მხვეწართა რიცხვიც მცირეა.

ძველ წოვათაში დღეს დაცულია ს ა მ ე ბ ი ს წ მ. გ ი ო რ გ ი ს ხ ა ტ ი. ეს ხატი პატარა ბორცვზეა აგებული და წარმოადგენს თალიან ბაწია ოთახს, სადაც წოვების ახლად შემოსილი ორი დრო- შა ინახება. ეს დროშა ჩვეულებრივი თუშური ტიპისაა. სამების



ხატი წოვებს ძლიერ სწამთ. მისი ნიში ტბათანაშიც არის დაცული.  
შეხვეწილი წოვები სამების სალოცავად ათნიგენობას ტბათანიდან  
წოვათაში გადადიან და ამ მამაპაპური ხატის წინაშე ლოცულობენ.  
წინათ წოვათში აგრეთვე ყოფილა ეთელტისა და ფიწალოს წმ.  
გიორგის ხატი, რომლის სახელით წოვები ფიცულობდნენ: „აგა-  
შოროს ჭირი ფიწალოს წმ. გიორგიმ!“ წოვების ძლიერ ხატად ით-  
ვლება აგრეთვე „სკეროზის წმ. გიორგი“, რომლის ნიში  
ტბათანის გაღმა სკეროზის მთის ძირშია მოთავსებული.

საღმრთო რიტუალს წოვებში იგივე ხელოსნები და ნათეები ასრულებენ ჩვეულებრივი თუშური წესებით. ხელოსანი მხვეწარს ქართულად ამწყალობებს. ზოგჯერ ის წოვურადაც დაილოცება: „დაღე, ლამრე წიბორე, ლეტლე ვაან, რჯულსაქრისტიანუან! ვაი დაჩუამონ, ვაი ბეწჩუამონ წყალობ ლიბ! ჰამინ!“

„ღმერთო, მთის წმინდანებო, უშველეთ ჩვენ რჯულსაქრისტიანოს! ჩვენი ანებს (იმათაც), ჩვენ რომ ვუნდივართ (ა) წყალობა მიეცი(თ)! ამინ!“<sup>1</sup>

დღეს წოვა თუშებში ხელოსნობა, ნათეობა და ხატის მსახურების რიტუალი უკვე მივიწყებულია, წინათ კი წოვათაში სამების წმ. გიორგობას მრავალი მლოცავი თურმე ეტანებოდა, რომელიც მშვენივრად აღწერილი აქვს ივ. ბუჭურაულს თავის საყურადღებო წერილში „ტბათანიდან წოვათამდე“ (ეურ. „მოამბე“, 1897 წ., № 9, გვ. 41—53).

დასასრულ უნდა აღვნიშნო, რომ თუშეთში ამ საკულტო ადგილების სიწმინდე დღეს შებღალულია. ცრუმორწმუნეობის ბურჟუაზი დღევანდელი პოლიტიკურ-ეკონომიკური მშენებლობის ზეგავლენით უკვე გაფანტულია და აქაურ ახალგაზრდობას ხატი და ხატობა შეგნებულად არა სწამს. დღეობებსაც უფრო გართობის მიზნით ეტანებიან, სადაც იმართება ცეკვა-თამაში, ცხენების ჭირითი, მხიარული სუფრა და სხვა. მთებში მომწყვდეული ახალგაზრდობა კულტურულ გართობებს გერჯერობით მოკლებულია და იძულებულია თავი შეიქციოს ამ ცრუმორწმუნეობით გაჟღენთილი ჩვევებით.

<sup>1</sup> თარგმანი რედაქტორისა.

თუშეთის შემსწავლელი ექსპედიცია შედგებოდა სამი პირისაგან: ექსპედიციის ხელმძღვანელი სერგეი მაკალათია, ხალხური სიტყვიერების შემკრები და ჩამწერი თუში მასწავლებელი ირაკლი ელანიძე და მხატვარი გ. ცაგარელი. ექსპედიცია ტფილისიდან გავიდა 7 ივლისს, ღამის პირველ საათზე, კახეთის მატარებლით და 8 ივლისს დღის 9 საათზე თელავში ჩავიდა. თელავიდან ექსპედიცია ეტლით სოფ. ფშაველში გაემგზავრა.

თელავიდან ფშაველამდის ოთხი საურმე გზაა: პირველი, თელავი—ახმეტა—ბახტრიონი—ალვანი—ლალისყური—ფშაველი. ეს გზა გრძელია, 45 კილომეტრია, ალაზანზე ხიდი არ არის და საშიშია; მეორე გზა, თელავი—ვარდისუბანი—ალავერდი—ალვანი—ლალისყური—ფშაველი, 28 კილომეტრია, ალაზანზე ხიდი არ არის და ესეც ძნელი გზაა; მესამე მოკლე გზაა, თელავი—ყარაჯელა (ახატელი)—ფშაველი, 18 კილომეტრია, მაგრამ ალაზანზე ხიდი არც ამ მიმართულებით არის. მეოთხე გზა თელავიდან ვადის ალაზნის გზატკეცილით ხიდზე და სოფ. შაქრიან—ნაფარულ—სანიორეთი მიდის სოფ. ფშაველში. გზის მანძილი 25 კილომეტრია, ალაზანზე ხილია და გზა უშიშარი. ამ გზით ექსპედიცია სოფ. ფშაველში დღის ორ საათზე ჩავიდა. ეს ბოლო სოფელია და აქედან იწყება თუშეთის გზაც. ექსპედიცია შეუდგა ცხენების შოვნის თადარიგს.

9 ივლისს, დღის ხუთ საათზე, დაბარგული ცხენებით ექსპედიცია ფშაველიდან გავიდა და მდინარე სტორის ხეობით თუშეთის გზას გაუდგა. საღამოს ჩავედით სოფ. ლეჩურში, სადაც გადმოსახლებული ფშაველები ცხოვრობენ.

ლეჩურიდან თუშეთისაკენ ორი გზა მიდის: დიდგვერდ-ნაქერალისა და კეპნის გზა. პირველი შედარებით უკეთესია, მეორე კი უფრო მოკლეა, მაგრამ ძნელი გასავლელი. ექსპედიცია ამ გზაჯვარედინ სოფელში შეჩერდა. გაიმართა თათბირი გზის არჩევაზე.

წინასწარ შემუშავებული გეგმით, ექსპედიცია უნდა გამგზავრებულიყო დიდგვერდ-ნაქერალის გზით, მაგრამ აქ შემოგვეყარნენ თუში მგზავრები. რომლებიც კეპანზე მიდიოდნენ და გვირჩიეს ამ გზით გამგზავრება. ამასთანავე გვაფრთხილებდნენ, ნაქერალაზე

მოსალოდნელია ბანდიტ-ყაჩაღების თავდასხმაო. ამან ექსპედიცია დააფიქრა და თუშებთან ერთად კეპნის გზას გაუდგა.

სალამოს 9 საათზე დავბინავდით ტყეში „კიდუკის ბოლოზე“. ცა მოიღრუბლა. გავშალეთ კარავი. შუალამისას ქუჩუნა წვიმა დაუშვა. გათენდა. ღრუბლის ნაფლეთები ირევიან. დილა ნისლიანია. ექსპედიცია შეუდგა გამგზავრების თადარიგს: ცხენები დაიკაზმა და დაბარგულეები კეპნის წყლის ხევით გზას გავუდექით. ბილიკი დაკლავნილია, დასხლეტილი და ლადალუდა.

მალე დაუშვა კოკისპირული წვიმა. მივდივართ ფორთხვით და ხოხვით. გზის გაგრძელება შეუძლებელია და დავბანაკდით ორწყლის დავაკებანზე, სადაც კეპნის წყალს აბანოს წყალი უერთდება. მას აქ ორწყალს უწოდებენ. გაიშალა კარავი და დაწუწულები გუცდით გამოდარებას.

უკვე დღის 11 საათია და არ დარობს. თანამგზავრი თუშები არ იცდიან, გვაჩქარებენ, რომ ღამის ბანაკზე დროზე მიგვესწრო. ისევ ავიბარგეთ და თავსხმაში შევუდექით კეპნის გადასვლას. დაკლავნილი ბილიკი ლიპია და ძნელი გასავლელი.

გავიარეთ 7 კილომეტრამდის და კეპნის ტყეში „წყაროსთან“ ხმა გაისმა: „რუკი ვერხო“. მგზავრები გავშეშდით. წინ გადმოგვიდგა თოფმოღერილი ყაჩაღი. მან დაუშტვინა და სხვებიც გამოჩნდნენ. მოვიდა მათი ბელადი ვალი. ეს ტიპიური ლეკია, ხანშიშესული და მრისხანე. მას ახლდა თავისი ახალგაზრდა ქალიშვილი ვაჟურად გადაცმული და შეიარაღებული.

ყაჩაღი ოთხია და ოთხივე დიდოელი. გავგჩხრიკეს. ჯიბე-უბეში რაც რამ გვებოდა, წაგვართვეს. ფული გასინჯეს და იცოტავეს. ვალმა ჩვენი ვინაობა გამოიძია. ვალი ყოფილი ნაიბი და ნამამასახლისარია. ძლივს ახერხებს ქართულ-რუსულ ლაპარაკს. გვისინჯავს საბუთებს და თან დახოცვით გვემუქრება.

ყაჩაღებს ჩვენი ბარგი კოოპერატივის საქონელი ეგონა, ჩვენ კი საგანგებო დავალებით მივლენილი მოხელეები. ყაჩაღებმა ბარგი გახსნეს, რაც მოეწონათ, ამოალაგეს და წაიღეს. შემდეგ ბარგი ისევ შეგვაკვრევენ და ცხენებზე ავკიდეთ. გვეგონა, გვისტუმრებნო და ცოტაოდენი შეება ვიგრძენით. მაგრამ ამაოდ. ახლა ფული მოგვთხოვეს.

მძიმე იყო ექსპედიციისათვის ამის შესრულება. ეს ნიშნავდა



ექსპედიციის მუშაობის ჩაშლას და ხელცარიელი უკან დაბრუნებას. ფულის არ მიცემაც საბედისწერო იყო. ფული კი ყუთში გვექონდა ჩაკეტილი.

ფული თან არა გვაქვს, ვუპასუხეთ ჩვენ, ფოსტით უნდა მივიღოთ. ამაზე ვალი გაცეცხლდა. ბრძანა ყუთი გაგვეხსნა. გასაღები ვერ მოვხელე დ ყუთიც თოფის კონდახით ჩაღეწეს. მაგრამ ვადა-მალული ფული მაინც ვერ იპოვეს.

აბა ახლა ხევში ჩადით, ბარგიანი ცხენები აქ დატოვეთ და სანამ ფულს არ ჩავვაბარებთ, მანდ იყავითო. თან თოფებით გვიტყვენ.

ჩემმა თანამგზავრმა ირაკლი ელანიძემ წამჩურჩულა: ხევში ჩასვლა სიკვდილის ნიშანია, მე თუში ვარ და ვაქვაცურად უნდა მოვეკდეო. თქმა და რევოლვერის ამოღება ერთი იყო. ნიშანში ვალი ამოიღო, ჩახმახი ამუშავდა, მაგრამ დანესტიანებული საბედისწერო ტყვია არ გავარდა. თუშს რევოლვერი ყაჩაღებმა გამო-სტაცეს, დაითრიეს და სცემეს. კოკისპირული წვიმაა. ექსპედიცია მძიმე წუთებს განიცდის.

ამ დროს ტყეში გაისმა მგზავრთა ხმაური და ცხენების ჰიხვინი. ყაჩაღები შეშფოთდნენ. ერთმა ყაჩაღმა მგზავრები შეაყენა. ესენი კახეთში მიმავალი თუშები იყვნენ და კეპნის ეს გზა უნდა გაეცლოთ.

ერთი თუში ჩვენსკენ გამოემართა, მიესალმა ვალის და დიდოურად დაუწყო საუბარი. მოკლე თათბირის შემდეგ, მძიმე პირობებში შესაძლებელი შეიქნა ჩვენი განთავისუფლება და ნაშუადღევის სამ საათზე გაძარცული და შეშფოთებული ექსპედიცია შეუდგა კეპნის აღმართის გადალახვას<sup>1</sup>.

სალამოს 6 საათზე დავბანაკდით „თიბელანთ საპარსავზე“. ამინდი ცრიაკია და ცივი. ღრუბლებში მოჩანს ყორნის მთა, განჯაურა და ფურთყალო. გათენდა. ძლიერი ჭანდია. ცივა. დილიდანვე შეეუდქით კეპნის გადასვლას. შუადღისას შევისვენეთ ნაგომრალზე. ეს ალპიური ზოლია. მთის ჩახრამულებში თოვლი არ გამდნარა. მდელი ნორჩია და მინდვრის ყვავილებიც იშლება. გავი-

<sup>1</sup> ექსპედიციის გაძარცვის ცნობა თელავის პოლიტსამმართველოს იმავე სალამოს მელო და რაზმელები გაეგზავნა. რაზმელებმა კეპნის მიდამო შეკრეს და 17 ივლისს ოთხივე ყაჩაღი დახოცეს.



არით თოვლიანი სერები და ზეთავის გადასავალით ვუდგეკით კავკასიონის ქედის გადალახვას.

ზეთავის კლდოვანი მწვერვალი ძნელი გადასავალია, სიმაღლე უდრის 3101 მ. დღის პირველ საათზე ზეთავიდან დავეშვით ალატოვნის დაღმართზე. ალატოვნის თოვლით დაფარული სერები და ჩაზვავებული ხრამები აქ იწურება და მდინარე ალატოვნის ეს ნაკადები შხუილით ჩამორბიან.

ალატოვნით იწყება თუშეთის ტერიტორია. ცივა. დღის ორ საათზე ექსპედიციამ შეისვენა ალატოვნის ქოხთან და შემდეგ შეუდგა ალატოვნის ხორხზე გადასვლას. ეს ქედიც დაძლეულია და ახლა დაიწყო ქალჯვრის დიდი და ძნელი დაღმართი. წვიმს.

გავიარეთ საგველის ფერდობი და სალამოს 7 საათზე ჩავედით ნაციდურის ქალაში, სადაც ერთდებო ორი წყალი, ალატოვანი და წოხვა. აქ ხის ბილია. ღამის გასათევად ამ ნაციდურის ქალაში დაებანაკდით. აღარ წვიმს, მაგრამ ცივა. დაეანთეთ დიდი ცეცხლი. ვთბებით და ვშრებით.

12 ივლისს, დღის 7 საათზე, ექსპედიცია შეუდგა ნაციდურის მთაზე გადასვლას. შუადღისას გამოჩნდა თუშეთის სოფლები: ხისო, ნაციხარი და ჩიგლაურთა. ჩავედით ხისოს წყალში და იქ შევისვენეთ. ორ საათზე სოფ. ხისოში გავიარეთ, გომეწრის ალაზნის ხილზე გავედით და სალამოს 6 საათზე ომალოში ვიყავით.

ექსპედიცია სოფ. ომალოში დაბინავდა და ჩაღმის თემის ყოფა-ცხოვრების შესწავლას შეუდგა. მუშაობა გაგრძელდა ერთ თვემდე. აგვისტოს პირველ რიცხვებში ექსპედიცია სამუშაოდ პირიქითა ხეობაში გადავიდა. შემდეგ კი გომეწრის ხეობაში დაბინავდა სოფ. ჭვარბოსელში და აქედან აწარმოებდა წოვათის შესწავლას.

29 აგვისტოს წოვათუშების შესასწავლად ექსპედიცია ტბათანაში გაემგზავრა. სოფ. ალისგორიდან გზა მიდის ჭავახეზე, სწდაც ხევსური ღერანოზები ათნიგენობას დგებიან. გავიარეთ საქინჯვრის ხევი, დიდოთ ლელე, სადაც ხალხური გაღმოცემით, დიდოელები მდგარან, მთა საკერპო და მიჯნის ხევი, რომელიც წოვათას ჰყოფს თუშეთისაგან. დღის 4 საათზე ჩავედით ალაზნის თავში. დაებანაკდით ალვანის მესაქონლეთა კოლექტივის ბინაში. ეს მეცხვარის ჩვეულებრივი ქოხია. აქ წოვები გავვიმასპინძლდნენ. დაკლეს ბატ-



კანი, მოხარშეს გორდილა და მწყემსებმა გულუხვი და მზიარული  
 ვახშიში გამართეს. ცივა. ცეცხლთან ვთბებით. მწყემსებმა ფარა  
 მორეკეს და ქოხი მოსვენებას მიეცა. მეორე დღეს დილიდანვე  
 შევუდექით საყორნის მთის აღმართს, პირველ საათზე კავკასიონის  
 ქედის ეს გადასავალი გავიარეთ და წიფლოვანის ხევში დავეშვით.  
 გავედით წიფლოვანის წყალზე. ბილიკი მიდის წიფლოვანის ტყით  
 მასარის გადასავალზე. დღის ხუთ საათზე გავიარეთ რკინის შთა.  
 ამ კლდოვან მთას გასდევს ვიწრო დაკლაკნილი ბილიკი, რომელსაც  
 რკინის გზას უწოდებენ. ეს ბილიკი მეტად ძნელია და საშიში  
 გასასვლელია. აქედან მოჩანს მყინვარწვერი (ყაზბეგი). აქვეა  
 იორის სათავეც. გავიარეთ საქისტოს მთა და სალამოს 8 საათზე  
 ტბათანაში ვიყავით.

ტბათანა წოვების საზაფხულო სადგომია. აქ ვაწარმოებდით  
 მათი ყოფა-ცხოვრების შესწავლას. სექტემბრის პირველ რიცხვებ-  
 ში ტბათანა-ბირკიან-ბახტრიონის გზით ჩავედით ზემო ალვანში  
 და რვა სექტემბერს ალვან-ალავერდ-ვარდისუბან-თელავის გზით  
 ექსპედიცია ტფილისში დაბრუნდა.

### ბიბლიოგრაფია

1. ალბანელი — თუშეთის ორი გუჯარი, „კვალი“, 1897 წ., № 50—52. მისივე — თუშური სიმღერები, „კვალი“, 1897 წ., № 13—15, 17, 20, 23, 37, 49.
2. ბუქურაული ივ. — ტბათანიდან წოვამდე, „მოამბე“, 1897 წ., № VII, IX. მისივე — თუშების თქმულებანი მეფე ერეკლე II-ის შესახებ, „ივერია“, 1895 წ., №№ 118, 119, 121, 122, 125. ჩაწერილი ლექსები, „კრებული“, 1899 წ., № 11, განყ. 2; „ძველი საქართველო“, ტ. II, ტფილ., 1911—1913 წ., განყ. V.
3. გელოვანი — თუშ-ფშავერი ლექსები, „ენობის ფურცელი“, 1906 წ., № 2991, დამატ. № 376.
4. გომელაური ივ. — ხალხური ლექსები ჩაწერილი თუშეთში, „კვალი“, 1897 წ., № 29.
5. ვახუშტი, საქართველოს გეოგრაფია. ტფილისი 1904 წ.<sup>1</sup>
6. როსტომიშვილი დავ. — თუშური სიმღერები, „მოამბე“, 1895 წ., № 3; 1897 წ., № I—IV; 1896 წ., № XII.
7. ხახანაშვილი ალ. — მგზავრის დღიურიდან, (თუშეთი). გაზ. „ივერია“, 1888 წ., № 173, 177, 181, 185.
8. Буш — По горам и ущельям Хевсурии и Тушетии (Труды Имп. СПб. ботанич. сада, XXIII, 3).
9. Н. Я. Дивик — Путешествие по Пшавии и Тушетии, Зап. КОИРГО-ва, кн. XV. Тиф. 1893 г.
10. Цискаров И. — Записки о Тушетии, газ. «Кавказ», 1846 г. № 50, 1849 г., № 7, 8, 10—13; Дикло и Шенако, «Кавказ», 1846 г., № 27; Тушинские песни, «Кавказ», 1849 г., № 38; Кочующая Тушетия, «Закав. Вестник», 1846 г., № 20, 21.
11. Эристов Р. — Записки о тушинно-пшаво-хевсурском округе. Зап. КОИРГО, т. III. Тиф., 1855 г.
12. Сапаров — О тушинском овцеводстве, «Кав. Сельское хоз.», 1896 г., № 149.
13. Хаханов А. — Тушины. Этнограф. обозрение, 1889 г., № 2.
14. Мачабели М. В. — Экономический быт крестьян Тионет. уезда Тиф. Губ. (Мат. Экон. быта государ. крест., т. V. Тифлис, 1887 г.).

<sup>1</sup> ციტატები შემოწმებულია 1941 წ. გამოცემით: ვახუშტი, აღწერა სამეფოსა საქართველოსა (საქართველოს გეოგრაფია), თ. ლომოურის და ნ. ბერძენიშვილის რედაქციით, თბილისი, 1941 (რე დ.).

## შინაარსი

რექტორისაგან	. . . . .	3
წინასიტყვაობა	. . . . .	7
გეოგრაფიული მდებარეობა	. . . . .	9
ისტორიული შემოხილვა	. . . . .	16
ეკონომიურა მდგომარეობა	. . . . .	51
ხაზოგადობრივი ყოფა	. . . . .	94
ყოფის დამახასიათებელი რეაქციები	. . . . .	123
ხალხური ჩვეულებები	. . . . .	158
მიცვალებულის გახვეწების, ტირილიზა და გლოვის წესები	. . . . .	173
ცრუმორწმუნეობა	. . . . .	190
საკულტო ადგილ-ხაზლოცველოები და მათთან დაკავშირებული რიტუალები	. . . . .	202 ✓
ექსპედიციის მარშრუტი	. . . . .	223
ბიბლიოგრაფია	. . . . .	229



ს. ბ. № 509

რედაქტორი მარინე სობაძე  
მხატვრული რედაქტორი შ. დოლიძე  
ტექნიკური რედაქტორი ლ. ჭვარცხავა  
კონტრ.-კორექტორი თ. შინდავორიძე  
კორექტორი მ. შველიძე  
გამომშვეები თ. ბუღაძე

გადაეცა ასაწყობად 25.11.82 წ. ხელმოწერილია დასაბეჭდად  
13. IX. 82 წ. ასაწყობის ზომა 6X9. ქაღალდის ზომა 60X84<sup>1</sup>/<sub>16</sub>.  
ნაბეჭდი თაბახი 13,48. საბეჭდი ქაღალდი № 1. საღებავგატარე-  
ბა 14,76. სააღრ.-საგამომცემლო თაბახი 10,97.  
ტირაჟი 20.000. შევ. № 279  
ფანი 65 კაპ.